



8

4-F

117




~~8-4-F.117~~



N. Anquetin fecit

• BIBLIOTECA NAZ.
ROMA
VITTORIO EMANUELE •



IOANNIS
DE
BVSSIÈRES
BELLIOCENSIS,
è Societate IESV,
HISTORIA
FRANCICA:
PARS TERTIA,
A LVDOVICO XI. ad
CAROLVM IX.




LVGDVNI,

Sumpt. GVILL. BARBIER, IOAN. GIRIN,
& FRANC. COMBA, via Mercatoria,
sub signo Prudentiæ.

M. DC. LXI.
CVM PRIVILEGIIS.

BIBLIOTECA NAZ.
ROMA
VITTORIO EMANUELE



Series Regum Franciæ.

Ludouicus XI. Lib. 13. num. iij.

Carolus VIII. Lib. eodem, numero xxvj.

Ludouicus XII. Lib. 14. n. xv.

Franciscus I. Lib. 15. num. xxij.

Henricus II. Lib. 17. num. xxij.

Franciscus II. Lib. 18. num. xxj.

HISTORIÆ



HISTORIÆ

FRANCICÆ,

LIBER DECIMVS TERTIVS.



EXPEDITVM Carolum externo bello domesticæ turbæ implicuerunt. Et primùm duo Quæstores in quæstionem vocati: Alter Xantonus summus ærarij Præfectus, ob peculatum ad furcas damnatus, supplicium præsentem redemit pecunia, centum viginti millibus nummum persolutis; peruerso iudicio; quid enim reus tam leui pœna afficeretur, vel tam graui innocens? Alter Iacobus Cor priuatus Regis Quæstor, molestius supplicium luit. Ille ortu Bituricensis, sagaci & fœlici industria immensas opes collegerat, à Rege in Quæstorem lectus difficillimis regni temporibus, vt Regem sua iuuaret pecunia, potius Regiam quàm vt disponderet; In inuidiam propter diuitias vocatus, de nouo crimine postulatur, quod prohibitarum rerum institor Sultano Ægyptio nitratum puluerem & igniarias machinas vendidisset; quod seruum

CA-
ROIVS
VII.

I.

Xanton
Quæ-
stor po-
na affe-
ctus.

Iacques
Cœnr.

CA-
ROLVS
VL.

Christianum fugituum à barbaris , ad eodem remisisset ; addebatur appendix peculatus crimen ; easque ob causas Pictauij in carcerem trusus, in eum sententiâ iudicum damnatur perpetuum , facultatibus fisco additis, quæ procellam tam atrocem adduxerant. Nicolaus Pontifex , cui Iacobus notissimus erat, pro salute eius & libertate precatus, utramque perfecit: nec ipse liber suæ felicitàti, aut industriæ defuit. Nam in Cyprum profectus, & instituta mercatura, cuius callebat artem eximiè, breui pecuniâ plurimam cumulauit, & noua dignitate primam ignominiam extinguente, Christianum exercitum à Pontifice dictus Imperator duxit in Saracenos, & egregiam nauauit operam. Iacobus eius filius ad Insulas Bituricenses promotus est ; tanto munere piè, liberaliter, & religiosè perfunctus. Verum ea Regi leuior cura ; Delphini mores longè grauiori molestiæ erant. Porro Armaniacus Comes de Delphino cogitationem aliquantisper amouit. Ille bello Aquitanico re præclarè gesta, & de Carolo haud dubiè perbenè meritus, gratiam & beneficia in flagitia noua detorquebat ; primam supremi dominiij amentiam instaurans, ius Regium in Ecclesiæ beneficia vsurpabat, dixerátque Præsulem Augustæ Aufciorum, eo quem Rex designauerat repudiato ; præterea ingenti proborum offensione sororem habebat pro coniuge, legèque naturæ turpissimè violabat. Ideò laxæ maiestatis tam diuinæ quàm humanæ reus, & Pontifice apud Regem de incestu nefario expositulante, postquam admonitiones amicas contempsit, illicò gemino exercitu imparatus obruitur ; quorum alter per Rutenos ; alter per ipsos Armaniacos penetrans, ditionem subigit, & dictum à Rege Præsulem imponit Aufciis. Comes in Aragoniam profugus, imminenti periculo caput eripit. Tum

ad

Arma-
niacus,
pulsus.

Arch.

ad Delphinum curas & animum Rex protus intendit. Is antequam bellum in Anglos repeteretur, à Rege erat iussus in menses quatuor aulâ abesse. Causa variè scribitur; vel quod Agneti colaphum impegisset; vel quod Chabanio necem cuiusdam Aufici imperasset, quam recusasset is ut ignavum facinus exequi: sanè cum è patris cubiculo nudo capite, irâque feruidus prodiret, minatus est, per suum illud denudatum caput, ulturum se iniuriam in eos à quibus de suis laribus pelleretur, & continuò in Delphinatum secessit. Mox Anglico bello inflammato, adeò cum patre consilia non communicavit, ut cum Duce Sabaudia ipsi perinfecto fœdus arctius strinxerit, desponsâ etiam Carolâ illius filiâ; ducebatque exercitum in Sabaudiam Carolus, iamque ad Forisenses pervenerat, cum intercedente Etoteuilla Cardinalâ, Sabaudus in gratiam admissus est, & copiæ in Aquitaniam rebellantem missæ. Bello patrato non cessabat Delphinus molestiam patri multam facessere, aulam, Regiamque familiam arcanis consiliis conturbando; ut Rex in suspiciones longe pronior, iam fidem haberet nemini, sibi que in momenta vel venenum præbitum, vel illatum veneficium crederet. Duo nuper in suspensionem, atque adeò in pœnam vocati, quasi Regis animum allicere philtis contendissent; Otho Castellanus, Florentia natus, qui mancipatus est carceri perpetuò; & Guillelmus Gouferius cubiculo Regio Præfectus, qui aula pulsus est. Accesserunt querelæ, postulantium Delphini iniurias, à quo immoderatis tributis premebantur. Eas ob causas Rex ita impotens, Antonium Chabannium, Dammartini Comitem, iubet ad Delphinum ire, eumque perducere ad se, quâ viquâ gratia. Delphinus ea de re à Montalbano admonitus, pridie quam adveniret Chabannius, si-

CA-
ROLVS
VII.

*Del-
phinus
ad Bur-
gundū
fugit.*

*De
Chaban-
nes.*

CA-
ROLVS
VII.

Anno
1456.

mulans venationem, & venatoribus in designatum locum præmiis, ipse opposita via paucis stipantibus in Comitatum Burgundiæ quam ocylimè fugit, persequenti Cabanio vix elapsus. Præmiis extemplò à Burgundo Proceres, eum in Flandriam deduxerunt, ab ipso mox Duce perhonorificè exceptum. At Rex indignatus prædam effugisse, missò nuntio contumacem filium à Burgundo reposcit, qui se cum excusaret, ad civile bellum res vergebat, nisi Carolus prudentia vindictam temperans, maluisset inultam filij contumaciam, quàm nouo atque difficili bello, regnum cui esset pater inuoluere. Etenim ceu futuri præsaus Burgundum monuit, quòd canem aleret, qui vul-tum ipsi aliquando laniaret; siue vt ab aliis scribitur, quòd vulpem pasceret, voraturam olim ipsius gallinas: & Delphini indoles impleuit vaticinium. Interea agebat Genepi, quam villam ipsi Burgundus tradiderat; nec se eò mouit, donec pater è vitâ excessit; mutuis offensionibus per absentiam auctis, & naturam, Aulicorum arte offocante; quorum intererat dissensiones ali perpetuas.

II.

*Alen-
sonius.
prodi-
tionis.
dam
natur.*

At Regis animum nouus terror, noua iniuria implicabant. Dux Alensonius ob proditionem cum Anglo initam accusatus, & dignitate personæ, & sceleris grauitate percellebat omnium mentes. Ille Par Franciæ, atque è regio sanguine, multis in Anglos insignis facinoribus, cum Parisios ad Regem venisset, solemni Christi Corporis festo, à Dunense apprehensus est, & in custodiam datus. Continud crimina obiiciuntur; quod filio suo, Ducis Eboracensis filix nuptias comparasset, cum eo arcana iniuisset consilia, imò cum Rege, quem in Normanniam euocaret, pollicitus suas opes, vrbes atque potentiam adiuncturum. Et hæc quidem palam; at Regis odium diuturno igne in eum flagra-

bat;

bat; iam olim Alenfonius in Delphinum propensior, quem & de sacro fonte suscep-
rat, & defensione perpetua apud Regem in
Aulicos tuebatur, Regis animum exacerba-
uerat; & putabatur consiliorum Delphini
vel author vel particeps. Excitabatur præterea
memoria Prægueria, & petulantis responsi,
quo is Regem perculerat. Id causæ adscribe-
bant plures, crimen prætextui. Verum pro-
bationes plenæ in speciem erant atque ma-
nifestæ, eius litteræ ad Regem Angliæ, &
Eboracensem; tum Regis responsa, sigillo
munita; ad hoc multi testes, qui coargue-
bant negantem. Ille ad calumniam ficta hæc
omnia reponebat; testes falsos, & mendaces,
confictas litteras & adulteratas; vt Pares
Franciæ Vindocinum conuocati, ad rem iu-
dicandam, dubij hærent, nec quid pronun-
tandum foret dignoscerent. Cum reus re-
pente, vel conscientia scelerum, vel spe Re-
gis placandi, vtrò fatetur collatum crimen,
& ad mortem damnatur à paribus, bonis fisco
adscriptis: At Rex mortis pœnam in carce-
rem perpetuum commutauit, vel parcente
clementia vel vltione contenta; damnatum-
que Lochias Duci iussit operiturum, donec
Delphinus regno inuehatur. Interea Regi
nec tranquillus animus erat, nec decesserant
suspiciones conceptæ; sibi omnia infensa at-
que contraria cogitatione fingeat; filium
inimicum, positas vitæ insidias, toxicum præ-
bitum, tentata veneficia, nihil non tristi men-
tem agitante. Mœrorem & dolorem auxit,
tum Delphini contemptus, qui Patre inuito
Carolam Sabaudi filiam ante desponsam in
coniugem duxit, tum à Duce Burgundo il-
lata contumelia; qui in solemni conuentu
Procerum ad celebritatem velleris aurei,
Alenfonium palam innocentem pronuntia-
uit, iniquè & per calumniam crimen impo-
situm, admisitque Vicarium Equitem eius

Anno
1458.

*Regu
mor-
bus. &
mers.*

CA-
ROLVS
VII.
Мелъ.

Anno
1461.

loco. Quas ob res, incrementum angore febris lenta corripitur Magduni, quod tenue est in Biturigibus oppidum; moxque suspicionibus recrudescuntibus, cum etiam prætorianæ cohortis centurio, cui fidebat plurimum, se quidpiam de veneno subodoratum referret; non dubius quin toxicum sibi comparatum esset, statuit ab alimento omni abstinere, egitque octiduum, nullo cibo, ne iusculo quidem sumpto. Tandem medicis, & Confessario instantibus, ut quid cibi caperet, nullum venenum præsentius esse quam abstinentiam, iam confici mortem metu mortis, ipsumque suæ mortis reum grauer in diuinas atque humanas leges delinquere; ægrè persuasus alimenta sibi præberi patitur. Verum induratis atque oclusis diuturna inædia faucibus, nihil prorsus haurire valuit; ideo se ad mortem Christianè obeundam comparat, exceptisque piè Sacramentis, animam tranquillius egit quam vixerat; vitæ anno quinquagesimo nono; peremptor innoxius, & speciem ingens nostræ miseriæ; Rex omnium potens, in tanta copia fame absumptus. Continuo domestici cum Aulicorum turba defluerunt, partim ad Delphinum, partim ad priuatas ædes festinantes. Vnus Taneguyus Castellius, prioris illius quem celebrauimus nepos, grato in Principem suum animo, curauit mortui funus, & impendit de suo quinquaginta librarum millia spe nulla restitutionis; tum amicitiae postquam fecit satis, gnarus hoc facto quam parum placuisset Delphino, secessit in Britanniam. Ita Carolus è viuis raptus est, suis vitiis clarus atque virtutibus: nam ab prima ætate in alienum ductum procliuior, se mancipabat nimium Aulicis, ac plerumque res publicas in discrimen graue immisit, alienam pertinaciâ & temeritate; tum deinde Agneti, cæterisque mulierculis ad-dixit animum, ut vix vnquam planè sui imperij

perij compos, ab infirmis tum aetate tum
 lexi regi se passus sit. Attamen plura istos
 nexos expungunt morum mira suauitas, &
 indefessa clementia; sincera pietas & reli-
 gionis cultus ingenuus, fortitudo & genero-
 sitas militaris, amor in populum, Disciplinæ
 castrensis cura & studium, illibata integritas,
 & definita æquo ambitio. Quid, quod dele-
 ctus diuino consilio ad eas res perficiendas,
 quæ humanum consilium, imò spem supe-
 rent, non modo calamitates auertit a Fran-
 cia, sed Anglis expulsis, in eum gloriæ eue-
 xit apicem, quem per Carolum magnum
 adepta non erat; & puto eum plurimi facere
 æquum est, quem tanti Deus fecit, cuique
 seruandæ nobilissimæ gentis prouinciam
 dedit. Cætera vitia humanitati indulgenda,
 quando humanum nihil ab nexu integrum;
 nam quod filium tam diuersum nactus est,
 id Augusti votum qui Tiberium successorem
 optauerat; sanè in Maria coniuge, plus
 quàm Liuiam habuit: Christianissimis vir-
 tutibus ornatissimam fœminam, quæ mariti
 aduersa, pietate, studio, & liberalitate muta-
 uit in prospera; ipsaque prospera, sibi vni ad-
 uersa, tam patienter & æquo animo tulit, ut
 laudes muliebres omnes impleuerit; magno
 posteritatis specimine, quantæ virtutis sit ca-
 pax fœmina. Nec in Caroli exitu prætermi-
 tendus Arturus Comestabilis; qui anno antè
 tertio vita excesserat; Iam Britannix Dux,
 Petro nepote sine liberis mortuo, & ipse effi-
 cax reparatæ Franciæ instrumentum; tantum-
 que amauit gloriæ suæ sementem, ut sapius
 rogatus a Britonibus abdicare se dignitate
 quam inferiorem ducatu censerent; respon-
 derit, tanti sibi esse dignitatem illam quanti
 Ducatum; illam virtutis, eum originis præ-
 mium esse; nec chariorem honorem qui pro-
 fectus a maioribus sit, quàm qui paratus suo
 labore, & ærumnis redemptus. Sic obiit vtra-

CA-
 ROLVS
 VII.

*Maria
 Regina*

*Com-
 stabilis.*

— que dignitate clarus ; peruenitque Britannia
 LV- ad Franciscum Richardi fratris filium ; &
 DOVI- Dignitas Comestabilis Carolo Canomano-
 CVS rum comiti data est.

X I. Repetitis nuntiis Ludouicus Caroli Patris
 REX. mortem accepit ; vestemque lugubrem vno
 III. manè indutus , statim vilus est albo cocci-
 neoque splendere , latitiam ex regno nato
 longè multumque maiorem , quàm ex patre
 mortuo dolorem testatus. Continuò ad ca-
 pessendum imperium se accinxit , & comi-
 tante Philippo Burgundo , cum quatuor
 equitum millibus , Rhemos festinauit , &
 cœtu frequenti Procerum inauguratus est.
 Post regias epulas , consurrexit Burgundiæ
 Dux , & ad Regis genua prouolutus , oratio-
 nem habet sui animi indicem , & dignissi-
 mam Principe Christiano. *Postquam sibi ipse*
gratulatus est pro impletis votis, quod Regem
in patrum solio confidentem spectaret ; unum
dicit se orare beneficium , ut Rex illatas in
Delphinum iniurias indulgeret , obliteraret
prauè in se gesta , & meminisset tam augusti
Principis clementiam esse ; Francia Regem
supra omnem aequalitatem , imò supra omne
fastigium euehi ; vlcisci iniurias esse aqua-
lium aut inferiorum : at eum quem potestas
tanto intervallo, supra omnes extulerit , unâ
clementiâ posse attolli , quando ultioni mis-
cetur infirmitas , & qui vindicat se , parem
se fatetur. Tum adiungebat patientis Chri-
sti memoriam , sacrosancta vulnera , indul-
tiam de summa cruce solemnem veniam , ut
ad quem proprius potestate accederet , eum
virtute maximè regia amularetur. Ad ea
cum reponeret Ludouicus se septem exceptis,
indulgere omnibus ; Dux sicuti erat nitens
genibus palmisque coniunctis , verbis con-
ceptis clientelam iuravit ; eo animi affectu,
ut sinceritas optimæ mentis vultu atque ocu-
lis palam eluceret, Rex deinde Parisios ve-
nit,

Bur-
 gundi
 Ducis
 oratio.

Ludo-
 nicus
 omnia
 immu-
 tat.

nit, comitante Burgundiæ Duce atque effusa exceptus lætitiâ, nondum sensu gaudij refrigerescente, speciem sui illic præbuit, repentinis mutationibus regimen auspicans. Ab legum ministris factio initio, sigilla iuuenali vrsino adempta Petro Moruillerio tradidit; ex singulis Magistratum curiis, Parlamenti, Rationum, & supplicum Libellorum, Senatores grauissimos & probatissimos abrogat; ex prouincijs Senatores grauissimos & probatissimos abrogat; ex prouincijs Senescallos & gubernatores amouet, substitutis in eorum locum, qui sibi fauissent, quique molestiæ plurimum patri intulissent. Beulius dignitate Admirali deiicitur, & Lescunus Armaniaci spurius subrogatur, adiuncto etiam munere marescalli. Dux Alenfonius carcere mittitur, quodque offensioni omnibus fuit, Adamus Fumæus liber ire iussus est, datus in carcerem, ob veneni suspicionem Carolo præbiti. Comes Atmaniacus receptus in gratiam & ditioni suæ restitutus: Chabannius proximè ad ignominiosam mortem adactus est; cum supplex ad Regis genua accidisset, veniamque posceret facti innoxij, quodque imperium Regis excusaret, pepercit quidem Ludouicus in speciem; sed nouo crimine inducto per calumniam, curauit à Parlamento damnari, mortique proximum custodiendum in Bastillam misit, præterea Ioannem Dunensem comitem, & Loheacum Marescallum dignitate & militia pro beneficijs tantis exactorat vni rei studens atque incubens, vt quæcumque Pater constituisset optimè & composuisset, ea ipse rescinderet, atque reuelleret. Tum Carolo fratri vnico Bituriges in patrimoniū assignauit; mediterraneam ditionem, prouincijs regis circunclysam; ne quid commercij cum externis Principibus iuueni foret. Mox humanissimis verbis abeunti Burgundiæ Duci vale dicens, Ambosiam ad iu-

—
LVDO-
VICVS.

Lescun.

— sendam matrem se contulit. Regno imposi-
 LV- tus florentissimo & tranquillissimo, annos
 DOVI- ipse natus triginta nouem; ne quid malo-
 CVS rum quæ consequuta sunt, vel imprudenti
 XI. adolescentiæ, vel calamitati temporum ad-
 scriberetur.

IV. Ea inter noui regni primordia Perpinia-
Perpi- num & Ruscinonēses Regi accesserunt: cuius
nianum rei quoniam magni momenti in posteris fuit,
a Rege caula paulò diligentius est deterenda. Ioan-
empis. nes secundus Aragoniæ Rex Blancam Caroli
 tertij Nauarræ Regis vnicam filiam vxorem
 duxit; eo pacto vt si Ioannes coniugi super-
 stes foret, quandiu viueret administraret
 Nauarrâ. Blancâ præmortuâ non maritus mo-
 dò supererat, sed ex eo susceptus filius Caro-
 lus, princeps Vianæ dictus, egregiæ spei ado-
 lescens, vicesimo iam ætatis anno, vtriusque
 regni tum Aragoniæ, tum Nauarræ hæres de-
 signatus. Verùm secundo Ioannis matrimo-
 nio, conturbatæ spes iuuenis, distracta Regis
 familia, & vniuersum regnum, sus deque
 versum est. Is ducit Ioannam Friderici Hen-
 ricæ Castellæ Admiralij filiam, quæ concepto
 nouercali odio in priuignum, patrem à filio,
 & à parente filium abalienauit. Discordiam
 statim bellum excepit, maximè postquam
 Ioannæ Ferdinandus natus est (& hic Fer-
 dinandus Hispanicæ Monarchiæ conditor,
 quem Annales Francici tam sæpè appellant)
 & Henrico Castellæ Rege propugnante fi-
 lium, pugna conferta est, qua victus & cap-
 tus filius; verum liberatus, cum nouis rebus
 studeret, dolo & crimine nouercæ, propinato
 veneno à medico, paucis diebus extinctus
 est. Tunc indignitate facinoris Nauarri &
 Catalauni iunctis viribus in Regem conspi-
 rant, Reginamque in vltionem & pœnam
 repetunt; Henrico Castellano suppetias ve-
 niente. Rex in ijs difficultatibus Ludouicum
 appellat, venditque trecentis aureorum mil-
 libus

libus Ruscinonensem comitatum cum Cere-
tana regione ; contractu quem Franci abso-
lutum dicunt , pigneratitium Hispani , pre-
tiumque partim numeratum , scribendo mi-
liti partim impensum ; & scripti Equites ca-
taphracti bis mille, qui ductore Nemursio in
Catalauniam penetrant. Ioannam nouercam,
& filium Ferdinandum Catalauni Gerundæ
inclusos obsederant , & expugnato iam op-
pido in campanariam templi turrim confu-
gientem vtrumque breuissimo spatio profligabant, vltioni regio sanguine litaturi ; cum
opportunè Franci conspecti, adiunctis Ara-
gonensium copijs Reginam soluunt periculo
Catalaunis ad augendas vires recedentibus
versus Barcinonem. Ii postmodum Castella-
nis copijs freti , atque instaurato exercitu,
instruunt pugnam , quam detrectant Franci,
excusantes *antiquissimum fœdus & amicitiam cum Castellanis contractam ; iuratam a patribus societatem sanctissimam, Reges inter utriusque gentis, ipsam inter gentem , & singula diuersi populi capita , se in eos qui fratrum loco essent sine flagitio pugnare non posse ; optabilius longè si pacem componant ; & diuturna dissidia concordia extinguant.* Sic mitigatis tantisper animis, Ludouicus tam enixè contendit, vt Reges Castellæ & Aragoniæ, in ipsum vti arbitrum pro contro-
uersia dirimenda assenserint, polliciti cum
se ad Franciæ limites conuenturos. Qua de
causa Rex Baionam se contulit , & Régibus
per legatos conuenientibus, ipsorum assensu
sententiam dicit, vt Castellanus e Catalaunia
militem omnem educeret, nihil sibi in Ara-
goniam arrogaret ; ipsi Aragonius pro belli
sumptibus ingentem auri summam repende-
ret, traderetque Estellam Nauarræ urbem
possidendam. Ea sententia molesta pluribus,
vni Castellæ Regi acceptior fuit, qui ditatus
pecunia ; honestè ab difficili bello abscede-

LV-
DOVI-
CVS
XI.

Nr.
mours.

Rex ar-
biter
Regum

bat. Aragonio iniucunda fuit, quando nec
 LV- ideo cessarunt armis Catalauni, & ipse Rus-
 DOVI- cinonensi agro orbatus, ingentem pecuniam
 CVS Castellano pendeat, sanè diuturnum bel-
 X.I. lum in visceribus aluit, Catalaunis confu-
 gientibus, primùm ad Petrum Portugalliæ
 Regem, dein ad Renatum Regem Sciciliæ;
 eiusque filius Ioannes Calabriæ Dux, bis vi-
 ctor in Catalaunia Aragonios fregit, donec
 morte raptus Catalaunorum spes sepulchro
 intulit. Contra Castellæ Rex, vt gratum ani-
 mum testaretur, colloqui postulat cum Ludo-
 uico, locusque designatus castrum Vrtebia,
 citra Vedasum, flumen, Fontarabiam inter &
 fanum Ioannis; tum vt Reges colloquuti
 coram beneuolentiam arctius neçterent, tum
 vt sanctissimum fœdus instaurarent. Die di-
 cta Henricus Vedasum traiecit, Regemque
 conuenit; erat Castellano splendidus comi-
 tatus, Alcantaræ magister, Prior Hospitala-
 rius, Villæux marchio, atque Episcopi plures:
 sed præ cæteris Bertrandus Ledesmiæ Comes
 De Le- refulgebat, aurea veste adamantibus collu-
 desma. cente; & ipse amnem traiecerat cymba ad
 splendorem picta & ornata, sericis velis auro
 collustratis. Contra Ludouico omnia infra
 modestiam erant, aspernabilis cultus, vestif-
 que humilis, tum panno tum forma; adcò
 adstricta, cohærensque membris, vt materiæ
 parcitum crederetur; galericulus capiti im-
 positum, cum assuta virginis icone plumbea.
 Nec decentior Proceribus vestis, qui se ad
 Principis cultum conformabant, nitore ac
 Anno splendore gentis prorsus abiecto: ij Dux Bor-
 1463. bonius, Fuxius Comes cum filio, Admira-
 lips, & Turonensis Antistes. Post vnum al-
 terumque diem, statim in contemptum res
 tota desiit, mox in scommata, & mutuos
 sannas; Hispani Regem ipsosque Francos
 habebant ludibrio, quod nullo ornatu, nulla
 dignitate, avaritiam tantùm infimâsque sor-
 des

des in conspectum darent ; Francis Rex Hispanus contemptui erat , quod ipse fœdo vultu deformior, & absurda staturâ corporis elegantem vestem deturparet ; quod Regis tantum idolum esset, atque simulacrum ; tota potentiâ in Ledesmiæ Comitem traductâ ; cuius & arrogantia vt cæterorum Procerum arguebatur , qui ornatu fastuosissimo sui Regis lucem extinguerent. Sic colloquium nullo fructu solutum est. Et verò in iis pompæ & magnificentiæ tribuendum est plurimum ; per quas vulgo illuditur , & sancitur illa Regum maiestas. Quanquam colloquia plerumque omittenda ; nisi ij sint Principes quorum augeatur aspectu mutuo dignitas ; quique ingenij solertiâ consiliique prudentiâ , ea inter se concilient , quæ superabant Legatorum industriam. Ludouicus post solutum colloquium , Burdegala Magdalenam sororem Hungariæ Regi antè desponsam , Gastoni comitis Fuxensis filio , atque Regi Nauarra futuro , matrimonio iunxit : ita regno in Hispaniam munito, regressus est Parisios.

Regressum premebat sollicitudo , qua arte Burgundum Picardiæ urbibus spoliaret, nam Atrebatensi fœdere Ambianum, Sanquintinum, Perona, Abauilla , & aliquot aliæ Burgundo cesserant ; redimendæ quidem pecunia ; sed ipsa nulla in aratio erat, & ægrè Burgundus ad restituenda oppida assentiret. Rem nihilominus tentat , & paratâ per tributapecuniâ (erant quadringenta aureorum millia) Burgundo restitutionem insinuat. Erat Philippus veteris probitatis , Croyis addictus , quorum consilio iam annis grauior incumbebat : ij iam ante à Ludouico dum agebat in Flandria conciliati, & in præmiorum spem luculentam erecti , suo Principi rem vt iustam atque ex fœdere debitam persuadent atque mox data pecunia vrbes Regi cedunt;

LV-
DOVI-
CVS.
XI.

*De
Foix.*

V.
*Picar-
dia ur-
bes re-
stitutæ.*

Croyi

cedunt ; qui toti Picardiæ Alnaium nepotem Croyi Proregem constituit. Ea restitutio Carolesio comiti Burgundi filio permolesta fuit, quam cum omni studio prohibere non posset, in Hollandiam secessit ; multum de Ludouico conquestus, quod foederis partem sibi commodam impleret, quæ incommoda esset respueret. Accesserunt deinceps nouæ occasionēs discordiæ Regem inter & Comitem, per quas præter indolem planè diuersam, in odium mutuum exarserunt, quod ne morte quidem sopitum est. Lubet autem eas recensere, ex quibus ingentes motus profuxerunt. Ludouicus Salarium vectigal instaurauerat volebátque id in ditione Burgundi institui; intentatam rem hætenus Dux negabat, miserátque ad Regem Chimæum, qui immunitatem popularibus suis exoraret. At Rex in Legato mittentis iniuriam cumulauit; nam inauditum præstolari ad fores diutius iussit, virum nobilem, magnique nominis, & præ impatientia cum ad ipsum prodeuntem conclaui iniussus accederet, ac legatione exposita, Ducem Dominum suum multa commendatione attolleret, interfatus Rex ; *Quid, inquit, hominis est tuus ille Dux, an ex alio conflatus metallo, quàm cateri regni mei Principes? Ita omnino Domine, reponit Chimæus nisi constaret ex Chalybe duriore, te non recepisset, texissetque à minis potentissimi Regis Patris tui, quem pertimesceret uniuersus orbis ; quod nemo princeps in Europa tota ausus esset. Quo responso Rex perculsus obticuit, penetrante in mentem responso, cò altius, quo dictum verius. Et alia Carolesium afficiebant priuatim. Duo capita ipsi insensibilissima, gratiâ Rex & beneuolentia promouebat; Ioannem Stampensem Comitē, Niuernensis filium, & Ioannem Croyium Porceani comitem. Stampensis erat deprehensus venenum propinans Carolesio pa-*

trueli suo, ob rivalitatem; Croyius Philippum regens, Carolesio molestias plurimas facessabat: at eos Rex non modo asylo & amicitia iuuerat, sed etiam in Philippi aulam & gratiam inuito filio restituerat; eamque ob rem in Hollandiam secesserat Carolesius: in qua noua Regis pulsatur iniuriâ. Ad oram Hollandiæ appellit Rubem præus nothus, arcano Regis iussu; cumque nomen & conditionem celaret, ductus ad Carolesium, in carcerem agitur; sparso rumore, eum à Rege missum, ut Carolesium vi an fraude captum ad Regem perduceret. Simul Philippus a filio admonitus, Hefdino ubi venturum Regem operiebatur, profugit; rumorque increbrescit, Regi mentem fuisse Burgundicam domum simul exscindere: id Dominicanus concionator è pulpito dicit; affirmâtque Oliuerius Marchius Philippi domesticus. Rex famæ ignominia perculsus, Legatos ad Philippum mittit, Cancellarium Moruillerium, Narbonensem Antistitem, atque Eusium Comitem; habetque Moruillerius acerbam orationem in Ducem, & in Carolesium contumeliosam (nam is cum patre ob periculum commune in gratiam redierat, eiectis Croyo, & Stampensi) diem filio dicit ut Parlamento coram se sisteret; ipsum in Regem & Dominum suum conspirasse, quod pensio non solueretur ad diem; lacerauisse regiam famam; suspiciosum esse quam nimium, idque certum consilij prauum indicium. Tum ad Ducem versus, accusauit quod promisso defuisset, Hefdini Rege non expectato; mox reposcito Rubempræo, Dominicanum sibi, atque Marchium tradi postulauit, ut reos læsæ maiestatis. Dux interea agrè Carolesij iram moderatus, respondet, Rubempræum dimissurum se, si deprehendatur a noxa integer; Marchium tradi haudquaquam debere, qui in comitatu Burgundiæ natus Regi non subesset

LV-
DOVI-
CVS
XI.

*Rubem-
præ.*

*Mor-
uillerij
legatio.*

subesset; Dominicanum haud posse, sacris
 Lv- addictum, & mutantem hospitia. Quod spe-
 DOVI- ctaret ad filium, futurum ipsum imperatis re-
 CVS giis obsequentem, qui si suspicax foret, id
 XI. à Lusitana matre accepisse; ipsum se nun-
 quam fidem fefellisse, nisi fortè fœminis.
 Et mox adiunxit, cum Moruillerius sapius
 ipsum esse Regis subditum affirmaret; se
 multa possidere, à clientela Regis immu-
 nia; & per se vnum stetisse, quominus Rex
 foret. Tum filium vetitum dicere, ne quid
 vehementius bilis effunderet, in consequen-
 tem diem remisit. Quo Carolesius, vno genu
 in puluinem nixus, ad maiorem reueren-
 tiam, modestè admodum peroravit; purga-
 vit se d Rubempræi carcere, abiuravit om-
 ne consilium in Regem initum; se eius be-
 neuolentiam plurimi facere, flocci pensio-
 nes; sibi ad largiendum suppetere, quandiu
 patri gratus & acceptus foret. Sic solutam
 colloquium, admirante Duce orantis mode-
 stiam, atque affirmante, se haud putasse tam
 prudentem habere filium. In digressu, Nar-
 bonensi Oratorum ultimo in aurem Carole-
 sius dicit; *Regi multam salutem verbis meis*
nuntia, meminerit contumeliarum quas in
me Cancellarius suo nomine protulit, nec an-
nus effluet, quin ipsarum pœniteat. Et is le-
 gationis effectus, mutæ iniuriæ, maior ani-
 morum offensio, odiûmque acerbius; Mor-
 uillerij culpâ, qui asperrimis verbis iracun-
 diam Regis ultra metas promouit.

VI. Verùm Ludouicus quasi hæc Legatio eue-
 Leg- nisset præclarè, adornat alteram haud mino-
 rio ad ris operis, ad Franciscum Britannia Ducem.
 Britan- Erat ipsi animus Proceres cunctos opprime-
 nia re; & quando præ cæteris Burgundus & Bri-
 Duce- tannus eminebant, nondum Burgundo ad
 perniciem vt rebatur maturo, in Britannum
 se vertit. Parato exercitu, eundem Moruille-
 rium ad Britannum mittit; quatuor acerba
 admodum

admodum postulatum. Ne se Dei gratia Ducem inscriberet, ne auream monetam cuderet, tributa Britonibus nulla imponeret, neve vlla Beneficia conferret; si secus faxit, in presentia bellum indici. Britannus Taneguij Castelli consilio vsus, cum vim repellere vi non posset, molli lanâ fracturus impetum, simulato obsequio, moram trium mensium postulat; quo intervallo conuocata Comitia Regiis iussis assensum præbeant, maiorque accedat concessis authoritas. Ita tempestas ad tempus disiecta. Tum Britannus prouisurus in posterum Tanneguij Sagacitate, cum Carolesio cæterisque Proceribus fœdus clam contrahit. Missi in eam rem industrij homines, Franciscanorum, & cæterorum Monachorum veste, qua securi per vniuersam Franciam commecantes; sua cuique damna atque pericula proponebant. *Quæ in Britannum tentata sunt, ea imminere Procerum singulis; Regi esse in animo Proceres omnes opprimere, omnemque potestatem præter suam extinguere; peti ab vno initium, ut deinceps ad singulos odium prorogetur; explorata omnibus iandudum indoles; suspicax, saua, tyrannidem potius quam Regnum ambiens; insensa nobilibus virisque optimis, pessimo cuique, & vilissimo addicta; cui pro fide ambitio sit, pro iureiurando imperium, & pro religione cupiditas. Quemque sibi admonitioni esse atque documento, quantum passus sit, interroget quisque priuatus iniurias, dolorem consulat, & ex præteritis futura colligat; postquam nulli aggeres, nulla repagula immoderata potentia erunt. Iam contractum cum Burgundo fœdus; nihil periculi coniurantibus, imò plurimum iam securitatis; nihilque intutius quam à Rege stare. Sic Proceres ad iurandum fœdus non difficulter impulsæ, Ioannes Dux Borbonius, Alensonijs, Calabriæ Dux, regiæ prosapiæ; Armaniacus, Nemursius,*

—
Lv-
DOVI-
CVS
XI.
Anno
1464-

Coniuratio
Procerum in
Regem.

LV-
DOVI-
CVS
XI,

Aure-
lianen-
sis
mors.

Nemursius, Comes Dunensis; Ludouicus
Lucemburgius, Comes sancti Pauli Carole-
sio præ cæteris charus, Albretius, Chaban-
nius è Bastilla elapsus, plurisque nobiles
viri & matronæ, qui inter se ligulâ de zona
pendente dignoscebantur. Britanno Carole-
sium tum ipse Rex iniuriis suis adiunxerat,
tum Rommillæus Britannia Vicecancellarius,
Normannus gente & sagacitate ingenij;
qui ipsi adhærens fœdus sanciebat, & sigilla
Procerum clam excipiebat. His constitutis
accessit ad Philippum Borbonius ex
sorore nepos, tantumque apud senem con-
tendit, tacito adhuc fœdere, ut delectum agi
in ditione sua permiserit, ne forte imparatus
obrueretur à Rege. Etenim ille quidpiam
subodoratus de fœdere, Turonibus conuen-
tum indicit; rogatusque sententiam Aure-
lianensis, cum aliquid Principibus donan-
dum censeret, vir senio & rerum experien-
tia venerandus, & Rege repellente adiun-
geret; *Senis consilium improbari Regi non
debere, quod avus Carolus profectum à iu-
uene comprobasset*; Verbis tam asperis à Re-
ge exceptus est, tamque despiciatus, ut do-
lore animi biduum intra extinctus sit; pie-
tate & probitate morum insignis, quam apud
Anglos diuturna custodia hauserat; aduersis
plerumque bonam mentem spirantibus. In-
terea adsunt à Britanno legati, qui polliciti
aureos montes, trimestre adhuc spatium im-
petrant, dum à Duce cuncta ad obsequium cõ-
parantur. Verum ij remigum instar, quò ob-
uertunt terga nauigantes, clam Regis fratrem
Biturigum Ducem aggressi, fugam persua-
dent, qua ad proximum Britannum se con-
ferens, totius belli Ducem se gereret. Haud
ægrè persuasus est adolescens, nullo apud
Regem honore, authoritate nulla pro capti-
uo prope modum circumductus, arcto patri-
monio, & familiâ nullâ constitutâ. Itaque
postquam

postquam recesserunt Legati, Rexque ipse ad Lemouices piæ peregrinationis causa profectus est, Dux Biturigum simulato venatu, deducente ipso Lescuno, cuius custodiæ erat à Rege sollicitè commissus, citatis equis ad Britannum euolat; continuoque, laruâ depositâ Principes arma corripunt, literas in prouincias scribunt, Bonique publici se assertores nuncupant; vt purgato Regis consilio, & subleuatis tributorum onere populis, regno prima dignitas restitueretur. Idque bellum Boni publici nomen adeptum est. Cæterum Rex momento in tantas coniectus angustias, non ignarus quàm odiosus, & grauis populis ob tributa foret, neminémque Principem suarum partium haberet, præter duces Vindocinensem, & Eusiû; arcessit Borbonium Ducem, qui sororem habebat in matrimonio, iussurum ad se quingentos lancearios ducere. Ille profectiorem excusat, se cum cæteris boni publici causa fœderatum; iturum ad Regem, postquam regni morbos sanauerit, querelisque iustis fecerit satis. Nec in agendo cunctatus, Chabannio Comite, pecuniam publicam intercipit, Quæstores regios spoliât, scriptisque copiis vrbes firmat, exemplo cæteris præbito, ne metum aut pœnitudinem in consilium vocarent.

Enim vero Rex bellum necessariò capessens, postquam fratrem blanditiis frustratentauit, Renato Andegauensi in suas partes traducto, se in Borbonium repenti conuertit; ratus infirmum adhuc atque abstractum à cæteris opprimi posse, & futurum terrori sociis, cum pœna rebellionem exciperet. Eo consilio mittit in Picardiam Ioachimum Roüantium Marescallum, qui Burgundum caueret; ipse cum copiis in Aruernos contendit; nec ad Auaricum Biturigum hæret, urbem occupante notho Borbonio; qua exclusus, Ducem Borbonium Riomi obsidet.

Eran t

—
Lv-
DOVI-
CVS
XI.

VII.
*Bellum
pro Bo-
no pu-
blico.*

Romano

—
Lv-
DOVI-
CVS
XI.

Erant in exercitu viginti quatuor hominum millia, impárque Borbonius subibat discrimen; cum Rex audito Carolesium aduentare Parisios, ne is primariæ urbis compos foret, ac factionem Burgundicam rursum excitaret, agit cum Borbonio mitius, & sorori pro marito supplici aures præbens, pacem donat, coniuratis parcit, præmia assignat, versúsque Parisios celeritate magna iter capit. Iam ad urbem aduenerat Carolesius; ductis cataphractis mille quadringentis, sagittariis decies mille; passimque exceptus in Picardiæ urbibus, palàm Lauiaci vectigalium tabulas in foro vñlerat; sale quantum mercatori stabat diuendito; inclamans immunitatem, bonum publicum, atque onerum liberationem; Legatum se Biturigum Ducis appellans; captoque Dionysij fano, ad portas equitat. Roriantius arcere progredientem postquam non potuit, se in urbem recipit, ciuésque nutantes spe ac milite erigit. Iam ciuitatem Vrsinus, cui sigilla restituta erant, adiuncto Balua Episcopo Ebroicensi, in studium Regis firmauerat; receptoque milite hostem excludebat. At Carolesius ne frustra tempus tereret, vltra progredi statuit, vt Britanno venienti adiungeret se, iunctisque copiis, Regem Lutetia arceret; quamente capto Clodouæi fano, Sequanam ponte transit, & copias promouet ad montem Erycum; sancti Pauli Comite primum agmen ducente, ipso medium, postremum Burgundo spurio; agminum singulis loco diuerso metantibus. Ludouicus interea magnis itineribus prætergressus Britannum, eodem loci venerat, atque à pugna abhorrens, statuerat à via deflectere, & se Parisios in asyllum recipere. Sic vterque Ducum alieni à prælio erant; Rex ne forte inter Carolesium & Britannum medius, numero inferior, nam peditum partem machinasque dimiserat, haud

*Mont-
leheri.*

*Pugna
ad mō-
tem
Erycū.*

agrè

agere vinceretur; præterea tantam molem hostium consilio, potiusquam armis disiciendam putabat. Carolesius pariter, nescius planè vbinam gentium Britannus ageret, nec militem suum tironem adhuc cum regiis veteranis audens committere, abstinebat à pugna, donec Britanno sese adiungeret. Attamen vnius hominis indignatio rem totam innuscut, & consilia Principum in contrarium vertit; adeò euentus supra homines sunt, quorum est deliberare quidem atque consulere, sed perficere Dei. Rex Brezeum Normanniæ Senescallum virum fortissimum, suspitione perstrictum, interrogauerat, num sigillum coniuratis dedisset, responderatque homo facetus, sigillum quidem datum, sed corpus & animum esse penes Regem; verùm indignatus fidem suam in suspensionem vocari, amicis affirmat, se Regem & Carolesium admoturum tam propè, ut vel inuiti pugnaturi forent. Ita cum agmen primum duceret, haud præmonito Rege, in hostem progreditur; & sancti Pauli comitem, primamque aciem impetit. Carolesius fraterque spurius audito dimicationem institui, rapiuntur in pugnam, spurius primùm audacia, necessitate Carolesius; Rex similiter vniuersas copias agit in prælium. Verùm eo modo quo incepta est pugna, eo perfecta est; tumultu & impetu ordinem & rationem prementibus. Carolesij numero, disciplina regij præpollebant; & aliquandiu pugna in incerto stetit; sed postquam Carolesij adibus proximis flammam subiiciunt, & Franci afflati incendio, fumoque offusi perturbatis ordinibus loco se mouent; Tunc per totam aciem tumultus confusio & cædes grassantur. Pars vicit altera, victa est altera; ut victore utroque exercitu, uterque sit victus. Carolesius cornu dextrum pellit, & Brezeus inter primos cæditur fortiter prælians; at laeum à

LV-
DOVI-
CVS
XI.

Breze.

Francis



—
Lv-
DOVI-
CVS
X I.

Francis percellitur, & in fugam agitur. Vterque Ducum se egregium præstitit, & magno versatus in periculo est; Rex suorum in fronte dimicabat egregiè, sæpiùsque deploratam pugnam restituit; donec viribus animum deferentibus, defatigatione obrutus, à stipatoribus Scotis in proximum castrum delatus est, statimque rumor sparsus Regem cecidisse, pugnam ea parte profligat, fugientibus Francis, Carolo Andegauensi cum oöstingentis equitibus in fugam præeunte. Nec Carolesio fortitudo felicior fuit, fugientes insequutus, dum in castra se recipit; quædam Francorum turmæ restituto prælio in ipsum irruunt; atque ægerrimè ab iis Contæi operâ liberatus, in alterum agmen incurrit; acceptisque multis vulneribus, penè abducebatur, cum adolescentis Parisiensis intercursum rursus eripitur; nec illi minus fama percerat, ipsiùsque cædem enuntiauerat; unde terrore concepto, plerique ex suis fugam corripunt; quorum principes Aplincurius, Aimerius, & Inchyus; Ita pugna utrinque metu potius quàm armis pugnata est; singulis partibus cladem suam disseminantibus; & obseruat Comminæus, vnum ex Regiis Lufinianum vsque vno equi cursu perfugisse; alterumque è Carolesiis vsque Quercetum urbem Hannoniæ; adeò animos affectus perturbant, & quod semel insederit mentem, extra potentiam sui rapit. Nec per ipsam noctem tumultus desit, cum turmæ regressæ in hostem inciderent, mutuisque cædibus sese absumerent; quanquam sub noctem plures regij cæsi sunt, sparsis per agros Carolesiis, & regiis in castrum exceptis. Imo Carolesios agitabat timor, eratque vna ductorum sententia, uti abscederent, ne à victore Rege cum exortu lucis obruerentur; atque ignauè recedebant, nisi eos Contæi periti Ducis atque veterani forte consilium tenuisset,

Aplin-
cour,
Inchy.

Lufi-
gnan.
Quesi-
noy.

Anno
1465.

Contay.

tenuisset, & inuitos cōgisset pernoctare in castris. Verum ex ea nocte mōtis Eryci castro egressus, Corbelium copias celeriter ducit, primoque mane Parisios venit; latus admodum quod eam urbem in potestate haberet, vnde belli mens, atque adeò vires sufficerentur. Cumque nuntiaretur Carolesium in campo prælīj noctem exigere, victoriæ speciem elulit scommate; *ubinam*, inquit, *recumberet, qui nec urbem nec tectum habet quo se recipiat.* Eaque fuit pugna ad montem Erycum, in qua victi omnes, nemo victor; nullibi forte & alea regnante augustius, vt se victum senserit neuter; vterque victorem.

Noctē terribili solis ortu discussa, Postquam Carolesij profectionem Regis acceperunt, & Britannum cum copiis propè accedere; tunc audacia animis & fortitudo prima instaurari, pelli metus, & iactari immodicis verbis victoria. Ipse Carolesius ceu verè vicisset sibi adulatur, die toto hæret inter cadauera grato spectaculo pascit oculos animūque implet, & inani successu ita immutatur, vt in posterum pugna, iurgiosus, & ambitiosus, alieni consilij osor, tenax sui, vota votis gigantum instar accumulans; hoc vno prælīo cæteras clades exceperit, per victoriam futilem strage multiplici, & morte ipsa grassante. At montem Erycum prætergressus, nec ausus castrum oppugnare, Stampas venit, excepitque Britannum Ducem, cum copiis veteranis, illustribusque proceribus, Dunense, Chabannio, Loheacio, Beaulio, Calmontio, atque Ambosio; qui erant à Rege suis quique affecti iniuriis. Post mutuas salutationes, illicò patuit qui futurus esset exitus belli; nam animis malè concordibus, Carolesius & Britannus Regis fratrem in suam quisque mentem diducebant; & ipse iam belli tadium præferebat; adolescens, rerum inexpertus, animo mollis & corpore,

LA-
DOVI-
CVS
XI.

VIII.
*Fæde-
rati Pa-
risios
obsidēt.*

— —
 LV-
 DOVI-
 CVS
 XL.

*Neuf
 Castel.*

corpore, postquam magnum fauciorum numerum inspicit, & alienis malis exhorrescit, affirmat malle se nullam rem tentatam, quàm tot calamitatum causam extitisse. Ergo principes ut nutantem animum sustentarent, versus Parisios mouent; primusque Caroleus Sequanam ponte ex asseribus iungit, atque inuito Rouantio copias traiecit. Tunc accedunt fœderatis Ioannes Andegauensis Calabriae Dux; ductis ex Lotharingia atque Germania copiis; Nouo-Castellus Burgundiae Marecallus; Albretius, Nemursius, & Armaniacus cum sex mille Vasconibus, quanquam ij quod rapto viuerent seclusi ab aliis, ne miscerent contagium; Erantque in exercitu quinquaginta equitum millia. Ludouicus tam numerosis copiis circuncclusus, quasi vulpes in latibulum acta, nunquam propius ab casu abfuit. Aduolauerat in Normanniam, lecturus militem, cuius penuria laborabat, Parisiis benè opinione sua constitutis. Nam Comitem Eusium praeponuerat, ciues conciliauerat, stabilito optimatum consilio, & extinctis subsidiis, imò aliquot fautoribus principum in poenam vocatis. Et hæc quidem prudenter, si centiceps monstrum vlla prudentia regeret. Etenim ubi primum Rex abfuit, Principum asseclæ Parisinos promissis, minisque aggressi, tantopere enituntur, ut ciues ad Procere delegentur, quorum Episcopus princeps, de pace acturi bonoque publico. Iamque in vado res Principibus erat, qui in urbem admittendi erant, cum Rex celeritate mira Parisios redit, auctus validis copiis, oppressisque repente consiliis, authores variis afficit poenis. Ita libratâ vtriusque potentiâ temperatum armis, artesque tentatæ. Fœderati concepta spe per insidias urbis occupandæ, eò conuertebant industriam, si quos ciues, si quos Duces Regi eriperent. At Rex

sua

sua sponte in eas fraudes propensior, litteris præterea atque monitis Stortia incitabatur; ille armorum arte fortissimam indolem erigente, ductâ Galeasij spuria, Mediolanensem ducatum inuaserat, & Regi amicus, adhortabatur, vt pacem cum fœderatis contraheret; eos discordia vna vinci posse; quam bellum nusquam inferret; at pacis titulo obiciendam singulis prædam suam, & iniecta emulatione, inuidiam atque discordiam sequuturas. Et quidem eò Rex sagacitatem omnem adhibebat, priuatòque colloquio Carolesium conciliare tentauerat, iamque de pace conuenerat, si fratri Normanniam tradere ex Principum voto placuisset. Sed perspecto huius prouinciae momento, quæ inimicos Burgundum & Britannum coniungeret, pernegabat se assensurum, cùm Borbonij fœlicitas assensum extorsit: Quippe ille in Normanniam irrumpens, (nam eiurauerat fœdus cum Rege initum) plurimas vrbes arcanis consiliis occupauerat, ipsamque Rothomagum, tradente Crispina Brezzi vidua. Eo nuntio fractus Regis animus, & inducta pacis necessitas. Ergo Carolesium extra urbem conuenit; primaque salutatione pacem factam affirmat, narratque quæ in Normannia contigissent. At dum colloquuntur, sensim ad propugnaculum terreum veniunt, quod erigi Rex ad regendos muros curauerat; tum Carolesius memor fati, quod Ioannem auum sustulerat, pœnitens temeritatis, pertimuit, at metum prætexens fidentia, in propugnaculum subiit, & post habitos sermones, ad suos regressus est, non leuiori metu perterritos; Burgundiaæ Marescallo imprudentiam heri laceffente, atque affirmante, *nusquam facultatem mali facinoris hosti permittendam, multo minùs præmium.* Pax ab eo colloquio haud difficulter contracta; singulis principum quod postula-

LV
DOVI-
CVS
XI.

Pax in-
ter Re-
gem &
Proce-
res.



— bant concessum ; sed nouo Regis artificio,
 LV- potum discordiæ coniuratis oblatum. Nor-
 DOVI- mannia Carolo fratri permissa est, cum clien-
 CVS- tela Britanni & Alenſonij ; gnaro Rege, Bri-
 XI. tannum clientelam fratri nunquam præstitu-
 rum, quam agrè Regi Franciæ præstaret. Quæ
 Dunensi dedit, Cœnomano abstulit; ipsi Lon-
 gauillam, & Mortaniam eripit, quas fratri
 assignat. Carolesio Picardiæ vrbes, ducentis
 aureorum millibus redimendas, sed à suc-
 cessore duntaxat ; Britanno iura omnia inte-
 gra atque illibata ; Comiti sancti Pauli Co-
 mestabilis dignitatem, vt à Carolesio charis-
 simum caput vel suspicione auelleret ; cæte-
 risque Proceribus, vel Præfecturas, vel pec-
 uniam opulentam concessit. Boni publici
 ratio verbo tenus curata ; statutum vt ad re-
 giminis emendationem, ex cunctis ordini-
 bus triginta sex viri designarentur, qui in
 eam rem proximo mense incumberēt, & qua-
 dragesimo die opus absoluerent ; Rex fidem
 daret, impleturum se quod iis commodum
 visum foret. Et hæc scripta quidem euentu
 irrito, nec viri vlli designati, delusis populis
 & præbito documento, quàm iniqui sint bo-
 ni publici assertores, qui priuatum curant; &
 plebis nomen laruam esse, quam Proceres
 improbis votis obiciunt, deponendam cum
 cumulata sunt desideria.

I X. Ludouicus eo foedere veluti è naufragio
 Rex in- emerſus, Carolesio blandimentis omnibus
 ter conciliato, dimissioque in Normanniam fra-
 Princi- tre ; securè ad pristinas artes se conuertit,
 pes di- distrahendisque Principibus sollicitudinem
 scordiã intendit : Borbonium arctius beneficiis de-
 ferit. meret, eius fratri notho spuriam filiam tra-
 dit, Mareſcalli Scipionem, Armaniaco ademp-
 ptum Loheacio restituit ; Vrsinum rursus
 Cancellarium dicit ; Moruillerio pulſo ; cæ-
 terosque Principes quos nequibat allicere,
 suspicionibus iurgiisque mutuis inter se di-
 uellit.

uellit. Operæ pretium reor eius potissimas artes delibare, quando in iis princeps Ludouicus fuit, scholamque posteris dissimulandi aperuit, primus Franciæ Regum cui doctrina anceps placuerit; non quod eam in exemplum prodam, sed historiæ est tam noxas scribere quam virtutes; & exemplo consuluit Deus, tam perturbatâ & calamitosâ Ludouici vita, ipsôque exitu; ut vel euentu artes damnatæ sint, & infelices fraudes nemo non timeat. Si quos habebat in animo implicare Proceres atque irretire, eorum familiares aggrediebatur potissimum; ut nemo mortalium est, quin se molliorem alicui præbeat, vel amico, vel domestico, vel fœminæ; conciliabat omni officio donisque emebat, qui apud heros plurimum pollerent, quibûsque erat facilis aditus; eos pelliciebat & deliniebat; honore ambitiosos, auaros pecuniâ, superbos demissione, vanos laudum plausu; nulli studio parcens, nulli solitudini. Postquam eos penitus sibi deuinxerat, si ingenio præcellerent, & ad suas artes apti viderentur, heris detractos ad se admouebat, stipendiisque optimis sustentabat; si minus iubebat perstare in officio, & erudiebat clam; fallendi artes, & simulandi docebat; quid obseruandum, quid silendum, quid loquendum tradens, qui rumores in vulgus spargendi; quid in susurrandum auribus domini, quæ spes excitandæ, qui metus; & eiusmodi cætera; quibus consequebatur, tum ut nihil se alienæ mentis effugeret, & arcana quæque introspiceret; tum ut ad nutum verteret quem aggressus foret, per domesticos excitatis affectibus spei, metus, inuidentiæ, atque discordiæ; & Poëtæ instar in scenam induceret quas personas vellet. Tunc eas artes in fratrem conuertit, quem in Normanniam perducebant Duces Britanniæ, atque Calabriæ; ac statim inter eos discor-

LV-
DOVI-
CVS
XI.

*Regi
artes.*

— LV-
DOVI-
CYS
XI.

Rex
fratrem
è Nor-
mannia
pellit.

Carole
fuit in
Leodiè
fca.

Dinan.

diam ferit; Calabro Britanni auctoritatem exaggerat, Normannis Britones adducit in odium; scintillamque incendij sic inflammat; ut Britannus insalutato Duce recesserit Cadomum; Duxque nullâ pompâ Rothomago sit exceptus. Nec artibus parvum fraudibusque, donec haud multo post Rothomagenſes implicantur ſuſpicionibus; Ducem cum Britanno reconciliatum, ſtatuiſſe Britones urbem admittere; murmur exoritur, gliscitque ſeditio; quam adhuc naſcentem repentinâ fugâ Dux promouet. Id maximè omnium cupiebat Rex; Ducem Borbonium ſibi iam deuinctum in Normanniam mittit, qui urbibus gratus breui totam recepit Normanniam, præter Cadomum, atque aliquot oppida quæ Britannus inſederat; verum Rex ſimulatâ ad ſancti Michaëlis peregrinatione, Cadomum cæteraque oppida nouo fœdere aufert. Calamitoſus frater omnium inops, amicorum, opis, pecuniæ, teſti, atque conſilij, ad Britannum confugit, iam poenitentem, quod ſc. facilius Ludouici artibus præbuiſſet. Dum hæc agebantur, ſua Caroleſio tela erat texenda. Nam primum Rex Comitem Niuernenſem impulerat, ut urbes Peronam & Sanquintinum reſtituendas Burgundo inuaderet; ſed is à Burgundo interceptus Peronæ, conſilio exciderat. Tum Rex iras veteres in Leodiensibus excitauerat. Ille Ludouicum Borbonium Philippi Ducis ex ſore nepotem Episcopum detrectantes, quoniam ſacros ordines non ſuſcepiffet, diu à Philippo bello petebantur. Dum Caroleſius agebat in Francia, acerbæ in eum iactauerant contumelias, adeoque in totam Burgundorum Principum familiam; ille igitur redux quinquaginta millia bellatorum, in eorum agros inducit. Qua potentia territi, conditiones datas atque Episcopum tandem admiſerunt. Vnum Dinantium, in Arduenna ſylua munitum

munitionum oppidum, se intactum iactans, post
superatas viginti septem oppugnationes, ex-
cludebar Principem; utque ciues diu flagi-
tibus omnibus se contaminabant, haud diffi-
culty furore concepto, Diuinam ultionem
atque humanam laceſſunt. Eaque propius
impendebat ſceleribus, admoto & pugnante
Burgundi exercitu; ergo oppidum deditionem
paciscitur ad victoris arbitrium; & pri-
mum per aliquot dies direptum eſt, tum in-
cenſum, murique dirutiâ fundamentis; ut
Dinantij ſedes vnâ, ſœditate ruinæ iam di-
gnosceretur; ciues non clementius habiti;
oſtingenti affixi patibulo, cæteri belluarum
inſtar in ſiluas depulſi. In caſtra obſidentium
geſtari voluerat Dux Philippus; eaque po-
ſtrema optimi ſenis expeditio fuit; nam ſe-
nio grauis decurrebat annus ſeptuageſimus
primum; Brugis morte occubuit; verè Prin-
cipum ætate ſua optimus, & forſan maxi-
mus; quem nullo nœuo maculatæ virtutes
ornabant, religio, probitas, moeſtia, libe-
ralitas, & regia quædam animi magnitudo;
vnâ duntaxat temperantiâ minor, quod in
fœminas effuſiſſimus; earum perpetuis im-
plicatus amoribus, decem aut duodecim li-
beros furto ſuſcepſiſſet. Carolus vnus legiti-
mus tam opulentam hæreditatem adiuit, lon-
gè diuerſæ quàm pater naturæ; abductus à
Venere, ſed in Martem pronus, quæque im-
moderata concipiens, duro animo atque au-
ſtero; ut arderet vnâ ambitionis infaniâ.

At Rex urbem Pariſios armis & ciuibus
conſtituebat: bellis & peſte quæ proximè
graſſata fuerat, ampla ciuitas, plura tecta
quàm hoſpites numerabat; eos ut ſufficeret
Ludouicus, aſylum facinoroſis aperuit, ne ea
in parte Roma Francica Latinæ cederet, de-
bitoribus, & criminum reis immunitate ab
ære alieno & pœnis præſtitâ, præter qui læ-
ſiſſent maiestatem Diuinam humanamve.

—
Lv-
DOVI-
CVS
XI.
Anno
1466.

Philip-
pi Burg-
gundi
mors.
Anno
1467.

X.
Pariſij
inſtan-
tati ci-
uibus.

—
Lv-
DOVI-
CVS
XI.

Prag-
matica
Sanctio

De S.
Ro-
main.

Bell m
à Bri-
tanno.

Anc-
nix.

Ita breui tempore urbem frequentissimam incolis, in multiplices stationes diuisit; cuiusque ductorem & vexillum attribuit; cumque post armatos lustratione obiret, octoginta hominum millia in armis fulserunt. Id Parisiensibus gratum; & permolestum vniuersæ Franciæ quod tentauit. Sub Regni primordia Pragmaticam sanctionem in Pontificis gratiam abrogauerat; sed cum edictum regium Parlamenti placito non esset sancitum; quod in Francia necessarium est, ut vim legis edicta habeant regia, Franci eodem iure quo antea vsi, magnis emolumentis orbabant Romanam Curiam; nec remedium incommodo erat, quàm probari edictum senatus consulto. Eam rem perficiendam Balua suscipit, Cardinalis à Pontifice dictus, & Rege quem moderabatur sinente, dum vacabat Senatus, Prætori Parisiensi edictum exhibet, conficitque optatum; tum in Parlamentum se confert, repulsamque patitur. Nam exurgit Ioannes Sanromanus Procurator Regius, & graui oratione dehortatus quod postulabatur, magno est auditus assensu omnium; reiecto edicto à Senatoribus; stetitque Pragmatica ad Franciscum Regem. Mox Ludouicum, ne rem inceptam vrgeret, motum à Britanno bellum prohibuit. Is cum Regis fratre Carolo reconciliatus, sæpe Regem appellauerat de restituenda Normannia, vel constituendo patrimonio nouo; Rex obsurdescebat, cum nouo fœdere Britannum inter, Burgundum & Alensonium contracto, Britannus arma in Normanniam vertit; statim Cadomum, Baiocas, aliasque vrbes inuadit, Alensonio sponte Britones præsidarios admittente, atque in Britanniam secedente. Ludouicus repentino bello non territus, armorum quinquaginta millia, in Britanniam ipsam immittit; & captis Chantoncæ, atque Ancenice, latè vastat prouinciam. Bellum haud

haud dubie spectabat ad exitum, nisi Burgundus spem alteri fecisset, alteri metum. Et quidem Leodium suum illi negotium facebat, ciuitate occultis Ludouici consiliis rebellante; sed breui urbem potentia tanta opprimeret, quam nec vlllo subsidio Rex iuauat, ne Burgundum irritaret acerbius, & eo interuallo Britannia subigi haudquaquam poterat. Ideò Ludouicus Comestabilem & Baluam ad Burgundum mittit; postulatum vt Britannum deserat, pollicitus deserturum se Leodienses. Quod Burgundus pernegans, ipsis spectantibus equum inscendit, affirmans se intra triduum cum Leodiensibus pugnaturum, rem sociorum ex pugna pendere, littere sui arbitrij fore, si vicerit; si victus sit, Rex vt libuerit statuatur. Ita Rex Burgundum cum amouere non posset, nouum init consilium; inducias Britanno concedit, & apud Turones euocatis regni comitiis; de fratre & foederatis conqueritur; illorum ambitione pacem regni conuelli; nemini fratrem chariorem quam sibi; quod attineret ad patrimonium, ipsi inspicerent, quod æquum foret æstimarent atque decernerent, se staturum ipsorum sententiæ: multa præterea de constituenda regni politia pollicebatur. At in comitia delegandos ipse delegerat, qui nec hiscere iniussu suo auderent; quare quod optabat, calculis omnium, pro fratris patrimonio, assignata in redditus annuos, duodecim librarum millia, ex agris petenda, & quinquaginta millia ex ærario Regis. Verum foederati conditione reiecta bellum instaurant, & Britannus Anglo appellato, in spem erigitur mittendi subsidij. Nec ideò Ludouicus deponit instituta consilia; sed postquam arma ambigua sunt, artes suas aggressus, Taneguyum Castellum ministrum illum fidissimum Britanno detrahit, tunc Duci odiosum, quod impuros amores liberius carperet; mox

— Lescunum pellicit ac deuincit, in quo vno
 Lv- mens fratris atque consilium; atque eo ob-
 DEVI- stricto fratrem perfacile in sententiam suam
 CVS adducit. Adolescens incautus, nulla re per-
 XI. spicax, nisi in foeminarum amoribus, alieno
 ductu gubernaculi instar hac illac conuersus,
 testatus sibi permolestum esse bellum, admi-
 sit conditiones oblatas, Duce Britanniae re-
 pugnan- te; legítque in arbitros; qui agros
 assignarent, Calabriae Ducem & Comesta-
 bilem, Britanno ipsi multum infensos.
 Quamobrem Britannus cum à Burgundo ni-
 hil certi acciperet, Anglicumque subsidium
 lentum esset, ne vnus ad scopulum hæretet,
 pacem contrahit, Burgundico foedere (quod
 Rex ambiebat summopere) repudiato. At vix
 erat de pace conuentum, cum Burgundus
 cum exercitu valido in Picardiam penetrat,
 sociis opem laturus. Conferto praelio vicerat
 Leodienses, adegerátque urbem victori de-
 dere, quam turribus deiectis, fossa æquata,
 & magna muri parte euersa, raptaque liber-
 tatis statuâ, qua immodicè gloriabantur, qua-
 si stigmaticam & notis compunctam, pœni-
 tudini suæ deseruit. At Rex foedus cum Bri-
 tanno initum illi indicit, fratrem receptum
 in gratiam, & stabilitam pacem in Francia.
 Burgundus cum dictis fidem non adhiberet,
 fraudemque à Rege institutam crederet, ite-
 rum ab feziali Britanno fit certior, & vehe-
 menter succensus in socios, quod se incen-
 sulto causam communem prodidissent, &
 per summam ignauiam, imprudenter & per-
 fidè, vt dicebat, in nouum foedus consensis-
 sent; comminatus deserturum se, cum haud
 multò post pœnitentia ducentur; continuit
 se; ac Rege postmodum centum & viginti
 aureorum millia in stipendia militum pen-
 dente, concessis semestribus induciis, exer-
 citum soluit.

XI. At Britanno incolumi parum Ludouico
 actum

actum videbatur, nec is poterat obrui, nisi prorsus a Burgundo diuelleretur, igitur eò intendens, rem suscipit valdè ancipitem, quæ ipsum in præsentia graui periculo, & postmodum probro perpetuo & pœnitentia implicuit. Statuit cum Burgundo colloqui, conceptumque concilium sua arte perfecere; Burgundum ingenuum, in dissimulandi artes parum testum, ficta ingenuitate posse profigari; nunc iratum in fœderatos, ab eorum vtilitatibus abducendum; iam inclinatum pondus leui momento incubiturum; esse amantem pecuniæ, cuius illecebrâ hamum haud dubiè deuoraret. Eam in mentem Balua Cardinalis Regem impellit, siue quod ita ipse agendum censeret, siue Regi assentans, promotio consilio ipsi gratissimo; siue futura damna negligeret, solitus ex periculis Regis auctoritatem suam elicere. Primum Burgundus sui Regisque peritus, recusabat colloquium; ac tandem Rege perurgente, Perona ad conueniendum designata, quæ in Burgundi Potestate erat. Ludouicus concilio præter vnum Baluam repugante, dimissis etiam stipatoribus, ad maiorem fiduciam, solis comitibus, Duce Borbonio, fratre Cardinale, Balua, Comestabile; & Castello, Peronam se confert. Vix in urbem subit, cum cœpit in considerantiz pœnitere; videt cohortes in urbem admitti, ductoribus Lanio & Philippo Sabaudo, inimicissimis viris, quos olim arctè in carcere habuerat; accedunt Castelnouus, & Vrfæus, & priuatim sibi infensi; Burgundicis crucibus omnes conspicui; seque nudum & destitutum ope circumspiciens, excipi arce ad securitatem postulat, Erectus in spem à Burgundo, & in arcem diuersans, metum iam deponebat post tertium diem, & de patris plurimis iam conuentum erat; cum Burgundo iterariis cursoribus nunciatur, Rege

— —
Lv-
DOVI-
CVS.
X. I.

Rex
Perona
pericli-
tatur.

Duad
Chan
stean
neuf
Vrfé.

—
Lv-
DOVI-
CVS.
X I.

solicitante rebellasse Leodienses, Tungros cepisse & diripuisse, captiuos Episcopum & Imbercurtium, cæsos plerosque Canonicos, atque omnes Burgundos; eaque patrata, legatis Francis spectantibus atque incendientibus. Et verò eam in rem Legatos miserat Ludouicus, nec reditum præstolatus, temerè se in Burgundi casses induerat. Continuo Burgundus vehementi ira efferuescit, & inculatâ Regis perfidia, prætexens gemmariam pyxidem sibi furto raptam, iubet portas vrbis atque arcis occludi, ad eas & muros locato milite. Rex spectato milite primùm ambigere quidnam rei esset; at postquam audiuit custodes positos, vnúmque ostiolum patere; pertinuit; demùm comperta causa, seriò animaduertit quanto in discrimine versaretur, multò magis cùm triduò Burgundus eum non inuisit. Dici non potest quàm lente dies ipsi processerint, quàm horæ productæ, & momenta lentè fluentia; iustus timor & ex conscientia culpæ conceptus, obiciebat imminens malum, solitudo exaggerabat: nulla erat occluso libertas, nisi oculorum, quibus per fenestram prospicientibus occurrebat triste spectaculum, turris illa fatalis, in quam Carolus simplex ab Heberto Veromanduo coniectus, calamitosam ad vltimum spiritum vitam exegerat; & præceptâ miseriam, iam se inclusum, & ærumnis perpetuis obrutum cogitabat. Accedebat timori dolor atque indignatio, ob delusam prudentiam suam; peruidebat quantum imprudens & inconsideratus fuisset; non audebat vel efformare cogitatione, quid de se Principes, quid Franci, quid æmuli dicerent, quid inimici; eò sagacitatem illam deuenisse, vt Ludouicus mortalium ille cautissimus, se in Burgundi retia miserit, viri aperti, simplicis & temerarij. In tanto angore animi, spe nondum extincta, quindecim nummorum millia vni familiarium dedit, quibus domesticos Ducis

*Regis
anxietas.*

conciliaret ; nec ea machina frustra adhibita, quanquam summo scelere, magnam pecuniæ partem fur ille domesticus sibi attribuit. Et Burgundus primo die sui erat præ iracundia impos ; altero paululum demitigatus est, comperto Burgundos incolumes ab hoste dimissos ; tertio de Rege deliberauit, variisque sententiis nihil decreuit ; demùm quarto ad Regem adiit, verbisque conquestus pacatis in speciem, per quæ tamen iracundia iusta se proderet ; à Rege petit, vt fœdera Atrebat, & Confluentiæ ad Parisios concepta illibata seruet, vt Lancastriam domum penitus deferat, & fratri pro hereditatis parte, Briam & Campaniam tradat vt in Leodienses bellanti, se comitem præbeat cum suo milite. Rex petitis nulla mora assensit, & ductis trecentis equitibus, cum Duce profectus est, Leodienses quadraginta armatorum millibus impetente, magna quidem Ludouici infamia, cùm Rex clientis sui propè gregarius miles ; iret in eos pugnatum, quos pro fœderatis tueri debuerat, quosque in id periculum suo impulsu coniecerat ; sed cogitanti vnde emerferat nedum prorsus libero, erat leuius quod imponebatur ; & futura imò præterita solatio præsentibus erant. Leodium ab exercitu quamprimùm obsessum, actique ad extrema ciues, quibus nec muri essent, nec milites ad ciuitatis tantæ præsidium. Perstabant tamen in contumacia, furore rebellionem armante ; & iam Regem inter & Burgundum intercedebat suspicio Regique Burgundus assignauerat trecentos equites, qui ad eius hospitium vigilarent, cauerentque quid ageret. Ea inter Leodienses deplorata salute, rem aggrediuntur desperationis plenam & furoris. Sexcentis militibus qui supererant armatis nocte concubia ex vrbe erumpunt, rectaque ad Regis & Ducis hospitia feruntur : deducuntibus eorum hospiti-

Anno
1468.

—
Lv-
DOVI-
CVS
X I.

bus. Securi Principes somnum capiebant, nescij quanto in periculo versarentur, cum hostes distenti, primum in hospitio Alençonij perrumpendo, tum in trecentos inuecti, qui Regem custodiebant, Regi & Principi euigilandi spatium, & se armandi fecerunt. Ideo fortiter & cum ingenti clade repulsi sunt. Atque postridiè, qui dies erat dominicus, Ducis voluntate, generali instituta oppugnatione, vrbs capta est, cum pranderent ciues, nullique vigiles muros defenderent; primus omnium Dux in urbem irrupit, Rege ad latus pugnante, qui cruce Burgundica galero affixa spectabilis, inclamabat cum cæteris, viuat Burgundia; ducenti admodum è ciuibus cæsi, reliquis in templa, & vinarias cellas confugientibus. Nec eo miseræ vrbs calamitas desiit; nam post Regis profectiorem, Dux instaurata in vindictam ira; ciues omnes, nullo discrimine sexus vel ætatis, iussit amne mergi, aut ferro necari, ædificia cuncta flammis absumpta sunt, sacris duntaxat parcitum, & tectis aliquot ad excipiendo canonicos; vehementissimo frigore, quod ea hyeme adeo sæuiit, ut vinum securibus diffindendum esset, nusquam opprimente ultionis incendium. At Templorum occasione post annos aliquot vrbs reparata est, & exurgens è cineribus peruenit ad posteriores opulenta. Rex post eam captam, à Burgundo discessit, excusante diuturnam moram, atque ægerrimè prædam emittente è cauea. Dux postmodum Margaritam Eduardi eboracensis sororem in uxorem ducit.

XII.

Rex
fratri
Aquitania
donas.

Ludouicus veluti postliminio sibi suisque redditus, primum ut ignominie famam obrueret, stare pactis voluit, nec vim sibi illatam opposuit; tum ut silentio probrum suum inuolueret, tum quod Burgundi potentiam verè metueret. Igitur cum tabulas fœderis senatusconsulto probari curasset,

Turones

Turones profectus, audito Parisienses populari licentia de Peronæ factò cauillatos, picas, coruos, alaudas, auésque cæteras, quæ humanas voces imitarentur, iussit parisienſibus detrahi, atque ad se deferri; noua pœnâ dicteriorum licentiam plectens, & indicens silentium, auiculis loquacibus raptis. Sed eo in lusu grauior cura coquebat animum, quoniam modo fratri promissam Campaniam pernegaret; nam id vnum Peronenſis fœderis non perficere animo constituerat; gnarus Campaniam in Burgundi potestate futuram, si fratri cederet, immensis æmulorum viribus, quorum consilia atque potentiam prouinciæ iunctæ coniungerent. Eaque fixus in voluntate, digrediens à Burgundo petierat, quid vellet fieri, si fratri data Campania non placeret; Duxque responderat, minus perpenſo petitionis momento; vt viderent ipsi, suâ non referre, modò Carolo Principi fieret satis. Ita apud fratrem contendit, vt Campania omninò abſtineat, & abſtinenti Aquitaniam offert, prouinciâ longè ampliorem, emolumentis maioris, & clari in Europa tota splendoris. Carolum vehementer Burgundus & Britannus ab eo consilio dimouebant; Campaniam ditione Burgundi tectam & tutam nulla conditione defereret; in eo sociorum & suam maximè securitatem positam, vt qui vni animis essent, potestate atque imperio non se iungantur, membrisque tanti corporis nihil intercedat. Nec extemplo roganti Regi assensit; donec a Lescuno immutatus, admisit, Aquitaniâ; nã priuata vtilitas inſeſtebat Lescunum; nẽpe. in Aquitania vnde oriundus, sua referebat imperare Principem; sibi authoritatis, opũ, & potentia viâ muniri, & amor patriæ alliciebat, vnoquoque optante eminere in popularibus. Id dum curatur, Rex Ambosiæ equestrem ordinem nouum instituit, in honorem Archangelis Michaëlis, cui Francia, vt Genio tutelari præcipuo cultu.

Anno
1469.
Ordo
S. Mi-
chaelis

—
Lv
Dovi
cvs
X. I.

*Li cha
rente.*

addicta est ; quindecim Proceribus torquis impertitus, è quo pendeat Machaëlis aureum simulacrum ; triginta sex equitibus conscriptus numerus ; quem Rex non impleuit ; designandis deinceps Principibus viris quos conciliare cuperet aut munerandis, præmia quibus ob fidem deberet. Quippe animaduertebat sagacissimus Princeps, Anglo & Burgundo, periscelidem, aureumque arcitem, instrumenta aptissima esse, ad socios demerendos atque præmiandos ; leui impensâ, cui plurimus honor adiunctus sit, parari socios, conseruari, darique iusta facinoribus maximis præmia ; igitur ne eo fructu destitueretur, suum Ordinem condidit, decrevitque eum qui admitteret, renuntiato quolibet fœdere, sibi vni adhereret. Perfecta ceremonia fratrem in Aquitaniam ipse deducit, ne inconstans iuuenis nouo in via afflaretur consilio ; statuitque Aquitaniam limitem amnem Carentonum. Imò ut fratri studere penitus crederetur, eidem uxorem Isabeliam postulat, Henrici Castellæ Regis sororem, & designatam hæredem. Etenim quamquam Ioanna filia Henrico erat, tamen pro spuria ob impotentiam patris vulgò habebatur, talémque dixerant, regni comitia. Verùm Isabella virgo ingentis animi atque ingenij, aspernata Principem tam infirmum ingenio, quam ignauum animo, repudiavit has nuptias ; Rege forsan haud molestè ferente ; qui & postea contendit plurimum, ut Ioanna in sponsam daretur, nouisque comitiis legitimam dici curauerat ; sed magna contentio nihil certi peperit, præter spem & famam, Rege fucum facere per inanem operam satagente. Cæterum a veritate alienum puto, quod Cardinalis Papiensis scripsit, de fugiente in Britanniam Carolo, & naturæ impulsu conciliato cum Rege ; nam id nequaquam Cominæ cæterique Historici prætermisissent ;

ſiſſent, vnde crediderim vel Cardinali im-
poſitum, quod plerumque fit, vulgi rumore,
velid contigiſſe, cùm primùm Carolus a Bri-
tannia redux ſalutauit Regem. Porro dum
Ludouicus de Aquitania cum fratre agebat;
magno Europæ ſtupore, Cardinalis Balua è
ſummo faſtigio ad miſeriam ſummam detur-
batur. Erat Balua a molitore Virdunenſe na-
tus, puer a monacho præterunte abductus,
cui dum ad vilia miniſteria famulatur, Lati-
na lingua vtcunque percepta, penetrauit in
domum Iuuenalis Vrlini Piſtauienſis Epiſco-
pi; atque vt erat ſagacitate mira ingenij, fi-
delitate fraudes animi obtegens, gratiam
heri parauerat. Mox ſe applicuit Andega-
uenſi Epiſcopo; a quo in aulam intruſus,
Romamque ad Pium ſecundum ductus, con-
ſuminauerat dotes ingenij; verſipellis, frau-
dum egregius artifex, improbitatis machina-
tor, peritus conſiliis malam mentem armare,
ſerere lites & contentiones, & perpetuas
alere, nec fama teneri aut conſcientia, cui
nulla fama, & ſua vtilitas pro conſcientia
foret. Ea indole iisſque artibus Ludonico
breui innotuit; & ad miniſteria plura appli-
citus, ſimulata in Regem fide inuiolata, ho-
noribus Eccleſiaſticis opulentisſque benefi-
ciis cumulatus, principem locum in admini-
ſtrando Regno obtinuit, Ebroidenſis Epiſco-
pus, & Cardinalis. Prouectus in tantum fa-
ſtigium, colligebat omnium odia, tum im-
moderata ſuperbiâ Proceres alienante, tum
turpi auaritia plebem ſpoliante; nec modò
concilium togatus regebat, ſed luſtrabat exer-
citus, & magna nobilitatis inuidia Dux in-
ter milites verſabatur. Verùm in ſuprema au-
thoritate, nec ſe, nec indolem primam diſi-
ſerat; Regem ſuſpicionibus in Principes im-
plicabat, olim ipſum inter atque Pontificem
iurgiſſe cauſas aluerat; mox ſe Britanno atque
Burgundo addixerat; atque omni vi enite-
batur.

LV.
DOVI-
CVS
XI.
Balua
Cardi-
nalis a
Rege
plecti-
tur.

LV-
DOVI-
CVS.
XI.

batur ne Carolus Aquitaniam admitteret. Attamen frustra Principem dehortatus, clam ad Burgundum scribit, impellitque ad bellum inferendum, aperit arcana Regis consilia; quid in ipsum, quid in Britannum alta mente conciperet, traditque indicia veteris & confirmatae amicitiae. Nuntius cum litteris feliciter interceptus, Regi stuporem, iram, & pudorem iniicit, violatam fidem, apertaque consilia, ab eo cui nihil arcanum nihil tectum foret, suae vigilantiae tanto tempore illudum, torpemia & beneficia frustra consumpta; ea Rex indignatione summa reuoluebat, sibi-que iratior quod tandiu nebulonem nusquam explorasset, in ultionis libidinem raptus, Baluam trudi in carcerem iubet; nec cessauit; donec accedente Pontificia autoritate, damnatus est reus laesae maiestatis, ac bonis omnibus spoliatus; Rege mortem condonante, in Bastillam est conditus; nulla re opulentior quam olim fuerat, praeter infamiam, quam maximam moribus, ipsaque poena contraxerat. Vndecimo post anno liberatus; e summa calamitate emergens, ut in summa foelicitate demersus; adeo in humanis nihil fixum & inuiolatum. Datus est carceris socius Haraucurius Viridunensis Episcopus, Baluae conscius; datusque in caueam ferream omnium primus, cuius consilio fabrefactae eiusmodi erant; ne Franciae suus Perryllus, suumque exemplum humanitatis vindicatae deforet. Anno sequenti Comes Dunensis desit viuere, ingentibus meritis supra natalium sortem euectus, caputque Longauiillae familiae, magni in posteris splendoris, rebusque gestis trunco dignissimae. Et natus est Regi optatissimus filius, cui nomen Carolus, futurus patri regni potius successor quam indolis.

Anno
1470.

XIII.

Postquam Francia tranquillitate modica respirauit, noua rursus procella iactatur; Re-
gis

gis quidem prona voluntate, sed alieno impulsu. Causa discordiæ ipsam inter & Burgundum non deerat, auersis animis, per iniurias mutuas laceffitis; species quæsitæ, quod Burgundus plures in Picardia occuparet agros, quàm quod fœdere Confluentino liceret. Belli faces occultæ, Britannix Dux, & Comestabilis; suo quisque consilio; ille, ut quod diu voluebat animo, Burgundum cogeret ad filiam Aquitanix Duci in uxorem dandam; nempe his principibus tam arcto vinculo colligatis, nihil futurum amplius quod à Rege metueret; & Comestabilis bellum incendebat, ut turbas inter perpetuas auctoritatem suam tueretur, necessitatem sui faceret Regi, nec mutandi spatium volubili ingenio ullū permetteret; atque vtriusque voluntate Aquitanix Dux in idem bellū conuenerat. Nec Ludouicus in eorum mentem perspicaces oculos, immittebat, seu quod calliditas calliditatem excluderet; seu quod totus in Burgundi perniciem ruens, minus aduerteret aliorum dolos. Antea tamen quàm arma fulgerent, Burgundum impetit clandestinis consiliis; pluribus familiarium ab illo distractis, quos & vrbes sequutæ sunt. Tunc regni comitia Turones conuocat, nec delegatis nisi qui placerent, necessitatem belli persuadet, plura in Burgundum congerens, & statim viatore missō diem illi dicit, ut se in Parlamenti Curia sisteret; quo non comparente, bellum continuò infert. Prius fulminatum est, quàm intonitum auribus. Sanguintinum occupat Comestabilis; Ambianum Roya & Mondiderium Regem excipiunt; Delphinus Aruernix Burgundiam inuadit, cæditque obuios Duces; Burgundi familiares ab ipso deficiunt, Ioannes Cabilonensis Orangij filius, in paucis charissimus, & Balduinus frater nothus, non sine veneni suspitione; nemo aliorum est cui fidem habeat;

LV-
DOVI-
CVS
XL.
Rex
Burgundo
bellum
indicit

De
Chalon.

beat ; fœderati etiam terga vertunt ; Dux
 ———
 Lv- Aquitaniæ ipse in castris cum Rege agebat,
 DOVI- Britannus plures turmas in eadem miserat;
 cvs ipsi nec exercitus erat, nec parata pecunia.
 XI. Eo in angore clam ad Comestabilem scribit
 (nam cum eo arcta perstabat amicitia) rogât-
 que ne secum agat tam inimicè, bellum gerat
 mitius, memineritque quantum sua referat,
 Regi pacem opponi. Rescribit Comestabilis;
 in ipsius potestate esse quod postulat, assen-
 tiatur petitis nuptiis, ad ipsum totum exer-
 citum transiturum. Idem urget Britannus,
 additque vires Flandriæ coquere rebellio-
 nem, & Regem statuisse ipsum includere,
 quocunque se recipiat. Burgundus ad ea in-
 dignatus, ut animo erat alto & superbo, nec
 in filia nuptias iturus tam citò, quam osten-
 tatam pluribus, nemini dabat, magna solici-
 tudine conscribit militem, & conscriptum in
 Picardiam ducit. Primo impetu Pequinium
 expugnat, tum castra ad Ambianum locat, si
 inclusos Duces Comestabilem ceterosque
 ad pugnam eliciat ; verùm ij munimentis
 tecti, & valido tuti præsidio ; tempori hye-
 misque incommodis expugnandum Ducem
 obiiciebant ; iamque Rex cum exercitu im-
 minebat, erantque omnia Duci extrema,
 cum ab arctis angustiis se ipse suo ductu at-
 que consilio prudenter expedit ; adeò neces-
 sitati sua est mens & sapientia. Ad Regem
 paucis manu propria scribit : modestè de il-
 lato bello conqueritur ; eius authores accu-
 sat subditos à quibus proditur ; amicè admo-
 net ut eos caueat ; adiungit vota supplicia,
 & demissas obsecrationes, quibus se affinem
 & obsequentem Regi profitetur. Ludouicus
 Anno perlectis litteris immutatur repentè ; suspi-
 1470. cacem animum primæ cogitationes impe-
 diunt ; meminit consilium à Britanno im-
 missum & Comestabile ; timet ne quid in-
 gentis mali deliteat ; & illico inuito Come-
 stabile,

stabile, Burgundo inducias, & securum receptum permittit; omnibus demirantibus, qua mente, quove consilio, acerbissimum hostem in cales coniectum, nullo fructu emitteret, quem commeatu duntaxat erepto ad extrema agebat. Idque nimia prudentia, (an præpoſteri metus) peccatum dixerim, sibi cuncta tribuentis; adeo homines laborant copia, & immoderatione bona sua perdunt. Liberato Burgundo, protractisque induciis, nouum genus belli exoritur. Ad pacem contrahendam missis vtrò citròque legatis, singuli Principes vt se mutuò fallerent, intendunt machinas animùmque: In Aquitaniam secesserat Dux, Regi iratior, quod Armanica ditione concessa, ita illam distraxisset in singulos, vt ipsi præter Lectoram nihil esset super; quamobrem reuocato ex Hispania Armanico Comite cum conscriptis copiis vim restituebat. Comestabilis Comitatu Eufio nuper à Rege donatus (Comes Eufius vltimus Artesia familiae mortem obierat) nec eo munere conciliatus, vrgebat Burgundum, vt Aquitano filiam traderet; idem vehementer contendebat Britannus; omnia pollicentes, id si perficeret. Nec in speciem pernegabat Burgundus; siue eo vt metu Anglum arctius sibi adstringeret, siue vt ab Rege conditionem quam vellet auferret; nihil accuratius cauente, quam ne frater (& fratris nomine hostes cogitabat) tantopere cresceret ac stabiliretur. Nec ea mens Burgundo erat, quidquid simularet; nam præterquam quod constituerat non collocare filiam, nisi extrema vrgerent, propenderetque in Maximilianum Austriacum, Friderici Imperatoris filium; omnino abhorrebat à nuptiis Aquitani, opinione concepta filiam à Rege veneno tollendam, vt in opulentam hæreditatem inuaderet. Tandem post itiones multas Legatorum, cum Rege conuenit, vt Ambiano

LV-
DOVI-
CVS
XI.

*Bellum
per ar-
cana
consilia
gestum.*

d'Eu.

—
Lv-
DOVI.
cvs
XI.

& Sanquintino ipsi restitutis, renuntiaret
foederibus contractis, speciatim cum Anglo,
Aquitano & Britanno. Iuratúmque est à
Burgundo foedus tanta perfidia, vt eo mo-
mento ad Anglum & Britannum scripserit,
ne eo foedere commouerentur, nam ore te-
nus tantum id contractum. Porro Rex Sacra-
mentum in singulos dies prolatando, tandiu
distulit, donec morte fratris audita, aduolat
in Aquitaniam, Burgundi Legatis cum lu-
dibrio dimissis. Nec miserandus Aquitani
exitus transeundus silentio.

XIV.
Caroli
Ducis
Aqui-
tania
mors.
Monse-
reus.

Fauve
Versois.

Duo illi capita charissima erant, vt diuer-
sa sexu, ita moribus admodum dissimilibus,
quanquam vno consentirent, vt miserum
Principem ad suum quodque nefas pellice-
rent. Catarina Montforæ, mortuo coniuge
Ludouico Ambosio, quoniam tum ipsa tum
maritus fuerant in foederatis, ad Aquitanum
confugerat; captúmque formæ flore & sua-
uissimo ingenio, turpi amore obstrinxerat.
Ioannes Faber Versoii, Monachus Benedi-
ctinus, Abbas fani Angeriaci, improbitate
insignis, atque ad flagitium quoduis factus
fictusque, per eas artes, impuroque obsequio,
in Principis animum totus irreplebat; atque
ita ambo, tum vir tum foemina, suas artes
& scelera hero affricabant. Verum vt Deus
per instrumenta criminum reos plectit; per
ea duo capita calamitosus Princeps mortem
hausit. Versoiius haud dubiè grandi præmio
illectus, nece Aquitani concepta, ipsi fortè
cum Montforæ merendam sumentis vene-
num propinat. Selegerat malum Persicum,
forma & colore conspicuum, imbutúmque
toxico foeminæ offert, haud inscius vtriuf-
que fore, quod vnius esset; illa fructus spe-
ciem demirata, malum vino immergit, par-
témque Mediam Principi donat, ipsa alte-
ram vorat; sibi mortem & charissimo amanti
per lulum comparans. Nam grassante toxico
diebus

diebus post paucis rapitur ; Aquitanus ut
etate & robore valentior erat , fatum ad sep-
timum mensem produxit. Ea tamen vis ve-
neni fuit, ut deciduis vnguibus capillisque,
& nervis dirum in modum contractis, mor-
tem potius diuturnam quàm vitam egerit.
Monachus illicò in carcerem truditur, illique
iudices ab Antistite Burdegalensi designan-
tur ; quibus litem instruentibus, cùm Ludo-
vicus Burdegalam aduentaret , Lescunus ve-
ritus ne parricida liber emitteretur , naui
impositum ad Britannum mittit. A quo ne-
farius carcere conditus, humana cunctante
iustitia , cœlestem expertus , ictus fulmine,
tempestate sæuissîma cœlum permiscente;
reperito cadauere tetro & nigricante, tumido
ore & producta lingua. Et Rex vocatus in
suspicionem flagitij , primùm quia ipsi utile
& commodum erat ; tum quia litem instru-
ctam ad se iussam deferri flammis suppressit,
iudicesque ingentibus affecit præmiis, silen-
tio haud dubiè redempto ; tum quod ali-
quantò post Episcopus Parisiensis repentina
morte extinctus est , traductaque ad Regem
illatæ mortis suspicio , cui viuis diù odiosus
erat. Verùm amat vulgus magna in Principes
conferre crimina , nec semper necesse est
perpetrassè flagitium , qui patrato gaudet.
Et verò Regi nihil acceptius erat quàm
mors fratris ; Is ergo postquam Burdegalam
venit, totique Aquitanix sub potestatem re-
ductæ Ducem Borbonium Proregem consti-
tuit ; Extemplò in Britannum profectus, ma-
tura ut rebatur opportunitate, opprimere ob-
noxium tota mole ardebat. Verùm & para-
tum ad repellendam vim reperit , & Lescu-
nus ab Aquitano ad eum perfugerat , vir
summæ prudentiæ ; metûsque erat ne Anglus
miles arcesseretur ; prætercà Burgundus ve-
rabat Picardiam , & agris vastatis vrbes ali-
quot cœperat. Eam ob rem Ludovicus veli-
ficatione

*Rex in
Britan-
num
mouet.*

—
Lv-
DOVI-
CVS
XI.
Des
Essard.
Comin-
ges.

Bur-
gundus
vexat.
Picar-
diam.

Bello-
vacum
serua-
tum.

ficatione mutata, bellum ab armis ad pacem traducit, aggressusque Lescunum per Soplinuillain, per ipsum conciliatum, & Petrum Essartium, Britannum Ducem expugnat; Lescuno quidquid postulauit concessum; ingens pecunia tum præsens tum annua, Ordo Equestris, Conuenarum Comitatus, & in Aquitania plures præfecturæ; Essartio & Soplinuillæ multum auri datum; Duci annua pensio attributa, cum Equestri Ordine, Burgundicum atque Anglicum fœdus eiuranti: Et Lescunum Rex quanquam fratri additum amauerat, quod patriæ amans ab Anglico fœdere sæpe herum abduxerat, vetueratque ne Franciæ hostem intra Normanniæ vrbes admitteret. Ludouicus hac patrata pace se in Burgundum conuertit. Ille post Aquitani obitum, à Rege delusus, & iracundia exardescens, ingentem exercitum in Picardiam inuehit; & præter morem ferro & flammis in oppida grassatus, Neslam urbem euerit; mox Roya & Mondiderio deditis, Bellouacum obsidet. Viginti sex dies oppugnatio tenuit, tam repulsa fortiter, quam instituta. Portâ quæ ad Parisios spectat excepti Chabanius, Roüantius, Marescallus, & Estouteuilla, cum milite, ciues confirmarunt; missus Parisiis atque Aureliâ omnis generis commeatus recreauit afflictos; sed ea serius vrbi aduenissent, nisi suæ ipsam mulieres ab hoste seruassent. Iam Burgundi portâ vnâ potiti, urbem inuadebant, ciuesque attoniti se in fugam dederant; cum fœminæ raptatis armis in hostem procurrunt, propelluntque viriliter, & recepta porta excludunt; vnâ inter cæteras clara, quæ à signiferi dextra raptum vexillum, Virgini Matri, in anathema appendit; & in facinoris memoriam Rex decreuit, vt solemnî die quæ patronæ vrbis Diuæ sacra est, in supplicatione fœminæ viris anteirent, atque in sacrificij oblatione

tione ; tum vt honor sexui constaret alteri, alteri probum. Burgundus soluta obsidione, in Normanniam tendit, & frustra vrbibus tentatis, pluribus agris, pagisque incensis, sæpius clade affectus, exercitum in Picardiam reportabat ; cum Ludouicus regreditur à Britannia, & belli moles instaurabatur, nisi Burgundus pacem præoptasset, nam a Britanno adscriptus inter eos, quibus si placuisset darentur induciæ, iis se comprehendi velle declarat ; atque in aliquod tempus odia mutua compressa. Eaque tempestate Regi magnum lucrum accessit, Philippus Comminius, ex illustri in Flandris prosapia, vir solertissimo prudentissimoque ingenio, qui in Caroli Burgundi familia educatus, ipsique in paucis gratus, ab eo deciscens se ad Regem contulit ; siue ab Caroli moribus alienior, siue Ludouici donis illectus, viros eiusmodi ingenti pretio comparantis ; seu prælagus sortis quæ herum Carolum exceptura erat. Hic nullis excultus litteris, vna indolis dote, scripsit historiam, quæ Francis tanti est, vt nec Græcis Thucydidem, nec Romanis Liuium Tacitumue inuideant ; adeo natura artem supplet & vincit.

Quiescente Burgundo, in regno oritur, quod Ludouicum exercent ; Alenfonius & Armaniacus in pœnam vocati. Ille iam ante sub Carolo septimo prauis consiliis implicatus, & à Ludouico emissus carcere, rem nouam tentabat Regi molestam & perniciosam. Clam ditionem suam, Ducatum Alenfonium, & Perticensis vendebat Burgundo, in Britanniam recessurus ; magno regni incommodo, quod in Normannia ciuitates plurimas atque opulentas, ea emptione Burgundus esset possessurus, quod cupiebat magno-perè, & vicinum habiturus Britannum. Re per familiares ducis comperta, Ludouicus ab Trifano, celebri, iis temporibus capitalium tribuno

—
Lv-
DOVI-
CVS
XI.

De
Com-
mines.

XV.
Alen-
fonij
pœna.

—
Lv-
DOVI-
CVS
XI.

Et Ar-
mania-
ci.

Sci-
gneur
de
Beau-
jeu.

D'Ay-
mes.

tribuno, reum comprehendi iubet, ductum-
que Parisios, in Quaestionem vocari; qua ha-
bita & reuocato priori flagitio, quo testem
accusationis custodiâ missus necauerat, morti
a Parlamento reus addicitur. At commutauit
Rex mortem in carcerem, in quo dolore &
mœrore obrutus, animam posuit; poenam
tandem conficiens, quam aliena clementia
diu distulerat. Armaniaci supplicium vt diffi-
cilius sumptum, ita efficacius in exemplum.
Ab Aquitanix Duce in ditionem suam resti-
tutus, moxque eo mortuo ab notho Borbo-
nio deiectus, iterum Aragonij potentia fre-
tus eam receperat. Rex statim copias in re-
bellem mittit, ductoribus Domino Bellijo-
censi, qui Borbonij erat frater, & Cardinale
Albigensi. Ad ea Armaniacus profitetur, ab-
dicare se bellum, pacem percupere, & Lectoram
validissimam urbem tradit Bellijocensi.
Verum haud multò post, quasi flagitiosissi-
mum virum probè semel egisse poeniteret,
Lectoram occupat, & Bellicocensem in cu-
stodiam mittit, prodentibus Carolo Albretio
fratrum minimo, & Ioanne Aymetio,
nobili Petrocorio. Continuo Rex in perfidi-
am geminatam commotior, iubet Cardi-
nalem Albigensem admouere urbi exerci-
tum, patranda in fonti libertate, & fonti poe-
nâ. Erat Cardinalis in Comitatu Burgundix
ex mercatore natus, qui Atrebatensis Episco-
pus, ac postmodum Cardinalis, quia ad Lu-
douici indolem mirè aptus erat; ab eodem
illectus, & Burgundo ereptus, plurimum in
concilio pollebat. Nuper Albigenibus do-
natus Insulis, quod opimum in Francia sa-
cerdotium, Cardinalis Albigenensis adeptus
erat appellationem. Ille postquam Lectoram
octo mensibus expugnat, urbem situ & ope-
ribus munitissimam; tandem Comitis filio
dnm erumpit caeso, quem ex incestis cum
sorore nuptiis infelix pater genuerat, ita
Comes

Comes fractus animo est, vt deditionem perierit. Missi ad Regem Legati, qui quintâ ab castris leucâ confederat, libertatem Comiti reportant, modò extra regnum facefferet; atque admissa conditio præstabatur; cum scelerum furiis agitated Comes, in milites regios repentè inuadit. Etenim toto exercitu per muri labem irruente, Comes numero obrutus cæsus est, ipsâque vrbs direpta miserè, necatis ciuibus. Scio mortem Comitûs à pluribus secus narrari, sed cœui scriptores, rem actam tradunt vti exposui; & ea erant Armaniaci suprà cumulum omnem flagitia, vt fuisse exitum vitæ haud abîmitem, verosimile sit. Eo motu periculosum bellum excitatur. Ioanni Aragonio Regi, Perpinianum & Ruscinonenses Ludouico venditi, pœnitentiæ erant & dolori; ideò consilia cum Armaniaco communicauerat, promouerâtque ad rebellandum, atque vsus opportunitate, Perpinianum inuadit; ciuibus conuocantibus, quos Francorum iam pertæsum erat, Præfecto Lauio xgrè in arcem se recipiente, eamque in Aragonios propugnante. Commodum Lectorâ captâ Ruscinonis casus nuntiatur, rapiturque per Pyrenæos, exercitus, eodem Cardinale ductore, & Perpinianum obuallat. Ioannes Rex se vrbis muris vltro incluserat, palâmque testatus se pro ciuibus occubiturum, quanquam senio confectus fractusque viribus, ita fortitudine animi ciues inflammabat, vt ad omnia prompti atque expediti, Francum excluderint; donec Ferdinando Principi spatium aduolandi datum, & soluta à Francis obfidio est. Bellum interpellatum in aliquot menses exceperunt induciæ; Lauio semper arcem obtinente. Interea Ioannes spe concepta pacis Legatos mittit ad Ludouicum; qui primùm Parisiis inter spectacula occupati, dein Lugduni subfidere iussi; dum ele-

LV-
DOVI-
CVS
XI.
Anno
1473.

*Bellum
pro
Ruscino-
ne.*

Lau.

*Ande-
gauri
occu-
pati.*

buntur induciæ ; fraudis locum Regi suo faciunt. Nam Ludouicus continuò in Ruscinonem immittit exercitum, vastatisque agris, Perpinianum oppugnat. Tota oblidio patientiâ oppugnantis stetit ; quippe nullo facinore bellico, postquam octo mensibus in penuriam obsessi pugnarunt, voratisque animantibus quæ sola fames rapit in alimenta, iam deerat quo miseriam alerent, oblatas à Franco conditiones admittunt, traduntque ciuitatem. Anno consequenti de pace actum est ; & Aragonius in Castellam diuulsus, Perpinianum omisit ; Legati eius magnificè Parisiis habiti ; & ciues lustrati, prope centies mille, singuli Chlamyde purpurea & cruce candicante spectabiles, Hispanis præbuerunt potentia Francicæ specimen. Eo motu Rex liber, Andegauros ab Renato vel impetrat prece, vel vi aufert. Senex annis grauis liberisque orbatus, vel patebat iniuriæ, vel cōmodabat se precibus. Ioannes filius Calabriae Dux, Barcinone febri obierat, dum Catalaunorum iras in Aragonium fouet ; Nicolaus filius, anno vicesimo secundo decurso, spes paternas adierat, & spe Catalaunicæ expeditionis, adhæserat Ludouico, filiâque eius desponderat. Verùm postquam spem illusam videt, & Regem à Catalaunico bello alienum, continuò ad Burgundum deficit ; qui adolescenti escam luculentam obiciebat, filia nuptias. Porro is cùm Nanceij ageret, pestilentiâ ictus, diem vltimum obiit, nullo hærede præter auum relicto. Et quidem Lotharingiam Comes Vademontius adit inuaditque ; ille Nicolai auunculus erat, nam Iolandam Ioannis sororem vxorem habebat, vnde filium Renatum suscepit, stirpem Ducum Lotharingæ, per scēminam ab Andegauiensibus deducendum originem. Renato Nicolai auo Andegaui & Prouincia Phocensis patrimonium erant. Ergo ipsi Ludouicus persuadet ;

persuadet ; vti in Prouinciam secederet , atque Andegauos sibi permitteret , ex sorore nepoti , hæredique proximo , cùm nulli alij forent. Bonúsque senex in Prouinciam concessit titulo Regis semper vsurpato ; ac quamquam prouinciis pluribus spoliatus , tamen desiderauit hæredem ; & quod relinqueret habuit non cui relinqueret.

Appetente induciarum cum Burgundo sine , ea in annum prorogata sunt ; quo ille quietis osor perpetuus , rebúsque ingentibus conceptis animo , Gelriam pio bello , ereptam filio , patri restituit , sibique postmodum comparauit , hæres à patre dictus , dum Rex sororem Annam matrimonio collocat , cum Petro Borbonio Bellijocensi Dynasta , Ducis Borbonij fratre , atque hærede proximo , nullis fratri liberis. Atque Burgundus Gelrio restituto , Treuiros venerat , spe regni Burgundici , quam Federicus Imperator fecerat , eratque ornatus ad cæremoniam instructus magnificè , cùm Imperator à promisso resiliens , insalutato Duce discedit , & pro corona ludibrium tradit. Burgundus tantà contumelià aspersus , cùm in Fridericum non posset , in Regem iram vertit , quem suspicabatur abduxisse à se Imperatorem ; ac primùm in Niuernensem Comitem , Regi addictum , arma & furorem effundit. Rex Burgundum de pace immotus appellat ; cùm statuisset ferocem illum Leonem alieno potiùs periculo quàm suo , perdomare atque opprimere. Nouiodunum delegati vtrinque mittuntur ; sed a Burgundis Hugoneto Cancellario & Imbercutio proponuntur noua & inexpectata. Securæ pacis & imperturbatæ vnâ esse viam , si Comestabilis de medio tollatur ; eum hætenus belli tubam & facem fuisse ; geminatâ perfidiâ perduellem hominem , tum Regem prodere , tum Ducem ; nullum fuisse motum quem non excitarit ; clam

LV-
DOVI-
CVS
XI.

XVI.
*Varia
Burgundi
consta-
lia.*

*Rex d
Come-
stabile
delibe-
rat.*

LV.
DOVI-
CVS.
X I.

egisse cum Burgundo, cum Aquitano, cum Britanno, singulos diuersis causis inflammasse, tum proposita scriptis tabulis comprobant; palamque commonit rant viri perfidiam & proditionem. Rex de postulatis Burgundi edoctus, ad assentiendum non hæsit anxius. Diu erat quod Comestabilis venerat in suspicionem; fraudes perspicacem Regem non latebant, & arrogatum supra modum clientis imperium concitabant eundem: nam is Sanquintino præsidium regium expulerat, suumque immiserat, & verbis insolentibus se plerumque Regi parem ostentabat. Ea Ludouico perdendi hominis desiderium fecerant, & plerisque obruerat minorum scelerum reos; sed voluntati potestas deerat; nam homo versipellis fraudes obiectas fraude eludebat, & se contra vim egregiè communierat arcibus fretus in Picardiae finibus, Sanquintino, Hanno, & Bohano; & opulentâ collecta pecuniâ, tum ex donis regis, tum ex patrimonio, tum ex vectigali quod imposuerat, vinum è Francia in Belgium inuehens. Igitur Rex quæsitam opportunitatem sponte admittit, conuenitque per delegatos in viri exitium; ut qui prior ipsum interci-peret, vel vitam eriperet, intra oculiduum, vel alteri traderet plectendum ad nutum. Verùm Comestabilis mira sagacitate fœdus subodoratus, totas artes in consilium vocans, scribit ad Regem, tentatque Burgundi accusationem euertere; mirari se quod prudentissimus Rex ab capitali hoste caperet consilium, Regem non latere quantam inuidiam, quantum furorem in ipsum Burgundus conceperit; *ut malorum omnium author sit, ut Aquitaniam & Britannum igni perpetuo inflammaret; nunc quid ipsi gratius, quid incunctius euenire posse, quam si Regi addictissimus pereat? sanè si fidem meam, quam tentauit omni ratione, potuisset perfringere, nequaquam in perniciem meam exardesceret; at*

quem fidelem deripere tibi congestis donis non
 valuit, eum per te perdere congestis dolis co-
 natur, atque amoliri obicem insana cupidi-
 tatis & consiliorum. Ego nempe Ducis fau-
 tor & promotor, cui validissimas urbes eripui,
 quem Sanquintino exclusi, quem profligan-
 dum exposui, quem si mihi haberetur fides
 nuper obruebas. Scilicet cum summis precibus
 te rogarem, uti inualidum, fame & frigore
 pene enectum, inter legiones nostras depre-
 hensum includeres, vinceret, atque profliga-
 res; tunc amicum tuebar, defendebam atque
 propugnabam? neminem id callere melius
 quam Regem ipsum, ad quem preces, stu-
 dium, atque contentio adhibita forent, qua-
 re ipse viderit qua mente Burgundus in exi-
 tium suum ruat, nec hostem audiat ultionis
 furentem libidine & grassantem insidijs, qui
 ferro non posset. Rex iis literis persuasus, seu
 forte veritus ne comestabilis ad Burgundum
 se verteret, prompto pretio veniæ Sanquin-
 tino, legatis rescribit, ab ea re uti abscede-
 rent, simulque ad Comestabilem vel introsp-
 ciendum penitiùs, vel demerendum arctiùs,
 statuit cum eo colloqui. Et ea Comestabilis
 audacia fuit, ut se Principi suo adæquans,
 erectis supra amnem repagulis, armatus tre-
 centis armatis stipantibus, Regi collocutus
 sit inter septa. Et primùm clauistro nixus ex-
 cussit se, quod loricatorum Regi se offerret;
 id factum, ut se in Chabannij inimici, qui
 præsens aderat, vim tueretur; tunc priora
 de fidelitate sua instauravit. Rex peritè dis-
 simulata indignatione, collaudat prudentiam
 viri, præteritorum obliuionem ostentat, tan-
 taque adhibet blandimenta, quorum erat pe-
 nitissimus artifex, ut Comestabilis vel iis cap-
 tus, vel superbiâ impulsus, metu deposito,
 ad Regem eiecto septo transuerit, & No-
 uiodunum se cum eo contulerit; superbâ
 arrogantia diffidentiam credulam extin-

—
 LV-
 DOVI-
 CVS
 X I.

Come-
 stabili
 parit.

guente. Nouioduni Rex nullis blanditiis parcit, virum vti conciliet, Chabannium cum ipso in gratiam restituit, & millicies in amplexus vocatum securitate partâ dimittit. Caterùm hæc reconciliatio statim effluxit; vbi sciuncti sunt, diffidentia simul atque odium ingruunt. Comeftabilem ingens horror percellit, cogitantem quantum in discrimen sese immisisset, quàm grauem Regi intulisset iniuriam; noxas eiusmodi nusquam in subdito condonari; statuítque in posterum ita Regem cauere, vt clementiæ suæ nihil debeat, nec potentiam timeat. Regi mens non pacatior erat, pudor atque indignatio ob rem gestam; exæquatum Principi subditum suum; impune fuisse inauditam hætenus arrogantiam; id hostes, id inuidos adscripturos metui; qui clientem timeat, an terrori hostibus sit futurus? elapsam è manibus occasionem vindictæ, & iustissimæ quidem; ac datam perfido grassandi per plura scelera opportunitatem. Ea Regi odium inflama-bant, quod in incendium tandem erumpet. Sed in præsentia Burgundi opem exposcebat, quem absorbebat Germanica expeditio.

XVII.

Burgundi
confi-
lia.

Nam concepta semel regni Belgici spe, quando Fridericum Imperatorem blandimen-tis expugnare non potuit, vi vt adigeret, Germaniæ terrori esse constituit, & suscepto Roberti Bauari patrocinio, qui cum Her-manno Hessio, de Colonienfibus infulis con-tendebat, Nouesium urbem leucis quatuor distantem Coloniâ, valido exercitu obuallat. Interea cessantibus indiciis, quid agendum foret Rex deliberabat. Erant plerique aucto-res, vt in Burgundum distentum alieno bello ipse inuaderet, obruendum omninò quicum nulla spes pacis, nulla concordiz; nec id commodius posse tentari, quàm si hinc atque illinc Franci & Germani medium conterant. Contra Comminius opinabatur; & singulari prudentia

prudentiâ , nam assererat ; Ducem temerarium atque præfidentem permittendum consilijs suis ; nihil fore opportunius Francia, quàm si hostis iuratus & potens in diuersum hostem efferatur ; eam esse Germaniam quam impunè laceßiuerit nemo ; tam ampli corporis plurima esse & validissima membra ; Burgundum postquam alium ex alio hostem coniciuerit ; victum iri ab aliquo , & obtritum audentissimum caput ; nullo Francia malo, ne periculo quidem. Idèd censebat non tantum inducias producendas, sed modica quædam submittenda auxilia , vt magis ac magis in bellum inceptum immergeretur. Atque ea sententia placuit : Verum Burgundus semestres tantum admisit inducias, nam & sua volebat consilia , eaque immensa , & quæ vires licet amplissimas superarent. Erat quod intra sex illos menses conficeret ; Nouesium atque Coloniam pro captis habebat ; tum Lotharingiam primo impetu subigebat , iam Ferretam à Sigismundo Archiduce obtinuerat, pignoratitiam ; mox Alsatiam , Moguntiam , Argentinum , Treuiros, atque Iuliacum occupabat ; postremò Heluetios perdomabat ; quibus patratis elapsisque sex mensibus , conuersus in Picardiam, Eduardo Angliæ Regi adiungebat copias , & Britanno euocato , Franciæ Regem obruebat haud dubiè , tantis imparem viribus, & opima spolia diuidebat. Eiusmodi animo immodica proponebat , effusissimus in ambitionem nescius apparare se pro victoriis strages , & recensere in victis quos victus ipse illustres faceret. Ita inducias in sequentem annum repudiat , & Anglū præstolatus, ad Nouesium hæret. Verum Ludouicus consilia consilijs & prudentiam inconsiderantiæ opponens , laborat in hostibus hosti conquirendis, studetque tot negotiis ipsum implicare, quibus se nunquam expediat, eorum mole tandem obruendus. Igi-

—
Lv-
DOVI-
CVS
XI.

Quibus Rex
occur-
rit.

—
Lv-
DOVI-
CVS
XI.

tur Sigismundo Archiduci persuadet, ut Comitatum Ferretæ redimat, Argentinâ, Basileâ, & Colmariâ ciuitatibus, pecuniam suppeditantibus. Tum Renatum Lotharingæ Ducem adolescentem impellit, ut Burgundo bellum indicat, statimque in Luxemburgium inferat, spe facta Andegauorum. Mox Heluetios cum Sigismundo conciliat, sopitis capitalibus inimiciis, ut Burgundum facilius Sigismundus repelleret, ipsosque Heluetios sibi iungit fœdere in decennium, singulis pagis pensione sex millium librarum attributa. Quin & ipse Imperator ingentem exercitum scribit, atque alterum Germani Principes, ut Burgundum castris pellant; Imperator se illi propius adinuet, Principes ad Rheni ripam, pontem ex nauigiis stratum fulminantes. Præterea Imperator Regem urget, post contractum fœdus, ut exercitum adducat, concludendo omni ex parte Burgundo, Rex quia ab Anglo metueret, & à belli alea abhorreret, Imperatori id negat, instatque Burgundo tot inter pericula constituto ut admittat inducias. Ille per aduersa obstinatio, repulso Rege, obsidioni incumbit, iactans palmas pro hostium numero multiplicandas. Eam ob rem Rex contumaciam uti infringeret; primum per Duces Artesiam vastat, tum ipse ducto exercitu Tronquium expugnat; Royam, Mondiderium & Corbeiam capit; & profligatis Burgundi copiis victor Artesiæ imminet. Ergo euentu prospero animum erigente, Imperatorem appellat de nouo fœdere, ut communi Marte & sumptu Burgundum aggrediantur, spoliantum omni ditione, quam ipsi partirentur. At Fridericus iam belli pertæsus, sua vice Ludouicum repellit, vnumque pro responso Apologum mittit, quo monebat pellem vrsi licitandam non esse, donec is captus sit. Nihilominus Rex promouebat victorias, cum
noua

noua Comestabilis fraude abducitur. Hic à Rege compellatus, vt educeret copias, cùm Sanquintino prodiisset, illicò in urbem vt in latibulum se recepit, causatus sibi quosdam milites necem machinantes; & modò veritus, post subactam Picardiam totam, ne intercepto effugio vndique circumclusus, Regi præda esset; nouum dolum commentus, illi perscribit, quis Anglorum in bellum esset apparatus, (& quidem omnia explorauerat proditor) tum falsò monet cum in Normanniam exscendisse; ad repellendum patriæ hostem ipse Rex iret, Picardiam fidei suæ permitteret, quam illibatam seruaret, pollicens Peronam & Abauillam, quas solas possideret Burgundus, se statim capturum. Ludouicus siue nimia credulitate, seu desiderio nimio Anglis occurrendi, iam concepto modo quo bellum gereret, in Normanniam legiones ducit, dùmque portus atque vrbes obnoxias lustrat, Picardiam hosti tradit, immoto Comestabile, & prouinciæ stragem spectante. Tum idem vt res implicatas magis ac magis inuoluat atque impediât, ad Burgundum scribit, sibi permolestum accidere, quod absentem Rex premat; iterum ad Regem, fœdus ab Imperatore cum Duce contractum, iunctisque copiis ruere in Franciam; ad Anglum vt festinet, nihil ipsi defuturum, vrbes, copias, omnia pollicetur; imò ad Borbonium, Regi animum esse, fratrem natu minorem promouere, ipsùmque dignitatibus & facultatibus spoliare. Ita fraudulentissimus hominum texebat fallacias, ponebátque retia cunctis Principibus, quibus ipse tandem implicatus & captus est.

In ea rerum perturbatione, Eduardus Cæletum appulit, magno instructus exercitu, tandem nube prægnante in procellam effusâ. Erat Eduardus eo nomine IV. multis de causis Regi perinensus, iam annos aliquot de

—
Lv.
DOVI-
CVS
XI.
*Com-
estabilis
fraudes*

XVIII
*Edm-
dus i
Fran-
cia
vex-*

— regno Angliæ cum Henrico V l. contende-
 Lv- bat, celebri illo familiarum Lancastriæ &
 DOVI- Eboracensis litigio, quod Angliæ tot bellis,
 CVS tot Proceribus, tot miseriis stetit; semel ite-
 XI. rúmque depulsus folio, demùm variante
 rerum humanarum forte, ope Burgundi cui
 sororem vxorem dederat, restitutus in re-
 gnum tertium, Henricum Regem eiusque
 filium Eduardum necauerat, sceptróque sta-
 Anno bilito trans mittebat in Franciam. Sic vno
 1475. bello trium cupiditates implebat; primum
 Anglorum, quorum vetera iura instauraret;
 tum suam, ultione priuatim impletâ, Ludouicum
 opprimens perpetuum Henrici Lancastrii
 defensorem; postremò Burgundi, cui
 obstrictus pro plurimis beneficiis, ea expeditione
 vicem rependebat. Extemplò ad Ludouicum
 facialem mittit; qui magna iactatione verborum,
 regnum Franciæ vti autum patrimonium
 reposceret, & ipsos Francos in pristinam
 libertatem reuocaret, vinculáque detraheret,
 quibus oppressi erant à Ludouico. Rex instituebat
 depellendi hostis nouam rationem, quódque
 hactenus intentatum erat, periculosum hostem atque capitalem
 aggredi statuerat, non armis & milite, sed
 auro & blandimentis infringere. Nec vllum
 aliud opus est, in quo illustrius Regis sagacitas
 atque industria sese produxerit, vt ceteræ
 victoriæ tam militum sint quàm ipsorum
 Regum, hæc vnus Ludouici tota laurea sit.
 Ergo facialem amicè exceptum multa docet,
 quæ Anglum mitigent, atque eum à Burgundo
 abducant; rogat vt Regi suo referat; tum
 adiungit munera liberaliter, trecentos nummos
 & segmentum villosi serici, oneratúmque
 promissis dimittit. Facialem Eduardo quæ
 dicta esset renuntiantem Burgundus ipse
 iuuabat; nam sæpius compellatus vti ex
 foedere vires suas adiungeret, iam mensẽ
 cunctabatur, rēmque aspernatus quam

quam tantoperè concupiuerat, ad suum scopulum hoc est Nouesium adhærebat. Vanissimus vir gloriam suam atque infamiam ratus, si immuni vrbe abscedat; iam duodecimum mensem premebat, & quanquam copius valdè imminutis, cætera posthabens, fingebat animo laudem æternam, si tota spectante Germania atque obnitente, vnam urbem expugnet. Decem admodum dies supererant, quibus vrbs necessariis rebus destituta, ageret de deditioe, cum Anglo urgente, & reditum minante, cogitur spem atque laudem deferere, pacemque cum Imperatore admittere; datum tamen stultæ vanitati, ut penes ipsum vrbs esset per aliquot momenta; statim legato Pontificio danda, & iusto Domino restituenda. Ea compede solutus Burgundus, non ausus exercitus fracti reliquias ad Anglum ducere, paucis comitibus ad ipsum aduolat, instatque uti bellum inceptet. Eduardus à feciale iam demitigatus, moram tantam accusat, conqueritur non adductum exercitum, & incomitatum Burgundum contemptui habet. Sic inter eos sensim discordia irrepit. At Burgundus ut Anglum eliciat, spem Sanquintini occupandi facit, & Cornestabilem de promisso appellat; hic instauratis pollicitationibus, tum Burgundo tum Anglo, vtriusque copias quasi urbem dediturus accersit; moxque aduentantes pellit & cædit. Ea perfidia rursus Anglum irritat, & à Burgundo auertit, veluti conscio proditiõis; iterumque exostulantem, quod militem nullum adduxisset. Mox Burgundo ad euocandam militiam profecto; se desertos Angli conqueruntur, violatam fidem, excitos in Franciam ut perirent; ubi Dux Burgundiæ, ubi copiarum, ubi immensus ille exercitus, ubi ciuitates quæ ultro paterent aduenientibus? Ludouicus hac dissensione comperta, & famulo pro feciali ad

—
Lv.
DOVR
CVS
XI.

Pax
cum
Anglo.

—
Lv-
DOVI-
CVS
XI.

Anglum misso, colloquium impetrat, quo
vtrunque delegati ad Ambianum utroque
spectante exercitu, de pace agunt. Primum
Rex ad verborum formulas, quæ plerumque
rebus ingentibus sunt impedimento, hæere
noluit; passus toto colloquio se ab Eduardo
vocari, non Regem Franciæ, sed affinem Lu-
douicum Franciæ; nam nemo Principum fuit,
qui minoris gloriæ fucum faceret & inanem
speciem dignitatis, modò rem solidam con-
sequeretur; tantùmque perfecit, ut induciæ
sint in nouem annos contractæ; magnâ qui-
dem pecuniâ, sed leui pretio pro grauitate
periculi, ærario nunquam commodius ex-
hausto, quam si pax redimitur. Angli primùm
vniuersam Franciam reposcebant, mox vnâ
Normanniam; tandem mercatorum instar
pacti pecuniam pro itineris sumptibus, & an-
nuam in nouem annos pensionem, subscri-
bunt fœderi. At rem promotam optimè va-
rij statim obices procellarum instar contur-
bant, Comestabilis suam perniciem ex alie-
da concordia timens, vtrumque Regem seor-
sim aggreditur, sed ab Anglo repulsus, pro
perfidio & Sycophanta reiicitur. Deinde An-
gli Proceres prædæ cupiditate illecti, memo-
rèsque quanta maiores ex Francia rapuif-
sent, de induciis palam murmurantur; Re-
gem accusant ignauiz, & videbantur haud
ægrè capeßituri quacunque occasione stu-
dium belli. Eos Ludouicus cumulare donis
instituit, & profligare gemmis, pecunia,
pannisque sericis, obstruens ora vi mune-
rum; & verè Hercules Gallicus catenis au-
reis hostem illiciens; eamque in rem, nouum
cum Eduardo colloquium Pequiniij designat.
Sed ecce impedimentum omnium grauissi-
mum Burgundiæ Dux, qui audito fœdere ad-
uolat ad Eduardum; utque iræ impotentior
erat, statim verbis amarissimis arguit, con-
geitisque in eum probris quàm plurimis,
quem

quem ignauia, socordia & proditionis accusat; postquam intemperanter bilem effudit, consensu equis regreditur. Sic ea temeritas & vulnere simul & remedio fuit; Nam Eduardus in hominis superbiam excaecescens, ad colloquium promissum se sistit. In Pequinij ponte claustra erecta sunt; quibus intermediis Reges conueniunt, lectoque foedere, colloquuntur familiariter, Anglo perfidiam Comestabilis retegente, scriptasque ab eo litteras Regi dante. Mox solutum colloquium. Cum interea Ambianum Anglis pateret, mensis opiparè per compita extructis, & designatis qui aduenas ad opulentas epulas latè inuitarent. Duci Glocestriae Regis fratri, qui maximè omnium pacem incusabat, donati præstantissimi equi, & argentum factum quam plurimum. Sic tandem Angli Caletum soluentes, remigrarunt in Angliam; nullaque est expeditio quæ minoris Franciæ steterit: Nec fortè vnquam Orbi terrarum clariùs patuit, quantum prudentia atque consilium armis præcellerent, terribilique potentia. Destitutus ab Anglo Burgundus, sibi etiam inducias petit; quas Rex dissidentibus suis concessit, uti in alios vir temerarius pugnacitatem suam conferret. Britanno indulta securitas, quando Anglus omnino eum in instrumentum foederis appellauerat.

LV-
DOVI-
CVS
XI.

Consopito difficillimo bello, supererat Comestabilis Principum ultioni iusta obnoxius, eratque conuentum Burgundum inter & Regem, ut si eum Dux Regi traderet, vrbes & pecuniam haberet in pretium. Nec Comestabilis ignorabat, quanto in discrimine versaretur, dubiusque perfugij quò se reciperet, ambigebat in quam partem fraudes conuerteret. Vxorem nuper extulerat, quæ Reginae Franciæ erat soror, nec iam vllò cum Rege vinculo necebat; perstabat cum Eduardo.

XIX.
Come-
stabilis
pana.

amitas.

affinitas, qui ex sorore ipsius ortum habuerat, sed intercedebat odium grauius, quam ut vlla spe mitigari posset: fuerat cum Burgundo amicitia nexus arctissima, & cum diu iniuria graues resoluerant; nihilominus in eam partem cursum obuerrere, atque anchoram figere statuit; ita silentio paucis comitibus Montes proficiscitur, ad Aimericum Hannonia Senescallum. Continuo Rex Sanguintinum aduolat, praesidij Praefectum appellat, & maiestate regia praepollente, vrbe admittitur. Iam praemij compos, ad Burgundum scribit, initumque pactum impleri postulat. Impugnabat Nanceium Burgundus, tota Lotharingia iam potitus; primumque cunctabatur spe vrbis statim obtinenda, at cum Campobassi Itali Ducis proditione produceretur obsidio, Rexque instaret, interminatus se daturum vrbi suppetias, Burgundus id veritus, Comestabilem tradi Regi iubet, & mandatum ab Hugonetto & Imberreurtio illico expletum, Comestabili grauissimis inimicis; ductusque ipse a ministris Regis Parisios. At Ducem iussi statim poenituit, missique qui retractarent quod mandatum erat, venerunt serius; festinatione Hugoneti poenitentiam Ducis praeruerente. Ex templo a Cancellario & Parlamenti curia instructa est actio, reusque maiestatis crimine damnatus, palam in Greua aream capite plexus est; patientiam Christianam sub mortem testatus. Vir primae nobilitatis, multarum opum, authoritatis amplissimae, pace & bello in paucis insignis; verum prona ad fraudes indole, nimio illarum studio in neeem impexit; iisdem retribus quae ponebat implicitus, & ab iis captus, quos ludificauerat diu: nunquam euentum prosperum dolo sortiente, & ipso mendacio sibi poenam per alienas fraudes texente. Rex Burgundo Sanguintinum, reique pecuniam quae modica

dica erat concessit, magno vtriusque probro, quod alter obnoxium sibi suamque appellantem fidem vendidisset, emisset alter & pro Rege institor, subditi pœnam comparasset pecuniâ. Post supplicium Comestabilis, & perfidiam multiplicem vindicatam, Burgundus ipse; qui vnus Regis consilia compeſcebat, vtrò in perniciem ruit, ac primum ignominiam, mox necem arcessit. Spoliato, Lotharingo, & capto Nanceio, memor quid Heluetij in se ausi essent, reuocatâ regni Burgundici insaniâ, in eos mouet, & ingenti ducto exercitu, turbam rusticam & nullo adhuc facinore claram, post Granſonem captam aggressus, fusus fugatusque est, direptis impedimentis, ignominia maiore quam clade perculsus. Illicò Fœderati certatim à perculſo deficiunt; ac Rex nondum ausus palàm insurgere, domi res suas nullo iam vetante agit & promouet. Renato Sicilia Regi diu erat in animo Burgundum hæredem scribere, idque Rex ægrè antè prohibuerat; in præſentia Renatum Lugdunum arcessit, terrètque exercitu ostentato; bonus senex perterritus, Lugdunum venit, & Regi, quod verosimile est tunc perfectum, Prouinciam Phocensem donat; scribunt alij addictam pignori, Rege quinquaginta nummorum millia mutuante, ad redimendam Margaritam Reginam Angliæ, Renati neptem captiuam; quo pretio Margarita omne in Prouinciam ius Regi Regisque successoribus condonaret. Dein Nemurſium Ducem, ex Armaniaca familia plectit. Ille olim à Rege plurimis ornatus beneficiis, & ad eius promotus gratiam, boni publici bello se illigauerat, & quamuis veniâ Regis impertitus, ipsi in suspicionem ob communicata cum Burgundo consilia veniebat; securus tamen dum floreret Burgundus, nunc fulcro nuntante impetitur, & Carlatio in Aruernis mur-

—
LV-
DOVI-
CVS
XI.

Bur-
gundus
I. vi
aus ab
Helue-
tij.

Pro-
uincia
Regi
data.

Nemur-
sium ca-
pite
plecti-
tur.

Carlatio

nissima.

—
Lv
DOVI-
CVS
XI.

nitissima arce, à Belliociensi veniæ spe euo-
catus, Lugdunum, deinde Parisios captius
ducitur. Parlamento iussum, vt puniendo
reo incumberet. At Senatorum plerique,
cùm iudicium peragere recusarent, nisi præ-
sente Rege; ipse moram contumaciam in-
terpretatus, iis abrogatis novos substituit; à
quibus damnatus Nemursius, Regi & Del-
phino mortem intentasse, Parisiis in platea
publica capite cæsus est: scelere valde an-
cipiti, diciturque Rex facti sub exitum vitæ
pœnituisse. Burgundus interea ignominiâ
fugæ mirè prostratus, momento à se alter eua-
serat. Sic immensus dolor efferauerat men-
tem, vt nec vngues nec capillos refecari pas-
sus, ne vestem quidem aut indusium muta-
uerit; totus hispidus, squallidus, & illuie
oblitus. Et dolor animi corporis habitudi-
nem bonam corrumpit; antea totus igneus,
& bile succensus, vtebatur potionibus frigi-
dis; in præsentia ita dolor & stupor omnem
ignem restinxerant, vt iam merum potanti,
crebrò ad pectus admouendæ essent cucur-
bitæ stupis incensis, quibus frigidus sanguis
calesceret, & cordi vitales spiritus sufficeren-
tur. Nihilominus frigidam mentem incen-
debat vindictæ cupiditas; atque ad eò exer-
citu instaurato, Moratum in Heluetiis oppi-
dum cingit. At victores magno numero ip-
sum aggressi; iterum vincunt, aguntque in
fugam, strage Burgundorum ingenti, suo-
rum permodicâ, & Renatum Lotharingæ
Ducem, qui cum ipsis pugnauerat, magna
prædæ donatum parte, in spem erigunt di-
uisionis recipiendæ.

XX.
Bun-
gundi
cate.
ad
Nan
ceiaia.

Enimuero Ludouicus deposita simulatione
an metu, in Burgundi perniciem surgit, Hel-
uetiis pecuniam multam distribuit, Renato
pecuniam & militem, modicum tamen, non-
dum ausus Leoni Saucio totus incumbere.
At Renatus Lotharingis fauentibus, in plu-

res vrbes admittitur, Nanceiũmque obsi-
dens, altero mense præfectis validissimam
vrbem deditibus, cum ciuitate primaria
Lotharingiam totam recuperat. Burgundus
post Morati cadem in pago Burgundiæ sex
hebdomadas solitarius egerat, infrequentia
hominum ac deserto loco dolorem pascens,
atque alens vesaniam; & tamen silentè ha-
beretur delectus militum, detrectantibus
Flandris, & deficientibus fœderatis, tamen
ea animi obstinatio erat, vt exercitum scri-
beret; quem tertium in Heluetios duceret.
Verũ amissa Lotharingia captũmque Nan-
ceium furem percellunt; ergo dilatis Hel-
uetiis, inuadit Lotharingiam, venitque Nan-
ceium biduò postquam vrbs erat dedita.
Ineunte Octobri, imbres, frigora, gelũque
imminebant, pluresque erant Burgundo au-
ctores, vt omiſſa expugnatione proxima mu-
nicipia milite impleret, ac detractis alimentis
vrbem sensim infringeret, donec vere pro-
ximo institueret oppugnationem. Verũ ille
excluso consilio, suisque quàm hostibus ter-
ribilior, castris vrbem cingit, cœli procellas
annique intemperiem simul cum hoste vi-
cturus. Nec occasio defuit abscedendi à
pernicioso consilio; siquidem Alphonsus V.
Portugalliæ Rex in Franciam venerat, à Rege
suppetias flagitatum; ille Ioannam filiam
Henrici Castellæ Regis in vxorem duxerat;
Isabellam sororem Ferdinandus Aragoniæ
Princeps; moto bello, & Castellanis Ioan-
nam vt spuriam excludentibus, victus erat
Alphonsus, appellabátque opem Ludouici.
Sanè multo honore, & magnificentia regia,
in via exceptus, & ab ipso Rege promotũ
spe, verbis promissisque magnificis, iam rem
actam putabat cùm animaduertens nihil dari
nisi verba, ratusque nihil à Rege impetrari
posse, dum à Burgundo dissidet, conatur
vtrumque in concordiam reuocare, matri-
monio

LV.
DOVI-
CVS
XI.

Al-
phonsus
Portu-
galus
in
Fran-
cia.

monio Delphini cum filia Burgundi propo-
 LV- sito ; atque vltro citroque ingenti studio
 DOVI- commeabat , cum adest Renatus Heluetio-
 CVS rum decem millia ducens ad Nanceium obfi-
 XI. dione soluendum. Continuò abrupta pax,
 inflammato ad pugnam Burgundo. Dchor-
 tantur Duces , ne pugnam tam iniquo tem-
 pore inceptet ; copias niuibz , gelu & mi-
 feriis perditas, obici integris sine clade non
 posse ; Flandri orabant, vt in Luxemburgum
 secederet, polliciti vere proximo , omnem
 contentionem adhibituros,vti hostes subige-
 ret ; Campobassus cum turmis equestribus
 ad hostem transiuerat ; aliique ab Ludouico
 detracti ; plures Francorum se Renato adiun-
 xerant de industria exauthorati à Rege &
 singula proximum exitium portendebant.
 Tamen nihilominus ille in perniciem suam
 conspirans , sibique hostis acerrimus om-
 nium , sexta Ianuarij die ruit in pralium;
 quo exercitus cæsus est, & in fugam actus;
 plerisque in fuga ipsa necatis. Nam Campo-
 bassus ab Heluetiis exclusus , perfidiam de-
 testantibus , negantibusque cum proditore
 misceri , ad Mosellam hæserat , loco apto ad
 fugam hostium intercipiendam ; ceteros ru-
 stici in siluis perimunt. Dux ipse pugna
 æstuante , cùm suos pelli inspiceret, despera-
 tione actus, & ferenda ignominia impar , si
 tertia cladi superesset , mori voluit , seque
 abdens in conferatissimam aciem , tribus pla-
 gis occubuit ; sarissâ renes ictus & femora,
 caputque securi ad dentes diffusus ; Anno
 1457. ætatis quadragesimo tertio : immodica ambi-
 tione hunc finem sortita ; vt qui condere
 nolum regnum ambiret , profapiam suam
 extingueret, auitamque ditionem exteris tra-
 deret ; arrogantia & temeritate præceps in
 voraginem ruens , quam hosti parabat. Di-
 ctus est pugnax atque terribilis, vanis nomi-
 nibus nouam perniciem haud amouentibus.

Latuit

Latuit diu ignotum cadauer, donec à meretricula prædæ studio euolvente cadauera, repertum est in fossa, niue & glacie obrutum, agnitumque productis vnguibus, & colli cicatrice. Renatus ablutum honorificè excepit, dignitate Principis hostilem animum restinguente; stetitque ad cadauer pullatus, ad luctus indicium, sed barba aurea mento affixa; quod olim fortitudinis bellicæ signum erat & præmium. Multis post annis viuere à subditis existimatus est, & præ dolore in solitudine agere, erupturus, cum ignominiam luctu purgasset; adeo sibi illudere desiderium amat; & erroribus tantis obnoxij nos ipsi decipimus. Dicitur eo die quo pugna conferta est, & Dux casus, Angelus Cattus Neapolitanus, Astrologiæ peritissimus, casum præuidisse; cum enim Turonibus in Sancti Martini sacris operaretur, dum Regi traderet pacem osculandam, dixit, *Domine, Deus det tibi pacem, eam si vis habes; consummatum est, Dux Burgundia modo casus est, profligato exercitu.* Rex ad latum nuntium, stuporem inter subitamque lætitiā, vouit ædi clatres argenteos, qui ærei erant, donauitque Cattum Viennensibus infulis; arcano potius quodam præfagio, quàm inani Astrologia rem significante; is Burgundo quondam adhæserat, & post Morati cladem, præuisâ eius ruinâ siderum beneficio, ad Ludouicum defecerat, quamquam prudenter rem consideranti, sua ipsi sagacitas pro sideribus fuit.

LV-
DOVI-
CVS
X I.

Postquam certis nuntiis Burgundum occubuisse rescitum est, Ludouicus in immensam prorupit lætitiā, in fictam Proceres, dolorem tacitum metu suscitante. Quippe Regem solutum vinculis, immoderatae potentiae licentiam factam, amoto repagulo decursurum torrentem insano impetu; & grassaturum per omnium capita effrenatè, quia im-

XXI.
Ludo-
uici
consilia

punè

—
Lv-
DOVI-
CVS
XI.

punè ; iam nullum modum imperanti futu-
rum, præter ipsum arbitrium. Porro ipse
Rex, post delibatum gaudij occupantis sen-
sum, se in consilium vocat, deliberátque
quid tanto in momento agendum sit. Om-
ninò statuerat Burgundicas terras inuadere,
& ditiones amplissimas regno adiungere eo
per duplicem viam ibatur ; altera pacis &
concordiæ erat, si Delphino Mariam Burgun-
di filiam daret ; altera belli atque potentiæ,
si suo iure in pupillam & ditionem inuade-
ret. Erat quidem per nuptias via suauior, &
forsam efficacior, sed præpolluit altera, tum
ob ætatem nubentium valde inæqualem ;
nam virgo mariti diu potens, Delphinus pu-
bertatem vix dum attigerat ; & Ludouico
erat. longè acceptius per artes suas & arca-
nam peritiam comparare prouincias ; quan-
dò quisque suam artem libenter exercet ;
quàm ratione peruia atque perfacili fines
prorogare, nulla ingenij laude, nulla in po-
steris commendatione. Nec ius deerat, quod
inuasioni prætenderet ; nam præter ditionis
publicationem, quam toties Dux ob instau-
ratam perduellionem incurrerat, affirmabat
Ducatum Burgundiæ, feudum esse regni,
quod ad masculos duntaxat spectaret, nec
Regum secus permittentium exemplo regni
leges violari posse. Idem ius in Artesiam
vindicaret quæ à Ludouico sancto Roberto
fratri permissa erat conditione eadem ; Co-
mitatum Burgundiæ Otho vltimus Comes,
Philippis Pulchro & Longo donauerat, exta-
bátque donationis instrumentum ; vrbes ad
Somonam diuulsa erant a Picardia membra ;
plurimæ in Flandria ciuitates, ab Comitibus
suis Francis concessa, vel in pignus vel in
pœnam erant ; cætera virgini cederent ; nisi
moto iurgio, belli & victoriæ iure raperentur
Quid, quod concilium promouebat facilitas ?
virgo hæres spe, concilio, & peritia rerum
destituta

destituta, tam iniuriæ quàm cupiditati obnoxia; populi animis & vtilitate diuersi; ingens corpus, sed nulla mente, nullo robore præditum. Ita in eam partem se Ludouicus conuertit; an benè, euentus infortunatus exemplo est; sane pupillam opprimi, contra æquum erat, & discussit Deus subdolas artes; Rege ipso artifice in regulam suam & præcepta peccante. In præsentia stabilito consilio, Procerum animos mitigauit & ostentatâ clementiâ, parcendo pluribus qui à Burgundo steterant, dispulit metum. Mox ad rem aggressus, Burgundos & Picardiæ vrbes sollicitat; nec frustra, Burgundorum comitiis, statutum vt ducatus ipsi traderetur, dum Maria nuberet; ipsi in Picardiam venienti vrbes parent, Abbauilla, Hannum, Sanquintinum; & Perona postmodum à Bischio præfecto prodita. His patratîs, vt in Flandriam peruaderet, Gandauum Flandriæ caput, mittit Oliuerium Damam, qui oppidanos vel palam ad res nouas inducat, vel clam promissis speque alliciat. Is non procul ea vrbe natus, arte primum tonfor, dein ob sagacitatem indolis Regi gratus, admissusque ad arcana, & comitatu Meulanchi donatus, in spem veniat conciliandæ amplæ ciuitatis; adestque Gandauî ingenti opulentia originis sordes obducens. Verum Gandauenses indignati popularem suum sibi illudere, & vertentes opprobrio tam amplam prouinciâ vrbis demrendæ vilissimo capiti demandatam, in hominem insurgunt, atque adigunt fugere vt periculo eripiat se. Nihilominus is Tornacum venit, tantumque contendit vt ciues Francum admiserint. Nec Flandrensibus tentata arma euenere feliciter; Adolphum filium, Gelriæ Ducem, à Burgundo in carcerem missum, liberauerant, copiisque præferant; cum sub Tornaci muris profligantur, & ipse Gelrius, receptum inter vitimos

—
Lv-
DOVR-
CVS
XI.

*Ludo-
uicus
ditio-
nem
Bur-
gundi
innu-
dit.*

*Le
Daim.*

*Meula-
ne.*

curans

curans, occisus est. Iam Flandros animus
 LV- deficiebat, adeoque mens & consilium defe-
 DOVI- cit, vt legatione celebri ad Regem Proceres
 CVS miserint atque optimates, rogatum vt Principi-
 XI. pissæ tutelam curamque susciperet, atque
 eam cui ipse vellet nuptui daret. Præclara
 erat Regi occasio vno retis iactu prædæ con-
 cludendæ, si Delphino vel Franco principi
 nubendam dedisset; sed hic veterum artium
 instaurator, aggressus proceres singulos,
 blandimentis, promissis, & donis, expugnare
 inceptat. Inter plurimos quos deuinxit, vnus
 Creuc- memorabilis Philippus Crepecordius Cordij
 cœur Dominus, qui pro Duce Picardiam atque
 des Artesiam administrabat, magni momenti in
 Cordes. quam partem se daret; Hugoneti, & Imber-
 curtij illibatam fidem frustra tentauit; iam
 tunc viris machinatus exitium, vt quibus fi-
 des stabat, salus vacillaret. Primum Cordij
 opus Atrebatum fuit, cuius partem Regi tra-
 di curat, quasi futurum proximæ paci prælu-
 dium. Etenim Atrebatum bifariam in ciui-
 tatem atque urbem diuisum est (postea Arx
 pars tertia accessit) ciuitatem Episcopus cæte-
 ri que viri Ecclesiastici incolebant, urbem ci-
 ues; hæc muris cincta & munita egregiè, illa
 aperta & nuda mœnibus. Ergo ciuitate po-
 titus Rex urbem impugnat; quæ quidem
 vim repellit fortiter; ducebátque subsidia
 Vergi. ab proximis urbibus Vergius nobilis vir;
 verum ea à Ducibus Francis intercepta, de-
 leta sunt, ipséque Vergius captus est; urbs-
 que ideò ad deditionem adacta, euertenda
 ab irato Rege, nisi Cordius intercessisset,
 iramque expugnasset. Vna serie Camera-
 cum captum, Quesnoium & Rohanium, ad
 quam cæsus Taneguius Castellus, vir ille
 præclarus, manu promptus, fortis animo,
 prudens mente, integer fide, vnus è pluri-
 bus quos Heroes Franciæ Britannia dedit.
 Inter Atrebatum oppugnationem, Rex Hes-
 dinum

dinum & Bononiam capit, voluitque hanc urbem iustitiæ & pietatis esse monumentum. Nam Comitatum Bononiæ Turriano Aruernorum Comiti Burgundus eripuerat; Rex in eius vicem dat Turriano Lauracos, qui sunt in Occitania superiore, & ipse pro Bononia Deiparæ Virgini clientelam iurat, Regesque posteros ad præstandum idem officium adstringit; pio instituto, ut quæ Regina mortalium omnium foret ab ipsis Regibus honore proprio coleretur.

Opportunitatem vincendi Gandauenses Regis apparabant; ij Principissam cum penes se haberent, prouinciarum regimen usurpabant; atque ut erant turbulenti, potestatis amantiores quam Principis, Burgundos eiiecerant, comitiisque in pomerium suum euocatis, omnia ad arbitrium moderabantur. Verum Principissa priuatim Cancellario, Hugoneto, & Imbercutio addixerat se, viris prudentibus & perspecta fide, quorum consilio oppidanorum proteruia emendaretur. Eam ob rem Maria ad Ludouicum scripserat nam id erat Principissæ nomen, dum Peronæ agit, quatuor duntaxat capita suis præesse, nouercam Patris viduam, Rauestinum fratrem Ducis Cliuensis, & affinem suum, Hugonetum, & Imbercurtium; rogabatque ut cum iis solis Rex ageret, quoties cum ipsa quid pacisceretur. Aliquantò post Gandauenses Regem conueniunt, dum Atrebatum urbem impugat, multasque pacis condiciones proponunt. Ille ut discordiam inflammaret, oleumque flammis iniiceret, frustra ea proponi respondet, cum nulla auctoritate Principis fulcirentur. Cum ea & luculenta affirmarent se præditos. Ludouicus Mariæ literas explicat, legit, traditque, ut suo otio eas inspiciant. Ij extemplo concepto furore, & abrupto colloquio, Gandauum aduolant, & exhibitis Mariæ cum opprobrio

—
Lv-
DOVI-
EVS
XI.

*De la
Tour.
Laurac-
qués.*

XXII.
*Ganda-
uenses
Mariæ
vim in-
ferunt.*

opprobrio literis, Hugonettum corripunt,
 LV. & Imbercurtium, ac lite intra sextum diem
 DOVI. instructa, reos damnant capite, nullâ aliâ
 CVS. noxâ, quam probatâ in Principem fidei, &
 XI. cōcitatâ ob probitatem inuidiâ-Maria vt sup-
 plicio intercederet, nihil non tentabat; &
 quandoquidem vim adhibere non poterat,
 ipsâ alienâ obnoxia potestati, adeoque vim
 patiens, ad muliebria arma conuertitur, la-
 chrimas, preces, & supplicum obsecrationes
 si induratas mentes fortè inflectat. Primùm
 in publicis Ciuitatis ædibus, Domina geni-
 bus flexis subditorum clementiam appellat;
 tum repulsa, cùm in foro rei, sub gladio es-
 sent, pullâ stolâ, passis crinibus, lacrymâs at-
 que singultibus, perorans, miserorum salu-
 tem efflagitat; sed frustra preces fuerunt &
 lacrymæ, reis caput metitur atque ipsa pro-
 pe modum captiua, nouercâ & Rauastino
 ciectis, eò miserix agitur, vt nullus ne ex
 domesticis quidē ipsi quid in aurem insusur-
 rare auderet; omniâque palam, in Ganda-
 uensium delegatorum oculis agerentur. Lu-
 douicus interea Comitatum Burgundiæ qua-
 vi, qua clandestinis consiliis occupabat,
 Orangio Principe promouente consilia, qui
 semel iterumque à Burgundo ad Regem de-
 fecerat, iamque in ruinam præcipitabatur
 Burgundica Domus, nisi marito dato Mariæ
 subueniretur. Is plures inter quæsitus Maxi-
 milianus Friderici Imperatoris filius, cæteri
 repulsi; quippe Delphinus puer admodum
 erat, virgo iam grandis; Carolus Inculismen-
 sis, gratus quidem virgini, sed Regi parum, qui
 Principem Francum eò potentix euehi non
 probabat; Cliuensis filius ob mores grauis
 puellæ erat; Riuerius Eduardi affinis nulla
 erat dignitate spectabilis; ita Maximilianus
 vnus relictus, ætate & maiestate familiæ tan-
 tis nuptijs pat. Gandavi nuptiæ celebratæ,
 sumptu quem sponsa præbuit; nam sponsus
 parcissimi

Maria
nuptiæ
cum
Maxi-
milia-
no.

paucissimi patris filius, ne ad iter quidem sufficiente pecunia, Coloniae subliterat, inops commeatus, & ad felicitatem admittendam ne instructus quidem. Idque fundamentum est quo Aestriaca Domus in tantum apicem se erexit, Belgio Germaniae continuato, ac tot prouinciis per nuptias comparatis, quæquirendi ratio, facillima & commodissima. Et vero Regi contemptui erat Maximilianus, imperitus haecenus adolescens, & per auariciam patris magnis impar; maiori sollicitudine erat Eduardus, qui bellum intentabat ab Anglia. Expostulabat acerrimè, quod nuptis patrimonium Ludouicus diriperet, flagrabat impleri Delphini matrimonium cum filia, quod venerat in Pecuniaci foederis conditionem; ac tametsi impediretur pinguedine, & gula otio atque amoribus definitus, à bello admodum alienus erat, tamen ita Proceres ignominiam otij lacescebant, ut periculum foret, ne auulsus à voluptatibus, ad honestum bellum, accingeret se. Incendebat præterea Britanniae Dux, ratus ærumnas Ludouici, atque discrimina, tutelam suam esse & securitatem, ac certior de auersissima eius voluntate, alligabat potentiam. Ea omnia Rex explorauerat; nam Britannii litteras per exploratores interciperibat, & accuratè exscriptas perferendas ad Anglum dabat, autographo penes se seruato. Igitur Eduardum ut sisteret, eadem arte qua depulerat aggressus, eius Oratores donis atque pecuniâ cumulat, multa pollicetur, varia & diuersa consilia identidem proponit; modò Belgium æqua parte cum Anglo diuidit, modò Hollandiam Anglo donandam inuadit; modò Comitatum Bononiensem dimittit: ita distractum Anglum spe varia, nusquam eosdem Oratores mittendo, ut diuersi semper diuersa proponerent, ludificatus est, minasque disiecit; eò magis quòd munera ultra

—
Lv-
DOVI-
CVS
XI.

*Eduar-
dus à
bello
prohi-
bitus*

— ultra Oceanum nauigabant, & peruadebant
 LV- in ipsum concilium, deuinctis quampluri-
 DOVI- mis, & liberalitatem Regiam in ære suo pro
 CVS numerato habentibus. At Britannum, post-
 XI. quam exhibitis ad Anglum litteris, de per-
 fidia arguit, veterem litem Blesensis fami-
 liae suscitauit; Ducemque adegit fœdus An-
 glicum prorsus eiurare. Et eo tempore Lu-
 douicus veredarios equos per regnum insti-
 tuit, vt celeritate multa vecti curiosiores, tum
Institu- u vere-
dary. in prouincias iussa sua deferrent, tum ad se
 perferrent, quid intenderent singulæ. No-
 uum inuentum, siue à veteribus repetitum,
 rebus publicis priuatisque percommodum;
 & ad Ludouici indolem mirè factum; quo
 interesset suorum rebus, consiliis & cogita-
 tionibus; atque instar famæ, mille linguas,
 aures, atque oculos sibi apponeret. Obser-
 uatum tamen eo instituto simplicitatem pri-
 mam defecisse, in fraudulentas artes dege-
 nerem, multiplicatis negotiis & fallendi
 studiis, per mutua commercia aduolantibus
 vitiis, semper lentis ad virtutem mortalibus.

XXIII
Bellum
cum
Maxi-
milia-
no.

Ita pacem constitutam bellum interpellat,
 ab Comitatu Burgundiæ ortum. Orangius
 eam prouinciam ad rebellandum impulerat.
 Erat Cranensi in vtramque Burgundiam præ-
 fectura, qui Orangio promissas vrbes non
 restituebat, & Burgundos violentis pecuniæ
 exactionibus diuexabat. Itaque Orangius
 qui tam faciliè partes quàm vestes mutaret,
 transiens ad Maximilianum, Sequanos haud
 ægrè à Rege abducit. Cranensi huius belli
 mandata prouincia, qui cum Dolam obsidet
 primariam regionis, erumpente ciue, malè
 multatur & pellitur. Regi permolesta hæc
 ignominia fuit; vnde substituto in Cranensis
 locum Carolo Ambosio, nouo Duce, nouum
 gestum est bellum. Primum Ambosius pe-
 cuniâ hostem aggreditur; atque, Orangij
 milites, quando plerique Germani erant,
 stipendiarij,

Bipendiarij, nec Duci erat unde numeraret, Maximiliano inope; eos Ambosius, auro præbuto, Orangio detrahit, auctusque Heluc-
tiorum legionibus provinciam subigit, Do-
lam ipsam expugnat, direptamque incendit;
Dum hæc in Burgundia, Rex in Picardia nu-
meroso exercitu imminebat Artesiæ, cum
Maximilianus proponit inducias, nuptiasque
Delphini cum Margarita, quam nuper ex
Maria susceperat. Receptæ à Rege induciæ,
cui Martis alea non placebat. Nec tamen
pugnam prohibere valuit, quæ ad Guenega-
stam conferta est, post finitas inducias. Ma-
ximilianus repetito bello Teruanam urbem
obsidebat; Cordius in Picardia Prorex, ra-
pto equitatu, atque octo millibus sagittario-
rum, ductore Ioanne Estoteuilla, ad soluen-
dam oblidionem festinat. Maximilianus post
munita castra, abducit exercitum, occurrit-
que Cordio ad Guenegastam, pagum inter
Teruanam & Ariam. Conferto prælio, varia
sorte utrumque exercitum sternit ac erigit.
Francicus equitatus hostilem profligat, & in
fugam vertit; verum pedes vincitur, pleris-
que hostium Nobilibus cum Nassanio & Ro-
montio relictis equis pedites inter pugnan-
tibus. Nec euentus in alterutram partem cer-
tior fuit, Franci quinque millibus suorum
amissis, abscedunt; Flandri in campo perno-
ctant, quem decem millia suorum sterne-
bant; ita librata victoria, utrosque afflixit,
neutrum amplexa; nisi quod utriusque ia-
ctantiam & inanem gloriam aluit; dixerim
utrumque potius profligatum, cum hinc inde
præterea nihil gestum sit; & pactæ in aliquot
menses induciæ Quarum intervallo, Rex ani-
mi morbo, postremo corporis primum ten-
tatus est. Iam antè nece Iuliani Medicæi au-
dita, quem Florentiæ aduersa Passiorum fa-
tione interemerat, metu admissio, circumspi-
ciebat quomodo contra insidias se tueretur.

Anno
1479.

Pugna
adGue-
negas-
tam.

Regis
prima
agritudo.

—
Lv-
DOVI-
CVS
XI.

*Pont de
l'Ar-
che.*

*Franc-
Ar-
chers.*

Centum Nobiles in custodiam suam designa-
uerat, qui diu noctuque deinceps in tutelam
suam vigilarent, adiunxit mox alios quos
Pensionarios vocavit; incedebat semper ad
latus ephebus, prætereus ingens venabulum;
insumque stipulatoribus erat, ut eos occide-
rent, qui ad se facultate non habita pene-
trare auderent. In præsentia iam deficere
vires percipiens, & festinata senectutis mala
per animi curas, sibi diffidens, foris infirmi-
tati fulcrum positurus, exercitum Prætoria-
norum instar instituit. Delegit viginti pe-
ditum millia, ex Heluëtiis, Normannis, &
Picardis, hastis & Sarissis armatos, equites ca-
taphractos mille quingentos, atque operas
bis mille octingentos, machinas bellicas &
omne instrumentum adiunxit; castra meta-
tus prope Arcuatum Pontem in Normannia;
in quibus exercitus haberetur disciplina ve-
teri; eamque ob rem immunes sagittarios
exauctoravit. Verum haud multo post, mu-
tata sententiâ, solutis castris easdem copias
in præsidia distribuit, ac prudenter quidem;
deponente Principe auctoritatem & salutem
suam penes exercitum, & gregario milite
vsurpante quod libet, dum quod licet exe-
quitur. Eodem metu Rex heredes proximos
educabat humiliter, igneos spiritus sensus-
que regios oppressurus si posset. Ludouicum
Aurelianensem Caroli filium, primum regij
sanguinis, exclusum ab aula, inter viles fa-
mulos ali curabat, nullo admissio qui genero-
sam indolem excoleret; imò ut viuenti spem
vitæ in posteris prorsus adimeret, per vim ad
nuptias Ioannæ filix adegerat, præter eius
deformitatem insignem, gibbosæ & claudæ,
& ad fortum concipiendum ineptæ. Quin &
Delphinum amouebat ab omnium oculis,
Ambosque educatum à feminis, nullo bonæ-
rum artium Magistro, relictum Siluescentis
instar arbusculæ indoli suæ, atque ita abdi-
tum

rum, ut diu mortem obijisse existimatus sit. Mox ægrotudo corporis ad animi morbum accessit, deliquio correptus deinde paralyti, omni sensuum usu orbatur. Primo morbi accessu, cum arreperere ad fenestram vellet, prohibitus est a domesticis verentibus ne frigus aeri incommodo foret; ille ubi primum vocem recepit, domesticos expulit, ne minem sibi aduersum patiens, ne salutis quidem procurandæ causâ. Nondum à morbo conualescerat; illigatis adhuc externis sensibus, & Principis munus repetebat, sibi quæ concilium statuisset, voce & scripto proponi volebat præbebat aures referentibus; quanquam oclusus, nullumque sonum admittentes; admovebat oculos scriptis, quibus nihil legeret, inconditum vocis emittebat sonum, volebatque obtemperari mandatis; inani impetrandi specie infirmitatem sustentans; quasi animo versatili qui fraudem suis tam læpe fecisset, per corporis sensus posset illudere. Ex ægrotudine tandem conuauit, sed diffidentia simul timorque perpetuus sic excreuit, ut nemini in posterum securitas foret.

Recreato ex ægrotudine, cum Maximiliano imminebat bellum; idque sollicitè apparabat, quasi gesturus, oùm intercedente legato Pontificis, admisit inducias, iam ad amplia consilia minus aptus. Verùm Mariæ Burgundicæ morte, rursus in bellum, & sponte quidam reuoluitur. Ea equo lapsa, quem uterum ferens inter, venandum impellebat ad cursum, & fato rapta, Philippum & Margaritam liberos Maximiliano reliquerat; atque conuincit Gandauenses pulso Maximiliano, & liberis in potestatem suam assertis, regimen usurpant. Nec cessat eo articulo Ludouicus, exercitum Cordio tradit, cinctamque Ariam oblidione expugnat; tùm per Guillelmum Marxium, Leodiensem Episcopum pellit, Burgundicis partibus addictiorem, & Gandauen-

LV.
D C V I.
C V S
X L.

XXIV.
Princi-
pum
mors.
Mariæ
mors.

Anno
1482.

—
Lv-
DOVI-
CVS.
XI.

sium animos tam peritè tractat, vt Margaritam impetrauerit Delphino locandam, Artesiâ & Comitatu Burgundiæ in dotem traditis. Ambosque nuptiæ celebratæ, quanquam imperfectæ ob sponsæ ætatem. Porro iis nuptiis grauis iniuria Eduardo Regi infligebatur, nam fœdere Piquiniaco pactum matrimonium cum eius filia erat, patebátque ludibrio, tot promissis inanibus. Eámque ob rem, tum dolore, tum indignatione, tum pœnitentia credulitatis, tum molestiâ, quam suorum opprobria faceiebant, concepto morbo, breui extinctus est; octo liberis relictis, quibus Richardum fratrem Glocestrium Ducem tutorem adscripsit. Attamen Regi nondum parata securitas erat, nisi Glocestrij scelera potestatem nocendi, Anglo detraxissent. Ille barbara ambitione pietatem violans, Eduardum & Ricardum nepotes perimit; filias neptes spe regni excludit, & per calumniam Eduardum patrem spurium dicit, per adulterium matris, mox scandit in solium, tot tantisque criminibus in gradus substratis. Ludouicus detestabilis Principis legatos & fœdus abominatus est. Ad ea funera, Renati Siciliæ Regis accessit obitus, per multam ætatem omnem fortunæ sortem experti; eiusque obitu Phocensis Prouincia ad Regem peruenit; siue cum heredem Renatus scripserit, siue Carolus Comes Andegauensis, patruo paucis mensibus superstes; ampla prouinciâ regno insertâ, atque ad primos Galliarum limites promouente; ita Mediterraneum intra vastos fines inclusum est, vt mari gemino Francia quasi geminis brachiis potestatem prorogaret atque victorias. Id Regi gratum; at molestissima Gastonis Phœbi Regis Nauarræ mors; Princeps adolescens ex Gastone Rege, & Magdalena sorore Ludouici natus, puer obitu patris ad solium euectus, spem magnam alebat, cum repentè subito fato opprimitur. Dicitur

Pro-
vincia
data.

Anno
1482.

Gasto-
ni
Phœbi
mors.

citur ex tibia mortem hausisse; cùm enim semel vnâ caneret, & earum capiebatur in modulatione, veneno afflatus, statim occubuit; morte per instrumentum gaudi) subrepente; matrem solatus est præclarissimis verbis illis ex sacro Euangelio vsurpatis, *Regnum meum non est de hoc mundo, non turbetur cor tuum, ego vado ad patrem*. Catharina eius soror, atque hæres postea Ioanni Albretio nupsit, regno Nauarræ ad Albretiam stirpem traducto. Postmodum morbus pestilens grassatur in Francia; eo correpti ardentissima Febri vrebantur, tam atroci dolore caput opprimente, vt plures quàm vi morbi quàm phrenesi rapti, in mortem ruerent, vel impacto in muros capite, vel in puteos casu præcipiti, vel per inuia obuiolque campos sparso cursu. Sic priuata ac publicæ calamitates nouo metu implicuerunt Regem; primùm animo, deinde corpore in priorem morbum reuolutum. Dignum est orbis terrarum spectaculum, & humanæ fragilitatis scena amplissima, Rex potentissimus, quem Europa suspiceret, metueret Francia, qui terrori vel Principibus foret, qui eos ad nutum caueis ferreis, angustis admodum, includebat, qui compactis in carcerem globos ferreos, immensi ponderis appendebat ad pedes; qui laqueo & ferro tam multos sustulerat; ille inquam Rex, vice nunc sua, abjectus, trepidus, seque vltro in carcerem, atque in vincula mancians; vt Diuinæ iustitiæ reus, pœnâ exemplo sit, offensionis qui culpâ fuerat. Biennio antequam moritur, se Plessiaci ad Turones domo concludit; voluptariis ædibus, in carcerem versis; fossis septus, clathrisque ferreis, ex ferro muricibus supra murum prætensis, & excubantibus diu noctûque in fossa vigilibus, qui accedentes telis repellerent. Paucissimos in cubiculum admittit, excutiuntur vestes accuratè, ne quis sicam occulat, pugionem, aut cultrum; familiares etiam & affines.

LV-
DOVI-
CVS
XI.

*Pestis
atrox.*

*Regis
morbis
extre-
mus.*

*Plessi-
les
Tours.*

— suspecti sunt; generum filium, filiámque per-
 LV- scrutantur custodes; ab Calabria Franciscum
 DOVI- arcessit, Minimorum Ordinis Conditorem,
 CVS virum sanctitate vitæ, miraculísque percele-
 XI. brem; præsentem flexis genibus instar numi-
 nis orat, sibi vitam ut proroget, ipsi omnia,
 suóque Ordini pollicetur; sacras reliquias ex
 Europa tota corrogatas vestibus inserit, iis-
 que se in mortem communit; preces publicas
 toto regno ad auertendum Aquilonem in-
 dicit, qui ventus ipsi erat incommodus; pala-
 tium redundat mulierculis, novas preces &
 nova vota insinuantibus; se mancipem Medi-
 co tradit, vili & arroganti in paucis; decies
 mille nummos in menstruum stipendium
 donat, eiusque ad nutum imò ad contume-
 lias se patienter accommodat; sacra omnia &
 profana tentans mortem ut pelleret. Verùm
 in eo secessu, ne credatur iam ante obitum
 præsepultus, se vivum regno & Europæ pro-
 mulgat; edicta & leges novas in dies cu-
 dit & recudit; magistratus abrogat atque in-
 staurat; delectus militum haberi & machinas
 apparari iubet, loricas Mediolani emi pluri-
 mas curat; quæ in singulis regnis rara essent
 & pretiosa comparat; sumptuosè & magnifi-
 cè indutus progreditur; morti per omnia vo-
 lens illudere, quasi qui omnes dissimulatio-
 ne hætenus fefellisset, posset morti & frau-
 dem facere.

XXV. Sed extremum fatum nec vi retunditur,
 Regis nec fraude luditur. Morbus recrudescit, & ne-
 1483. cessariò Ludouicus decumbit, regni insigni-
 bus dimissis ad filium, Cancellario, sigillis,
 & Regiæ domus administris; nondum tamen
 spem deposuerat, cum admonetur à Medico
 finem instare, & ad extremas metas vitam
 peruenisse; nouo accessu doloris, ut quem
 vitæ custodem & prorogatorem existimaret,
 eum acerbissimæ mortis haberet nuntium.
 Ita Sacramentis expiatus obiit, ætatis anno
 sexagesimo

Sexagesimo primo, prima fenestute, quam curæ animi atque ægritudines præcipitauerant. Sepeliri Cleriaci, in Deiparæ æde voluit, vel testanda in Virginem matrem obseruantiam, vel ut sepulcho se iungeretur ab Regibus à quibus adeo discrepauerat vitæ. Attamen vix soli; fracto post ab Hugonotis tumulto, sparsisque cineribus. Vix in vllum Principum tantum famæ, post mortem licuit; metu præliæ voces eruperunt extemplo, & ut vulgus rapitur ad extrema, vitia Regi affricabant omnia, virtutes tollebant. Ego ut abstineam ab insanæ plebis rumoribus, non inficiat quin excelluerit Ludouicus in muliere, at redarguendus longè in plurimis. Redigionem haud dubiè hauserat, atque in res suas venerationem, præsertim in Deiparam Virginem, ac tametsi aliquoties speciem pietatis priuatis consiliis prætexuerit, tamen menti hærebat rerum Diuinarum cultus, aut minor Regnandi artem apprimè callebat, nihil fortunæ permittens aut aleæ; nec metu aut ignominia cessabat à præliis; nam adolescens ingenti animo obiecitabat vitam periculum, sed consilio atque prudentiâ; gnarus sapientem, quantum homini licet, res suas fortis caluique subripere. Regis partes implebat eximiè, regis dignitati maiestati atque incremento ceterâ posthabens; promouens foeliciter studiis, ut Franciæ fines versus omnem partem protenderit, adiunctis ad meridiem, Ruscinocensibus atque Photensibus, ad occasum Andegauensibus atque Cœnomanis; ad Aquilonem magna Picardia parte, atque Artesiâ; ad ortum vtraque Burgundia; ut cum paucis admodum Propagator Imperij dici possit. Atque cæ laudes sine controuersia debite, quas exaggerasset grata posteritas; nisi pluribus & grauissimis vitis contaminarentur. Cunctis terribilis, nemini charus; Principes habebat pro man-

— —
Lv-
DOVI-
CVS.
X I.

*Eius
dotes.*

*Con-
que-
rant.*

cipiis , mancipia pro Principibus , vilissimis
 hominibus addicebat se, tonfori, medico, cubi-
 culario ; & dignitate natalium spretâ vel su-
 spectâ, amabat ingenium, ac gratiâ promoue-
 bat, nullo metu nulla cura; facile repressurus
 quos euexisset è puluere. Plebem immodicè
 tributis vexauit, egitque ad tantam inopiam,
 ut plerique rustici aratro de collo suspenso
 terram proscinderent ; immensas opes ple-
 rumque improuidè largiebatur, alepdis spe-
 culatoribus, & ferendâ proximos inter di-
 scordiâ ; cum priuatim nulla dignitate, nullâ
 maiestate ageret, cultu obsoleto, deformi pi-
 leo vetustate , manicis ad thoracem veterem
 instauratis, & inunctis ocreis sero pingui, ut
 præter potentiam æque sæuitiam nihil re-
 gium saperet. Nam sæuitia in eo supra mo-
 dum hominis Christiani & Franciæ Regis,
 ut carcer, caueæ, ferreique globi, loco cle-
 mentiæ & veniæ essent. Coniugem inhumane
 ter habuit, ab aula amotam, arce inclusam,
 ad eam liberorum causâ per contemptum
 adiens; nec liberos nisi per ambitionem ama-
 uit, ne sine herede in ludibrium iret. Ioachi-
 mum natu primum filium, raptum anno ter-
 tio vitæ, quod præclaram spem vel in cunis
 ostenderet, prosequutus inuidiâ, impensius
 mortuum quam viuum amauit ; & Carolo
 alteri filio institutionem inuidit, reiectis præ-
 ceptoribus, bonisque artibus repudiatis,
 vnum illi dogma ingerens, *qui nescit dissimu-*
lare nescit regnare ; quasi præclarissimum &
 eminentissimum opus, atque humanæ sortis
 suprema dignitas, in vno vitio, quo infirmitas
 latet aliturque, posita sit atque constituta.
 Vno verbo qui Ludovicum Tiberium Chri-
 stianum vel Francicum dixerit, dignè virum
 exscribet ; quippe ille delibauit omnia Ro-
 mani vitia, nisi quantum religio & Francici
 mores, corruptam indolem quibusdam æqui
 an timoris terminis concluderunt. Iussit mor-
 riens

Mens Annam filiam Bellijocensi nuptam, regni regimen tutelamque fratris suscipere, ut vel mortuus vexaret Principes, foeminaeque subiiceret.

Carolus eo nomine VIII, sub obitum patris agebat annum decimum tertium; proba quidem indolis, sed tam malè institutus, ut ne legere quidem nosset, aut pingere, educatus in tenebris, & ad splendorem regni attornitus. Anna soror ex testamento patris adibat regimen, cum Ludouicus Aurelianensis Dux intercedit, magni animi iuuenis, iam natus annum supra vicesimum quartum, sibi que debitam administrationem asserit. *Se primum in stirpe regia principem, Regni legibus & naturâ ipsâ admouendum ad regimen, cuius interesset id optimè regi; nec delirantis sensus arbitrium aeternis constitutionibus regni praepollere. Coronam in Francia natura dari, non scriptis tabulis; Regem uti heredem sibi non legeret, ita nec curatorem regni; utrumque sancitum legibus, & naturâ cautum.* Contra Anna voluntatem Regis opponebat; administrationem, regni à iure distare quamplurimum, ab eo excludi foeminas, in illam admissas; quod confirmabat exemplis; Bellijocensem maritum aequè è stirpe regia procreatum, iam natu grandem, & rerum experientiâ uniuersa Francia comprobatum; cum Aurelianensis minor adhuc legibus, sub tutela matris constitutus, regimen regni malè capefferet, qui nec facultates suas administraret. Ista palam æmuli, at clam competitor accedebat tertius, Ioannes Dux Borbonius, qui minorem fratrem sibi anteponi ægrè ferret, diu tacitâ depastus inuidiâ. Menses aliquot ea contentio tenuit, sed ciuilis bellique abstinens, dum Rex annum decimum quartum impleveret; qua ætate Caroli V. edicto Reges ipsi regnum administrant; & in id tempus indicta Turonibus ordinum.

CAROL.
I. V.
VII.
R. E. X.
XXVI
Contentio pro
regimine.

CAROL.
LVS
VIII.

Dome-
stici
Ludo-
wici
pœnâ
affecti.

Comitia, quibus regni vulnera perſanaren-
tur, & ſanciretur adminiſtratio regni. Interea
indignationi principum, & dolori plebis eſca-
obiecta, ſelecti aliquot è Domeſticis Ludo-
wici, qui pœnâ publicâ, & pecûnias raptas
refunderent, & tot ſcelera patrata penderent.
Primus David Oliuerij Damæ famulus pati-
bulo affigitur, tum à famulo ad herum gra-
du factò, ipſe Dama Comes ille tonſor corri-
pitur, multorumque ſclerum reus, pari ſup-
plicio plectitur, facultatibus Aurelianenſi
addictis, mox pœna ad Ioannem Doyacum
progreſſa eſt, hominem in Aruernis vili ori-
gine natum, còque à Ludouico auctoritatis
promotum, vt Aruerniæ Prorex, multas opes
collegerit. Hic vocatus in peculatus crimen,
& odioſus Principibus, quòd in eos plura
contumelioſa effudiſſet; ignominioſâ pœnâ
mulctatus eſt, Pariſiis virgis caſus, linguâ
ferro candente perforſâ, & alterâ aure trun-
catâ; eodem ſupplicio Monferrandi, quæ pa-
tria erat inſtaurato. Per eas victimas animo-
rum motus reſpreſſi vtcunque, dum Rex pu-
bertate impletâ, Rhemos deducitur, & inau-
guratur; ac poſtmodum regni Comitia cele-
brantur Turonibus. In iis plurimæ & acerbæ
querelæ propoſitæ; omnia ad ſanandas pla-
gas effuſe promiſſa, per pauca præſtitâ; ac quòd
caput erat de regimine regni conſtitutum; vt
Rex ipſe iam per legem capax res adminiſtra-
ret; eius tutela penes Annam foret; designa-
rentur optimates duodecim, quorum conſilio
res ſtabilirentur. Dux Borbonius Comeſta-
bilis dictus eſt. Id decretum tam Annæ pla-
cuit, quàm Aurelianenſi diſplicuit; ambi-
tioſa fœmina Regis potens, intereſſe conſi-
liis, ea regere atque ad nutum flectere po-
terat, fidus admittere, dubioſque excludere,
vt Regis nomine regnum capeſſeret. Et eam
in rem Renatum Lotharingiæ Ducem ab
Italia exciuerat; ab caſo Burgundo claræ fa-
ma

magnique nominis, quem Aurelianensi
 poneret; Venetus militantem in Medio-
 enses & Florentinos; Præsentique an-
 am pensionem constituerat, dato Comita-
 Barenfi; imò parum abfuit quin Phocen-
 m Prouinciã daret, vti proximo Renati
 ndegauensis heredi; adeo ambitioni sua
 sania scopus est, & publica flocci sunt, pri-
 atim surgenti. Contra Aurelianensis ab re-
 imine longè amotus, dolorem occulens, &
 equutus Regem Parisios, arcana instituebat
 consilia, tentabátque artem arte ludere, con-
 ciliandis Principibus, cæterisque quorum in
 regno spectabilis auctoritas foret. Adolescen-
 tem regebat Franciscus Comes Dunensis
 Ioannis filius, patri haud impar soboles, pru-
 dentiã animi & fortitudine in paucis insi-
 gnis, eratque totius telæ textor, animique
 suprema mens. Iamque eò promòta erant
 consilia, vt Regem annuentem sorori cripe-
 ret simulque potestatem Aurelianensis sta-
 tueret; sed detecto consilio, Georgius Am-
 bosius Episcopus Montalbanus, & Philippus
 Comminius eius participes, in carcèrem missi;
 & hic quidem duriter, in cauea per octo men-
 ses conclusus. Aurelianensi parabatur custo-
 dia, cum fuga elapsus Alensonem venit, &
 plerisque Principum ad partes allectis, bellum
 mouet. Sed cum improuidè Bogenciaci hæ-
 reret, repente ab exercitu regio circumclusus,
 ad deditionem adigitur, ea conditione vt ad
 Regem se conferret, Comes Dunensis Astam
 in Insulribus secederet. Ad eam imple-
 dam Anna instat, virgétque Aurelianensem
 ad Regem veniat; ille intutum ratus ad ini-
 micam accedere, citatis equis ad Britannix
 Ducem aduolat, Dunensem reuocat, & fœ-
 deratos magno studio ad renouandum bel-
 lum arcessit. Res postulat, vti edisseram quis
 Britannix status eo tempore esset.

Franciscus I. Britannix Dux iam annis
 grauis-

CARO.
 LVS
 VIII.

Conte
 de Du-
 non.

XX
 VII.

CARO
LVS
VIII.
*Bellum
in Bri-
tannia.*

*De
Rieux.*

grauis, & gerendis rebus ineptus admodum, cuidam Petro Landasio addixerat se. Is in Campania è sutore ortus, paternamque artem in familia Ducis exercens, & eidem minister flagitiosæ libidinis, adeò beneuolentiam ipsius deuinxerat, vt per dignitatum gradus Quæstor summus factus, Principis sui herus esset & dominus. Et verò ingenio subdolo præditus, Ludouici Regis artes eluserat & sagacitate consiliorum explicuerat retia, dolosque repulerat; verum vt ea hominum natio, quos repente fortuna è cœno in cœlum vehit, superbiâ & arrogantiam suprà fortunam ipsam extollitur; Landasius Proceres spernendo, vexando, atque occidendo, sic irritauerat, vt in eum conspirarent, Duce Ioanne Rieusio Marefcallo Britannia. Sæpius petrus tum priuatas, insidias, tum publicum bellum peruicerat; donec populo Rieusij partes promouente, destituto à militibus Duce, Nannetis in conclaue eius irrumpitur, rapitur Landasius, & instructa lite, damnatur capitis, necaturque suspendio. Ille quoniam Annæ partes studiosè fouebat, locum vacuum mortuus Aurelianensi reliquit, graui bello in Britanniam verso, quo tandem antiquissima illa Satrapia pessundata est atque extincta. Illicò Aurelianensis à Britanno exceptus, instaurat cum Principibus fœdus, cum Maximiliano Romanorum Rege, Britannia Duce, Comite Inculismensi suo patruele, Lescuno Conuenarum Comite, Orangio Principe, & Rieusio Marefcallo; & Duncensis Comes, Partenæum in Pictonibus instruebat milite atque munimentis. Ad hæc Anna impigra fœmina, primum arma, mox artem admouet. Regem rapto exercitu ad Santones ducit, oppressura Lescunum, cuius in Aquitania multa auctoritas. Atque vt constituerat Santonum urbem & Blauiam primo impetu capit, veniensque Burdegalam, præfecturam ademptam Lescu-

coniugi à Rege impetiat; mox in Brito-
regressa, Partenæum domat, Dunensi ex-
co, & recepto in partes suas Inculismensi.
n postquam armis aucto ritatem & famam
stituit, artes aggreditur. Oborta erat Fran-
inter Proceres & Britannos æmulatio, ti-
que mutuus. Franci apud Ducem polle-
at gratiâ; inde Britonibus grauis suspicio,
llorum ope Dux Landasij mortem vlcis-
etur, & ipsi Aristocratix genus ad tuen-
n se stabiliuerant. Eum metum Anna su-
cionibus adauget plurimis, tantumque
attendit, vt Britones Duce Rieusio, nouum
dus cum Rege contrahant, ad pellendos è
tannia Francos; stipulati Regem quadrin-
ntis duntaxat equitibus, & quatuor pedi-
n milibus bellaturum in Britannia, nihil
Ducem aut Britones tentaturum, nullum-
e oppidum occupaturum absque Rieusij
ensu. Hæc promissa largè, haudquaquam
pleta, (nam ambitio patefactas fores sibi
n præcludit). Rex in Britanniam quatuor
uersis locis immittit copias, tum ipse vali-
exercitu in prouinciam penetrat; belli
ecie vt Aurelianensem in obsequium age-
t. Dux Britannix pecuniâ, viribus, & mili-
ous destitutus, Dunensi auctore, ad sacram
choram naufragus confugit; ea filia ma-
r natu Anna. Duas susceperat Annam &
abellam; Anna maior appetita iam plurium
otis, quanquam annum duodecimum vix
gressa, vt faciebat spem procis opulentæ
otis, ita patri validi præsentisque subsidij.
annem Albretium in Aquitania potentem
egi vt Britannus eripiat, ostentat filiam,
uptiâsque promittit; quam eandem & Ma-
imiliano Romanorum Regi, & Aurelianen-
clam ante in sinu sponponderat. Et quidem
amum vorauit Albretius, defecitque à Re-
e, sed lento auxilio inualidoque. Rex interea
lormelum obsidet, captis pluribus oppidis.

CARO-
LVS
VIII.

Plac-
me.

Dux

CARO. Dux ne prorsus ignauè socorditèrque peri-
 LVs ret, sexdecim hominum millia è promiscua
 VIII. plebe colligit, urbemque seruaturus approp-
 erat; sed à suis in festinatione ipsa derelictus,
 urbem tradit hosti inuadenti, à quo direpta
 est atque euersa. Dein vno cursu victoriæ, Ve-
 netiam sponte Rex admissus; Moullaij tur-
 ma ad Briandi castrum à Regiis deletæ; vrbis-
 que Nannetes cingitur obsidione. Ruebat in
 perniciem Britannia præceps, nisi Rieusium
 vanitas foeminæ perstrinxisset. Anna quam
 modò Borboniam nuncupabo, mortuo Ioan-
 ne Duce Borbonio, atque herede Bellijocen-
 si; tumida successu armorum Nannetes ob-
 sessos Rieusio nuntiat, iamque fossam obti-
 neri à milite. Ille modestè conquestus, id
 contra fidem & promissa tentari, Regemque
 maturius ad fallendam fidem institui, nouum
 consilium capit; sociisque in sententiam suam
 abductis ad Ducem conuertitur, curâ patriæ
 pereuntis susceptâ; ea tamen fuit in præclaro
 viro promissorum cura, vt ad Ducem non iue-
 rit, nisi postquam iterum de implendo fœde-
 re appellatâ Borboniâ, pro responso accepit;
 Regi nullum esse dignitatis consortem, rem-
 que frustra inceptam ni perficeretur; tunc
 securâ fide, Ducem conuenit, & ad instau-
 randam patriam se accingit.

XX Atque extemplò constitit, vir vnus quanti
 VII. ponderis sit nam statim Rieusius Ancenice,
 recepta, Briandi Castrum quâ vi quâ indu-
 striâ obtinet, & obsessam Venetiam breui ex-
 pugnat. Nec Dunensis suis partibus deerat,
 cum nequiret in Angliam ob procellas trans-
 mittere, ad seruandos Nannetes sollicitudi-
 nem applicat. In inferiori Britannia, plebs
 ex agris urbibusque conuenerat ad sexaginta
 millia, vt Ducem periculo eximeret: quem
 Nannetis Franti obsidebant. Dunensis in-
 condita multitudini se ductorem præbet &
 castrensi disciplina vtcunque imbutam, ver-
 sus urbem agit, in eamque immitteit, exer-
 citu.

La
 Mouf-
 faye.

Riet-
 fuis res
 Britan-
 nia
 suble-
 uat.

regio iam defesso, & frequentibus eru-
nibus ciuium imminuto. Nec multo post
ta obsidio, partaque Duci atque vrbi li-
as. Ea prosperè eueniebant Britonibus,
a infausta aliunde vrgerent. Quippe Rex
enicem & Briandi Castrum expugnaue-
muròsque deiecerat, & Filiceras validam
em in Britannia finibus obuallabat toto
citu. Angliæ Rex ad obtinendam Bri-
bus pacem intercesserat, & ab Aurelia-
si reiectus, qui Annæ nuptias iam spe
sumebat, paucas cohortes in subsidium
erat; iam Albretius diu ex cætatus ad-
erat, se paucis admodum comitantibus,
dico subsidio fuit, graui incommodo.
n de nuptijs Annæ instaurata spes (nec
eui causa, cum omnium Procerum scripta
in rem haberet suffragia) discordiam
m instaurauit, quippe nuptiam Maximi-
no ambiebat Orangius, sibi Aurelianensis;
diuisi Britones, non Procorum vni adha-
ant, imò & plures maritum Annæ Regem
abant. Porro eam discordiam Filicera-
n discrimen sopiuit; deliberatum eo in
iculo quid agendum foret. Erant in eorum
ois Germani mille quingenti, missi à Ma-
niliano; Angli septingenti Moñfortio &
la ducibus; Vascones mille, & Catalauni
centi, sequuti Albretium; Franci admodum
pauci; Britones ad octo millia, Ductore
eufio Marefcallo, & prouinciæ Nobiles.
eufius dehortabatur, a pralio, & quidem
udenter; *nullas sibi prater eum exercitum
dias esse; si vinceretur, reparandum nulla
e; victori in alieno solo numquam facien-
pugna potestatem; cogendum in angustias
corum & temporum, detrahenda cibaria,
penuriam inferendam, qua demum pu-
ante sine periculo profligetur.* Hæc Rieufius
usquam auditus & decreta ad seruandam
bem dimicatio. Profecti Redonibus ea
mente

Ca-
ROLVS
VIII.

Fonge-
res.

—
CA-
ROLVS
VIII.

*Pugna
ad fa-
num
Albi-
ni.*

*Saint
Aubin.*

mente audiunt captas Filiceras, tenacésque proposito progrediuntur, vt Albi Fanum oppugnent, modicam urbem, castro tectam non contemnendo. Franci nono vltra Fanum milliario hosti occurrunt; præliumque sine mora confertur. Britones ita distribuerant copias, vt ad dextram protecti curribus, nemore ad læuam, triplici agmine inueherentur; primum ducebat Rieusius, medium Albretius, postremum Castrobriandus, pluribusque Britonibus rubricatas cruces affinxerat, quæ Anglorum insignia erant, vt terrori forent; quoniam Angli sagittarij erant præstantissimi clarisque nominis. Franci pariter in tergeminum agmen dispertiti, Hospitalio Choilio veterano duci primam tradiderant, alterum Ludouico Trimolio generosissimo adolescenti, Graullio tertium. Verùm peccabant à primordio, nisi peccatum temeritas Britonum emendasset, nam ignari hostem tam prope figere, per cohortes singulas festinabant, poterantque Britones si irruissent, incompositos fundere. Sed quasi de industria datum, Francis spatium ad instruendos ordines; tum Britones nouo errore prorumpunt ad pugnam, tatis locis & munimentis relictis. Jam eos inter & Francos socios orta erat contentio, vocatis Francis in suspicionem prodicionis; erantque adacti etiam Proceres equis exscendere, mistique cum prima Britonum acie pugnare pedites. Iis animis ad conflictum itur; & Germani vt se à Francorum machinis tegerent, longo circuitu dum ad latus flectunt, viam Franco præbent irruendi in agmen; quod præstitum quidem valido impetu; tum auolare equites, pedites conturbari, frangi, atque in nemus diffugere, victoriæque ad Francum vergere. Rieusius primo quidem agmine pugnavit fortiter, sed obruente numero victus est; desperatâ tamen victoriâ se in spem futuram fugâ

fugâ eripuit ; Capti dum inter pedites depugnant Aurelianensis atque Orangius ; cæsa Britonum sex millia ; nemini parcitum, qui rubram crucem ferret ; cecidere ex Francis mille ducenti , nullus illustris præter Galliotum Italum gente ; Aurelianensis in turrim Bituricensem captivus ductus est, in Cæsaris Pontem Orangius. Sic Britannia quæ tot Regum Franciæ impetus fregerat , nupérque Ludouici sagacitatem fraudésque vicerat, modò puero fœminæque subiicitur ; adeo in humanis nihil infirmum est, nihil tutum.



HISTO



HISTORIÆ

FRANCICÆ,

LIBER DECIMVS QVARTVS.

CA-
ROLVS
VIII.

I.
Pax

CHM
Britan.
110.



IGTORI Dinantium & Ma-
clouij fanum patuerunt, Rhe-
doneſque supererant prima-
ria ciuitas, quæ vnâ ruentem
Britanniam sustentaret. Ad
eam Trimollius extemplò

admouet obſidionem & ad dediti-
onem compellat. Ciues egregiâ in principem fide &
animis ſupra calamitatem ſurgentibus, reſ-
pondent, ſi pereundum ſit, ultro ſe pro pa-
triâ ac principe perituros; eſſe tamen adhuc
ſpem ſalutis & vigenti armatorum millibus
robur eſſe, quo Nannetenses amulati, repellât
vim; ad extremum, Franci Ioannis Regis
meminerint, colligantque periculum quod ab
armata deſperatione immineat. Ad ea ſu-
perſedat Trimollius, dum apud Regem deli-
beratur. Erantque plurimi, qui cenſerent,
in ſtandû victoriæ; iuris ad occupandam Bri-
tanniam, eſſe abundè, facultatem à quin-
gentis annis quaſitam, iam conſeſſam; diui-
nitùs?

utius ? quid Rex cunctaretur & ignava clemencia prosperitatem optatissimam perderet.

Et principi adolescenti in cursu victoriæ acceptissimæ erant eius generis voces. Contra vii grauis Guido Rupefortius, Cancellarius Franciæ æquo & iusto cupiditatem retundit.

Prærogatiuam armorum vniueque potentia, longe differre à legitimo iure rei comparanda; sit illa satis barbaro Principi, cui pro Deo sua laurus & victoria sit, imo sua cupiditas; at Christiano Regi scopum diuersum esse propositum; terminos esse ambitioni victoriisque præfixos, quos æquitas iustitiæque posuerit, nec eos prætergradi absque ignominia atque opprobrio possit. De iure, quo Rex Britanniam occupet, disceptandum: stabiliendum prius, quo iure, quæue iniuria, princeps annis prægrauis, puella impuberes atque innoxia, spoliari possint, ea paterna hereditate, ille patrimonio, iam per multa secula continuâ serie deuoluta; tunc æquo inspecto, insistendum armis, aut resiliendum. Prædonum esse & piratarum, eripere perdere, atque mactare, tum speciem iuris obtendere latrocinii; & quod nefariè gestum est, per iniustitiam nouam afferere. Ad ea rationum momenta accessit supples Ducis legatio, qui veniam precatus, supremumque Dominum Regem compellens, veniam exorat; ea conditione, filias sine assensu Regis ne colloquet. Vix ea pacta conuenerant, cum Ducis obitu, senio, mærore, curis, atque ex equo lapsu decedentis, subito perturbata sunt; moriens Ricusio filias commiserat. At contentio illico atque discordia germinant; Aurelianensis atque Albretius instauratâ rivalitate pro Annæ nuptiis Britanniam scindunt; suus cuique fautor & promotor; Aurelianensi Lescunus & Montalbanus, Cancellarius Britannicæ; Albretio Ricusius & Lauallia, quæ multum gratiâ apud Virginem valebat: verum

CA-
ROLVS
VIII.
Roche-
fort.

Dame
de La-
ual.

CA-
ROLVS
VIII.

rùm ipsa virgo propendebat in Aurelianensem, Albretio quadragesimum annum implente, atque adeo adolescentia flore iam inarido. Eamobrem impulsu Cancellarii contestata erat, coram Apostolico scriba, se adactam à patre ad sponsonem Albretio dandam, nec se vnquam assensuram coniugio; & Rieusiū, à quo Guerrandæ obsidebatur cum Cancellario, auctoritate potius quam vi depulerat; Cancellarium quainquam ab Rieusio ipso abrogatum haudquaquam dimittens. Et verò Rieusius egregio in patriam amore, non tam Albretio studebat, quam ab Aurelianensi alienus erat; ne si virgo Franco principi nuberet, aliquando Britannia in coronæ oceanum immergeretur, membrumque fieret, quod à multis seculis corpus integrum fuerat. Inter eas contentiones annus elabatur; & moritur Isabella minor Annæ soror. Ea morte vt Annæ dos increfcebat, sic procorum amor; donec Rieusius reconciliatus cum virgine, tenaxque propositi cum Maximiliano persuadet coniugium, quod per Valsannum Austriacum Maximiliani vicarium celebratum est. Enimuerò proci omnes alienati his nuptiis coniurant in Britanniam; Rex pace abrupta gemino exercitu irrumpit; Albretius Nannetense castrum intercipit, Ducum gazam expilat, urbem capit, Regique captam tradit. Ad eos pellendos, cū Maximilianus lenta subsidia infirmæque submitteret, Rieusius nauis naufragæ rector, vt honestè periret, demùm ad Regem conuertitur, quodque ille concupiscebatur ardentè, matrimonium Annæ paciscitur. Bellum per eam spem repressum, imo data Aurelianensi atque Orangio libertas. Etenim Anna aliena ab Rege, cui vastatam perditamque patriam tribuebat, respuebat omnino nuptias; ad quam peruincendam, Rex vtrumque liberum fecit, quamquam

Bor

Rex
Annã
ducit.

Carboniis coniugibus inuitissimis ; & sin-
ra mente tam Aurelianensis quàm Oran-
us, eam in rem contendit. Tandem Annæ
ertinacia victa est, assensusque nuptiis præ-
itus ; tum auctoritate Pontificis soluta ge-
nina matrimonia, Maximiliani cum Anna,
& Caroli cum Margarita, solo hactenus verbo
contracta ; nouumque Caroli cum Anna
perfectum ; constituta dos Britannia, duabus
conditionibus obseruandis ; primùm, vt si
Anna absque liberis obeat, ob honorem
quem regiis nuptiis assequebatur, Regi eius-
que futuris successoribus, Ducatum donat:
secundùm, si ea superstes sit, pollicetur se
nupturam proximo heredi, qui Rex Franciæ
sit ; Ita cauebatur, ne vnquam in posterum
tam pretiosum segmentum auelleretur à
Francia, & insitus ramus in truncum peni-
tus coalesceret ; eandemque ob rem, iura
omnia quæ pluribus in Britanniam erant,
Rex pecunia emit, ne quis locus controuer-
siæ foret.

Sic bellum in Britannia extinctum, excita-
tur mox in Picardia ; Maximilianum gemi-
na iniuria pungebat acrius, quàm vt hone-
stè conquiesceret domi. Sponsa ablata, atque
propemodum è thalamo rapta & auulsa à la-
tere ; spreta per contumeliam filia, & serua-
ta dote nuptiæ repudiata, animum vel ob-
ductum callo penitus pungerent. Iam antè
variè bellum in Sequanis atque Artesiis ge-
stum erat ; atque occupauerat Maximilianus
Teruanam & Andomari fanum ; verùm
Cordij arte ad Betunam per incendias inter-
ceptus, deleto exercitu, easdem vrbes ami-
serat, iterumque in Sequanis magna strage
victus. Nunc vindictâ flagrans ; urgente con-
tumeliæ sensu, cum Henrico Angliæ Rege
contrahit fœdus, vt iunctis armis Picardiam
inuadant. Regebat Angliam Henricus Rex

CA-
ROLVS
VIII.

Anno
1491.

II.
*Bellum
cum
Maxi-
milian-
no &
Anglo.*

CA-
ROLVS
VIII.

co nomine VI I. feliciter ex summa miseria ad fastigium regni promotus ; quippe antea, Richemondia Comes vnus ex Lancastria familia superstes, diuque in Britannia latitans, metu perpetuo conflictatus, tandem postquam Ricardus Eduardi frater, cæsis nepotibus, inuasit per tyrannidem regnum, in spem eius regni ab Anglis vocatus, mare transmiserat ; & quamquam infelici sapius exitu, mox Rege Carolo pecuniam suppeditante, & militem, tertium in insulam transiens, pugna conferta Ricardum occiderat, & exceptus folio ducta in coniugem Eduardi filia, & familis Lancastria & Eboracensi eo vinculo adstrictis, regnum securus, & magnâ virtutis laude administrabat. Ille quamquam inuitus ad bellum impellitur ; nam & perstabat memoria beneficij, & nouo Regi externum bellum importunius erat, tamen Anglorum inflammatis votis, quibus erepta Britannia & dolori erat, & nulla expeditio præter Francicam honesta aut utilis, magno exercitu Caletum venit, & Bononiam statim copiis cingit. Maximilianus penuria nusquam non laborans, cum deficeret miles, grassatus occultis consiliis, Atrebatum atque Andomari fanum per insidias occupat, & inuadebat Ambianum, iam admissio in urbem milite ; quando plebeia mulier, cui nomen Catharina Licia, hoste animaduerso, per vicos discurrens, ad arma inclamat, & ciui animos facit, donec armati ad Rubenpræum conueniunt, hostemque tam strenuè pellunt, quam negligenter socorditèrque admiserant ; mulierculæ vnus fortitudine strenui. At ea neuiquam Anglum promouebant, qui ad Bononiæ muros affixus etiamnum, & per plures eruptiones infractus atque exhaustus, Maximiliani exercitum reposcebat, inde molestia, & in foederatum querelæ. Quibus Rex perspectis instauratâ
patris

patris arte , Cordium ad Henricum mittit ; qui tam consilio quam militiâ præstans , impetrato colloquio , pacem conficit , duos inter Reges perpetuam ; modicâ pecunia ab Franco solutâ , in belli sumptus , atque in pensionem Eduardo iam ante debitam. Interea Maximilianus Federico patre demortuo Imperator dictus , Philippo filio Flandriam permittit ; iam proxime in Franciam , toto Germaniæ nisu incubiturus. Sed tardi erant delectus , nulla pecunia , rarus miles , nec Imperium omni ex parte pacatum. Quare haud ægrè Cordij labore atque prudentia , & intercedentibus Heluetiis , Palatino , & Sfortia , pax contracta & iستا est ; eâ lege ut Carolus Margaritam redderet Maximiliano , cum dote præbita ; nimirum Sequanos atque vrbes Artesiæ quas in potestate habebat Hesdinum , Betuniam , & Ariam ; anno post quarto , cum Philippus Archidux legis beneficio maior fieret. Atque eo fœdere stabilira pax certa ; & ex æquo restituta dos virgini , sed ingenti Franciæ detrimento , quæ peropportunas Prouincias dimittebat ; inani studio Ludouici, totque ærumnis frustra insumptis. Et hæc restituta necessitate iustitiæ , mox Ruscinonenses non tam æquitate , quàm leuitate & inconsiderantiâ , obstupesciente Europâ redditi sunt Ferdinando. Eos à Ioanne Aragoniæ Rege , ut scripsi , vel in perpetuum vel in pignus Ludouicus coëmerat ; modò Ferdinandus , atque Isabella , Castellæ & Aragoniæ Reges , post Granatam captam , gentemque Mauricam ex Hispaniis terris demùm expunctam ; appellauerant Regem de restituendis Ruscinonensibus , quos duntaxat in pignus affirmabant traditos. Erat Regi , vnde postulatum & iustè quidem excluderet ; nam nec pecunia repræsentabatur , & post contractum initum Ioannes Rex vi Perpinianum ceperat , vnde bello

CAROLVS
VIII.
Pax cum Anglo An.
1492.

Et cum Maximiliano.

Ruscinonenses dati Ferdinando.

CAROLUS
VIII.

An.
1493

moto conditione exciderat; & contractâ pace de redemptione nihil erat pactus. Verum aures præbens Ferdinando Carolus, postquam Legati ex vtrâque parte conueniunt, Ludouicus Ambosius Albigenſis Episcopus & Ioannes Coloma Aragonio à commentariis, in eas leges consensum est; vt Francus Ruscinonenses & Ceretanos Hispano daret, detractis præfidiis; pax inter vtrumque Regem aduersus omnes Principes esset; excepto Pontifice, & Fernandi filia ne cui Principi nuberet, nisi de Caroli voluntate. Ita conuentum, & aliquantò post præstitum, admirantibus ipsis Hispanis, vnde tanta Francis vel liberalitas, vel stultitia, sponte abiicientibus, quod sumptibus nouis immensisque ærumnis vltra Alpes indagatum ibant. Porro consilij tam imprudentis ratio, partim religioni, partim cupiditati assignatur; dicuntur Franciscani duo, Oliuerius Mallarius & Ioannes Mauleonensis, qui Regi & Borboniæ erant à confessionibus, corrupti auro Hispanico, conscientiam Regis & sororis perstrinxisse scrupulo; adiunctam auctoritatem Francisci Paulani, & Ambosium Albigensem Regis præceptorem, eodem auro deuinctum auxisse conscientiæ stimulum; atque adolescentem Principem impulisse ad rei suæ veluti alienæ abdicationem. Ego vt crediderim positum à religione exordium, sic præstitum finem à cupiditate. Nempè cum Carolus iam Neapolitanum bellum concepiſſet, ne à Ferdinando iam totius Hispaniæ compote obex exsurgeret, flagitanti Ruscinonenses concessit; nec intercessit Concilium, in vnum Italiæ bellum conuersis eorum qui regebant animis; sic Æsopicus canis ore carnem mittit vti vmbra captet, elusa fame præ cupiditate. Verùm ea propius ad Italicum bellum me admovent, cuius causæ paucis delibandæ.

Italia.

Italia externis bellis libera, iam aliquot annos propriis duntaxat miseriis laborabat. Nam in plures distracta dominos, eosdem molestissimos patiebatur; qui conuenientes inter se, ne mutuo sibi incommodo forent; iis quos regebant, grauissimi erant, pacemque publicam in priuata mala deriuabant. Præter plerasque vrbes, quas suus quisque premebat Dominus, insignes potentiâ erant Romanus Pontifex, Rex Neapolitanus, Dux Mediolanensis, Veneti & Florentini. A Petro Mediceo, qui Florentinos regebat, prima Italix clades, & belli origo. Quippe cum Ferdinando Neapolitano arctius vinctus, Ludouico Sforcix suspicionem & timorem mouit. Etenim Galeasio Ludouici nepoti Isabella Alphonsi filia nupserat, fœmina ingentis supra sexum & conditionem coniugis, animi, quæ patrem auumque querelis plurimis iam dudum lacescens, acerbissimum iniurix sensum demonstrabat; càmque ob rem, Ferdinandi augmentum Sforcia in detrimentum suum recensebat. Quare veritus ne vtrique impar, si in suam perniciem conspirarent Ferdinandus atque Medicæus; vtrûque diuellere, atque obiecto metu ad se allicere conabatur. Eo consilio Ferdinandum apud Alexandrum Pontificem vocauerat in suspicionem, quod Virgilius Vrsinus Neapolitanus, quasdam arces Latio adiunctas à Francisco Cibo coëmerat; moxque lentâ flammâ, & ad belli incendium impotente, conuersus ad Francos, Regem ad expeditionem Italix incitabat. Ad Ludouicum XI. per Renati Andegauensis hæreditatem deuolutum erat ius in Siciliæ regnum, ita enim Neapolitanum dicebatur. Nam Renatus Ludouici III. fratris hæres erat, isque Ludouicus à Ioanna secunda Regina Siciliæ adoptatus, & Alphonsum Aragonium expulerat, & in suam familiam ius regni traduxerat. Porro

CARO
LV9
VIII.

*Sanse-
uerin.*

id iuris Ludouicus Rex flocci habuerat, intentus proximis, Flandriæ scilicet atque Britannia, Italicas palmas in perniciem adscribens; ideo Genuam & Sauonam Francisco Sforciæ ultro largitus, ratus limites Franciæ satis amplos, si naturæ finibus conscriberentur; Oceano, Rheno, Alpibus & Pyrenæis. Attamen Proceres Neapolitanos Franciâ exceperat: Ij Antonellus Princeps Salernitanus, & Princeps Bisinianus, vterque è stirpe Sanseuerina; qui Ferdinandi cultris erepti, primò salutis portum quæsiuerant, dein Ludouico demortuo, vindictam & fortunæ regressum, Regi adolescenti Neapolitanum bellum ingerentes. Ad eos tandem Mediolanensis accedit, qui postquam occultis procuratoribus diu rem vrgebat, explorato tandem maturitatis articulo, palàm oratorem Carolum Balbianum, Comitem Beljoyosium ad Regem legauit. Ita ipsa Italia suam sibi comparauit perniciem, mouitque, si fas sit dicere, camarinam, quâ per plures annos demersa est; euocatis Francis, Germanis, atque Hispanis, quibus scenam belli & furoris alimentum præbuit, suis ipsa luem visceribus pascens.

IV.
*De-
libera-
tio.
& ap-
paratus
ad tel-
lum.
De
Vers.
De
Beau-
caire.*

Caroli animus atque consilium à duobus potissimum regebatur, Ioanne Versio & Guilhelmo Brisonneto; sorore Borbonia frustra obnitente; ne suæ potentia nascerentur participes. Versius in Occitania natus in cubi-
culi famulitio Principi notus, vt plerumque fit, è priuatis officiis traductus ad publica, dum Reges domesticam indolem in publicum gerunt, primò Senescallus Bellocadij erat nuncupatus, mox in Computorum Curia Præses. Brisonnetus primis annis arte mercator, dein Quæstor Franciæ, postmodum mirâ officiorum misturâ; Maclouien-
sis Episcopus, & tandem ætarij summus Præfatus, industriam in cumulanda pecunia præferens

ferens, conciliauerat Regem: atque ij duo
cæterarum rerum præter artes suas imperiti,
in Neapolitanum bellum illum incendebant:
promoturi priuata commoda, dum publicas
res tantis in motibus gubernarent. Itaque
iam animis comparatis, in Nobilium cœtu
amplissimo, eam ob rem excito, deliberatum
est. Beljoyosius expeditionem facilem, vti-
lem, & summæ gloriæ demonstrabat. Ferdi-
nandum atque Alphonsum in summo omni-
bus odio esse; barbara immanitate grassa-
tos in Nobiles, inexhausta cupiditate diri-
puisse plebem & rusticos; inextincta libidine
violasse virgines sacras profanasque; vnum
esse singulorum votum, vt detestabiles Prin-
cipes expellantur; fonsque turpissimus tanto-
rum scelerum obruatur. Hactenus Ferdinan-
dum, fraude dolo, atque perfidiâ defendisse
regnum, & promouisse tyrannidem; inania
hæc in exercitum Francicum munimenta, at-
que armis instantibus aranearum telas dispelli,
haud agrè. Alpes, Longobardos, totamque
Italiam patefactam excitis, nullum ix itinere
hostem profligandum; integras copias admo-
tum iri Neapoli, statimque subditos odiosissi-
mi Regis partes deserturos. Tum de utilitate
multa adiungebat. Eam partem Italia, totius
orbis uberrimam & felicissimam, utrumque
mare Superum, Inferumque connectere: Pon-
tifici, Venetis, cæterisque Principibus legem
ferre, luculentis redditibus feracem ad exi-
gentium satietatem: qui Phocensem Provin-
ciam & Neapolim teneat, esse Mediterranei
dominum, ac duabus veluti faucibus fra-
nisque obiectis, tum pelagus tum nauigan-
tium vota moderari. At de gloria quàm
multa, quàm speciosa dicebat; gnarus quau-
tus aculeus adolescentibus animis, laus in
ardua foret. Eam deberi Carolo lauream,
vt miserrimas gentes calamitosissimo iugo
subleuaret; iam à Carolo primo Neapolim

patrimonium Francis constitutam; ereptam posteris Aragoxiorum arte & fraudibus, restituentam Caroli alterius fortitudine; & opprimendam usurpationem iniquam. Iam Ferdinandum intra munimenta terrore concuti; iam ad tanti Principis famam circumspicere fugam, atque in remotissimas terras deferre crimina. Quid, ipse quod Turca suam intra Bizantium contremisceret, gentemque Francicam perhorresceret tam propè admotam, ut breui admodum freto seposita & discreta, una die in Graciam arma & palmas inferret. Ita Orator, cuiusmodi spe adulatoriâ inflammabat Regem; & audiebatur cupidis auribus, infixo penitus stimulo. Attamen Franci plerique Proceres, nobilesque, præsertim ætate & peritiâ rerum spectabiles, contra sentiebant; & Grauilla Admiralius Franciæ, magnique ob res gestas nominis, ausus est palam Regem dehortari. Italicas expeditiones Francis semper infastas & calamitosas fuisse; Francos Reges ab iis abhorruisse summopere; Ludouicum sanctum aspernatum esse Neapolin, Carolum sapientem, Ludouicum ipsum Regis patrem ab Italico bello, ut à Francia scopulo discessisse, nec nouo calo, nouisque moribus Francos obiicere voluisse, quorum corpora animique mutatione tantâ interirent. Præterea quid hostes inquirerentur tam procul, cum imminerent tam propè? Impendere cum Maximiliano Germaniam, iniuria sensu nondum obducto; Hispaniam cum Ferdinando iam admissam citra Pyrenæos, atque in ipsa Occitania viscera; Anglos capitalissimos hostes uno freto dirimi, uniusque noctis interuallo totam Angliam effundi posse in Franciam. Perdomentur veteres hostes, aut contineantur, suos ipsa limites proroget Francia; superesse ad Rhenum, esse ad Pyrenæos, quod vincat, adiungatque finibus, eò arma conuertat;

uertat ; se suo calo contineat , nec pratergreſſa limites natura , per Alpium iuga , carceréſque aternos , pro inani laude , certam perniciem vltro arceſſat. Hæc Graulla , ſed canebat ſurdis ; fœdus ſtatim cum Sforſia pactum , vt Regi pecuniam mutuam daret , viam per Inſubres patefaceret , adiungeret copias ; Rex ipſum Sfortiam & Mediolanenſem agrû protegeret , & regno comparato Principatum Tarentinum daret. Ea dum aguntur , Renatus Lotharingiæ Dux intercedebat ; affirmabat ſibi iura in Neapolitanum regnum ceſſiſſe , vti proximo Renati heredi ; ſe iam ante regni huius titulum uſurpaſſe , ſuo iuri à Rege offici ; petebátque in quaſtionem vocari , cui iuris plurimùm in regnum eſſet. Verùm ea poſtulabat tempore inopportuno , à poſtulatís , imò ab gratia atque aula deiectus eſt , priuatus beneficiis regiis , iuſſúsque in Lotharingiam ſuam faceſſere. Ita prorsus decernitur expeditio ; pluréſque Legati ad Italiæ Principes dimittuntur , ad proponendum Regis conſilium , & ſlagitanda opportuna ſubſidia. At Ferdinandus , vti procellam diſcuteret , & ipſe ad Carolum Oratores mittit , & deuincire Pontificem omni indiſtriâ nititur. Miſſi Oratores , poſtquam Regem promiſſis variis atque incertis ludificant , iubentur regni egredi finibus ; iam ſpe nulla pacis ; & Ferdinandus poſtmodùm diem vltimum obit ; vitæ anno ſeptuageſimo primo , iuſto metu tanti belli concepto , ac futuro malo præſentem mortem inferente. Nihilominus Alphonſus filius militari laude inter Italos clarus , regnum à Pontifice poſtulat , atque exercitum parat ad vim retundendam. Iam Alexander Pontifex ſeriò aduentum Regis pertimeſcebat ; atque Alphonſo adiunctus regni poſſeſſionem conceſſit ; Uſinorum familia ipſi Regi addicitur , & Nicolaus Uſinus Comes Petiliani , præclarus eo tempore

belli Dux, à Pontifice ad Alphonsum transiit. Ergo Pontifex ut Regem auertat, cum frustra consilia, adhortationes & minas consumpsit, clam Brisonetum aggreditur, & rubri pilei facta spe, ita hominem mutat, ut Præfectus ærarij, à quo militiæ non nervi modò, sed ipsa mens pendet, interuertendo & auertendo pecuniam, expeditionem turbauerit; Rege otioso Lugduni præstolante, & tempestatem commodam absumente inanibus votis. Hostes interea lucrifacientes beneficium temporis, res suas promouent; etenim Pontifex Columnas factionem Vrsinis oppositam, & Franco studentem, Romam pellit; Iulianum Rouereum Sixti IV. nepotem, Cardinalem Ostiensem dictum, veterem æmulum, priusque de Pontificatu cum ipso certantem, ex Italia exigit, arcésque quas tenebat vi capit. Alphonsus præterea, Turcis in defensionem accitis, duos exercitus scripserat; naualem vnum, quem Fridrico fratri commiserat, terrestrem alterum qui vi per Romandiolam capta, in Longobardiam irrumperet; illi Dux designatus filius Ferdinandus, moderantibus Principem Ioanne Iacobo Triulcio Mediolanensi, & Sfortiæ inimico, & Comite Petiliano. Verum iis rebus quas opponebant in obicem, Carolus tandem in Italiam venit; nam Rouereus Cardinalis in Franciam profugus, Regem ad profectionem vrgebat inflammatissimis precibus; & Sfortia gemino impeditus exercitu, prorsus vereri de ruina cepit, Regemque instanter vocare in subsidium. Franco præterea regredi sine ignominia non licebat; Dux Aurelianensis cum centum & septemdecim nauibus Genuam venerat; Helucios scripserat Besszus Diuionensis Balluius; (ea inter nobiles dignitas conspiciua est;) & equitatus cum machinis comparatus erat ad profectionem. Quare Brisonetum

neto frustra cunctante, etiam sine pecunia iter indicitur. Regina administratio regni commissa, Duce Borbonio dato in consortem; Graulla, Picardia atque Normania data, uti Imperatorem, atque Anglos obseruet; nam Cordius præclarus ille vir fato erat functus; Carolo Comiti Inculismensi Aquitania, & Hispania proxima ad curam concessa. Ita postquam belli consilium quater abruptum est, tandem Deo promouente haud dubie, & ad flagitiorum poenam vocante vindicem, Rex cum exercitu suo profiscitur Gratianopoli, versus Alpes, exeunte Augusto.

Erant in exercitu equites grauis armaturæ ter mille, sexcenti; peditum viginti millia; illi plerique nobiles, militæ robur; inter quos erant Proceres, Comites Vindocinensis, & Mompenserius è stirpe Regia; Ludouicus Luxemburgius Lignyus Comes, Comites Guisus & Niuernensis; Vicecomes Narbonensis; Baudricurius, & Gyæus, Franciæ Marescallij ex Heluetijs atque Vasconibus; utrisque assuetis spissâ phalange pugnare, & propugnaculi instar inmoti; machinæ ingentes centum quadraginta iumentis trahenti us vectæ, minores magno numero; ad eas designata octo equorum millia, atque operarum immensa copia. Isque erat exercitus, cui nihil deerat præter Ducem; validum & robustum corpus, mente destitutum; nam præterquam quod Rex admodum iuuenis, rerumque imperitus, vna altitudine animi, & cupidine laudis nitabatur; ceteri omnes, vel eadem ætate, vel usu infrequenti, ad rem tantam minus apti erant. Quod & euentu postmodum patuit. Rex interea Segusij exceptus à Sabaudiciæ Duce, Alpibus sine molestia superatis, in Pedemontium venit, & ab auia Ducissa honorificè Taurini habitus, ab ea gemmas

CAROLVS
VIII.

Anno
1494.

V.

Rex in
Italiâ
arma
inducit

Baudricour
& Gje.

CA-
ROLVS
VIII.

& muliebre mundum mutuatur ; dātque pignori, quæ inopia pecuniæ erat , pro duodecim millibus aureorum ; mox eodem beneficio Casale affectus , Dominâ Monferratensi gemmas largiente , se confert Astam ; substititque integrum mensem variolarum morbo laborans. Eam inter moram prospera nuntia morbum recreabant. Nam cum Sfortia cum vxore inuisit , verbisque ad adulationem compositis, habita oratione, promissam pactis pecuniam donat , tum nunciata sunt quæ à Legatis prosperè gesta essent. Classẽ Alphonfi Fridericus frater in Ligusticum mare induxerat , expositisque mille armatis, Genuæ imminabat , urbem inuasurus per clandestina concilia. Aurelianensis qui cum classe urbem obtinebat , nauem ingentem tormentis instructam è portu mittit, tum ipse cum selecto milite ex Heluetijs , atque Insubribus , ex vrbe irrumpit ; atque in Aragonios simul terra marique impetum facit. Ij cum ad maris oram incederent , fulminantibus ad latus tormentis naualibus , atque in fronte Aurelianensi pugnante, disijciuntur haud ægrè atque maculantur. Fridericus ea clade percussus , classẽ attonitam reuexit Neapolin. Nec terrestrium copiarum felicior fors. Ferdinandus Alphonfi filius Romandiolam cum exercitu tenebat Pontificio milite & Florentino adiunctis. Rex in eum legiones aliquot miserat , ductore Eberardo Stuarto, dicto Aubignio , natione Scoto ; & Comite Gaiaffio Neapolitano , quingentos equites è Mediolanensibus ducente ; qui velitationibus plurimis in hostem inuecti , superiores erant , tum fortitudine sua , tum vi machinarum, quæ peritè explosæ magnam stragem, maioremque metum inferebant. Et breui solutus est hostis exercitus. Nam Ascanius Cardinalis , Sfortiæ frater Columnis promouentibus , urbem

D' Aubigny.

Ostiam

Ostiam intercipit, clausóque mari, atque ostio Tiberis, Romam ipsúmque Pontificem admodum terret; quamobrem tum ipse Pontifex, tum Florentini, singuli ad se tuendum copias reuocant. Carolus inter hæc secunda, receptâ valetudine porrò pergens, Ticinum venit, Ticino Placentiam, mittitque in consilium quam Neapolim versùs viam susciperet. Duæ potissimum deducebant; altera per Romandiolam & Anconam, per Tusciam altera, & ditionem Florentinorum. Ea capta quanquam difficilior, atque molestior; quippe per inimicam gentem, atque armatam. Nam Florentini moderante urbem Petro Medico, cum Ferdinando & Alphonso percusserant fœdus, atque à Rege dum Lugduni erat de præbenda via compellati, verbis in speciem quidem amicis, sed molestis ipsa re, petita negauerant, prætendentes Ludouici Regis consensu cum Neapolitano pactum esse fœdus. In præsentia multum ancipites, quo se conuerterent, atque inter se valde discrepantes, cum plerique ciues Petrum Medicum expulsam cuperent; repente Regis exercitu obruuntur.

V I.

Rex

Florentinos
domat.

Mompenseriis primam aciem ducens, in Lunigianam quæ Tusciæ regio est, peruadens, Castrum Nouum capit, necato præsidio; & cohortes aliquot interceptas ferro cædit: tum Serezanum castrum in Florentinorum finibus munitissimum vallo cingit, machinisque diuerberat. Hactenus in Italia diuerso planè modo bella gerebantur, nam victoriæ primo statim cruore parabantur; rari in pugna cæsi, nemo extra pugnam; fraude & dolo grassabatur bellum, ut hostis hosti, vel arces vel militem ipsum suffuraretur quodam modo, magnâ humani sanguinis parsimoniâ; nec tormenta bellica sauius admouebantur, explosa imperitè, atque ad funum & strepitum; pompæ machinæ po-

CA-
ROLVS
VIII.

Medi-
ceus
pulsus.

potiùs quam Libitinę. Nunc per stragem latè terrore immisso, & bombardis horribili sonitu murorum propugnacula quatientibus, & totam Italiam timor inuaserat, & proximè ipsam Florentiam. Igitur quanquam Serezanum Franci non cepissent, Florentini habito per tumultum consilio, Legatos ad Regem mittunt duodecim, Petro medicęo excluso, qui pacem à Rege peterent, aliquot arces offerrent, modo Medicęus vrbe exularet, verùm ipse vt potestatem priuatam detrimento patrię, tutaretur, antegressus legatos, cum Rege paciscitur, traditque arces validas, Serezanum, & Serezanellam, Liburnum, Petrasanctam, & Pisas; nam earum arcium præfecti sui imperij erant. Sic amicè à Rege exceptus, plura impetrans quàm postularet, Florentiam redit, ad hospitium Regi apparandum, Comite Matthęo Falasio. Enimvero vbi à ciuibus, quid egisset ipse rescitum est, indignatio & dolor cunctos inuasit; Senatus primùm fores palatij venienti occludit, tum commota plebe vrbe pellit, mox decreto iubet esse extorrem exulémque perpetuum; mox ad Regem legat oratores, qui Medicęum accusent, Regique ciuitatem opemque ciuium & fœdus offerant. Postmodùm plebs in expulsum sæuens, (nec est intra modum popularis furor,) ad Medicęas ædes se confert, longè opulentissimas totius Europę, & præclarissimam omnium artium officinam, crudeliter diripit atque euertit; Illa domus amplissima, miraculum architectonicę, naturę atque artis gazophylacium, in quam annis plurimis congestę tabulę pretiosissimę, & simulacra ex marmore, metallisque omnis generis præclarissima; quę ornamentis admirabiliter instructa totum penè orbem exhauserat; ea paucis horis spoliata atque euersa est; ac vnus hominis temeritate, tot tantq; studia, ærumnę, curę,

curæ, immensique sumptus, disiecti sunt, & dilapidati. Carolus interim, negatis Sfortiæ arcibus Serezano & Serezanella, quas is postulabat, ut Genuensis domini partem, Lucam venit, dein Pisas. Pisani olim respublica florentissima, quæ de imperio maris, cum Genuensibus, Venetisque contenderat, nunc Florentinis in seruitutem addicta, patiebatur iugum ægerrimè. Sfortia ab negatis arcibus ab Rege discesserat, iam in victorem fraude concepta; at ipsius gener Galeatius Sanscuerinus cum turmis equestribus apud Regem hæserat, ne pateret statim mens soceri, atque ut consilia Regis exploraret. Ille ex mente soceri Pisanos impellit, ut ab Rege libertatem postulent, nam id futurum molestissimum Florentinis erat, quos vehementer Sfortia oderat; præterea Rege absente spes erat Sfortiæ, opprimendi Pisas, quas una species libertatis, nullæ opes, nulla arma munirent. Ciues in eam spem impulsæ faciliè, Regem, dum sacram ædem adit, facto globo circumstant, ac prostrati in genua, madidi fletibus, habitu, gestu, & miseria supplices, libertatem efflagitant. Rex ignarus quid peterent, concepta ex supplicum humilitate, misericordia, cum interrogaret quidnam postularent, Rabotus Delphinus libellorum supplicum magister refert eos libertatem petere, additque postulatam esse æquissimum: Nec re ultra perpensa, eam Carolus donat; adeo infcius quid rei ageret, & se alieni liberalem esse, ut postmodum in ciuitate constituenda, Florentinos magistratus seruauerit, quibus in ciues imperium esset. Pisani illic effusi in gratias, ut monumentum seruitutis euerterent, Leonem marmoreum, quæ Florentinorum insignia erant, columnæ impositum deturbant, atque in subiectum Arnum præcipitant, Regisque equestrem statuem eo loco reponunt;

*Pisanis
libertas
data.*

Rabot.

reponunt ; paulò post euertendam , eàdem leuitate atque inconstantia , quæ sedem fixerat. Tunc Rex urbem diuisit trifariam ; arcem veterem ciuibus concessit , nouam retinuit , & Magistratus Florentinos reliquit ; mox Florentiam versùs proficiscitur. Atque is fuit Florentiæ terror , vt portis patefactis nulla conditione venientem admiserit. In urbem ingressus est , armis indutus , & reclinatâ ad femur lanceâ , quod victoriæ signum est ; isque mōs repetitus à Patribus , Francis Regibus est , vt quas vrbes ingrediuntur armati , eas sibi comparent belli iure , & coronæ adiungant. Attamen laude contentus , possessionem omisit , iàmque urbis compos , paciscitur cum ciuibus , vt , aureorum millia centum ac viginti darent ; ipsorum arces ad quartum mensem haberet , mox restituendas ; Pisas ipsi , si videretur , subiicerent , ac Medicæ facultates raptas permitterent , datum rogantibus , vt Lilia quæ Rubra in insignibus erant , Aurea pingerent ; iusque ille color ad posteros ; fidei in Francos pignus , an monitum. Tum octauo post die vrbe egressus est. Porro dies quo Florentiam subiit , litteratis viris famosissimus est , eo quippe Picus Mirandulæ Comes desuit viuere ; ætatis anno trigesimo tertio ; Italiæ præclarissimum ornamentum , cuius ingenio tota Orbis machina angustior erat ; scientiarum verè Alexander , quas propemodùm omnes capacitate naturæ ceperat ; raptus magno Italiæ luctu , cui armis victæ , periret laus ingenij.

Rex Florentiâ profectus Senas , mox Viterbium , eodem habitu victoris subiens , Romam aduentabat ; atque urbem ipsùmque Pontificem terrore implebat : iam Colonnenses plura citra Tiberim oppida armis subegerant ; iam Vrsini quas arces tutabantur , Regi permiserant ; atque Alexander anceps consilij

consilij modò in Regem pronus, modò in Aragonium; Ferdinandum Principem in urbem vocatum, mox exire compulerat, & Cardinales à Rege missos, atque in custodiam datos esse liberos iusserat, veneratque Rex Ostiam; cum repentè muri Romani plurima stadia collabuntur. Eâ ruinâ perculsus Pontifex, quasi ultro ciuitas hosti se panderet, In Adriani Molem se condit, Rêxque urbem intrat armatus & lanceam præferens, vt Florentiam venerat; obuiis Cardinalibus plurimis, Romanis Proceribus, & Senatu; vnûsque Carolus Regum Franciæ fuit, qui Romam Orbis dominam victor intraret, & oblitteratam Gallorum memoriam, multis post seculis, non cæde & sanguine, sed clementiâ atque iustitiâ instauraret. Rex in urbe ius summum exercuit, erectis ad compita patibulis, ad plebem & milites continendos. In Mole Pontifex metum inter & stuporem agebat, Regique instabant Cardinales & Proceres, vti ipsum deturbatum Sede, in ius vocaret, atque erat periculum, ne tandem in eam sententiam rapi se sineret. Verùm Brissonnetus deuinctus à Pontifice, ipsum inter & Regem pacem conciliat; è Mole Pontifex in Vaticanum progreditur, Regemque amicè excipit, prostratum ex veterum religione: fœderis condiciones, vt Pontifex Cardinales & Proceres sequutos Regem in gratiam reciperet; ipsum, Regem Neapolitanum diceret; in securitatem & fidei pignus, Centumcellas, Tarracinas, & Spoletum traderet, ad tempus seruandas; tum Regi daret Zizimum Turcam Baiazeti fratrem. Impletæ condiciones, datûsque Zizimus, qui vitam mox amisit. Ille Baiazeti Othomanni frater, Innocentio Pontifici traditus, spem alebat Turcici imperij occupandi; eamque ob rem Carolus eiusdem imperij inuadendi cupidus, belli in Turcia ciuilibis

CARO
LVS
VIII.

uilis materiam efflagitauerat, Rex vno men-
se Romæ commoratus, versùs Neapolin iter
capit; Pontifex adscitis in Cardinalium al-
bum Brissoneo, & Luxemburgio Cœnoma-
nensi Episcopo, Regi in speciem beneuo-
lentiam multam contestatus, Cæsarem filium
Cardinalem Valentinum dederat comitem
expeditionis, atque veluti fidei obsidem, sed
Cardinalis, postquam Rex Velitras peruenit,
fugâ Romam regreditur; fraude & dolo pa-
lam patefactis. Et eo tempore Ferdinandi
Hispaniæ Regis patefacta simul cunctatio est.
Eum Ferdinandus Neapolitanus atque Al-
phonso diu de præbendis auxiliis appella-
uerant, ipsis esse affinem, suamque ipsius
rem versari eo in bello summoperè; nam
erepta Neapoli periclitari Siciliam, à Sicilia
in Baleares transitum esse perfacilem, nec
iis finibus terminandam cupiditatem victo-
ris. Et verò ea permouebant admodum Fer-
dinandum; verum iusto fœdere, & recepto
in præmium Ruscinone, verbis tantum ami-
cis ab eo bello Carolum dehortatus erat. Fon-
seca legatus, eam in rem Regi, dum Lu-
gduni erat, multa ingesserat, sequutus profi-
ciscentem non cessabat obloqui; tandem
postquam preces minæque tacitæ frustra
sunt, videtque in regnum duci exercitum,
laruâ disiectâ, bellum denuntiat, fœdusque
abrupit, Ruscinonensibus tamen nunquam
restitutis; obtendens in speciem, quod eo
in fœdere esset exceptus Pontifex, cui nouo
bello officeretur, quod regnum Neapolita-
num iam armis petatum, feudum esset Ec-
clesiæ. Rex nequaquam iis minis perterritus,
properabat ad victoriam certam, terrore præ-
uiuo, atque intra munimenta, hostium ani-
mos ante arma ipsa peruadente.

VIII.
Rex co-
ronatur
Neapo-
li.

Etenim Alphonso abdicauerat regnum,
vniuusque heredem coronauerat filium. Nun-
quam sceleri peius quam in metu est: tunc
iusta

iusta supplicia sibi conscientia fingit ac pingit, seque ream constituens prauertit Iudicem & tortorem. Alphonsus magno fortitudinis nomine, qui se ad Apenninum occursum Carolo magnificis verbis asserebat, postquam eum audit Romam admissum, tanto repente metu percellitur, ut priorum immemor, iam imminere laqueum faucibus, aut securim collo existimaret. Retrahebatur animo patrata flagitia, cædes, venena, direptiones, adulteria atque periuria, legébaturque in ciuium oculis vlciscendi libidinem: palatii ipsa conclauias, intimosque parietes exhorrescebat, veluti flagitiorum testes & scelerum; Regnumque exosus, quod illorum materia atque occasio fuerat, festinabat id quam celerrimè à se abiicere. Et ea trepidantis festinatio fuit; ut frustra dehortantibus nouercâ & filio, precantibusque ne coronam poneret ante proximum diem, ut vno saltem anno regni compos esset; morâ abruptâ, eo ipso die perfecit rem, interminatus se per fenestram ruiturum præcipientem, si diutiùs voto intercedant. Igitur coronam palam abdicatam Ferdinando filio permittit, triremesque ascendens in Siciliam soluit; atque in vrbe Mazara Regem exutus, Monachum induit, veste quidem; nam animo, & priora fortasse scelera prohibebant, & tumultus præsens, timorque futurorum, haudquaquam sinebant. Ferdinandus iuuentute innoxia, & miseratione paterni supplicij commendatus; copias colligit, efficitque sexdecim hominum millia; tum ea ad tuendos limites collocans, magnam partem ad sanctum Germanum, ad Cassini montis radicem obiiicit; cæteros ultra, nono milliari, ad Cancellum locat; qui locus in montium faucibus viæ angustia & rupium asperitate, propugnantibus, opportunus est, atque tutissimus. Carolus cum aliquot castra in Pontifi-

ciâ

ciâ ditione quæ Aragoniorum erant expugnasset, ad Cancellum venit, datque Rieu-lio peruadendarum faucium munus. Ille hostes tam fortiter, tamque prudenter aggreditur, ut ij primo impetu fusi locum inanem viamque facilem fugâ præstiterint. Eo leui prælio prostrati Aragonij, nullâ mox pugna, nullo vincuntur cruore, nullo conamine. Ferdinandus Capuam se illicò recipit, ac deinceps vno cursu Neapolim; & promoti Franci supra vota prosperis cumulantur, nullâ fortitudinis laude, nulla prudentiæ. Comes Guisus primam ducens aciem, Sanctum Germanum occupat; Regi Capuam Ioannes Iacobus Triuulcius tradit, Nolam Lignyo Vrsini, qui per inuidiam Colomnensium, in custodiam dati sunt. Auersam pariter admissi victores, & ipsos Neapolis voto appetebat; cum Ferdinandus veritus, ne tumultu ciuium proderetur, festinat effugere; & incensis nauibus ne hosti prodesse, leuiiores triremes conscendit, atque in Ischiam insulam, quæ olim Ænaria, cum fidis perfugit; edito claro facinore, vinclis solutis, quorum magna pars Nobiles; ut fuga misericordiæ esset, fererétque beneficium, quod suo tempore iret in segetem. Biduo post Carolus vrbe excipitur, tanto omnium plausu, ut quod Guiciardinus obseruat, nemo in amplissima ciuitate esset, quin ad visendum Regem aduolaret, nullo ætatis, sexus, aut factionis discrimine, ipsúmque uti patriæ patrem & conditorem vrbs agnosceret. Arces supererant, quibus stantibus nondum peruicisse Carolus videbatur; erántque tergemina; turris Sancti Vincentij portui imminens, Castrum nouum ad maris oram exstructum; atque aliud, quod oui dictum est, quia in oui formam sit ædificatum; validissimum omnium, in rupe positum, alluentibus fluctibus, arcto ponte proximæ ripæ adiunctum.

Iunctum. Nec ea diu prosperitatem Caroli
 distulerunt ; turris quamprimùm dedita ,
 Germani præsidarij , quos Lansquenetos
 dicemus in posterum post defensionem um-
 bratilem Castrum nouum tradunt , & co-
 gunt Præfectum , Alphonsum Aualum Mar-
 chionem Pescariæ , deditionem pacisci : nec
 Oui castrum machinarum vim diutiùs tulit ;
 cùm enim loco humiliore obnoxium esset
 Castro nouo , legem accepit quam victor di-
 cebat. Interea urbem primariam certatim
 ceteræ æmulabantur , spontè Franco addi-
 ctæ , portisque patentibus , non tam victri-
 cem quàm felicem gentem excipientes ; sic
 præter Ischiam insulam , Brundisium atque
 Gallipolim , trësque duntaxat in Calabria ar-
 ces , vniuersum regnum , arcësque singulæ
 Francis patuerunt ; cunctique Proceres , quos
 Barones vocant , tribus exceptis , quos pri-
 uatæ iniuriæ continebant ; ad Regem clien-
 telæ causâ aduolarunt. Ita Rex adolescens ,
 nullâ peritiâ , nullo consilio , nullâ pecuniâ ,
 inopportuno hyemis tempore , quinto men-
 se transmisit victor vniuersam Italiam ; quan-
 quàm vix vlllo prælio , nullâ sanè victoriâ , vt
 regnum opulentissimum ludo compararit , &
 videatur venisse in patrimonium , non in ho-
 stem armatus ; adeò inanes sunt mortalium
 gloriæ ; cùm tam parui constet regnum ,
 Triumphus , atque honoris fastigium. Caro-
 lus post subactas arces , solemnî pompa Ci-
 uitatem ingredi voluit ; usurpatis Imperato-
 ris insignibus , globum altera manu , sce-
 ptrum altera gestans ; nam se dicebat non
 modo Regem Neapolis & Ierosolymæ , sed
 Constantinopolitanum Imperatorem , coëm-
 pto imperij iure ab Andrea Paleologo , qui
 Constantini postremi Imperatoris nepos ex
 fratre erat. Iamque terror vltra obiectum pe-
 legus adeò Constantinopolim ipsam inuase-
 rat , vt Baiazetus reuocatis ab Illyrico Massæ-
 que

CARO
 IVS
 VIII.

Anno
 1495.

CAROLVS
VIII.

IX.
Rex
Nea-
poli
impru-
denter
se ge-
rit.

que praesidiis, Adrianopolim secedens, inanem propemodum Graciam atque Byzantium occupanti reliquerit, defensionem nouam veterem sedem comparans.

At Caroli summa prosperitas citò in contrarium flexit; & florum instar, qui se ocysimè explicant, celerrimè emarcuit; regno impetu eodem elabente quo venerat. Nec accusanda sors rerum est, aut humanae volubilitatis conditio; ipse Rex, imò ipsi Franci sui mali auctores atque artifices, mutabilitatem victae gentis excusant. Vbi Rex Neapoli triumphans exceptus est, quasi regnare nihil aliud foret quàm ludere; atque Neapolis palatium quoddam magicum esset, quale fingunt Poëtae & Historicarum fabulatum Scriptores; in quo hastiludium pro bello, amor pro studio, pro ærumnis otium, pro sollicitudine lusus & epulae; totus ad pompam inanem, voluptates amorisque feminarum versus, nihil curabat aliud, quàm felicitatis usu frui & gaudere. Et quidem id indulgendum in iuvene, nisi & Franci quorum prudentiâ regi debuerat, vel in voluptates vel in avaritiam turpem degeneres, noxam sui Principis promouissent, ultra alienae patientiae fines. Erat administratio penes Ligny Comitem, Brissonnetum, Versium & Gannayum Praesidem, qui vel imprudentiâ vel avaritiâ acti, ruentem Principem in barathrum ultro impellebant Ischiaë parcitum, & in ea Ferdinando tuto esse licuit; navali quidem classe aggrediente, quam ducebat Princeps Salernitanus; sed tam ignavè, atque instrenuè, ut re nullâ gestâ regressa in portum sit; nihil iu Calabriaë arces tentatum est, & relictus fomes futuro incendio. Gratiam beneficia, atque dignitates, Rex duobus tribusve delectu nullo cumulabat in sinum; qui data postmodum, quasi sub hastâ, posita publicabant, dominis avarè atque crudeliter pulsus & direptis.

reptis. Plebi quanquam tributorum onere leuata, Francorum plures permolesti erant; eaque potissimum expeditione lues venerea, tristis ille morbus enatus est, qui ut creditur ab Hispanis, è nouo orbe in Europam uetus, latebat adhuc & grassabatur in paucis; donec Franci Neapoli in apertam libidinem prorumpentes, suo modo pestem occultam publicant, feruntque in Franciam libidinosi commercij poenam; appellatione ancipiti, dum hi morbum dicunt, quem Neapoli incutrerant, Neapolitanum, Hispani Francicum, quem Franci vulgarant: utraque gente luem detestante turpissimam, cuius causam longè turpiorem amplectitur. Eas ergo ob res Franci passim odiosi & molesti erant Neapolitanis, & natiuam illam leuitatem, quæ præsentibus odit dominos, absentes diligit, promouentibus iustis iniuriis, Ferdinandi iuuentus ceperat misericordiae esse, amoris clementia qua uinctos soluerat; popularem suum atque ad ipsorum mores institutum, quid extraneam & barbaram gentem arcesserent? unde nullus fructus, quæque prædonum modo ad diripiendum potius, quam ad regendum, & vetera mala persanandum venisset. Et cum sensum ingens Francorum alebat socordia, qui supinâ negligentia, quasi quærere & tueri paria idem foret, curam armorum & seruandi regni planè abiecerant; dabantur arces Præfectis indignis; commeatus in bellum apparatus, atque in victum, donati Proceribus, ab iis vendebantur perleui pretio; nudæque arces quasi cadauera inualida atque inanima solum occupabant; & eâ inconsiderantiâ Caieta, & castra Neapolitana, propugnacula regni, & potentiae clauis, exhaustâ annonâ, vacua erant atque inania. Quin & ipsi Franci, desiderio patriæ iam affecti, & voluptatum usu iam defessi, appetebant Franciam, vitio

CARO
I.VS
VIII.

Lues
vene-
rea.

gentis,

CARO
I. VS
VIII.
*Fædus
Italogræ
in Re-
gem.*

gentis, longiorem absentiam ferentis impatientius, & pro exilio habentis. Verum id ignauix votum, statim gloriæ & necessitatis causa excitauit. Nam erumpit fœdus, quo Venetiis conuenerant Itali Principes, ut Regem Franciæ ab Italia tota exigent. Vnus fœderis auctor, atque moderator, obseruante Mariana scriptore Hispano, Ferdinandus Aragoniæ Rex, qui alios Principes de iungendo fœdere appellabat; ut cui pares singuli non erant, euaderent communicatis opibus superiores. Et hic prima suscitabat odia, in quibus natus erat propemodum, atque adultus; nam sub infantiam vexatus à Francis, Catalanorum rebellionem fouentibus, seu Ludouico ferente, seu Ioanne Andegauensi agente; mox odio per creptos Ruscinonenses promotus, iam post raptam affini Neapolin, timebat Siciliæ, Ruscinonensibus, atque Aragoniæ. Atque inde, ni fallor, origo bellorum vtriusque gentis, Francicam loquor, atque Hispanicam; quæ prius amicissimæ, & aliquot sæculis fœderatæ, dum Nauarra atque Aragonia intercedebant mutuis finibus; nunc admotæ propius, non limitibus tantum, sed cupiditate, exarserunt in bella, longè in posteros magno Europæ luctu traducta; desitura vix vnuquam, nisi finem faciat, vel cupiditas sua, vel aliena infirmitas. Ergo Ferdinandus clam Alexandrum Pontificem, Maximilianum Imperatorem, Venetos, Ludouicum Sfortiam, & aliquot Principes conciliauerat, uti isto fœdere ab Italia tota Francum depellerent. Pontifex spontè in id fœdus ruit, tum quod suas arces obtinebat Carolus, tum quod præpotentem veritus, suam potentiam frænari, iniquè ferebat. Maximilianus præter iniuriam veterem, semper animo ad noua consilia paratissimo, propositis Ferdinandi coniugiis capitur, ut Ioannes & Ioann

Ferdinandi

Ferdinandi liberi, Philippo Archiduci, & Margaritæ sorori darentur coniuges. Missus ad Venetos Laurentius Suares Figueroa, qui Senatores hætenus dubios atque ancipites, impulit tandem in Francos, proteruè victores, & latè in viciniam omnem grassaturos. Ad Sfortiam Ioannes Besa Legatus, qui spem faceret regni totius Galliæ Cisalpinæ, & ambitione afflata, odium & metum in Francos moueret. Ita conuenitur in fœdus à singulis, & Venetiis iurata societas, quam dixere sanctissimam; prætexta specie defendendæ Ecclesiæ, quam Franci irent perditum, quâ arces occupando, quâ ipsius feudum inuito Pontifice retinendo. Pactum ut Equitum triginta quatuor millia, triginta perditum, impensis communibus, scriberentur, pro facultate cuiusque; & societas in annum quintum & vicesimum perseveraret; additi equites multò plures, ut Francicus equitatus in Europa longè pugnacissimus numero saltem obrueretur.

Nec mirum Francos agentes tam temerè, id latuisse consilium quâquam si Comminio credimus, qui tunc Venetijs agebat legatus, id ipse explorauerat, & literis repetitis ad Regem scripserat; Cassandræ, oraculo, rã veracè quâ spreto. Et in eo fides laborat historiæ cùm Hispani scribant & Veneti; fœdus Comminio primùm in Senatu, Duce proferente expositum, ipsùmque adeò consternatum mente, ut rogaret, nunquid Regi suo foret, in Franciam redeundi facultas. Quas voces forsitan in ludibrium dictas, metui & consternationi adscripsit Venetus; cùm Comminius dicat, rem antè perspectam, afferatque responsum, quod fortem animum, prouidum & imperterritum sapiat. Fœdus vulgatum, Regi & Concilio angorem animi plurimum attulit. Nam vel in regno pugnandum vel festinendum in Franciam erat. Perdifficile

CARO
LVS
VIII.

X.
Rex
Neapol-
li in
Franc-
ciam
redit.

cile illud videbatur ; quippe Calabri iam Siculo Hispanosque exceperant ; iam classis Veneta adnauigabat Apuliæ ; dicebatur Maximilianus cum triginta Germanorum milibus profecturus ; ita excludi subsidia , quæ in Franciam lentè instruerentur ; instructa nec mari nec terra ad seruandum Regem venirent ; Rexque ipse inuolutus retibus prædæ esset. Porro iter sine discrimine haud patebat ; nulla erat classis qua mari prodiret ; si montium fauces oblideret hostis , quæ arma , quis miles viam aperiret ? Attamen constitutum , vt quam ocysimè Rex properaret in Franciam , ducto pèr Italiam exercitu ; copiasque relinqueret ad seruandum regnum , dum auxilia commoda submitterentur. Ac primum ad tutelam regni , imò ad perniciem , destinatæ res , & curæ præcipitanter impensæ. Sex hominum millia designata , cataphracti quingenti , cæteri ex Heluetijs & Francis pedites ; nulli in arcibus commeatus , nulla alimenta ; Præfectura summa Mompenserio data , Principi quidem Regij sanguinis , sed præter alia tam delicato & molli , vt ante medium diem stratis nunquam surgeret , somnumve excuteret , quæcunque res agendæ vrgerent ; Versio quem Nolanum Ducem dixerat , ærarij atque iustitiæ data prouincia , fido quidem viro , sed imperito , atque in commoda propria vigilantibus. Plurimæ arces & validissimæ Colomnensibus fratribus Prospero & Fabio permissæ , viris factione Gibellinis , qui Rege nedum profecto , iam Aragoniis eas permittebant. Comestabilis regni dictus Albinus , in quo spes summa ; & accedebant præclari viri , Principes Salernitanus & Bisinianus ; Robertus Lenoncursius , Georgius Sullyus ; Guerrius , & Rabodangius ; quorum fortitudine ruens Franci nomen aliquandiu stetit. Iis stabilitis , Rex Franciam versus capit , per Latium & Tus-

ciam iter ; Vrsinis liberâ custodiâ , quam sua fides fecerat, simul ductis. Pontifex ad famam aduentus, secedit Perusiam, præsentem non sustinens, cui absenti bellum indixerat. Rex Romæ exceptus à Cardinalibus , ultra festinauit ; Centum cellis atque Tarracenis sponte restitutis ; retentâ tamen Ostiâ, quam Cardinali Rouereo dedit ; parcitum oppidis, præter Tuscanellum ; quod cum portas Regi occluderet indignante milite captum & direptum est. Tum peruentum in Tusciam , & auditi Senis Florentini. Ii primum fœdus postulabant impleri , vt arces redderentur ; Pisæ suis dominis addicerentur repræsentantes pactam pecuniam, & quinquaginta nummorum millia ; fidam cū Francica gente societatem ; tuta ad deducendum Regem auxilia, & Liburnum portum pignus fidei. Verùm ea imprudenter reiecta , & offensi grauitè qui vni Francis in Italia studebant. Vbi Rex Poggibousum venit, quod oppidum est Florentinorum , Hieronymus Sauonarola eum conuenit vir è Dominicana familia , sacra eloquentia , pietate , ac futurorum præfagitione, Italiæ & præsertim Florentiæ venerandus. Ille ad Regem præclaram habuit orationem ; qua primum faciebat eunti animos, nuntiabat reditum gloria plenum in Franciam ; occursuros quidem fœderatos ; sed conatu inani nihil ipse metueret ; præcedere præstitum Angelum, qui viam inter hostium tela patefaceret. Tum adhortationes additæ, mox querelæ quod voluntatem Dei non impleffet ; lectum eum diuinitus, ad Italiam liberendam Dominis : re infecta abscedere ; vanitati expeditionem datam , qua cœlestis esset ; ob hanc noxam breui pœnam expectaret, iam Dei manum ad ictum sublatam ; nec vitari posse , nisi forsam vera pœnitentia & qua iussa erant exequendo. Euentus docuit, sacrum oratorem afflatum cœlitus , nec

CA-
ROLVS
VIII.

*Li-
gourne.*

*Sauo-
narola
oratio.*

— inani eloquentia fucum animis factum. Hinc
 CA- Carolus Florentiæ maiori cultu, quàm gau-
 ROLVS dio exceptus, quòd postulata ciuium perne-
 VIII. garet, se Pisas contulit, primamque liberta-
 Pisanis tem, contra fas concessam, noua iniquitate
 liver- asseruit. A Pisanis nihil prætermis-
 141 ci- sum, ut Regem conciliarent, ideòque adhibita con-
 firmata trariæ res, opulentia, atque miseria. Vici
 peristromatis pretiosissimis conuestiti; ædium
 fenestræ vexillis fulgentibus coruscantes;
 magno numero adolescentes in veste can-
 dida relucentes, liliis aureis densum sericum
 distinguuntibus; effundebant gaudium ma-
 gnificentia; at matronæ & virgines, nullo
 cultu quàm natura quem faceret, nudis pe-
 dibus, pullatæ, & miseriâ misericordiam
 appellantes, ipso silentio perorabant effica-
 cissimè. Ad illorum preces confirmata liber-
 tas, dictusque Præfectus Robertus Entra-
 guius, assignata ad præsidia legio, attributis
 præterea Librefactâ & Petrasanctâ arcibus,
 quæ Florentinis ad tuendos Pisanos eripie-
 bantur. Eamque in rem octodies impensi,
 iacturâ temporis & militum graui, quibus si
 esset parcitum, Rex nullo periculo Astam
 peruenisset. Et huic culpæ noua mox acces-
 sit: occupandæ Genuæ initur consilium,
 Fregosis conspirantibus; quæque regiam
 classem constabant triremes octo eò desti-
 nantur & Philippus Sebusianorum Comes
 iubetur quas nuper copias è Francia duxerat
 eam in urbem conuertere. Sed curante Sfor-
 tia, & Adornis, quæ Fregosis factio oppo-
 sita erat, plurimùm contendentibus frustra,
 expeditio fuit; classis victa & capta est;
 Philippi copiæ euanescente consilio Astam
 tenuerunt. Tandem Rex ad Apennini radi-
 ces aduentat, ac nouo infortunio, dum
 Pontremolij hæret, percellitur. Orto forte
 iurgio ciues inter atque Heluetios, ad arma
 concurritur, cæsis in rixa quadraginta Hel-
 uetiis

D'En-
 tragues.

Heluetiis; cæteri furore ob stragem sociorum rapti, in ciuem prouunt, passim mactant, oppidoque flammæ iniiciunt; atque Rex ægerrimè amentium iram compescuit, arcuitque ne in Italos milites effunderetur is furor. Attamen ea noxa egregio facinore emendata. Cùm enim superandus esset Apenninus, & per excelsa montium iuga proserpendum, in quibus vix iumentis veltigium esset; ingentes, machinæ quatuordecim, quas vehibat exercitus; nulla ope, nullâ industriâ, deportari in nubes poterant. At ecce Heluetij ad delendam culpæ ignominiam, modò ignoscat Rex, machinas aggreduuntur, & alligatas rudentibus, quibus erant minores funes impliciti, centum singulas machinas euoluentes, & bini longa serie iumentorum instar annexi, per saxa & præcipitia ad montium verticem enituntur. Magno virium robore & maiore animi constantia, implent opus, & firmo vestigio prodigiosas moles cælo condunt; fictis Gigantibus superiores, qui neutiquam aggestis montibus in cælum pugnarent; sed conatu fortissimo mortalium fulmina cælo ipsi inferrent. Præcedebat Trimollius, verbo & exemplo animum faciens laborantibus; quippe veste posita, modò globos ingentes gestabat, modo se ad funem applicabat cum cæteris, modo largo potu instaurabat trahentium vires, ut tanti corporis totque in membra diffusi, mens quodam modo dici atque animus posset. Nec minùs post iuga superata in decliui impensum operæ, labore tamen vincente singula, quinto die Apenninus transmissus, seque primo agmini Rex adiunxit. Nam & in eo peccatum, quod primam aciem ductore Gyzo præmiserat; intercedente leucarum quindecim interuallo; ut eam opprimere hostis facilè posset; nisi Regis culpas Dei tutela atque defensio in salutem vertis-

CA-
ROLVs
VIII.
*Helue-
tiorum
furor
emen-
datur*

*La Titi-
monil-
le.*

set. Sic ad Forum Nouum tandem in columnis venit exercitus.

CA-
ROLVS Dum Rex moras in itinere longiores tra-
VIII. hit, fœderatis ad contrahendas copias fuerat spatium; quadraginta bellatorum millia
XI. numerabant; cataphractos equites mille
Pugna trecentos, leuiores equites quinquies mille,
ad Fo- Stratiotas mille & quingentos. Ij ad Vene-
rum torum stipendium vocati ex Albanis, indurati ærumnis, & pro arte professi militiam, celerrimis equis ferebantur in prælium, nemini ex hostibus parcentes, tot donari aureis quot casorum capita ductori afferrent. Et vniuersus prope exercitus Venetorum erat, Sfortiæ quarta pars, quam Sanseuerinus eius gener duxerat; summo omnium duce Francisco Gonzaga Marchione Mantuæ. Cùm ij dubitarent per quem montis tractum traduceretur exercitus Regis, primam vident aciem exscendisse iugis, & *For-nu-* Fori Noui substitisse. Vnus atque alter dies *ne.* deliberando consumptus, vtrum illam impeterent; dum Rex totas copias tandem adiungit. Scribitur Gonzagæ consilio pugnam temperatum; seu quòd inter montis angustias aggredi hostem, imprudentiæ facinus existimaret; seu quòd vereretur ne deleta agmine, Rex flecteret retro, certæque, vt putabat ille, victoriæ se exercitumque totum eriperet. Vt vt sit, Gonzagæ vanitas, vel prudentia eo articulo Regi salus fuit. Ad aspectum mutuum, vtrique partium pax in votis. Admirabantur Itali Francorum animos, qui tam exiguo numero per abrupta montium intrepidi hostem lacefferent, Franci stupebant, dum è cliuo montis hostem respiciunt, & effusa per immensos campos tentoria; iusto haud dubiè metu corda pulsante, missique hinc inde ad pacem nuntij conuenissent, nisi Legati Hispanici deturbassent omne consilium; pugnae auctores, qua si vincerent

cerent magnum lucrum erat, sin minus, nulla iactura; cum Ferdinandi nullæ copię in exercitu essent. Est Forum Nouum oppidulum sub Apennino ad fluuiolum Tarrum, decem milliaribus Parmā distans; ad læuam amnis, Franci, ad dextram Itali castra posuerant, fluuius interfluente, sed vadoso vbique, nisi cum imbribus intumuerant aquæ. Iter Franco per amnem duntaxat & per hostem patebat. Illud igitur sexto Iulij die, quo conferta est pugna Francus aggreditur. No- uem millia hominum in copiis erant, quæ in triplicem aciem distribuuntur. Primam age- bant Marescallus Gyæus & Triuultius, & va- lidissimam quidem, ex cataphractis atque Heluetiis, quoniam credebatur tota prælij mole obruenda; Rex ducebat alteram; ter- tiam Trimollius, & Vicecomes Narbonensis; impedimenta vnis lixis commissa, & iussa ad postremi agminis latus incedere. Rex ful- gebat in chlamyde, candido & violaceo di- stincta, Ierosolymitanis crucibus opere Phry- gio ex margaritis & auro attextis; verum comperto Venetos publica licitatione suo capiti quinquaginta aureorum millia fecisse pretium, chlamidem posuit, atque octo Pro- ceres designauit, quos pari secum sago ad discrimen tollendum indutos, ad latera ius- sit præliari. Tum ad amnem proximum pro- motæ copię. At Gonzaga exercitum in no- uem turmas diuiserat; & primùm quidem ruiturus in agmen obuium: verum primi agminis specie perterritus, mutato consilio, statuit postremum aggredi; & copiarum flore abducto, ipse amnem transit, vt à tergo Francos aggrediatur; seponitque turmas ad opportunum subsidium, quas Antonio Mon- feltrio tradit; imperans ne se loco moueat donec arcessatur. Rex ab flexu hostium, mutatum ordinem pugnæ perspiciciens, fron- tem vertit, ac postremo agmini medium

CARO-
I.VS
VIII.

Anno
1495.

iungit, cùm amne pertransito hostes irruebant. Pugna confertur ac monento vincitur, incurritur lanceis, ac statim clavis & gladiis incenso prælio; per quadrantem horæ pugnatum est; & continuò Itali in fugam versi vtrinque magna parte exercitus otiosa, & sociorum decerpente fugam atque victoriam. Et eam Francis præter fortitudinem casus peperit, aut supremus casuum moderator. Nam cùm Italis à tergo irruentibus impedimenta occurrerent, ad ea plurimi inuolant; Statiofæ præcipuè, qui præda illecti, prælio abstinerunt, tutam mercedem periculofæ gloriæ anteponentes. Monfetrius loco se neutiquam mouit; Rodolpho Gonzagâ in primis cæso, à quo arcessi debuerat. Sansseuerinus in primam aciem quadringentos equites, ac bis mille pedites immittebat; Sed Francorum ferocitate perterritus, secessit, seque abdidit in paratas turmas; nec cum Gyæus persecutus est, nescius quid Regi, & sociis contigisset. Victores interim fugientes vrgebant, nemine in captiuum seruato, ac nullâ prædæ curâ. Atque ingens hostium consternatio erat, cùm ad eos profugit Comes Petilianus, liberâ custodiâ à Francis habitus; hicque vnus fugam prope-rantium sistit, sparsos colligit, in turmas reuocat, monitis atque exemplo in terrorem pugnans; Virginus frater in priuatam domum secessit, Francorum in posterum studiosus. At Regi gloria non immunis periculi erat, ad eius latus nothum Borbonium hostes rapuerant; ipse æstu prælij actus, in primis dimicauerat, atque vltra victoriâ progressus, vno duntaxat è domesticis comite, atque inermi, fugientes premebat, cum ab hostili turma inuoluitur. Et verò salutem sibi suoque equo tunc debuit. Nam ferro in obuios raptus proximum quemque disiciebat, dum quadrupes admirabiliter pro sessore pugnabat.

pugnat ; modò illum morſu , modò alium calcibus , mox toto niſu corporis , plures amouet procul atque expellit ; ad Regis enſem membra & motum ; tam peritè accommodans , vt rationis particeps & conſcius pretioſiſſimi oneris videretur ; tenuitque præclariffima illa vnus hominis contra turmam pugna , dum aduolantibus Francis hoſtis diſiectus eſt. Is porrò quadrupes , quem Bucephalum Francicum dixerim , donatus à Sabaudia Duce , altero oculo captus , & agens annum octauum viceſimum , ſtaturæ mediocris , fuſci coloris , ſed pilo & conformatione membrorum pulcherrimus , dignus viſus eſt quem Annalibus ſuis Scriptores inferant , Proceribus tacitis , qui lentiù Regem in alea pugna ſequuti ſunt. Nec ſilendi duo Cardinales , qui diuerſo admodum habitu interfuerunt certamini ; & Briſſonetus quidem armatus ad propulſandum periculum ; at Spinaius , dictus Burdegalenſis , tiam indutus , veſtèmq; Pontificiam , ac crucem manu præferens , à Rege haud abſceſſit , euasitque incolumis ; adeò religioni ſua arma ſunt , ſuūmq; præſidium. Victor Rex ad primum agmen progreſſus , deliberauit , an inſtandum foret victoriæ , quærendique hoſtes vltà amnem ; & ea in ſententia erant Trimollius , Trivultius , & Secus Dux Florentinus ; ſed viſum eſt aliis , pergendum in via ; iam patratum quod in votis erat , feſſum militem , intumuiſſe pluuiæ fluuium , nec ſalutem Regis obſciendam nouo discrimini. Et ea pugna eſt , cuius laudem ſibi Veneti adſcribunt , ingenti plauſu celebratâ victoriâ ; quaſi gratulatione Orbi illuderent , cladèmq; ſimulatione minuerent. Tu Lector arbitrare , vter victor an victus ſit : Ex Italis caſa tria millia hominum ſupra quingentos ; in iis octodecim Proceres & Gonzagæ patruus ; ex Francis milites quadraginta ; lixæ

CARO.
I.VS
VILL.

Seco.

— admodum centum; nam impedimenta non
 CA- habent iacturæ; nec piscator escam, viscum
 ROIVS auceps, quibus præda inuoluitur, & magno
 VIII. lucro detrimentum sarcitur. Attamen vanus
 Francorum timor, vanitatem hostium aluit.
 Nam nocte proxima, iter silentio cepit exer-
 citus; quanquam Comminius de pace con-
 uenisset Gonzagam; Brissonnети præpostero
 metu, qui prauo cōsilio victrices copias inde-
 cori & ignominioso receptu à victis abduxit.

XI.
 Rex
 in Pr-
 demō-
 tio sub-
 sistit.

Nouar-
 re.

Quiers

Nullus in via obiectus est obex; vrbes
 quanquam hostiles vltro alimenta confere-
 bant euntibus; saluæque copiæ cum integris
 machinis duce Rege Astam tenuerunt. Hic
 pro quiete nouum bellum, noua necessitas
 pugnæ imminebat: Aurelianensi à Rege im-
 peratum erat, ne quid in Sfortiam tentaret,
 atque tranquillius Astæ subsisteret. Ille con-
 tra iussa, ius auxilium in Mediolaneusi Ducatu
 suscitans, Nouariam occupauerat, urbem
 munitam, Mediolano haud procul; imò Re-
 gis detrimento posthabito, septem millia ar-
 matorum, quæ Borbonius è Francia mise-
 rat, vt venienti occurrerent, Nouariam con-
 tinuit, iam spe vniuersos Insuores deuorans;
 verum Sfortia strenuè nouo periculo
 propulsato, Nouariæ Aurelianensem inclu-
 serat, atque arcto obsidio ad extremam ino-
 piam adigebat. Rex postquam Astam venit,
 quanquam de subsidio ab Aurelianensi ap-
 pellatus, rem committendam armis, non
 censuit; siue memoriâ periculi proximi non-
 dum expunctâ, siue in Aurelianensem of-
 fensione, quod contra quàm imperatum
 erat, vltro id damni sibi confecisset. Ita in-
 dagaturus concordia viam, nihil vrgebat,
 modò Astæ, modò Taurini diuersans, mo-
 do Cherij, quò vnus, feminæ amor euoca-
 bat, miseratque Diuionensem Balluium ad
 Heluetiorum delectum. Interim obsidenti-
 bus accedunt duodecim Germanorum millia
 missa

missa à Maximiliano, cum mille cataphra-
ctis; atque instante obsessorum penuria,
Rex propius se admouit, Vercellis à Ducif-
sa Sabaudia acceptus; quæ vrbs Nouaria
haud admodum distat. Ibidem legationem
ab Alexandro minis ac terrore plenam ad-
misit: iussus ni ab Italia decimo die absce-
ret; Romæ se sistere, coram Pontifice. Enim-
verò habitis in ludibrium minis, respondi-
t per se non stetisse, quominus Romæ Ponti-
ficem adiret; porro si tanta visendi sui cupi-
ditas esset, patefacturum se iterum viam, ut
veniret Romam, ac rogare se Pontificem, ne
abesset, ac venientem acciperet. Hæc Rex
Pontifici, dum vrgebat vrbis calamitas. Re-
petitis nuntiis obtestabatur Regem Aurelia-
nensis, neu per iura sanguinis, ac Franciæ di-
gnitatem, pateretur, patruelem suum, bel-
latoresque egregios, tanta ignominia affici,
seruaretque urbem addictissimam Franciæ.
Et verò Regis intererat, ne eam laudem at-
que vtilitatem hostes vsurparent, ut præsen-
te se, Regium Principem, militesque fortis-
simos, vel fame necarent, vel captiuos ab-
ducerent. Igitur de subsidio deliberatum
est; & Brissonnetus spe largi stipendij facta
ab Aurelianensi, censebat prælium conferen-
dum; repugnabant cæteri, atque ipse Rex,
ne res tota ac salus Franciæ in discrimen iret.
Res hærebat atque consilium, donec Com-
minij solertia nodum soluit, & expediuit
ambiguos. Eius prudentiâ induciæ cum Sfor-
tia pactæ sunt; quarum beneficio Aurelia-
nensis cum milite prodiret Nouaria; trigin-
ta milites arcem seruarent, urbem ipsi ciues;
dum constaret feriendo mox fœdere, ad
quem ea spectaret. Sic obsessorum honori &
vitæ consultum. Prodeunt milites, triste &
miserandum spectaculum, fame depasti æ-
gerrimè corpora sustentabant; cute arida,
neruis atque ossibus duntaxat annexa, infir-

CA-
ROLVS
VIII.
Verseil.

Ca- mis vestigiis vacillabant; cadauera diceret,
 colore, voce, & propemodum spiritu desti-
 tuta; sanè plurimi ad pedes hostium prola-
 bebantur, iam inani miseratione, & victri-
 cem animam efflabant inter hostium auxi-
 liantium manus; plurimos ea calamitas in
 via necauit, haud paucos copia, qui Ver-
 cellis excepti, iam stomacho impare ad ali-
 menta, cibis extincti sunt; fame per alimen-
 ta ipsa sæuiente; & eo fato tria hominum
 millia rapta sunt. Aurelianensis quartana
 feбри correptus est, qua diu laborauit, im-
 portuna cupiditate in molestissimam pœnam
 defecente. Tertio die post quem induciæ
 pactæ sunt, aduenit cum Heluetiis Diuio-
 nensis Balluius; sex millia duntaxat con-
 scripserat, sed ad millia duo & vicena, copiæ
 excreuerant; omnes inanibus propè ciuita-
 tibus aduolabant; seu prædâ illecti, seu me-
 moriâ Ludouici, à quo tantis affecti benefi-
 ciis, quemque gratissimo animo prosequen-
 tur; & occludenda fuerant montium
 claustra, ne simul feminæ atque imbelles
 pueri in expeditionem irruerent. Franci tan-
 to aucti supplemento pugnam exoptabant;
 atque Trimollius eam inflammatis verbis
 Regi suadebat, sed obstante Orangio, qui
 venerat nuper è Francia, ac Rege in sinu
 Aurelianensi Duci subinfecto, pugnae ardor
 euauit. Heluetiis tamen tumultuantibus
 soluendum trimestre stipendium fuit, cum
 id cautum in fœdere affirmarent, vt quo mo-
 mento, pro Rege Franciæ signa explicarent,
 iis trimestre stipendium deberetur. Igitur ex-
 tincto bello, in pacem incumbitur; Vene-
 tias Comminius Legatus mittitur, atque in-
 terea contrahitur fœdus cum Sfortia; vt ille
 Nouariam atque arcem acciperet, Rex Ge-
 nuæ nauium quantum vellet, instrueret,
 Sfortia in præsentia duo maiora nauigia ar-
 maret ad Neapolitanum auxilium, triremes
 captas

captas restitueret, & Borbonium nothum & Miolansium; Triuulcio dignitates, & facultates; pecuniam Regi atque Aurelianensi dictam persolueret. Ea quidem promissa, sed non impleta; nam Carolus, nec expectato Comminio, qui non aspernanda afferebat à Venetis, omisâ Italiâ, per Delphinates Lugdunum se contulit; incendij instar, post flammam spectabilem, in fumum & cineres desinentis.

Etenim regnum Neapolitanum breui post tempore Ferdinandus recepit, magna Francorum ignominia, siue in Italiâ malè & infelicitè pugnantium, siue in Francia auarè & oscitanter suppeditantium opem. Posteaquam Principum fœdus in Carolum palam innotuit, Ferdinandus quem ad discrimen Hispani, Italum dicam, vocatus in spem nouam, clam cum Calabris miscebat consilia; atque extemplò ubi profectus est Carolus, arma in regnum intulit. Corrogauerat quinque peditum millia, & octingentos equites, ex Hispanis, & Siculis; & in ductore Hispano magna fiducia. Is Ferdinandus Consaluuus Cordubensis, ex Aghilaria gente, iam clari in expeditione Maurica nominis; comparata magni Ducis appellatione, quam claudibus Francorum multis stabiliet. Ductu ipsius statim Rhegium captum, vnde commodus in Siciliam transitus, vrbesque redditæ Sancta Agatha & Semenaria. Albinus illicò, cuius curæ commissâ Calabria, contractis Francorum præfidiis, & adscita nobilitate vt malum serpens extingueret, occurrat victoribus, factoque ad Semenariam prælio, vincit hostem ac fundit; cæsi pedites, equites acti in fugam; Ferdinandus suffosso equo ægrè in recentem impositus, captiuitati fuga ereptus est, Sancta Agatha & Semenaria vrbes receptæ. Et ea Consaluo magnitudinis futura primordia; ne quis ab initiis

CAROL.
I. VS
VIII.
Mio-
lans.

XII.
Ferdinandus.
Neapolin & regnū recipit.

Consaluo
de Corduba.

spem aut desperationem futuram componat ; cum varietas rerum , tam prospera ab infau-
stis ; quam à prosperis infauſta pariat. Atta-
men peſſimè Ferdinando erat , niſi Albinus
ſub fractum victoriæ , morbo correptus , ſpa-
tium hoſti reſpirandi feciſſet : ſanè hoc mor-
bo afflicta res Francicæ & capite laborante ,
tandem membra cætera certam perniciem
conceperunt. Nam Neapolitani quibus Fran-
ci intolerabiles erant , clanculùm legant ad
Ferdinandum ; hortantur & rogant, vt omiſ-
ſis finibus caput & radicem aggrediatur ;
Neapolin cum exercitu veniat , ſe chariſſi-
mum Regem admiſſuros ; Francos , quo nu-
mero ſunt & quâ ſocordiâ pelli poſſe aut
cædi. Erectus in id conſilium Ferdinandus ,
ſumma celeritate comparat claſſem , formi-
dandam in ſpeciem ; nam multa nauigia vn-
decumque contracta ; ſed reiſſa inanem ;
raro milite & deficientibus machinis , tum
claſſem in conſpectum Neapolis ducit , expo-
nítque militem , vti Francum è pomœrio vr-
bis eliciat. Mompenerius regni Prorex obti-
nebat arces atque ciuitatem ; ille ex vrbe ad
pugnandum prodit , educítque præſidium ,
ne relictis quidem ad portas cuſtodibus , ma-
gnóque circuitu hoſtem quærit. Vix terga
vrbi obuenterat , cùm Neapolitani vno con-
ſenſu Ferdinandum excipiunt , & obſtructis
portis Francos excludunt. At ij ſocordiâ in
furorem verſâ , per caſtrum nouum in vr-
bem irrumpunt , & ferociter dimicantes,
obuios cædunt ; verùm Ferdinandi vrgente
præſentia , atque ciuibus è teſtorum faſti-
giis ſaxa & imbrices in ſubiectos voluenti-
bus , pulſi vrbe , & in caſtra conditi. Statim
in iis obſidione cinguntur ; claſſe Ferdinan-
di mare excludente , & ducta per campos fos-
ſa ampliffima , quæ terreſtrem opem inter-
ciperet. Primum illud proſperitatis dilucu-
lum , clariffima illicò diès excepit ; Nam Ca-

pua, Auerſa & Mondragonium deſecerunt; Veneti claſſe Apuliam circumueſti, Monopolin arcem expugnarunt; Proſper & Fabricius Colomnenſes, quod diu voluebant animo, Ferdinandum ſequuntur; & tametiſi Dux Matalonius à Perſio proſtigatus foret, caſis tribus hominum millibus; tamen cùm Perſius non vrgeret victoriam, atque Albinij valetudo ægerrima perſeueraret; Franci in arcibus ad extrema aſti ſunt. Nam com-
meatu breui admodum tempore deficiente, quæ Francorum fuerat vigilantia, Mompenſerius dediti-
onem pacſcitur, niſi certis diebus ferantur ſuppetiæ; datque ea in pacta obſides. Verum antè diem conditioni appoſitam, relictò in caſtris præſidio modico, egreditur cum copiis, atque Atellam verſus iter capit. Ferdinandus violatum pactum conqueſtus intentabat necem obſidibus, niſi dicto die caſtra redderentur, quibus redditis eduſto milite, recedentem Mompenſerium ſequitur, atque Atellæ incluſum obſidet: Etenim Veneti validas copias Mantuano ductore ad eum miſerant, & Conſalvus Albinij ægrotantis copias duce deſtitutas ceciderat, atque diſiecerat, ſeque Regi adiunxerat. Sic Mompenſerio inſenſa omnia, tùm intus, tùm foris; tanta penuria vrbe laborante, vt ne frigida quidem ad potandum eſſet. Eas inter ærumnas, animus tandem ipſum deſtituit; Gonzaga ſororio colloquente, indecoram dediti-
onem pacſcitur; vt Ferdinando arces atque oppida traderet, quæ adhuc plurima Franci obtinebant; tormenta bellica ſimul relinqueret, & Ferdinandi nauibus ipſe cum milite integriſque ſarcinis deportaretur. Turpis illa conditio viſa eſt non admittenda cæteris Francis; Albinus Caietam & Tarentum arces pernegat tradere; Gratianus Guerrius caſtra retinet, quæ plura in Samnitibus poſſidebat. Ita Ferdinan-

dus, cùm violatam diceret conditionem,
 Mompenserium atque sex millia militum in
 custodiam tradit, mittitque Baias atque Pu-
 teolos; vbi tum ærumnis carceris, tum cœli
 inclementia, ipse Mompenserus, cæterique
 omnes extincti sunt; quibus longè hone-
 stius fuisset, maiorum more in acie occum-
 bere, quàm sicca & ignominiosa morte,
 mancipiorum instar deficere. Porro Ferdi-
 nando oppugnanti Arellam, renuntiatum
 erat patris fatum; nec molestum acciderat;
 nam Alphonsus audita filij prosperitate, per-
 tæsus solitudinis regnum affectabat, & con-
 tractis per nefas cum matertera, eadêmque
 nouerca nuptiis ambiebat abiectam pur-
 puram, nisi mors importunis votis obstitis-
 set. Post captum Mompenserium, cæteræ ar-
 ces in potestatem victoris veniunt. Albinus
 milite & pecunia deficiente, tutum in Fran-
 ciam regressum conficit; Caieta & Taren-
 tum à Præfectis traduntur, conceptum me-
 tum pecunia præbita promouente. Ita nemo
 Francus anno vertente in regno substitit; At
 Ferdinando gaudere fortunâ suâ non licuit;
 Caietâ nondum redditâ, morte præreptus
 est, vxore vt scribitur intemperantiùs vsus;
 regno antè donatus, vt perderet, nunc cùm
 reciperet periens. Fridericus patruus in so-
 lium euehitur; nec ipse postea fortunatior;
 quasi equus, qui Neapolitanis insigne est,
 foret equus Seiani, inauspicatus dominis &
 funestus; is intra tres annos quinque sessor-
 res seu Reges habuit; coronâ girulæ instar
 ad proximum statum versatili.

XIII.

*Regis
pro re-
gno re-
cuperân-
do con-
silius.*

Regnâ iactura ab ipso Carolo plurimum
 nata est; vel spernente quod primùm concu-
 piscebat tantopere, vel exigente molliùs
 quod iubebat, postquam prima cupiditas in-
 stauratur. Dum agit in Pedemontio, audito
 Ferdinandum regnum inuasisse, bis mille
 Vascones, totidêmque Heluetios Arbano

Duce

Duce in subsidium miserat; nauibus Villæ Francæ impositos. Verùm ij cùm supra Liburnum in Ferdinandi classem incurrissent, terrore subito acti regrediuntur, Liburni exscendunt, & Duce frustra obtestante superos hominésque, Pisas effugiunt. Nec Pisis ab Entraguio Præfecto agebatur commodius; iussus à Rege erat, ex fœdere urbem Florentinis tradere, eratque ea ratio retinendæ opulentissimæ ciuitatis, & Francicam rem in Italia promouendi; at is contra iussa instaurata sæpiùs, urbem non tradebat, Pisanæ Virginis amore incensus, & Comiti Lignyo obsequens, ad urbis imperium aspiranti; imò cùm Regiis minis vrgeretur, Pisanis ciuitatem suam viginti mille aureis vendidit, dein eisdem Librefactam, & Petrasanctam Lucensibus; paritèrque Briennius Sarezanum castrum Genuensibus pretio tradidit; Præfectis non modo in Regem suum perfidiosus, sed perfidiam suam licitantibus; occupante noxâ virtutis præmium. Atque Entraguius præmium in Franciam tulit, iussus duntaxat dies aliquot ab aula abesse. Rex interea Lugdunum venerat; atque Italicas tum gloriam oblitus, tum ignominiam, oblectabat se armis ludicris, & festiuis saltationibus; cùm calamitate noua percellitur, Delphino filio vitæ crepto. Is Carolus Rolandus, tres annos natus, præclara indole, primòque flore fructus vberriimos educante, omnium spem, oculos, animosque ad se conuerterat; nec sine tacita patris inuidia, cui aliena vel in nato virtus, vituperatio videbatur. Mox Lugduno ad Sanctum Dionysium properat; instituto more maiorum, nuncupata pro reditu vota impleturus; nullaque mora Lugdunum regreditur, omissis Parisiensibus, quibus ob negatam pecuniam mutuam irascebatur; atque Italicas curas iterum excitat. Missa nauibus duo millia ini-

litum,

CARO
LVS
VIII.

*Albon
S. An-
dré.
Salsula
capta.*

litum, quæ Mompenserium sustentarent, sed sine pecunia, quæ armorum vis roburque censetur; & grauioris erant ponderis nummi, quàm vt deportari vltra Pelagus possent. Præterea Sfortia contra fidem, clam effecerat ne maiora nauigia Genuæ instruerentur; imò duo Ferdinando permiserat; atque vt Francos ab Italia auerteret, Ferdinando Hispano persuaserat inferre bellum in Occitaniam; ratus quod euenit, conuersos Francos in proximum hostem, à se auellendos. Etenim postquam Hispani turmis aliquot Occitanorum segetes deuastarunt, Carolus irâ inflammatus, quindecim hominum millia Vicecomiti Narbonensi tradit, & Carolo Albonio Santandreano; quibus ducibus in Ruscinonenses irruptum est. Salsulæ oppugnata extemplò, & muro vetere deruente sub machinis, capta, toto præsidio interfecto. Ferdinandus obsessis viginti hominum millia in opem miserat; sed occurrente cum duobus millibus Albonio, ac vim reprimente; arx expugnata est; pepigitque Ferdinandus inducias, tanti vim fulminis in alias terras amoliturus. Urgebat interim Mompenserijs fames atque miseria; cui Rex intentus Lugdunum venit, & præclara constituit, si quæ imperabat exegisset ab alijs. Statuit vt Trivulcius illicò cum quatuor peditum millibus Astam properaret, Aurelianensi statim sequuturo; & seipso postmodum transmissuro; vt classi Genuæ appareretur, triginta triremibus, totidemque nauibus in eam destinatis, numerandâ ad ea expedienda pecuniâ. Verùm singula in deterius versa; nam Brissonnetus, cuius summa & in ærario, & in ipsum Regem auctoritas; seu clam cum Pontifice conuenisset, seu produci bellum percuperet, stabilita omnia conturbabat, mandata Regiâ vel lentè vel præposterè implebat, pecuniam auertebat; atque in Regis iram

iram testus & munitus ; quippè callebat modum placandi animi atque mitigandi ; ineluctabiles moras obiiciebat consiliis. Et ipse Rex, cùm Nobiles ad expeditionem Lugdunum venissent, retrò Parisios versùs regreditur, in speciem vt sanctum Dionysium in patronum viæ cooptaret, re vera amoris impatientiâ, vt inuisetet Virginem, quam deperibat, Reginæ honorariam. Sic in præsentia torrens, ille minax in bullas effluxit. Trivulcius transmiserat quidem in Insubres, & tenuibus copiis magnum Sfortiæ metum iniecerat ; sed ope destitutus, tam metus quàm consilia frustra ipsi erant. Interim pax Atellana contrahitur, & cum Francis captis spes Italiæ deperit. Ab eo Rex socordiam inter & fortitudinem anceps, belli consilia modò extinguebat, modò suscitabat, & per intervalla sibi restitutus, pudore veternum otij profligante, ad abiectam laudem aspirabat. Sed à suis ab ea mente auersis traductus ad alia, ad ædificandum animum appulit ; Ambrosiæ quo in loco educatus fuerat, inceptis speciosissimis ædibus ; artificibus peritissimis, ex Italia eam in rem petiis ; vt per eam gentem, sin minùs arma ; saltem saxa componeret. Attamen turpi otio generosa indoles repugnabat ; & Sfortia iratus Venetis, quod sibi Pisas asseruissent, accedentibus Florentinis, Mantuano, Ferrariensi, atque Vrsinis, sollicitabat ipsum intentiùs, vti in Italiam redux, Venetos bello aggrederetur. Atque in nouam expeditionem parabantur omnia sedulò, cùm profectiōni intercedit concilium, donec Regina prægnans partu esset soluta. Quà mox enixâ masculum, intra paucos dies morte raptum, ire in discrimen Rex noluit, regiâ domo nullis liberis fultâ ; volebátque Aurelianensem sibi substituere, summumque belli ducem in Italiam mittere, iam falsis delationibus

CA-
ROLVS
VIII.

XIV.)

Regu
nuntati
mores.

nibus suspectum; sed eo excusante, & causas alias prætexente, noua hæc sollicitudo priorum instar euanuit, fixis tamen radicibus & suo tempore in frondes ituris.

Inter eas animi vicissitudines radius diuinæ bonitatis illuxit, cùmque vltimus Regi immineret dies, corpusculo debilitato & valetudine ingrauescente; sanauit mentem optimus Deus, & afflauit cogitationes vero Rege dignas. Introspeciebat se penitus, pudebátque conscientia sua, qua noxas in Deum atque in subdito admodum graues depingeret; se regni curam ignauiter suscepisse, mancipatum aliis, qui omnia utilitate sua metirentur; implicatum se seminarum amoribus, & earum plusculis datam potestatem in res etiam publicas; nihil mirum igitur, si publica res atque domestica laborassent, si florentissimo regno esset deturbatus, si liberòs incunifatum rapuisset, si defloresceret valetudo, iamque mors propior admoneret humanitatis. Emendandos itaque mores in melius, Deum vita integritate placandum, & regnum caeleste pro Neapolitano, maiore longè compendio, comparandum. Nec secùs quàm instituerat, se gerit; ab interdictis voluptatibus animum segregat, amorem confert in vnā coniugem, Dei cultum & pietatem amplectitur; gnarúsque virtutem præclarissimam cuiusque, in implendo munere positam esse, administrando regno, strenuè incumbit. Primò Iustitiæ atque ærario intendit, aliquot Iudices peculatus reos pellit Tribunali, bis per hebdomadam contententes audit, iúsque pronuntiat; censum instituit, statuitque familiam suam priuato redditu, quod Domanium vocant, alere & sustentare: tributa permodica ad tutelam regni exigere; in consilium nisi pios, sanctosque viros non admouet, & planè in alium virum immutatus, Franciam vniuersam in admirabilitatem &

& gaudium rapit; cum videretur Rex nouus è cœlo prolapsus, & diuinâ manu planè conformatus. Enimverò breui tantum bonum ereptum est, nec terris licuit cœleste munus diu obtinere. Ambosq̃ agebat, & pridie Dominicæ, quam à palmis Ecclesia nuncupat, cum ea hebdomada bis apud Sacerdotem noxas posuisset, Annam coniugem manu apprehensam, ducit in porticum, vnde in subiectam fossam prospectus, in quam lusores pilæ conuenerant. Erat porticus ódore fœtido, in quam plerumque vesicæ onera lixæ deponebant; fores adeo humiles, vt Rex quamquam statura mediocris capite in supremam partem impegerit. Leuiori tamen vulneris sensu, spectabat ludentes, & cum adstantibus colloquebatur; quando sermone ad res pias ducto, præclarissima illa & Rege digna verba vsurpat; *se opitulante Diuina gratia nunquam in posterum peccaturum in Deum.* Vix ea dixerat, cum correptus apoplexia, supinus corruit, sit omnium consternatio, aduocantur, Medici, adhibentur remedia; nihilque peragitur, præterquàm quod ter sensum & vocem recepit, toties ingeminans sacrosancta Iesu & Mariæ nomina, & Sanctorum Claudij, Blasiiq̃, eorumque opem implorans & in iis tertio appellandis, tandem expirat; vitæ anno vigesimo septimo. Eo in loco in culcitra straminea iacuit ad multam noctem, ad ludibrium summæ potentiæ, vt cui tot palatia, tot conclauia, tam pretiosa lectorum vela atque siparia; in porticu olida, proiectusque in paleam, vilissimi mancipij instar occumberet. Reginæ luctus diu consolationem nullam admisit; fuit domesticis acerbissimus casus; duóque ex iis in ducendo funere præ dolore vitam amiserunt. Et erat Carolus mansuetissimus omnium, moribúsque mitissimus; nemini vnquam verbo aut factomolestus

CAR.
O
I.VS
VIII.

molestus fuerat ; singulos charitate cōplexus intima , singulis erat supra quàm credi potest charissimus. Malè per inuidiam patris institutus , suâ ipse curâ se se instituit , præceptor suus atque discipulus. Corpus domandis equis exercebat , atque indurabat , animum ad litterarum studia applicabat ; iam potitus regno Latinam linguam perdidicit , & sæpius Scriptores veteres euoluebat ; corpore tamen infirmo erat , & conformatione quæ senectutem respueret. A patre diuersus , tam virtutes eius quàm vitia vi vnus indolis fugerat ; apertus , ingenuus , clemens , ab omni scuitia alienus ; sed negligentior regni , aliisque addictior , rem paternam , atque adeo publicam dilapidauit ; amissis Ruscinonensibus , imprudentia potius quàm necessitate. Et quidem regno adiunxit Britanniam , opulentam prouinciam , & paratam in Anglorum bellum molem præualidam ; sed iis quas dimiserat non æquandam. Nam regnum Italiæ iacturam potius quàm lucrum dixerim , inanem fumum & euanescentem ; vnde malum & luctus in posteros propagatus ; factaque Neapolis Francorum scopulus , tumultusque. Indolem Caroli ex vno facinore colligat lector. Dum Neapoli in Franciam redit , nondum cœlitus immutatus in alium , Tuscanello vt dixi capto & direpto , virgo speciosissima in eius conclaue fugiens irruit , atque inter brachia excipientis prolabitur. Ille æstu adolescentiæ in libidinem raptus , parabat viam miseræ ; cùm puella coniectis in appensam tabulam oculis , in qua depicta erat virgo Deipara , rogat Regem , ac per castissimam Dei matrem obsecrat , quam in tabella præsentem exhibet , vt pudori parcat , seque sponso illibatam seruet. Rex ad sanctissimam obsecrationem & aspectum tabulæ , æstum inhibens , dimittit virginem , sponsum inquiri & affines iubet , virginemque quingentis

*Regis
castitas
pia.*

gentis aureis vltro donatam, sponso restituit; petita dote tam ex temperantia quàm ex arario, & castissimum facinus reuerentia in Deiparam cumulans.

Cùm Carolus Ambosiæ agebat animam, rapido cursu ad Aurelianensem Blesis agentem aduolabant nuntij. Ille Ludouicus nomine, ea appellatione inter Reges duodecimus, Rege liné liberis mortuo, iure regni heres, quippe Ludouici, Caroli V I. fratris, nepos ex filio Carolo, solio proximus excludat ceteros principes: & refragante nullo exceptus, iam maturus annis, variâque fortunâ affectus peritiam rerum, inauguratus est Rhemis. Regi Carolo opulentissimum funus postquam instituit, aggressus ad regimen, specimen sui placiarum ostendit. Etenim ad leuamentum populi sponte inclinans, trecenta librarum millia condonauit, quæ Regi inscendenti solium pendere plebs consueuerat; tributa laxauit, atque ad medium per singulos annos imminuit, & disciplinam militum corruptam restituit; missa in leges effreni licentia, qua grassabantur in hospites; tum ad iustitiam conuersus, Rothomagi & Aquissexitiis Parlamenta suprema instituit; magni Consilij quod vocant Tribunal fixum esse iussit; atque vt ceteris in exemplum iustitiæ foret, contra se ipsum inquiri ius & dici voluit. Cùm Lotharingæ Dux de prouincia Phocensi moueret disceptationem, rem permisit peritissimis Iuriconsultis, eorum sententiæ se statueri pollicitus. Atque illi Regi rem adiudicarunt. Publicam iustitiam priuatâ clementiâ promouebat; nam variis affectus iniuriis, tum ab Anna Borbonia, tum ab Brissoneto, aliisque ipsorum fautoribus, quæ præterita erant obliuioni mandauit; affirmans, *Regi Francia indecorum esse, Aurelianensis ducis vindicare iniurias*; & eo sensu Duci Borbonio, Borbonios

LV-
DOVI-
CVS
XII.
XV.
*Regis
fausta
initia.*

diolani Ducem inscribens, quò vota collimabant ostenderat. Regna Siciliae, vti Regis Caroli heres & successor adierat; Ducatum Mediolanensem, vti patrimonium suum & propriam hereditatē libi vindicabat. Etenim ab auia Valentina in Aurelianensem familiā ius transcriptum erat; quippe hæc Ludouico Caroli VI. fratri ea dote nupserat, vr præter Astam urbem pactum esset, si pater & fratres sine liberis morerētur, ad ipsam ipsiusve liberos Mediolanū transfiret. Impleta conditione Franciscus Sfortia clarus bello Dux, quia Blancam Vicecomitis spuriam vxorem duxerat, ditionem armis inuaserat, dum Carolus Aurelianensis Londini in custodia erat; nec vberriam provinciam repetendam hactenus occasio aut facultas fuerat Aurelianensi: In præsentia ramo in truncum inserto, & Ludouico euecto in solium, præter priuatas cum Ludouico Sfortia inimicitias; ius antiquum instaurari oportuit, & portam in Italiam reliquam patefieri

LV-
DOVI-
CVS
XII.

Rex in eam mentem foederatos adsciuit, atque à finibus regni hostem submouit. Primo Alexandrum Pontificem demereri instituit, seu religione in sacro-sanctam Orbipotestatem, seu opinione res Italicas minùs belle procedere infenso Pontifice; nec erat commodior demerendi ratio, quam in Cæsare filio, in quem patris vota, ambitio, amor, simul incumbebant. Ille Cardinalatu nuper abdicato, postquam Ioannem fratrem Gandiæ ducem occiderat; filiam Friderici Neapolitani in vxorem ambiuerat; spe concepta regni absorbendi. At repulsam passus pro merito, in Franciam venerat, impetraturus alteram Friderici filiam, quam in eam victor Carolus miserat. Verū Rex peritus quo per eas nuptias collimatet ambitio, iis obex fuit; simul ne Pontificem alienaret, alias Cæsari curauerat, Catharinam Albretij filiam

XVI.
*Appa-
ratus
ad bel-
lum
Medio-
lanense*

—
Lv-
DOVI-
CVS
XII.

Adde.

*Medio-
lanen-
ses pri-
mò sub-
acti.*

in coniugem dando, cum Valentinis in Ducatum erectis. Veneti postea de fœdere appellati. Eratque iis infensissimus Sfortia, quia Pisas primùm occupauerant, quam ipse urbem concupiscebatur, nihilque non tentabat ut ciuibus suis restitutam ipse obtineret. Ideò societas Pontificem inter, Regem & Venetos statim contrahitur; ea lege ut Rex Pontifici præberet copias, ad Flaminiam seu Romandiolam subigendam, quæ cum esset Pontificiæ ditionis à Dynastis plusculis tenebatur; ut Veneti simul cum Rege Longobardos impeterent; ipsorum esset Cremona & regio ad amnem Adduam, præter aliquot iugera iuxta amnis ripam; Cætera pertinerent ad Regem. Id fœdus diu silentio pressum est, elusa Sfortiæ sagacitate, dum Rex cætera ad bellum componit. Nam instaurat cum Heluetiis fœdus, mox cum Henrico Anglo, in factionem Eboracensem adhuc contentente, dein cum Ferdinando Hispaniæ Rege; postremo a Philippo Archiduce clientelam exigit. Quam ille Atrebatî præstitit, Guidoni Rupifortio Cancellario Franciæ, per solemnia eam in rem verba. Vnus supererat Maximilianus, qui armatus irruperat in Burgundiam; sed repulsus cum clade à Comite Fuxiensi odium inane iactauerat; imo sibi hostem exciuerat, Heluetijs impulsu Regis veteres inimicitias in Austriacam domum novantibus. Ita Rex Italicum bellum tutò cepisset Nec iam apparatus latere Sfortiam potuit, plusque trepidationis ac metus quàm confidentiæ intulit. Postquam fœderati veteres deficiebant, Pontifex, Veneti, ipsique etiam Florentini, & Batavetum frustra in Venetos euocavit; magno quidem illorum & Italiæ damno, sed nullo rerum suarum compendio; in se demùm retrusus, a se vires omnes atque fortitudinem, arcessendas vidit. Nec vires deerant, nisi prudentia defuisset;

set; sed ea est improbarum mentium cæci-
tas, ut diu perspicacillimæ, sub ipsum pœnæ
articulum præstringantur, Deoque vindici se
in victimas scelerum præbeant. Nunc Sfortia
Marchionem Mantuanum à se alienat,
Gaiazzæ Comitem generum suum postponit
Galeasio fratri minori natu, atque inferiori
belli peritia; graui errore, quo fidum homi-
nem & peritum abiiceret, cum subiiciendo,
qui præclarus quidem in hastiludiis habere-
tur, sed ærumnarum martis planè inexper-
tus. Sub ea Franci in Insubres penetrant;
recensebantur equitum sex millia, peditum
tredecim; Ductoribus Lignyo, Trivultio,
atque Albinio; steterátque Lugduni Rex
ad promouendam expeditionem, seu mili-
tum supplemento, seu sua ubi opus foret
præsentia; dum Veneti versùs aliam partem,
ex fœdere exercitum ducunt. Et quidem
miro felicitatis euentu Insubres toti vicesi-
mo die subacti sunt; ut decurrere quadrigis
victoria, non certare armis videretur. Vrbes
transpadanæ citò expugnantur; arx Arassia,
valida ad Tanarum, & Anona munita ad-
modum; Valentia à Rafaguino Præfecto
traditur, cæterisque eodem impetu captis,
Alexandriæ Franci imminebant. In ea spes
Sfortiæ collocata erat; tenebatque urbem
munitam admodum Galeasius Sanseueri-
nus, cum numerofo præsidio; si duci
tantum animi, quantum virium fuisset.
Verum is bombardarum fulmine procul
exaudito, metu subito expectoratus, no-
ctu per murum scalis cannabeis deuolutus
in fossam, Mediolanum aufugit, fugæ socia
trepidatione, & in urbem illata. Post præfecti
fugam, milites similiter statim dilabuntur,
excipiuntque Francos Alexandrini; à qui-
bus tamen inuitis Tribunis in prædam rapti
sunt. Sed iam Sfortiam metus vel hosti præ-
uius inuadebat; ciuium animos oratione in

LV
DOVI
CVS
XII.

*Vale-
ce.*

LV-
DOVI.
CVS
XII.
Ledi.

misericordiam flexa tentauerat ; tributorum magnam partem remiserat, opem proximam a Maximiliano atque Heluetiis pollicebatur ; sed illius metu excitabantur odia populi ; plebe instar mulieris , in vindictam facilem exurgente. Iamque Veneti Addua transito , Laudem usque excurrerant , iam Ticinum Francos admiserat ; iam Mediolanenses palam rebellabant , & Quæstorem primum ab Sfortia missum in foro necauerant ; cum ipse tam consilij quàm amicorum inops , statuit in Germaniam fugere, & abductis secum liberis , concubina atque pecunia , per Rhætos ad Maximilianum , comite fratre Ascanio Cardinale secessit. In arce Mediolanensi spes & sacra anchora erant ; eam totius Europæ situ & arte munitissimam , à Frâncisco Sfortia exædificatam, commisit Bernardino Cortio , homini vili origine ; quem tamen Ascanio fratri anteposuit ; pecuniâ, milite & comeatu instructam. Duo fugienti calamitosa obueniunt ; primum triste de ciuitate reddita nuntium ; nam extemplo Mediolanenses Francos exceperant, tum desertio Gaiazæ Comitis , qui ipsi obuius , contestatus est , se fide amplius non teneri ad ditionem ipsius tuendam , cùm ipse profugeret, suosque desereret ; atque exinde se turmasque equestres Franco addixit. Nec eò stetit suorum proditio ; nam postquam Triuultius Mediolani exceptus est , Cortium arcis præfectum, auro tentauit, atque expugnauit, die duodecimo : Principi perfido fidem cunctis fallentibus ; adeò cautio sceleurum fragilis atque intuta est , ipsumque crimen suam in poenam exemplo est. Cortio tamen turpis proditio tanto dedecori fuit, vt Francis etiam detestabilis , pudore ignominie mœrorem augente, breui obierit. Cætera interim eodem cursu festinabant ; Cremonam Veneti opitulante Franco expugnant ;

Genuam

Genuam diuersarum partium viri Adorni & Fregosij certatim Regi produnt; iamque ipse decurforiis equis Mediolanum ad inopiniæ victoriæ fructum Rex aduolat. Ab cunctis Italiæ principibus, præter Fridericum, Legati missi & honorificè excepti; Venetis datum agri quantum pacti erant; atque Pontifici ad Romandiolæ vrbes expugnandas quatuor Heluetiorum millia, & trecenti cataphracti, ductore Iuone Alegrio, concessi ex fœdere. Tum Rex noua Prouincia stabilita, plebe tertia tributorum parte subleuata, restitutis exulibus, ac Trivulcio Prorege dicto, vt populo vnus è suis esset administratio gravior; adiunctoque Albinio; reuertit in Franciam; pacatis omnibus, & quæ donauerat summa felicitas, iis summâ prudentiâ vt videbatur compositis. Franciscum Ioannis Galeatii filium secum abductum inclusit cœnobio, factumque Monachum donauit postea opulento beneficio. Et ita primus Sfortianæ trægœdiæ actus exhibitus est.

Sfortia interim Maximilianum summis inimicisque vrgebat precibus, vt sibi ad recipiendum imperium opitularetur. Et ille humanissimè cum Cardinale exceptum onerabat promissis, spe in dies facta expeditionis, è magis quod pacem cum Heluetiis tandem contraxerat. Verùm auxilium intra verba stabat, & hic nouo bello contra Hungarorum Regem implicabatur, & specie mutui multam pecuniam emungebat à supplice; quare Sfortia statuit suo sumptu, suisque auspiciis rem suam aggredi, legítque octies mille Heluetios, & ex Sequanis equites mille quingentos, quos ad recipiendam ditio- nem ducit. Sanè Mediolani expetebatur ar- dentiùs, tum plebis inconstantiâ, præteri- torum desiderio damnantis præsentia, tum Præfectorum acerbitate, & Francorum in- temperantiâ. Ingens mutationis causa Tri-

—
LVDO
VICVS
XII.
Anno
1499.

XVII.
Sfortia
Duca-
sum vs
superat

—
Lv-
DOVI-
CVS
XII.

vulcius fuit, qui Guelforum sectator pertinacissimus, Gibellinos habebat crudelius; indole superbior, & animi altitudine atque potentia, ad sancendam priuatam auctoritatem non publicam vsus; unde optimates & nobiles, Gibellini maximam partem, ab eo & à Francis auersi, veterem Dominum efflagitabant. Imò plebs in idem votum consenserat; cum enim sperasset nouo sub Principe noua omnia futura, & tributa omnia extinctum iri, spe frustratâ, damnabat auaritiam Regis, & accedente Francorum proteruia, qui procacius virgines, matronasque suas appellarent, palam iam deplorabant calamitatem Sfortiæ, & votis tacitis regressum optabant. Nec erat Trivulcius in regenda Republica cum Albinio concors, raro consortio potestatis atque concordie. Sic parato fomite incendium exarsit illicò. Sfortia de voluntate Mediolanensium certior, nondum instructo exercitu, primò Comum excipientibus ciuibz occupat, dein Mediolanum celeriter aduolans, vrbe gratulatione summa accipitur, Trivulcio versus Nouariam recedente. Vno impetu Ticinum, vrbesque ceteræ Transpadanæ, præter arcem Mediolanensem atque Nouariam, euocatum certatim admittunt, magnòque numero conscripti milites exercitum augent. His accedunt Heluetij ab Alegrio ducti. Quippe ille reuocatus à Trivulcio, postquam subegerat Forum Liuij, & Forum Cornelij in Flaminia vrbes, restitueratque Pontifici, festinans in Longobardiam, desertus ab Heluetiis, ad Sfortiam transeuntibus, equites duntaxat ad Trivulcium duxerat. Iamque visa ad Sfortiam defecisse prosperitas, tum sæuitiam eius, tum sectatorum alebat; in obuios Francos crudelitate magnâ grassantium, promotâ etiam in peregrinos, quorum capita defecentibus singuli aurei dabantur in præmium.

Fratres;

Fratres ergo tot elati succēssibus, exercitum diuidunt; partem Ascanius arci Mediolanensi admouet; partem Ludouicus arci Nouariensi, nam urbem ceperat; atque summo perē enituntur, dum Francorum absunt subsidia, stabilire fortunam. Veruntamen ea properabant. Nam Rex Lugdunum venerat irā & indignatione succensus, & Ludouicum Trimollium militari laude percelebrem, cum cataphractis sexcentis, & sex millibus peditum, cum imperio miserat, adiuncto Cardinale Ambosio, qui publicam rem promoueret consiliis. Et verō Trimollius primō prudentiā, mox fortitudine instaurauit res perditas. Trivulcio atque Albino conciliatis confidenter vtens, culpā infortunio adscriptā, commodiorem spem insinuabat; dein receptas copias strenuē ad Nouariam ducit; pugnā omninō deliberatā; quia nuntium Ambosius interceperat, quo Heluetij à Magistratibus suis vetabantur, ne pugnarent in Sfortiam. Nec ipse detrectat prælium, quo profligato, arcem haud dubiē obtineret, nescius, quam in visceribus pasceret luem. Etenim Heluetij qui ab Aegrio antē defecerant, seu à Centurionibus suis clam deuincti, qui à Francorum partibus steterant, seu vt ipsi testati sunt, quod contra populares arma non caperent; inito cum aliis suæ gentis consilio, cū ad pugnam ventum est, faciunt discessionem, armisque abstinēt; simul equites Sequani fugam arripiunt, Francusque exercitus ruit in Italum peditem, caditque magna strage. Sfortia hoc percussus malo, se Nouariam recipit; simulque Heluetij, qui à defectione in rebellionem conuersi, palam tumultuantes, occupant portas, ad palatium ruunt, minisque terribiles repescunt stipendia, ille progressus in publicum tumultuantes alloquitur, pollicetur aureos montes, obtestatur per supe-

—
Lv-
DOVI-
CVS
XII.

*Sfortia
captas.*

Anno
1500.

rûm atque mortalium fidem , per sanctissimum fœdus , quod vtramque gentem con-
necteret , per dictum sacramentum & inuiola-
tam gentis suæ fidem , neu se proditi-
one turpi desererent , tantâque infamiam glo-
riosissimæ genti inurerent. Eas preces pro-
secuta est liberalitas , factumque argentum
benignè diuisit. At frustra preces atque opes
impensæ , turbas facere pergunt Heluetii ,
inclamantque se velle reuerti in patriam. In-
stat miser , orâtque per effusos fletus , vt se in
securum locum deducant , & quem propu-
gnare aspernantur , saltem non oppugnent ;
Ij pernegant postulatam , affirmantque fidem
datam Francis , vt ne eum abducerent ; sine-
re tamen , vt si vellet , immisceret se cohori-
tibus suis , hostique fucum quem posset , fa-
ceret. Princeps calamitosus , in tantis angu-
stiis , cùm immineret omni ex parte perni-
cies , nec tenere urbem diutius posset com-
meatu inanem , perire honestiùs voluit , ac
se Franco tradere ; & iam cum Lignyo age-
bat ; quando Heluetij rem subodorati , ne
fructus proditiōis periret , cogunt miserum
mutatâ veste cum suis ingredi , adimuntque
facultatem miserrimam confugiendi ad ho-
stem. Ita Sfortia gregarij militis cultum in-
dutus cum cohortibus vrbe egreditur. Iter
Franci gemino ordine insidebant , specta-
bantque prætergredientes Heluetios , in qui-
bus Sfortia deprehensus , cum tribus fratri-
bus Sanseuerinis captiuus abducitur ; Asca-
nium Cardinalem perculit fratris calamitas ,
qui nuntio accepto , cùm Placentiam versùs
effugeret , ab affine traditur Venetis , & ab
iisdem quamquam renitentibus , ad Regem
intentantem minas deducitur. Sic Sfortia-
rum imperium in Italia desit ; & quidem in
Ludouico , politicarum arrium peritissimo ,
tantâque vt sibi videretur regnandi peritiâ ,
vt ab eo maximè arrogantix sensu perniciem
hauser

hauserit ; Deo nusquam non impetente superbiam , & summa capita quæ humanitatem non sapiunt demetente. Ludouicus à Rege paulò inclementius est habitus ; primum in cauea ferrea , mox liberiore carcere Lochiis custoditus ; vitamque perduxit in decimum annum , illius diuturnitate productis ærumnis ; eo tamen solatio , quod liberi Maximilianus & Franciscus tuti in Germania agerent , nec totus in vinculis , totusve in potestate hostium ageret. Cardinali Ascanio liberior permissa custodia , turris Bituricensis , in qua Rex ipse biennio hauserat ; & data postmodum libertas , flagitante Ambosio. Post captos Sfortias , Mediolanum , vrbesque cæteræ , victorem appellant , seque ultro in iugum tanto ardore depulsum induunt ; constituendi imperij Cardinali Ambosio data prouincia , summæque prudentia id constitutum est , Francia tandem post multa secula virum adeptâ cui se committeret. Hic Georgius nomine , ex Ambosiana illustri familia , Archiepiscopus Rothomagensis , & Regi ante percarus , fidæque multis officiis exploratâ , ad auctoritatis euectus apicem , potestatis Regiæ quodammodo consors , egregiisque dotibus tantam in rem aptus , in bonum publicum ambitionem priuatam conuertit. Nunc pacatis Insubribus , atque ciuitatibus multatis pecunia , in poenam rebellionis ; Proregem dixit Carolum Ambosium nepotem suum ; atque ipse summus Legatus à Pontifice in Francia dictus , ad Regem regreditur. Nec delectus Prorex spem fefellit ; plurimos annos moderatus Insubres tanta humanitate atque iustitia ; vt æquo animo Francorum iugum , quod rarissimum est , passi sint ; adeo obsequium est ab imperante ; nec ulli obtemperatur facilius quam virtuti. Nec omiserim efficacissimum impetrandi modum , institutum à Mediolanensibus ;

—
Lvr
ROVI
CVS
XII.
Loches.

Geor-
gius
Ambos-
ius.

— LV-
DOVI-
CVS
XII. cum enim in palatio Cardinalis ageret, pœ-
nâ ciuitati nondum impositâ ; ciues ipso die
quo Christus Dominus pro humano genere
necem obierat, pullati deducunt supplica-
tionem, & præuiis quatuor infantium milli-
bus, prælatoque vexillo sacris Passionis insi-
gnibus picto, in Palatium subeunt, & mise-
ricordiam inclamant Ambosio, eo successu
quem ab pio & clementissimo viro Christia-
na pietas, ipsâque humanitas exigebat.

XVIII Rex de
Neapo-
li recu-
peran-
da la-
borat. Rex Mediolano potitus atque Insubribus,
prosperitate gradû faciente, ad Neapolim ani-
mû appulit. Nec labor arduus Friderici victo-
ria, si destitueretur semel à cæteris. Iam erant
Veneti in societatem adstricti ; supererant
Florentini, Pontifex, Maximilianus, & His-
paniæ Rex ; machinæ propriæ adiectæ ad sin-
gulos. Florentini vt Pisas reciperent, quod
expetebant ardentius, fœdus cum Rege
contrahunt, accipiuntque sexcentos equi-
tes, quater mille Heluetios, atque ducto-
rem quem ipsi optauerant, Ioannem Bes-
szum, Antonij fratrem, reiecto quem Rex
offerebat Alegrio. Sed ex copiæ Ducis cul-
pâ, postquam diu agros peruastarunt ; ad Pi-
sas ductæ, soluta obsidione, recesserunt cum
ignominia. Pontifici redditus ad Flaminiam
subigendam Alegrius ; & felici euentu Pi-
saurum atque Ariminum illicò captæ ; Fa-
uentia, Astore Manfredi propugnante, vix
dum pubere adolescente, primos impetus
fortiter retudit ; donec anno vertente, ope
destituta Valentino se tradidit, & Astorem
adulescentem egregium ; cui virtus exitio
fuit, clam Valentino mortem inferente. Ma-
ximiliano facultas nocendi detrahitur, nam
abundè voluntatis erat ; quippe absque ope-
ra Philippi filij atque imperij Principum,
cùm nihil moliri posset, Philippum fœdere
Ludouicus deuincit, cæteros Principes be-
neficiis ; Ladislaum Regem Hungariæ affini-
tate,

tate, data in coniugem Anna Fuxiensi, Candala Comitissæ filia; per quæ odium Maximiliani septum est vndique quasi carceribus, & ipse adactus ad prorogandas in octauum mensem inducias. Maior moles in Hispano Rege pelliciendo, qui sagacissimus Principum præuideret omnia, nulla re perspicuitatem fallente; & illi in Neapolitanum regnum ius suum; siue petatum ab Aragoniis, iam à Manfredo contra Andegauensem domum certantibus; siue nuper ab Alphonso magnanimo, qui Ferdinandum spurium heredem instituere non poterat, detrimento legitimi successoris, eumque se Ferdinandus dicebat; utpote natus ex Ioanne Aragoniæ Rege, & Alphonsi fratre. Quamobrem in partem eum vocandum censuit Ludouicus, ut regno diuiso, ius commune & communis utilitas aleret concordiam, inuidiamque extingueret. Nec in admittenda conditione hæsit Ferdinandus, quanquam primum renitebatur in speciem; adepturus partem qui nihil possideret; & si faueret occasio, prorogaturus impigrè limites. Erant fœderis pacta, ut Ludouicus abstinere titulo Regis Siciliæ, se Regem Neapolitanum & Ierosolymitanum diceret, Ferdinandus Ducem Calabriae; penes eum Apulia cum Calabria esset; Franco cætera cum Neapoli cederent; compararet quisque suam partem sine consortis auxilio; quisque à Pontifice regni possessionem obtineret. In eo fœdere desiderata est Ludouici prudentia, qui confortem regni admitteret, facturum paulo post aut passurum iniuriam, cum tam arcto limite potentissimorum Regum ambitio conscribi non posset. Quanto melius Friderico præbisset aures, offerenti regni clientelam, quadraginta aureorum millia in vectigal annuum, atque arcem quatuor in pignus fidei; sanè pepercisset cladi Italiæ, & bellum in se-

—
L V D O
V I C V S
XII.

Neapo-
litani
regnum
diui-
sum.

mente perniciosissimum oppressisset, quod ipsi postea luctui atque ignominiae fuit. Contracto foedere, vterque Regum instruebat exercitus, simulata in Turcam expeditione; qui dudum Venetos bello vexabat; imò Consalius spem auxilij ostentabat Friderico, eratque cum copiis in Sicilia Franci commodum praestolans. Breui Ludouicus conscripsit viginti peditum millia, cataphractos equites mille & quingentos, qui Romam versùs ductore Albinio profecti, totius Italiae vota atque metum suspenderant. Vbi Romam ventum est, Oratores vtriusque Regum larua deposita, traditionem possidendi regni, quam vocant inuestituram, à Pontice postulant. Nec ille vota postulantium distulit, & Friderico succensus, & duos pro regno vnico habiturus clientes atque obnoxios. Simul classis soluebat è Phocensi prouincia, Rauastino Admiralio Praefecto, tormentis bellicis praeter apparatus ceterum instructa admodum. Franci Romam in Campaniam profecti, victoriam etiam ultra arma promouent; Vulturum supra Capuam transcunt; ipsamque urbem metu conterritam inuadunt, capiunt, captamque immaniter atque auarè diripiunt, Fridericus recedens, metu per oppida singula fugam sua sparsa, se Neapolin recipit; eamque mox deserit, in castella perfugiens; atque vno mense designatam partem obtinent Franci; primo illo impetu, cum est rerum copia, ferocissimi. Fridericus haud multò post castella etiam deserit, pactus deditiorem, modò sibi in Ischia Insula tuto esse liceat; qui locus nuper Ferdinando nepoti auspiciatus in spem nouam fuerat. Consalius interea Calabriam atque Apuliam occupauerat, praeter arcem Tarenti, quam oppugnabat, Ferdinando Friderici filio propugnante. Verum Friderico nec Ischia Insula saluti fuit; quippe Rauastinus,

Anno
1501

uastinus, Neapolitano fœderi stare inficians, quod Regi nimis perniciosum assereret, imminebat Insulæ; eoque adegit Principem calamitosum, ut se ultro Francis tradiderit; mox in Franciam ductus; atque ab Rege pensione munifica, dum vixit, donatus, vitam in triennium egit, tranquillam admodum & curis vacuum; si iacturam regni mortalitas potest æquo animo ferre, nec cogitare vnde, aut quò deciderit. Mox Tarentina arx Consaluo traditur, Princepsque iunior ad Regem Ferdinandum ductus; ut stirps miserrima utrique hosti & spoliū esset & trophæum. Regno comparato, Ludouicus classem iussit Venetis ire auxilio; Hispanis se Calabria sua continentibus. Nec tota expeditione Nobilem vllum mors rapuit, præter Ludouicum Mompenserium, cuius sua pietas loco hostis fuit. Cum enim Puteolis sepulchrum Gilberti patris inuideret; dolore tanto ex desiderio patris correptus est, ut paucis horis Neapoli vitam amiserit, raro admodum exemplo; liberis plerumque patrum funus tacito gaudio prosequentibus, atque amantibus feretrum; vnde hereditas germinat.

LVDO
VICVS
XII.

*Mompensery
in patrem
pietas.*

Bipertito inter Reges regno, contendebat cum Maximiliano Ambosius, ad pacem firmam componendam; cum rursus in Italia grauißimum bellum exoritur; causa cupiditas, & potentia consortis nescia; quam Franci & Hispani mutuam accusant; ego neutri gentium addictus, veritatem ex Scriptorum monumentis eliciam. Cupiditatem occultam statim exciuit finium diuersitas; ut quas gentes agrè Pyrenæi seiungerent, eas incertus & inexplicatus limes, non tam separaret, quàm confunderet atque committeret. Occasio ex gemina regni diuisione, antiqua & recentiore. Olim regnum diuidebatur in quatuor regiones, in Campaniam,

XIX.
*Bell. mo
in regno
Neapolitano.*

Samnium quod Aprutium vocant, Apuliam, atque Calabriam. Alphonsus maior noua diuisione ex quatuor prouinciis sex effecerat, ad vectigalium opportunitatem; & ex erant Campania, Aprutium, Calabria, Apulia, Basilicata, & Capitanata. Porro quia ex noua diuisione Capitanata in Apulia censebatur, eam tuebantur Hispani; & Capitana- tam sibi vendicabant: contra Franci diuisioni antiquæ standum affirmabant, & eam prouinciam suæ esse sortis. Et verò in ea prouincia fructus erat amplissimus, propter vectigal vberimum quod pendebat ex pascuis, & feracissimas segetes, quibus abundabat. Accesserant aliæ de finibus contro- uersæ, quod Hispani Beneuentum Apuliæ, Aprutio Franci attribuerent. Et primo anno vectigal ex pascuis partiti erant ex æquo Præ- fecti vtriusque gentis, Ludouicus Armanianus Nemursij Dux, & Consalvus; dum à suis Regibus disceptaretur de tota re. Verùm animis iam exulceratis, armorum occasio, & quidem iustorum, prætextus non defuit. Consalvus de Ludouico Arsio conquerens, quod vxoris dotem armis in Apulia perse- queretur, Tripaldam occupat, impedimen- ta Nemursij diripit, & ducentis Hispanis ab Albinio cæsis, palam bellum mouet. At Ba- rones regni intercedunt, & noua arma in- hibent, dum ad Reges deferretur contentio. Frustra tamen ruentibus fulcrum opponitur. Iam Ludouicus in Longobardiam venerat, & bello in omnem euentum deliberato, con- sortem regno pellere statuit, quem incon- sultè admiserat. Iubet itaque Nemursium Consaluo bellum extemplo indicere; nisi die vertente Capitanatam vniuersam tradat. Franci bellum strenuè uti fuerat iussum in- ceptant, mille equites armaturæ grauis ex- pediti in Apuliam inuadunt; in iis bellato- res egregij, Chabanius Palissæ dynasta, Lu- douicus

d' Ars.

La Pa-
lisse.

ducicus Arsius, Adrianus Brimæus, Franciscus Vrfæus, Franciscus D'aillonus, Yuo Malherba, Montalbanus, Mauleo, Colinius, Terralius seu Bajardus, aliisque quibus præter ducem cætera abundè erant. Nam tamen & ij tres admodum digni qui præessent, Nennursius, Albinus, atque Alegrius; tamen vel quia plures erant quàm pateretur impetum, vel quia Consaluo inferiores consilio & patientia, quæ dotes militari gloriæ instar clarum sunt; peccarunt sapius, milites quidem, Imperatores haudquaquam. Primum impetum Consaluo vti infringeret, se intra arces & munimenta incluserat, agris relictis, & præda obiecta irruentibus. Et ab exitu bellum propius aberat, si Franci iunctis armis ipsum Baroli, quæ arx Apuliæ est, obvallassent; nam & capi nondum viribus confirmatis poterat, & eo capto debellatum erat; sed Franci quod illis solempne est, in lura distracti, rei caput ac nodi vitæculum prætermiserunt. Omnia sub initium fausta & prospera, Colinio delibante victoriam, Et enim ad Cerinoliæ præcurrens præsidium oppidi in insidias locatas pellicit; quadringenti ex Hispanis erant, tamque opportunè incautos inuadit, vt fortissimis cæsis, reliqui deserto oppido Canusium fuga petierunt. Et ipsum Canusium Francorum arma inuadunt. Erat vrbs propugnaculis & præsidio valida; instructa cibariis & præclarissimis Ducibus, Peralta & Petro Nauarro, quibus Hispani mille & ducenti nomina dederunt. Franci moræ & cunctationis omnino inscii, intra quartum diem, labe muri facta, aggressionem instituunt; sed bis atque iterum repulsi, Peralta egregia virtute, tertiam impressionem parabant, cum Peralta dedicationem paciscitur, educitque præsidium. Porro Franci indignati ob suorum stragem, cum quingenti & ex fortissimis cæsi erant, statuerunt

LYDO
VICVS
XII.

Baroli
letto.

Canoso.

LVDO
VICVS
XII.

Bena-
uidio.

statuunt Hispanos dum imparati recederent, sociorum manibus victimas tradere; idque perfecissent, nisi Albinus vetuisset, traditis antea Peraltæ obsidibus; atque ipsum hostem in securum locum deducendo. Hispanis in municipia compulsis, in Calabria bellum sorte variâ gestum est. In eam exscenderant tria Hispanorum millia, ducibus Cardona, Benauidio, & Salazario; qui ne pedem in prouincia figerent, Nemursius contendendum ratus, in eos Primæum, Grignium & Malherbam mittit, sed copiis impares, & temeritate sua plurimum fretos, qui excepti Hispanica sollicitudine, cæsi media parte, atque acti in fugam sunt, Grignio necato & Primæuo capto. Tum Hispani se in municipia diuidunt. Iratus Nemursius quam indixerat expeditionem cessisse infaustè, ut sarciret iniuriam, cohortes ipse in Calabriam ducit; sed ne vlllo quidem pago expugnato, recedit inglorius; traditque eam prouinciā Albinio, quam antè inuiderat, facilem atque obuiam ratus; neo à prima laude defecit Albinus, recepta Calabria, tres duntaxat arces hoste obtinente. Tum in Apuliam reuocata arma, & belli munia.

XX.
Singu-
laria
certa-
mina.
Paliffæ
lassæ.

Verum testis munimentis Consaluo, & ventante decretoria prælia, gnarus quibus armis expugnare Francum oporteret, ad excursiones & priuata quædam certamina belli moles deducta est. Paliffæ præsertim præclarissimis facinoribus insignem gloriam comparabat, Hectoris nomen ipsis hostium calculis affectus; ausus cum quadringentis equitibus sex hostium millia prouocare in prælium; nec temerariam prouocationem fuisse, ex repulsa negantium patuit; noctu atque diu hostem laceffere; quasi tricorpore pluribus semel locis interesse; primum impetere, extremum regredi; equo & pedibus, ubi oportunitas foret, præliari; nihil celeritati remotum,

remotum, nihil fortitudini imperuium esse; ducis tandem ac militis munus, nullo labore, nulla fatigatione fractum, obire. Ab eo proximi Colinius, Arsius, & Sanbonetus, quietem hosti interpellabant acerrimi. Nec à duellis temperatum interea; atque vno Petrus Bayardus, nobilis Delphinus, multum inclaruit. Ille Alphonsum Sotomaiorem captiui bello, primum liberius, mox tantem effugere custodierat arctius. Postea ille comparata libertate, proscindebat Bajardum, & crudelitatis passim accusabat, id Bajardus resciscens, virum in singulare certamen prouocat; quod eo tempore si permitterent duces fas admodum erat. Nec Hispanus detrectat; sed quia ipsius erat arma designare, iubet certamen iniri pedibus, ab armatis grauius, diemque indicit, in quem incidebat æstus quartanæ febris, qua laborabat Bajardus. Ita sibi consulebat egregie, nam ampla corporis mole, atque armis robustior, ab tenero adolescente, optimo equite, prægrauantibus armis; debilitato inualetudine, tot inter incommoda pugnante pedibus, palmam haud dubie iam spe reportabat. Itur in aream, & postquam aliquandiu cæsum atque punctim pugnatum est, dum Sotomaior demittit molem corporis ut vulnere locum in æmulo quærat, eo articulo Bajardus emicans, ensẽm condit in guttur ruentis quã se galea lorice committit, vitamque hosti vno ictu haurit. Ea laurea Bajardo singularis; communis cum altero, quam paulò antè ad Trani muros decerpserat. Dum per inducias feriabantur à bello milites, quod publicè vetabatur, usurpare priuatim placuit. Franci tredecim totidem Hispanis indicunt prælium; Veneti spectatores dicti & Iudices. Decurrebant equites cataphracti, lanceis primum pugnatu; mox gladiis. At Hispani consci) inuictos esse Francos, dum

LVDO.

VICVS

XII.

Saint

Bō. et.

Bayard

Bajar-

di cer-

tamen

Certa-

men c²⁴

Hispa-

nis.

in.

— in equo sedent, vti æmulos eo commodo
 LVDO priuarent, directis in equos lanceis, primo
 VICVS decursu vndecim perimunt, deiectis sessori-
 XII. bus, atque in pedes magno incommodo ex-
 cussis; duobus è Francis Bajardo & Vrfæo
 equi incolumes salutem & gloriam asserue-
 runt. Ij inter equorum cadauera medijs, vim
 hostium ad occasum Solis retulerunt; quip-
 pe cadauerum odore atque spectaculo, ho-
 stium equi absterriti, cum nullo conatu, nul-
 lis stimulis impelli ad Francos equites pro-
 pius possent, nec ipsi Hispani exscenderent,
 ne mox æqua sorte Francorum virtus præpol-
 leret, indiscreta dimicatio stetit, dixerunt-
 que Iudices non liquere. Imò addunt plu-
 res, Francos iam pedites detraxisse Hispa-
 nis lanceas, dum impetu facto in se proru-
 erent; æquatósque esse pugnaturos, quos
 hinc equi, lanceæ inde deficerent. Et id to-
 tius belli præiudicium fuit, arte Hispanos
 expugnatos Francicum robur. Tertiùm etiã
 eo pugnae genere dimicatum est, vt causã ini-
 quã, sic euentu malo. Carolus Mota Bojus
 dixerat, vanitate raptus, Italos omnes vene-
 ficos esse & ineptos ad militiam prorsus. Cum
 Itali plures in Francorum castris mercerentur,
 gliscerétque ob imprudens dictum discordia,
 placuit litem armis committere. Ita tredecim
 Itali designati; tres Neapolitani, Romani &
 Calabri pari singuli numero, atque Insubres
 quatuor, qui in tredecim Francos depugna-
 rent. Lex ab Italis dicta, vt qui efferrentur
 extra campi limites, haberentur pro victis;
 licerétque equiti, peditivè vti quovis armorum
 genere. At iis legibus parabant victo-
 riam, quam verebantur vna virtute se posse
 assequi. Etenim concitatis iam ad cursum
 equis, Itali ex compacto soluerunt ordines,
 viamque decurrentibus Francis præbuerunt;
 quorum plerique equorum impetu incogi-
 tantes ultra limires rapti sunt; ceteri cum se
 strenuè

& cum
 Italis

strenuè defenderent , duo ex Italis in pedes acti , equos pugnantium aggressi venabulis suffodiunt, victorésque sessores in custodiam agunt : sic Francorum temerarium robur, patebat gentium fraudibus , quanquam in hoste dolus etiam virtus est. Consalius interim bellum suo more , hoc est patientiâ mirâ sustentabat : nam ingenti penuria , comineatus , militum , atque pecuniæ , spe proxima aiebat militem , firmabátque ; ipse famem vili cibo pascere , sæpius fallere ; ad singula imperterritus , exigere à se quod iuberet alios ; affirmare iam in proximo esse subsidia , modò Germanica , modò Hispanica ; fingere se Tarentum velle transmittere , uti commeatum & militem inde abduceret ; alios seueritate & metu pœnæ perterrefacere , alios laude & gloriæ facibus inflammare. Sic præclarissimus Imperator labantem sui Principis fortunam sustinuit , armatâ patientiâ , dum fors commodior illuceret , apparânsque victoriam quam mox vberriamam reportauit. Quasi fortitudinem oppositæ gentes inter se partitæ sint , & tam dura pati Hispanorum sit , quam Francorum præclara agere ; quanquam haud æquo beneficio ; nam à patientia agendi modus perdiscitur ; agenti , si constantia desit , perit agendi laus , atque adeò præmium.

At Lûdouicus inter ea blandimenta fortunæ , Astæ versatus graues in Valentinum querelas acceperat , crudeliter , atque instar belluæ in Flaminia sæuientem ; verbisqueduntaxat increpitum furori suo permiserat , ne quam Pontifici molestiam faceret. Dein profectus Genuam , plausu & gaudio non victorum modò , sed matronarum exceptus , iam beneuolentia in amorem flagrante , prosperitatis florem decerpebat , nescius quos in fructus ; quamque acerbos se flos indueret ; cum à Regina reuocatus , in Franciam redit.

Exemplò

LVDO
VICVS
XII.

*Consali-
ui pa-
tientia.*

XXI.
*Rex in
Franciam
redit.*

— Extemplo sollicitus de Italia esse debuerat,
 LVDO lecto exercitus atque pecuniæ supplemento;
 VICVS sed quod illi frequens admodum erat, con-
 XII. tentus primordiis, & negligens futuri exitus,
 quasi rerum fors æquabili cursu procederet,
 nec differret vnquam ab ingressu finis, sui
 securus, Italiæ curas omittebat. Tum grauis
 pestilentia curas suas auertit aliò ad leuan-
 das miserarum vrbiũ calamitates; ea quip-
 pe lues vniuersam Franciam tam acerbè ve-
 xauit, vt exhaustis vrribus, rari qui super-
 erant in siluas profugi, plerique fame perie-
 rint; luporum & canum pabulum triste; bel-
 luis iam in viuos vertentibus rabiem quam
 cadaueribus efferauerant. Mox procella in
 Insuores mora, Regis metum & curas in eam
 gentem traduxit. Maximilianus, Rege pacis
 specie ludificato, per exules Mediolanenses
 Heluetios concitat, vt in Longobardiam
 irrumpant. Ii præda illecti, & Belluozonam
 quam tenebat Rex repetituri, ex tribus pa-
 gis arma induerant, & Lusannum vicum,
 qui primus occurrit, oppugnare incipiunt si-
 mulque murum, qui ad Verbanum Lacum
 protensus, aditum in Insuores claudit. In-
 gruebat difficile bellum, iam aliis pagis ac-
 cedentibus, nisi cura & vigilantia Prætoris
 Ambosij discussisset periculum. Ille euocatis
 præsidijs, & munitis circa montium fauces
 & murum arcibus, interclusit aditum hosti,
 simulque commeatum atque cibaria, vt hic
 nullis auctus stipendijs, nam auspicijs suis
 militabat Heluetius; atque urgente rerum
 penuriâ, breui defecerit animo, pactisque
 inducijs in sua reuerterit: nulla mente tanti
 mēbra corporis animante. Per eas res inter-
 pellata subsidia Neapolitana; mox per con-
 tractam pacem tantum non oppressa; ea au-
 tem pax à Philippo iurata; locusque postulat
 vt de domo Austriaca in Hispanicam in-
 sexta, quæ plaga Franciæ grauissima om-
 nium

nium fuit, differam paucis. Dum Carolus cum Ferdinando ad Salsas depugnat, Ferdinandus cum Maximiliano uti se in Franciam muniret, affinitatem contrahit, Ioanna filia desponsa Philippo Archiduci Maximiliani filio. Plerique Franci instabant, ut id coniugium vetaretur, & vehementissimè omnium Graulla Admiralius, seu futurorum præsagus; id perurgebat; suamque operam & classem obtulerat; ad Ioannam dum mari Flandriam petit intercipiendam; sed repudiata à Rege operâ, quicuit, quanquam inuitissimus. Nec erat in speciem quod tantoperè timeretur. Nam Ferdinando ex Isabella natus erat Ioannes iam adolescens, qui Margaritam Philippi sororem duxerat, eratque Ioanni soror Isabella, natu proxima & Ioannâ maior, quæ Manuelli Portugalliæ Regi nupta, iam ab eo masculam prolem susceperat. Unde tot cancellis obiectis Philippo, inanis spes & metus de regno Hispaniæ videbatur. Verùm Deo iam Austriacam familiam promouente ad apicem, Ioannes Princeps morbo extinguitur, eumque postmodum fœtus quem Margarita ferebat utero, morte consequitur. Isabella soror nec superstes diu, fato rapitur, & filius Michaël in spem regnorum natus paulò post, anno tertio vitam amittit. Ita in Philippum vnum Archiducem & Ioannam coniugem regni spes incumbit. Ille postquam Reges Neapolitanum regnum diuiserant, stante adhuc concordia, in Hispaniam profectus, per Franciam iter habuerat, atque à Rege perhonorificè exceptus, & omni oblectationum genere recreatus, data etiam facultate remittendi crimina, quocunque iret, reosque soluendi, in Hispaniam venerat. Postquam in ea aliquandiu egit, ostenditque se Castellanis, iam gratum Principem, mox futurum Regem; ut rediret in Flandriam, iter per Franciam à Rege postulat, impetratque. Id ut securius foret,

LVDO
VICVS
XII.

Philippus
Archidux
Castellæ
Rex.

— LVDO suo quàm Ferdinandi soceri & Isabellæ no-
VICVS minc ; ea lege vt Carolo filio suo Claudia
XII. Regis filia nuberet ; ij Neapolis Reges di-
cerentur, dùmque adolescerent, suam Regni
Anno partem Rex teneret, Philippus alteram. Id
1503. fœdus iuratum Lugduni, in maiori æde Di-
ui Ioannis, à Rege & Philippo & Hispanis
oratoribus ; Philippo spondente ratum ha-
bendum à soceris. Atque ad id implendum,
missi in Italiam nuntij, qui Nemursium &
& Consaluum iuberent arma deponere ; il-
lum Regis nomine, hunc Philippi, & quie-
rè agere, dum vtrinque pax sanciretur. Eâ
fiduciâ Rex quatuor peditum millia reuocat,
quæ subsidia mittebat Neapolin, planè di-
missis belli consiliis. At Ferdinandus iura-
tam pacem repudiat, Philippum generum
plura pollicitum, quàm præstare posset, suum
esse regnum Neapolitanum, ius sibi à maio-
ribus traditum, breuî possessionem iuri ac-
cessuram ; cum se vno percutiendum fœdus,
nusquam cum genero. Sic rupta pax, & ma-
gno Regis tum dolore tum detrimento, curæ
Italiae suscitatae, quando iam irritæ & inanes
propemodùm erant.

XXII.

*Hispa-
ni in
Calab-
bria
validi.*

Ea dum geruntur, fors rerum in Italia con-
uerti ceperat, Ferdinando occasionem obla-
tam auidè & feruidè arripiente. Nam Con-
saluo Baroli contrâ inèdiam pugnanti in
opem venerant sexcenti equites, & pedites
Gallæci quater mille, qui Rhegium in Cala-
bria appulsi Duce Portocarrero, Rosanum
statim expugnant, caeso præsidio, ac se con-
tra Albinum tutantur egregiè. Ea subsidia
opportunè submissa incolarum animos ad
Hispanicas partes traduxerunt, Francis pro-
teruius, iamque auarè in addictos grassanti-
bus ; & passim Itali quâ vi, quâ insidiis mo-
lestos hospites depellebant. Castellaneta in
Apulia pagus, se & cataphractos equites
quinguenta, qui præsidio erant, Hispanis

tradit; quod perniciosum exemplum ut vindicaret Nemursius, deducto ex oppido Rouura praesidio, ad rebelles aduolat. Consalius comperto, destitutum milite oppidum, paucis cum Palissa ad custodiam relictis, ut clarissimum bellatorem caperet, simulque nouo facinore gloriam quareret; altero post die Barolo egressus, Rouuram impugnat, quarta post hora spatiosam labem muro infert, atque extemplo aggressionem instituit.

LVDO
VICVS
XII.

Rouure

*Palissa
fortissima.
do.*

Nulla res oppidum praeter Palissam vnum, propugnabat; murus infirmus, iam sub machinis proruens, miles rarus, ciues subito metu perculsi, numerosus hostis, iam ab aggere prominens, nulla auxilij spes aut salutis; verum Palissa tot, tantaque incommoda vnus compensabat, spectabatur propugnaculi instar in ruina muri crasso hostili pugnans, hostemque ex aggere in fossam deuoluens; iam Hispani tertium obtinuerant aggerem, ab eo tertium vnus viri virtute deiectioni; iam vexillum in ipso muro erexerant, idque vir fortissimus deturbauerat; iam tota legio in eum vnum conuersa hastis, ensibus, pilis ingruerat eamque vniuersam disiciebat vir vnicus, hasta tam crebros validosque ictus incutiens, ut nemo impune ad eum propere accederet; tandem Hispani consumptis armis, animisque ceu propugnaculi molem aut scopulum subruituri, cadum nitrati pulueris inflammatum in pugnantis caput coniiciunt, Ille cadi pondere; vique incendiis deuoluitur in imum aggerem, casu praecipiti, fumoque spississimo qua panditur galea exundante. Nec ideo viribus aut animo destituitur; sed aquis opportunè quas è summo muro effundebat miles, recreatus, & restincto vtrumque incendio sicut erat contusus membra, & propere assatus exsurgit, & per ipsos hostium cuneos ad loriceam arcis se recipit, rursumque per multorum stragem grassatus, tandem

tandem viribus cum sanguine deficientibus,
 LVDO illibato adhuc animo, se Iacobo Mendoza
 VICVS tradit, proiecto longius quantum dabat in-
 XII. firmitas gladio. Imò quamvis captus se in-
 uictum hosti exhibuit, quippe ad arcem à
 Consaluo ductus, ut deditiōem suaderet,
 contra ad obfistendum adhortatus est mili-
 tem, tantòque terrori vel in vinculis fuit, ut
 nusquam copia redimendi se facta sit, gna-
 ris hostibus quantum in capto quantum in
 libero, lucri facerent atque detrimenti. Arx
 secundo post die capta est, accessitque laus
 & nomen Hispanis, quantum Francis de-
 cesserat. Nec ipsis erant concordēs animi;
 ipsa fortitudine duces inter æmulationem
 Discor- ferente atque discordiam. Nemursius maxi-
 dia in- mē atque Albinus trahebant militem in di-
 ver du- uersa. Albinio duci clarissimo, multisque
 cet. facinoribus illustrissimo, erat molestissimum
 subesse, atque alterius ductu bellum gerere;
 unde sibi periculum sollicitudo & labor,
 laus æmulo & gloria parabatur. Nemursius
 fortis quidem & septus magno robore ani-
 mi; sed vehemens & violentus, præceps in
 deliberando, nullo ad consulendum adhi-
 bito, summo imperio obsequium exigens ab
 iis qui se tanti quanti ipsum penderent;
 ideoque lentius & negligentius exequen-
 tibus iussa; quando durissimum est, suo arbi-
 trio alienum præuerrere; idque manu per-
 ficere, quod mente damnatur. Inter ea pax
 Lugduni iurata, Francos remiserať atque
 laxauerat; ac postmodum eam repudiante
 Consaluo, nihil eis virium aut prudentiæ ac-
 cedebat. Imò iussu à Rege, ut se præsidij
 suis atque urbibus continerent, dum am-
 plius de pace bellòve consulitur, suo impetu
 Albi- rapti in mortem importunè proruperant,
 nius vi- sua quisque clade affecti, Nemursius atque
 Albinus. Hic cum Calabriam regeret, au-
 capto. dito Hispanos conuocasse militem, & ipse
 legione

legiones contrahit, vti hostem ab amnis
Giræ transitu prohiberet. Ducebant His-
panos Cardona, Benauidius, atque Anto-
nius Leua, erantque sub signis octo tam
equitum quam peditum millia, interfluente
amne castris oppositis. Benauidius vti ho-
stem falleret, primum agmen composita acie
ostentabat, simulque cum Albinio colloque-
batur è ripa, dum Cardona superiore amne,
quà vadum patebat, agmen potterius ultra
transmittit. Animaduersa fraude Albinus,
in transmissos equitatum ducit cursu celer-
rimo, relicto peditatu, & nullo Tribunis
quid agendum foret imperio. Iam hostis
traiecto fluuio disposuerat aciem vnde ir-
ruentem Albinum fortiter excipit, repellit-
que displotis bombardis, atque effusa telo-
rum grandine. Albinus summus quidem
bello Dux; sed in casibus subitis atque im-
prouisis minùs valens prudentiâ, postquam
suos concidi videt, nullo operæ pretio; vt
in meliorum sortem seruaret, terga vertit
insis iam copiis atque in castrum Angitolam
confugit; eodem loco quem signauerat in-
genti victoria de Ferdinando Rege & Con-
ualuo relata; nec multo post in ea arce cap-
tus est, ea conditione vt ad finem belli per-
taret in custodia. Sic belli aleam sortemque
pugnarum vix expertus aliam, quam secun-
dam, felicitatem totam pessundedit, atque
instar lusoris vno iactu gloriam tot ærumnis
partam amisit.

Nec inter eam cladem fortuna Franciæ
conscripta, octauo post die longè maiore cu-
culatur calamitas atque portigitur. Con-
ualuus ignarus quid in Calabria contigisset,
Barolo ad extremam actus inopiam, statuit
Ciriniolam oppidum occupare, atque expulso
Francorum præsidio victum parere beneficio
ladij. Est Ciriniola in Apulia oppidum,
atque Barolo atque Canusio distans, formam
triquetram

—
LVDG
VICYS
XII.

XXIII
Pugna
ad Ci-
rinio-
lam.

Ceri-
gnoles

triquetram triplici oppido effingente. Agebat Canusij cum exercitu Nemursius, atque audito Consaluum versus Ciriniolam contendisse, uti urbem & præsidium tegeret, turmas rapit Canusio, ducitque Ciriniolam, deliberatâ in omnem euentum pugnâ, si hostis occurrat. Feruebat æstus summoperè, plurèsque in utroque exercitu, tum milites, tum equi, siti, calore, & aquarum penuriâ, vitam amiserunt. Primus ad Ciriniolam Consalius aduenit, & quia hostem accelerare audierat, urbemque hostis tenebat, in vinetis proximis copiat locat, & fossa obuallat. Aliquantò post adest Nemursius magna celebritate, & urgente in occasum sole, statimque deliberat, an ipso die præliandum foret. Ipse Nemursius & Amelitanus Princeps consuebant, prælium in consequentem lucem differendum; *copias cursu defessas, confectas siti propemodum, immodico æstu oppressas, non agendas precipitanter in pugnam; potu, otio, nocturnoque frigore recreandas, dum hostilia castra explorabuntur. Iam diem condi, luce opus esse ut pugnam ineant, perspectas Consalui militares artes; quid caca nocte se in fossam obiectumque vallum inducerent; die proxima hostem castra moturum, commodius oppugnari posse, dum in motu & trepidatione miles est, quam cum fixo gradu vim repellit; prudentiam fortitudini nihil detrahere, & temerarium impetum amentium esse non fortium.* Hæc Nemursius, & quidem prudenter; contra Alegrius, siue ut Nemursio aduersaretur, cui obtemperabat ægerrimè; siue ita expedire quod crederet; eo prorsus momento præliandum censebat. *Quid Franci cunctarentur ulterius? esse ad manum, quod expetuerant tandiu; eductum tandem è cuniculis hostem atque munimentis, deprehensum in camporum aquare Consaluum imparatum,*

ad pugnam, qui ad prædam & latrocinia prorupisset, iam percelli metu, Francis admotis; nec aliud esse, vallum oppositum, quàm trepidationis signum, & timoris latibulum. Nihil primò Francorum impetu terribilius, dum is feruet agendus in prælium; intra horam Consaluum expugnari posse; fortes animos angustiis temporis non concludi, & brevissimo tempore res patrari magnas. Nam ad proximam lucem si expectent, ipsa nocte elapsurum hostem, atque instar torpedinis effusurum tenebras fugæ & salutis. Cùm ea Prætores haudquaquam mouerent, stantem in cunctandi sententia, cum aggreditur contumeliosis verbis Alegrius; moram illam à metu profectam, non à prudentia; quid enim alios in aperta discriminata imprudenter coniiceret? Quid nuber Palissam solum in irruentem hostem opponit? Quid Tribunos & milites temere in verniciem certam induisset? prodigum alieni periculi, sui parcum; indignum esse imperio, qui iuberet ea quæ fugeret. Ad ea incallescens Nemursio, & contumeliam verbis rependente, imminebat ciuile prælium, milite suum quoque ducem propugnante; cùm Tribunorum prudentia arma compescuit, ciuilia quidem & probrosa, non honesta & publica. Nam prætor indignatus sibi metus vel umbram obiici, continuo militem ad pugnam educit; & ea temeritate pugna obiecta est, qua incepta. Ipse omnium primus equitatum in castra impellit; sed lata fossa prohibitus, Heluetios ad eam cumulandam iubet accedere, & ij Hispanorum sclopiis appetiti, sub primam impressionem deficient. Prætor illico nouo imperio rem profligat; iubet recedere militem, vti ad latus versus, fossam facilius superaret, at miles iam concepto tædio, postquàm recedere iussus est, quàm omnino se deberet recipere terga vertit,

——— fellinátque iam fugæ propior. Nemursius &
 LVDO Chandiosius qui ducebat aciem mediam, vt
 VICVS suos confirmant, hærent in vestigio; sed ex-
 XII. templo vterq; sclopetorum globis occiditur;
 Cl. 41- caditque Nemursius, postremus Armaniacæ
 a. i. H. stirpis; vnde tot Stolones atque vberrimi
 fructuum olim prodierant. Tum Hispani in-
 fugientes irruere, strage & cæde miscere om-
 nia; victoriámque conficere. Scribunt ipsi
 Francorum supra tria millia cecidisse, nouem
 è suis duntaxat; sanè primum mediúmque
 agmen deletum est; capta tormenta & impe-
 dimenta; Alegrius postremum agmen incolum-
 me eduxit, ipse pugna abstinēs, quam tam ve-
 hementer incenderat? quanquam laude di-
 gnus quod non desperarit, & naufragij ta-
 bulas ad nauigationem nouam collegerit.
 Pugna in diem veneris incidit, octauum quo
 Albinus victus est, quémque sibi propitium
 & felicem Hispani obseruant. Franci in di-
 uersa oppida secesserunt. Alegrius & Prin-
 cept Salernitanus Caietam, Ludouicus Ar-
 sius Venusiam; Principe Amelsitano fidem
 eximiam in Francicum nomen contestante.
 At Consalius rectà Neapolin venit, exceptus
 à ciuibz magno plausu; victori continuo
 vrbes cæteræ patent; vt decimo quinto post
 hanc cladem die, Francis in toto regno, præ-
 ter arces Neapolis & Caietæ, Venusiam &
 aliquotin Samnitibus oppida, atque igno-
 miniam ingentem, nihil superesset: raptis
 etiam ducibus, ne quid membris defectis
 capite, spei foret.

Ludouicus ad ea tristissima nuntia, dolore
 XXIV & indignatione perculsus; postquam apud
 Rex Archiducem inanes querimonias detulit,
 quam legatósque Ferdinandi accusata sui Regis
 inor fraude iussit facessere; impetraturus à se so-
 latus exerci- latium & vindictam, quatuor simul terra ma-
 tus scribi- ritque conscribit exercitus; tum vt Europæ
 bi. toti

toti constaret Franciæ dignitas atque amplitudo ; tum vt Hispanum suo bello implicatum, Neapolitano regno longè auerteret. Primus in ipsam Hispaniam conuersus impetus, & magno apparatu destinati duo exercitus quorum alter Ruscinonenses, Guipuscoam alter inuaderet ; Pyrenæis per geminos aditus penetratis. Selecti duces quorum peritiâ staret spes Francica, Marefcalus Rieusius ; atque Albretius consorte Marefcallo Gyxo. Geminæ classes ad expeditionem geminam assignatæ, vtroque mari iussæ nauigare, vhebant necessarium commeatum. Et hæc quidem constituta fortiter, contrarium euentum sortita sunt. Albretius, cùm locorum temporisve iniuria, in Guipuscoam haud penetrasset, versus in Occitaniam, copias, Rieusio adiunxit ; & primum eo metu Ferdinandus solutus est. Tum ad Ruscinocenses spes, & metus traducti. Numerabantur in Rieusij copiis viginti hominum millia, atque accesserant bis mille nobiles, summa alacritate & spe magna concepta, præclarissimis ducibus Rieusio & Gyxo. Et mediò Septembri cinctæ toto exercitu Salsulæ. Eam arcem aliquot ante annis expugnauerat Carolus & redditam Ferdinandus, quia prima Francorum impetum retundebat, restaurauerat atque muniuerat operosissimè ; erexerat loricam muri spississimam, perfoderatque, subtus cuniculos, ad occultas obsidentium artes eludendas. Sic primus ille Francorum ardor restinguitur ; accedit comeatus & cæterarum rerum penuria ; Nam classis postquam ex alto Barcinonem spectauerat, adeo in oram non irruerat ; vt metu ignauo territa se in Massiliensem portum receperit, ne vecto quidem ad exercitum commeatu ; & præfecti annonæ, qui Narbone substiterant, magna infamia

—
LVDO
VICVS
XII.

*Salsula
obsessa.*

indulgebant genio, & epulabantur opiparè, dum miles in castris extremâ inopiâ laboraret. Præterea ad coronidem mali Rieusius in grauissimam ægitudinem incidit, & Ferdinandus ingentes copias contrahebat Perpiniani, ad Salsulas defendendas. Ob quæ incommoda soluta oblidio est quadragesimo die milésque languidus intra Occitaniæ vrbes se condidit. At Ferdinandus sua etiam vice in Occitaniam irrumpit, & vetante nemine prædas agit; donec virgente hyeme securus regressus est. Nec exercitui Italico commodiùs fuit. Conscripta erant Vasconum sex millia, octo Heluetiorum, cataphracti equites octingenti, delecta ex Francia, Italiaque nobilitas, summusque Dux dictus, Ludouicus Trimollins, sæpè memoratus, sine controuersia laudatissimus bello; accedebant Marchio Mantuanus, Dux Ferrariensis, Florentini, Senenses & Bononienses. Lentis castris incedebat exercitus, quamquam res vrgeret admodum, dum Legati Regis de nouo fœdere cum Pontifice & Valentino conueniunt. Porro dum id agitant Alexander Pontifex veneno vitam repente amittit; Valentinus, eodem epoto, neci ereptus est, beneficio virium atque ætatis. Continuo curæ à regno ad Pontificatum deductæ. Etenim Cardinalis Ambosius aduolans Romam, quod diu cogitabat animo, tandem expromit, sibi que tiaram ter geminam ambit: vnus alter duntaxat eam appetebat Iulianus Rouereus, Cardinalis Sancti Petri ad vincula & ipse Franco Regi amicus, atque obstrictus beneficiis pluribus. Ille cum Cardinalium voluntates clam conciliaffet, Ambosium aggreditur, atque persuadet, vti exercitum Roma submoueat, ipsum sine dubio dictum in Pontificem; periculum esse ne suffragia copiis proximis laborarent vitio, multisque & vis accusari queant; posse tolli scrupulum,

Exercitus in Italia missus.

Alexandri mors.

si paulo longiùs miles absit. Inexplorata fraude Am. osius exercitum amouet, mox-
que ipso præsente, Franciscus Picolomineus
Senensis, eligitur Pontifex, qui se Pium III.
appellat; tam deplorata valetudine, vt agrè
vitam prorogaturus in mensem alterum cre-
deretur. Nec expectata mors spem fefellit;
die vicesimo quinto post quem electus est,
vitam claudit, Pontificatu per somnium ge-
sto, ipsaque nocte, Conclauì, quod nuf-
quam contigerat, nedum occluso, iamque
exercitu Francisco longiùs profecto, Iulia-
nus Rouereus omnium calculis Pontifex di-
citur, Iulij II. nuncupatione assumpta. Am-
bosius postquam se delusum, & defraudata
æmulorum arte vota inspexit, pudorem in
Franciam retulit, atque in solatium Legati
nomen & potestatem.

LVDO
VICVS.
XII.

*Julius
II.
Pont.*

Per eas moras cunctabatur exercitus, &
primum illum terribilem impetum corrup-
pebat; iam grauem iacturam erat passus Tri-
mollij absentia, qui morbo periculoso ten-
tatus Parmâ in Franciam suo calo recrean-
dus venerat, Mantuano in eius vicem suffe-
cto. Eo ductore ad Lirim amnem, qui re-
gni limes est, euadunt copie, alteram ripam
obtinente Consaluo. Amnis transmitti nisi
ponte non poterat, cumque Franci ex lin-
tribus ponunt, quos proxima classis per ad-
uersum amnem submittebat, atque post mul-
tam dimicationem amnem traiciunt; scribi-
turque eos potuisse hoc die vincere, si ultra
pontem in trepidum hostem promouissent
victoriam. Verùm Mantuanus Francis sus-
pectus ob fidem dubiam, simulato morbo ab-
fcesserat, plurisque Itali simul erant in op-
pida profecti; atque inter Francos rara con-
cordia erat. Nam quamuis ipsi Marchionem
Salussium Prætorem dixissent, tamen Ale-
grio & Sandricurtio erat par propemodum in

XXV.
*Franci
ex re-
gno de-
puls.*

*De Sa-
lusses.*

mentum; victum semper petatum ab hostibus, quantum ferrum dabat; modo quo à Quæstoribus peti non poterat. Eos inedia, frigore, & grauissimis morbis afflictaſſe exercitum, dum suas dapibus mensas inſtruerent, frequentarent epulas regias, atque aurum Francorum sanguine maceratum reportarent domum. Cum hæc & similia diceret, exclamabat identidem Ludouicus; *heu verum est*, & persuasus correptos aliquot Quæstores, patibulo affixit; in quibus Herætus ærario Præfectus; impari admodum compensatione, nec vilissima capita, opulentissimum Regnum florentesque exercitus rependebant. Atque vtinam exemplum terrori fuisset, nec in posteris eadem perniciēs grassaretur, quæ pluribus Francis quam hostile ferrum exitio fuit. Ludouicus postmodum cum Imperatore & Philippo Archiduce contrahit fœdus, reiectis Ferdinandi Legatis; quo nuptiæ Claudię cum Carolo firmabantur; possessionem Insubrium sanciebat Regi Imperator, ipsique Rex pecuniam dabat; societate cum Duce Bauaro & Palatino deposita. Nihil de Neapolitano regno cautum, nisi vt capti Nobiles in libertatem vindicarentur; iussique Ludouicus Arsius & Bajardus è regno reuerti in Franciam. Ij post pugnam ad Caietam, Venuſium se receperant, & aliorum Ducum reiecto probroso fœdere, urbem per annum tenuerant; sua duntaxat fortitudine freti; & eius beneficio, magna cum laude & gloria regrediuntur in Franciam; nam circumfusus hostibus, cum per eos transeundum esset, atque Antonius Leua com meatum offerret, si flagitarent; eum viri fortissimi ab suo gladio petunt, & per oppositas Leuæ copias aperto itinere, in securum locum intacti cuadunt. Eumque finem expeditio conse-

quata

quata est , tam principio famosa quàm exitu , tam ignominiosa Francis quàm honesta , qui quæ armis & fortitudine comparant , ea perdunt avaritiâ & imprudentiâ ; laceratis robusti , infirmi ventriculo ; humanæ gloriæ magno contemptu , cùm nobilissimus mortalium apex , per viles homines ruat ; tantique sit vicisse , quantum frumentariis visum sit.

—
LVDO
VICVS
XII.





HISTORIÆ FRANCICÆ,

LIBER DECIMVSQVINTVS.

—
LVDO
VICVS
XII.

I.

Regis
morbus



OSTQVAM Ludouicus con-
fecta pace curas & sollicitudi-
nes externas compescuit, suis
ipse priuatissque vexatus est.
Generoso & forti Principi oc-
currebat ignominia belli & fœ-
deris; eò recidisse spes, cona-
tus, & amplitudinem Francia; eò tot exer-
citus, tam immensam pecuniam, eò sua &
fœderatorum incensa studia, vt regnum
tanta gloria partum, tanta infamia eripe-
retur; nec sibi aliud superesset, quàm pudor
atque opprobrium victi. Tum inuito voces
veniebant in mentem, quas de hoc bello
vsurpauerat sæpius, modestæ quidem & ge-
nerosæ in vsu victoriæ; at ex calamitate su-
perbæ admodum atque arrogantes; vrebatur
præterea Ferdinandi victoris felicitas, cuius
artes subdolas cum ipse contemptui & ludi-
brio habuisset; molestissimum erat easdem
prosperas, atque euentu donatas inspicere;
&

& fraudi fuisse candorem ingenuum, fidemque habitam. Eo animi dolore corpus in grauissimam ægritudinem incidit, & febris inualescente, Medici de complorata salute desperant. Vix vnquam subditorum in Principem amor manifestius patuit; per vniuersas regni prouincias, agri atque vrbes supplicantium cœtibus miscebantur; nulla ætas, nulla conditio vacabat ab orandi munere; feruebant sacræ ædes diu noctûque complorantium precibus; nudis pedibus viri, expas-
sis matronæ crinibus, puerorum & puellarum greges innoxij, vnâ voce salutem suam in Principe positam exclamabant, rogabantque vno capite vitæ omnium consuli. Precibus supplicum factum est satis, morbi que periculo Rex tandem soluitur. Ille extemplò valetudinem Deo attribuit, voto ad sacrosanctam Hostiam concepto, quæ clara miraculis Diuione colitur; eamque in urbem religionis causâ se contulit. At Isabellam Castellæ Reginam prostrauit morbus, vitæque eripuit; fœminam natam Imperio, præclarissimis animi dotibus, cui parem vix Hispania genuit; & ea ob frequentem equitationem, admissis virilibus curis, creditur contracto vlcere in partibus inferioribus, vitam amisisse. Testamento Philippum Archiducem & Ioannam filiam hæredes scripserat; iisque deficientibus nepotem Carolum; & eo primum tempore patuit, quanto incommodo Franciæ, Austriaca domus in Hispaniam iret; Franciâ Belgium inter & Hispaniam mediâ, finibusque oppositis vno eodémque Principe circumclusa. Ideò Ludovicus vt proximo malo occurreret, ratus Philippo Ferdinandum Regem auocandum, velificatione mutata, cum appellat de nouo fœdere, & priuatis inimicitiis publico commodo datis, arctam affinitatem cum eo contrahit; datque in uxorem Germanam Fuxiensem ex sorore.

LVDO
VICVS
XII.
Anno
1504.

Isabella
mors.

Fœdus
novum
cũ Fer-
dinan-
do.

neptem, ex Ioanne Fuxienſi Vicecomite Narbonenſi natam. Sic enitebatur Aragoniam à Caſtella ſeiungere, non modò in præſentia, ſed in tempus futurum, ſi fortè liberi ex nouis nuptiis naſcerentur; conſeſſum in Germanæ dotem ius quod Regi in Neapolitanum regnum competebat; quod Franco reſtitueretur, ſi Ferdinandus ante vxorem decederet. Adiuncta conditio probroſa, vt Friderici qui nuper obierat vxor & liberi, Ferdinando traderentur, vel regno exularent. Germana in Hiſpaniam ducta, patriam illicò oblita eſt; in coniugis mores & commoda ſe totam addicens. Iiſdem de cauſis Rex ſe facilem præbuit regni Proceribus flagitantibus vt ſponſalia Claudiæ filiz cum Carolo Archiducis filio ſoluerentur; ex iis magnam exorituram bellorum ſegetem, perueniente ad Hiſpaniæ Regem Britannia, & futurâ pro regno controuerſiâ, quæ olim fuiſſet cum Anglis Regibus. Multò conducibilius fore, ſi Claudia nuberet Franciſco Inculiſmenſi, proximo Regis affini, atque ſucceſſori, regno cum Britannia in eandem ſtirpem coalituro: Et erat Franciſcus conſanguineus Regi, Ioannis ex patre Carolo nepos, & Ludouici Aurelianenſis æquo gradu cum Rege abnepos, educatus atque inſtitutus ſummâ curâ, tum armis, tum litteris, Arturo Gouferio morum adoleſcentis præſecto. Anna obnitebatur huic conſilio vehementer; tum vt Britanniam à regni corpore totam ſeiungeret, tum quòd Ludouicam Franciſci matrem plurimum oderat; verum vtilitate regni præpollente, cum Franciſco nuptiæ pactæ ſunt, dictuſque eſt Dux Valeſius, vnde in ſtirpem Valeſiorum nomen propagatum. Id coniugium Philippus Archidux contumeliâ interpretatus, vltionem parabat; cùm ipſe in Belgio morte extinguitur; veneno, an intemperantia libidinis;

nis ; Carolo filio adhuc sexenni , & prouinciis, Regis odio obiectis. Attamen fidem hostis anteponeus domesticæ , omisso Maximiliano , testamento Ludouicum rogauit , vt filij Caroli curam ac tutelam susciperet ; præclaro inuento , quem lupum pertimuerat , pastorem constituens ; ad eò non semper in Regibus libet quod liceat ; honesti finibus potestas conscribitur , seruit æquo utilitas , & ius sibi primùm Iustitia sancit. Sanè Ludouicus eum se præstitit , quem sperabat Philippus ; & præfecit Carolo Antonium Cromy , ornatissimum animi corporisquæ dotibus nobilem , à quo institutus est tam præclare Carolus , vt Francia multò post beneficium suum luxerit , dolueritque sua ope surrexisse Principem , cuius virtutes eximie sibi periculo & damno fuerint.

Obitu Archiducis Regi facultas concessa est liberior intendendi in Genuam. Iam antea Genuenses seditionem mouerant , quæ mox in apertam rebellionem defecerat. Erat Genua ab annis pluribus Mediolanensium adstricta Imperio , ac tametsi legibus suis viueret , suosque diceret magistratus , tamen arces tenebantur à Ducibus , isque magistratus dictos sanciebant , vel abrogabant ad libitum. Ludouico Regi cum Ducatu Genua obtigerat. Ea vrbs iam pridem plures aiebat factiones in perniciem suam ; erant reliquæ Guelforum & Gibellinorum ; accesserantque partes Plebeiorum & Patriciorum. In Patriciis præter alios Flisci , Dorix , Spinola , & Grimaldi , qui dignitatis patrum assertores , plebem plebeiisque familias habebant despicatui , atque à magistratibus publicis amoueant. Verùm in plebe multæ familiæ opum affluentia , quas mercaturæ beneficio collegerant , è populo eminentes , in Patricios contendere ausæ sunt ; tantumque contentione perfecerant , vt summa dignitas quam

Ducatum

—
LVDG
VICVS
XII.

de Cro-
ny.

II.
Genua
rebellis
suligina-
ta.

Ducatum vocant, è suo ordine, nusquam ex Patriciis, legeretur. Rursus pars Plebeia in factiones duas discesserat, Adorniorum & Fregosiorum, qui potentissimi cæterorum enitebantur, ut è sua familia Dux peteretur, seseq; mutuò excluderent; suscitata Guelforū primā factione, qui Fregosios iuuabāt suffragiis, uti Adornios Gibellini. Eas factiones auctoritas Regis premebat utcunque; at præterquam quod Plebeiam Patriciorum irritabat proteruia; eandem Patriciā promouebat Francorū gratia & fauor, qui plerumque Nobilibus impensius student. Verū cū semel Patricius honesto plebeio colaphum impegiſſet, quod fungorum corbem, cuius ipse pretium percuntaretur, oblato maiore pretio auferre vellet Plebeius; orto repente tumultu, vnus è Doriis cæsus est, cæteriſque Nobiles ciuitate pulsi. Pro Rege administrabat urbem Rauastinus, è Cliuensi stirpe; qui Regem in Franciam adiit, de re tota palam verba facturus. Et primò quidem mollioribus remediis tentabatur malum; Ludouico nondum auso adhibere valida, ne Philippus cum Pontifice & Imperatore fœdus contraherent; at postquam Philippus morte absumptus est, & inualescebat popularis furor; ferrum & ignem admouendum vlceri censuit. Iulius Pontifex summopere nitebatur auocare Regem ab hoc consilio, tū ne bellum Venetum omitteretur, quod propemodū instituerat; tū quod arcanis testisque folliſus Genuensium flammam incitabat, in Plebeiorum partes additus. Nihilominus vltra metas decurrebat infania; Spetiam urbem & portum inuaserant Genuenses, quæ Flisconum in patrimonio erat; nouum Ducem elegerant; quendam Paulum Nouium, arte fulionem, ac præclarum seditionis tubicinem; Tribunos octo ex ordine suo creauerant; ac Monæcum arcem Pisanis iuuantibus; quæ

ad Grimaldos spectabat, impugnabant acerrimè. Rebellio postmodum in apertum prorupit. Arcem Salazarius præfectus Regius obtinebat; is ciues aliquot tumultuantes corripuerat, simulque Franciscanorum cœnobium armatis occupauerat; quod arci admotum & muro validum, ad ipsam tegendam opportunum erat. Illicò seditiosi laruâ abiectâ insignia Franciæ deturbant, atque Imperatoria erigunt; ad Castellatium rapiuntur, quod Castellum est supra arcem positum; adigunt milites ad deditionem, ij; viginti admodum erant cum tribus fœminis; mox deditos per summum nefas obtruncant crudeliter, atque in frustra discerpunt. Ergo hæc facinora cum patientiam Regis peruicissent, statuit ipse ferro furorem opprimere, nec legatis bellum permittere, quod tam malè in Neapolitano regno gessissent; validoque exercitu in Insubres venit. Iam Monæci obsidionem Alegrius soluerat, à Rege eam in rem missus, magnâ Luciani Grimaldi gloriâ, qui trimestrem oppugnationem repulerat, tergeminaque aggressionem suo milite ac virtute sua infregerat. Est Genua Ciuitas ad Ligusticum mare, quâ terræ adiungitur propè inaccessa; circum undique abruptorum montium iugis obualatur, per quos nullus aditus arctâve semita, adeò in scopulos & præcipitia surgunt; viæ duæ admodum patent apertæ in rupe mortali vi atque industria, trecentos passus in longum porrectæ, sex pedes in latum; altera ad prouinciam Phocensem pertingit, qua desinit sancti Petri ad Arenam suburbium; altera opposita est, quâ in Italiam itur; utraque ad littus maris, Genuensium defensa præsidio; qui se iure Italiæ custodes & ianitores indigitant. Castellatium Franci receperant, ac Genuenses superiore in loco castrum posuerant, vt ab arce Francos venientes

LVDO
VICVS
XII.

*Genua
situa.*

LVDO
VICVS
XII.

nientes excluderent; cū primo impetu Regis exercitus per Arenariam viam irrumpit, ac deiecto præsidio euadit in montium iuga, sublimisque inferiorem urbem despectat. Continuo Genuenses ad propugnandum castrum, quod imminabat Castellatio, octo hominum millia duce Iacobo Corso urbe mittunt, & sancti Petri suburbium accuratè muniunt. Nec minus fortiter Franci castrum aggressi, primo impetu capiunt; plures ex propugnantibus perimunt, ceterosque in fugam versus urbem agunt. Præterea portum classes obstruxerat triremibus duodecim, quarum sex commodauerat Ferdinandus, pluribusque nauigiis. Iamque metu populum inuadente, missi erant Legati qui cum Ambrosio Cardinale deditionis pacta inirent; cū iis agentibus, seditiosis iterum plebem mouentibus, ad arma curritur, & consilio tam inani quam stulto, festinatur ad Castellatium opprimendum. Repulso impetu, nox aduenit, licuitque miseris suam sortem inspicere, omni ope & spe subsidij destitutis, nisi quam in clementia Regis reponerent. Igitur fuga elapsis, qui maximè conscij flagitij erant, ceteri rursus Oratores ad Regem mittunt, qui urbem & ciues eius arbitrio traderent. Accepta deditione, missi equites, qui portas atque urbem ipsam occuparent; tum Rex armatus, nudum ensē præferens, Proceribus turmisque Equestribus simili habitu consequentibus, in urbem victor intrat; mox sub umbella pedibus ultra progreditur. Occurrunt trecenti ciues pullati qui misericordiam oratione supplici precabantur; quorum spectaculo Rex haud immutatus ad maiorem ædem accedit, ferro tamen vaginâ condito. Tum spectaculo novo percellitur; ingens mulierum, puerorum, & virginum multitudo, albis vestibus candicans, humi accumbit supplex; ac lamentis miserabilibus

Anno
1507.

miserabilibus clementiam & misericordiam implorat. Ad animum mitissimi Principis infirmus & innocens sexus pertinuit, sensit se immutari continuò, statuitque pœnas multo metu & supplicio leui cōscribere. Euocatū in concionem populum postquam ostensa grauitate criminis terruit; veniam priuatis benignè indulgit; tamen ne facultas peccandi in posterum permitteretur; se victorem & dominum vr̄bis pronuntiauit, priora pacta rescissa voluit; iussit sua imagine nummos cudi, pecuniariam multam indixit; triremes & milites ad custodiam portus, & arcem nouam erigendam, ad turr̄m Codifanam, cui portus & tota ciuitas obnoxia foret. Attamen multa ex prioribus concessit, omnesque immunitates, non ex pacto sed mera voluntate, atque vt vocant ex priuilegio. Ad mortis supplicium aliquod rapti; Demetrius Iustinianus, Paulus Nouius Dux ille rebellium, & qui designati principes criminis. Arx erecta est, cui nomen Fr̄num impositum est; & dictus præfectus toti ciuitati Rodolphus Canoyius, Balluius Ambianensis; vir summæ probitatis, & notissimæ per bella plurima fortitudinis. Ciues ab omni direptione seruati; statimque post res constitutas; Ludouicus ne Pontifici vel Imperatori metui foret aut suspitioni, exercitum solum dimisit, in Franciam, ac Mediolanum se ipse contulit; instaurata laude & gloria quam expeditio Neapolitana obtriuerat ac quanquam inermis clandestinis æmulis terribilior.

Etenim Genuensis expeditio; tantis suscepta copiis primū Pontificis suspicionem grauem commouerat; atque ideò Imperatorem, & Venetos in Italiæ opem appellauerat; *armis Francicis non modo Genuenses peti, sed ipsam libertatem Ecclesiæ atque Italiæ; Regi animum esse dignitatem Pontificiam atque Imperatoriam transferre in Franciam, Ambosum*

LVDO
VICVS
XII.

III.
Maxi-
milia-
nus in
Italiã
voca-
tus.

Ambosium Cardinalem in tiaram euehere, se Imperatorem nuncupare ac Caroli Magni iura usurpare; properaret Germanica gens in opem Ecclesia laborantis, nec se orbari Imperij gloriâ pateretur. Imperator ad eas voces excitatus, comitia Imperij Constantiæ, indixerat; habitâque oratione magnum exercitum impetrauerat; ad sancti Galli proximum festum. Ideò Ludouicus subactâ Genuâ, statim soluto exercitu Mediolanum venerat, Legatôsque miserat ad Pontificem Imperatorem, & Venetos, qui testarentur se ab ea mente auersum, atque vni paci in Italia promouendâ incumbere, & Mediolani dies ludis, choreis & conuiujs terebat, belli suspicionem amoliturus. Eos inter lusus Trivultij cœna memorabilis fuit, quâ exceptæ feminæ ex formosissimis mille ducentæ, ministrantibus centum sexaginta maioribus domus, ac famulis cuique mulieri assignatis, omni argento quo ministrabatur notâ Triuultij insignito: ne putarentur cogitare fortia, qui tanto studio captabant mulieres. Nihilominus cùm delectus, in Germania haberentur, vti in eos Rex se communiret, cum Venetis atque Helueticis instaurato fœdere, cum Ferdinando de habendo colloquio conuenit. Ferdinandus anno præterito Neapolin venerat Barcinone, siue vt præferebat, regnum recens partum vti componeret, siue, vt intendebat, abducturus Consaluum. Quippe vir ille clarissimus suo more administrabat prouinciâ, in ea hærebat, pluribus literis in Hispaniam vocatus, & in Archiducem Philippum propensior; deinde, vt creditum est, admissa regni cogitatione, causas moræ nectens, Regi suo non obtemperabat. Nunc Ferdinandus aliquot menses versatus Neapoli, cùm res Hispanicæ præsentem poscerent, à Ludouico postulabat colloquium. Etenim Ioanna filia,

cuius

cuius erat regni administratio, primùm zelotypiâ, dum viuebat coniux, mox dolore & desiderio postquam decesserat, in amentiam acta, regendi impotens erat; hoc vno sapiens, quod insaniam suam agnosceret, nec decreta regia nomine suo subscriberet. Igitur Ferdinandus vti regimen Castellæ sibi vindicaret, Ludouicum demerendum putabat, atque vt erat peritissimus artifex simulandi, ad fiduciam contestandam nihil non impendit. Sauona vrbs agri Genuensis designata ad colloquium est. Adfuit Ferdinandus triremibus vectus, cum Regina coniuge, Consaluo, atque Nobilibus mille quadringentis; colloquio Pontificis Iulij repudiato, à quo Ostiæ expectabatur, ne quam Franco suspicionem moueret. Vbi primùm classis ad Sauonam appulit, Ferdinandus illicò Ludouici fidei se commisit, atque urbem hospitaturus intrauit. At Ludouicus eiusdem fiduciæ causâ, militem ab vrbe abesse iusserat, tum vt amplior locus hospitibus foret, tum vt Ferdinandus comitatu magno stipatus, vrbs quodam modo esset compos. & dominus. In amplexum ruerunt nudo capite, & genu humi nixo; egeruntque tri-duum palam & priuatim, magnâ humanitatis & amoris mutui specie. Excepit Regem Reginâque conuiuio Ludouicus, voluitque Consaluum magnum accumbere, reueritus virtutem, qua regnum sibi perierat; & Ferdinandus humanitate haud dispari, inuissit Albinium podagra decumbentem; mox Ludouico in triremi sua epulum præbuit, vniuersis mirantibus, eò defecisse capitales inimicitias, vt fiduciâ Reges certarent inuicem; tam acerbo odio expuncto animis; adeò Principum vnus affectus, vna commotio, vtilitas sua; ad quam normam, omnes animi motus, omnem sensum dirigunt. Dubitatum est, vter Regum maiorem fiduciam exhibuerit;

LV-
DOVI-
CVS
XII.

Anno
1507.

——— exhibuerit; sanè ea in Ferdinando præclara,
 LV- qui se committeret illius fidei, quam sæpè
 DOVI- lusisset; atque inimico vindicandi commo-
 CVS- dum traderet; nec in Ludouico generositas
 XII. minor qui quem ambiguum toties expertus
 erat, eius fidei sese permitteret; vix vnquam
 qui læserint deponentibus odia. Ferdinan-
 dus sæpè cum Cardinale Ambosio sermo-
 nem miscebat; vtque penitus in cuiusque
 vota penetrabat, spem tiaræ mouit; ac pri-
 mus de conuocando in Iulium Concilio ver-
 ba fecit; Ambosio haud satis in sagacitatem
 Principis tecto, nec in altissimas ipsius late-
 bras peruadente. Tandem post mutua bene-
 uolentiæ officia, perrexit in Hispaniam ire
 Ferdinandus; regressus est Ludouicus in
 Insuæres; palam instaurata societate; & plu-
 ribus secretò deliberatis, quæ fuerunt clam
 posteris. Urgebat interim Pontifex Impera-
 torem; idque colloquium in Ecclesiæ per-
 niciem institutum exostulans, permiscebat
 querelis omnia. Et quidem sancti Galli dies
 aduenerat, atque Imperij copias Maximilia-
 nus præstolabatur; sed cùm ea lentè accede-
 rent, atque inuitæ propemodùm, quod Ma-
 ximilianus suo nomine non Imperij bellum
 capefferet; is tandem gemmis diuenditis quæ
 priuatim contraxit exercitum, Tridento mo-
 uens, in Italiam ducit, ac primùm in Vene-
 torum ditionem irrumpit. Verùm postquam
 Cadoram in Foro Iulio expugnauit, repente
 conuerso itinere, & bello derelicto, vt erat
 in consiliis præcepit Oenipontem se confert:
 Aluianus interim Venetorum Dux, occlusis
 faucibus per quas Germanis patebat reditus,
 conferto prælio duo millia obtruncat, reci-
 pitque Cadoram; nec eo contentus, fines
 ditionis suæ prætergressus, Goritiam cepit,
 atque ultra alpes Possonium. Nec Maximili-
 ano vindicandæ contumeliæ facultas fuit;
 qui postquam per plura loca discurrens; nihil
 promouebat,

*Maxi-
milia-
nus. In
Italia.
Cadore.*

promouebat, tandem cum Venetis inducias in triennium pactus est; Rex hoc metu liber discessit in Franciam.

Sed extemplo ex scintillâ minimâ ingens exarsit incendium, quo conflagrauit Italia, atque ipsa Francia afflata & violata est. Rex molestum habuit quod Veneti in paciscendis induciis sui meminissent, verbis haud satis conuenientibus, nec Principe inter socios loco, quòdque iis Geltrium Ducem sibi fœderatum non appellassent, & tametsi hæc leuia ad mouendum bellum admodum forent; tamen plures iniuriæ veniebant in mentem, quibus se affectum à Venetis querebatur; occurrebat nullum officium ab iis præstitum, nisi ab priuatum commodum & vtilitatem; Cremonam atque agrum ad Ad-
duam eos detraxisse, & pro stipendio brevis militiæ vsurpasse; Mediolanensibus exulibus & desertoribus præbere hospitium atque asylum, contra fœderis leges; Neapolitani regni iacturam illis adscribendam; quid enim Consalius absque illorum ope potuisset? num ipsi Baroli eum aluerant atque sustentarant? num Germanis iter præbuerant? num Aluianum cum suis copiis ad Lirim miserant, vnde victoriam parauit Consalius? num ipsi falsis delationibus Pontificem in Francicam gentem exacerbauerant? Sic conceptum odium vti effunderet, Maximilianum, Pontificem, & Ferdinandum in noui fœderis societatem appellat; & sua cuique ratio in-
eundi erat. Nam diu Pontifex vrgebat Ludouicum ad bellum indicendum Venetis; vt quas vrbes in Flaminia retinebant tandem reciperet; Maximiliano permolestum erat, quod ij suas vrbes atque arces nuper expugnatas non redderent, quod Aluiano decreuissent triumphum, suæque spolia barbaricorum instar appendissent in templis; & Ferdinandus vehementissimè cupiebat
Neapolitani

—
LUDO
VICVS
XII.

I V.
*Bellum
in Ve-
netos
suscep-
tum.*

——— Neapolitani regni arces recipere, quas Fer-
 LVDO dinandus iunior illis addixerat. Nihilomi-
 VICVS nus non æquis animis in fœdus ventum est;
 XII. nam Pontifex atque Ferdinandus, quanquam
 sua eripere Venetis admodum cuperent,
 tamen tanti belli perspecta serie, *prouidebant*
penitus miscendam Italiam, ferocissimas
gentes Francicam & Germanam euocatum
iri, incendium facile ab vicinis adibus trans-
mittendum in suas; quod excitaretur qui-
dem nullo negotio, & ægerrimè opprimeretur;
accessuram Francis Cremonam cum agro
opulento, plûsque ex amuli commodo peruen-
turum ad se incommodi, quam commodi ex
quæsitis urbibus nasceretur. Ita lentè ad vl-
 tionem & bellum pergebant. Maximilianus
 contra toto impetu vindictæ impatiens id
 id concupiscebat. Et verò Ludouico oppor-
 tunius fuerat abstinere à fœdere, suisque in-
 iuriis vtilitatem præuerrere; quæ enim socie-
 tas cum infensissimis æmulis tuta esse pote-
 rat? aut quid iuuaret Rempublicam per-
 dere, cuius maximè intererat, librare æquam
 potentiam Principum, ac vetare ne quis præ-
 polleret in Italia, & qui ad Ferdinandum ob
 publicam vtilitatem se tam præceps conuer-
 terat, eo animo debuit cum Venetis agere;
 vti prudenter Poncherius archiepiscopus
 Senonensis instabat in consilio; sed non
 semper homines moderantur affectibus; &
 vindicta in Ferdinandum ardua, videbatur
 in Venetos prona & facilis. Nec omninò
 Veneti à culpa immunes, non quod Regi
 clam aduersati essent, id enim fortè postu-
 labant rationes suæ, sed quod fœderi non
 intercesserint; Pontificem aut Ferdinandum
 abduçturi haud ægrè, si quid sibi detrahi
 passi essent, aut si delinire commodioribus
 verbis placuisset infensos: an prudentiâ ni-
 miâ ab iis peccatum est, non credentibus
 eos societatem inire posse aut debere, qui
 inter

inter se inimicissimi essent, ac quorum maxime referebat Venetorum potentiam illibatam esse. Ita securos latuit fœdus quod Cameraci contractum est. Contraxerunt autem Margarita Austriaca, Maximiliani filia, & Cardinalis Ambosius, simulantes se de rebus Gelrij agere; cuius defensionem Rex in Imperatorem susceperat. Eò dicti Principes conueniebant, ut Venetos subigerent, singuli fœderatorum ex sua ditione communem hostem aggredierentur; Pontifex occuparet Faurentiam, Ariminum, Cerniam & Rauennam; Maximilianus Patauium, Vicentiam, & Veronam, Forum Iulij, atque Treuissium; Ludouicus Cremonam, Cremam, Brixiam, Bergamum, & agrum ad Adduam; Ferdinandus Brundisium, Hydruntum, Tarnium, Molam, atque Monopolin; qui primus suas vrbes recepisset, sociis in opem veniret; Ludouicus incunte Aprili primus bellum inferret, & quidem præsens, nusquam per legatos; Maximilianus quadragesimo post die; Pontifex & Ferdinandus per legatos suos. Alia pacta de Ducatu Mediolanensi, & de administratione Hispaniæ, ab fœderatis sancita. Iuxta hæc placita fecialem ad senatum Venetum Ludouicus misit, qui bellum indiceret; & indictum statim per Ambosium prætorem mediolanensem deliberari iubet. Ille incunte Aprili sex peditum millia, equitum tria trans Adduam ducit, agrisque vastatis, Cassianum & Casalem maiorem expugnat. Pontifex interim in hostem publicum fulmina expedit, diploma acerrimum, quo sacris Venetos interdicebat, vrbes & facultates inuadenti dabat ipsaque capita seruituti subiiciebat atque mancipabat. Iamque Rex vim facturus fulmini, transgressus Alpes, cum viginti peditum millibus, equitum decem ad Adduam flumen peruenerat. Nec Veneti se in malum imminens indiligenter

LVDO
VICVS
XII.
Fœdus
Came-
racen-
se.

Anno
1509.

— diligenter munierant, atque in primis Ora-
 LVDO tores ad Pontificem, Imperatorem, & Fer-
 VICVS dinandum miserant, si qua obsecratione eos
 XII. à societate abducerent; sed cum tardius eo
 functi officio essent, nec iam integrum Prin-
 cipibus esset datam fidem abiicere, conuersi
 erant ad vim repellendam. At in sinistrum
 omen acceperant, quod arx Brixiana fulmi-
 ne icta corruerat; atque incendio naualis
 ædificij perculsi erant atque attoniti; eo
 quippe ingens pulueris tormentarij vis, tri-
 remes duodecim, multa ad fabricandas na-
 ues materia, momento conflagrauerant; præ-
 monente Deo frustra arma in proximam
 calamitatem parari. Nihilominus forti ani-
 mo exercitum instruunt, quem Ludouico
 opponerent; nam hinc tota belli moles in-
 cumbebat; erantque duo millia equitum at-
 maturæ grauis totidem Albanorum, ac tri-
 ginta millia peditum; cuius duces Nicolaus
 Petilianus cum summo imperio, Bartolo-
 mæus Aluianus cum proximo, vterque ex
 Ursinorum familia; additi à Senatu duum-
 viri; illustres patricij, Georgius Cornarus,
 & Andreas Grittus; patribus vetantibus ne-
 quam aleam pugnæ tentarent.

V. Dum ij Trenium oppidulum expugnatum
 Pugna diripiunt, Rex cum exercitu Adduam traii-
 ad Ad- cit, atque extemplò pontes deturbari iubet,
 duam. ne quid spei militi præter victoriam esset, &
 necessariò pergerent, quibus omninò abscin-
 deretur regressus. Ducebant primam aciem
 Trivulcius, Palissa, & Curtonus; mediam
 ipse Rex, comitantibus Antonio Lotharin-
 giæ Duce, Duce Gelrio, Niuernensi Comi-
 te, atque Albinio; postremum Longauilla,
 cum Marchionibus Mantuano & Monferra-
 tensi. Vbi ad hostem peruenit, nec pluribus
 velitationibus ad pugnam elicit, & ipsa im-
 moto Riuoltam expugnat; mutato consilio
 ipsum inediâ premere statuit, eamque ob
 rem

rem moris castris ad Pandinum contendit, quod oppidum si obtineret, interciperet commeatum, quem hosti Crema & Cremona submitterent. Veneri Regis perspecto consilio, mouent castra pariter, & Pandinum versus exercitum agunt, primi destinatum oppidum occupaturi. Duo itinera cum in locum ducebant, vnum inferius ad ripam Adduæ, propter amnis flexus torquosum & longius; alterum superius & multo breuius, ob viarum compendia; primum Franci ingressi sunt, alterumque Veneti. Porro ipsorum duces discrepabant multum sententiis; nam Petilianus, ætate iam senior, decocta per multam experientiam militari audacia, nec inscius, quam terribilis Francorum impetus foret, stans Senatus decreto, abhorrebat à pugna, atque hostem diuturnitate belli impugnabat; contra Aluianus, annis iunior, effervescente ad Martem sanguine, intumescens victoriâ de Germanis relatâ, necdum vlla clade maceratus, expetebat prælium; in palmam iam intentus haud dubiam, Regemque Franciæ adscribens in materiam gloriæ. Cùm igitur pugnam imperio quo inferior erat, non posset indicere, eam arte studebat conficere. Propterea auctor in consilio fuerat, vt eo ipso die castra mouerentur; cùmque festinandum properanter fuisset, & via breuiore occupari Rex poterat, de industria lentius incedebat, vt Regi occurreret, essetque opportunitas dimicandi. Nec res euenit secus quàm optauerat; quippe cùm duo gemina itinera in vnum conuenirent ad pagum, cui Aquadellum nomen, simul viæ caput ingrediuntur, primum Francorum agmen, & Venetorum postremum. Ad aspectum mutuum atque improuisum perculsi sunt aliquantum, (nam interiecta vtrique viæ Virgulta, densæque arbores, conspectum hactenus prohibuerant; recedunt tan-

*Giava-
dadda.*

LUDO nus cunctatus, latus procedente consilium,
 VICVS in proximo colliculo sex tormenta collo-
 XII. cat, iuxta in vinetis peditem, atque te-
 ctus præterfluente fluuiolo, Petilianum mo-
 net quo res in loco sit, & necessario pugnam
 ineundam. Petilianus siue ratus à pugna ab-
 stineri posse, siue amulum in discrimen cer-
 tum coniecturus, iubet cum iter festinare,
 & ipse suo cum agmine ultra pergit. Alui-
 anus periculo cupiditatem laudis incendente,
 ductum trans torrentem equitem in Francos
 immittit. Ij primo impetu fracti propemo-
 dum, retrò ad secundum agmen impellun-
 tur, quod Rex cum duceret, instauratur pu-
 gna, moxque Veneti ad colliculos suos re-
 truduntur. Tunc enim verò grauis oritur di-
 micatio; loci opportunitate Venetos in Fran-
 corum impetum propugnante: tormenta ex
 colliculo librata latè stragem in subiectos
 Francos inferbant; pedites torrente & vine-
 tis tecti ab equitatu securi, suo magno com-
 modo dimicabant; iamque Francorum plu-
 res ceciderant; Rex ad primos progressus
 ordines, obiciebat se certo periculo; nec
 paucos ad eius lateta tormenta conciderant;
 imò dicto egregio fortitudinem animi com-
 mendabat; cum enim à plerisque rogaretur,
 ut augustissimum caput præsentì discrimini
 tandem eriperet; *Globi, inquit, machina-*
rum, Regem Francia non audent contingere;
si quis timet, se tergo meo tegat. Eo
 exemplo Franci inflammati, per hostium te-
 letransmissio fluuiolo, tum pedites, tum
 parique equites effusi in pedes, enituntur
 à colliculo, machinas inuadunt, hostemque
 ex vineis in subiectos agros deturbant; nec
 inde dimicatione cessatum est, Aluiano suos
 adducens ad prælium, pugnantibusque
 cernens Breuelli; ij pedites Itali qui Hel-
 lenosum more arma tractabant; quique
 Aluianus

Aluianus præ cæteris fouerat, induerátque coloribus suis, rubro & candido. Verùm circumfuso Francico equitatu, atque Albanis equitibus raptis in præcipitem fugam, contriti sunt pedites, captus Aluianus, alterum lancea perfoſſus oculum, totúſque exercitus in fugam actus eſt. Tribus horis pugnatum eſt, caſi ſunt è Francis quingenti, gregarij omnes propemodùm; cæſorum hoſtium incertus numerus; aliis iacturam minuentibus, augentibus aliis; videntur ad minimum cæſa decem millia; nam deleta eſt media pars exercitus; alteram Petilianus duxit incolumem, qui ſi veniſſet ad prælium, victoriam agebat in dubium, & forſitan reportaffet; cùm pars ab vniuerſo exercitu tam difficile proſtigata ſit. Ita rem Venetam perdidit ſinguli Duces, alter audaciâ, alter prudentia, pugnando alter, alter abſtinentendo; adeò viis contrariis in perniciem itur; maximè cùm potestas diuiditur, & plura capita diuerſa ſuſcipiunt. Rex gratum in Deum animum vt demonſtraret, eodem in loco ædem Mariæ Deiparæ poſuit, quam Victoriæ Dominam dixit atque agnouit, & ea trophæa Chriſtiano Príncipe digna ſunt.

Vix vlla victoria tantum fructum tam breui collegit; die poſt pugnam vigefimo quinto ditione ſua ſpoliati ſunt Veneti, tot tantíſque urbibus quas per ducentos annos magno labore, curâ & ſumptibus comparaue-
rant. Vno curſu victoriæ Rex Caruaſium, Bergamum, Cremam, & Cremonam, nullo propemodùm vetante inuadit; ſi qui obſiſterent, necabat ſuſpendio, ad terrorem augendum, nobileſque Venetos qui in potestatem venirent habebat in cuſtodia; mox Piſcheriam arcem quam Veneti putabant inexpugnabilem, tormentis verberat, atque Vaſconibus ac Heluetiis per ruinam muri ſcandentibus vi capit, caſis præſidiariis. Ve-

VI.
*Pugnâ
conſe-
quuta.*

LV-
DOVI-
CVS.
XII.
*Vene-
rorum
ingens
trepida
tio.*

neti interea summo terrore affecti, præ desperatione clauum abiecerant; postquam audita est Aluiani clades, populus subita trepidatione insaniciens, quasi iam vrbe in media versaretur Francus, ad Senatorum curiam aduolat, opem, consilium, & salutem malis flagitatum. Ipsi Patres qui se ad deliberandum incluserant, totam diem noctemque plurimam terunt consultando, nec se metu aut trepidatione expediunt; auicularum instar quas viscus adstringit, eò magis implicantium se, quò se mouent contentius, malum præsens proximi metu augente; deiecti animo & sua illa prudentia, multa proponunt, nihil certi constituunt. Vñ prosperis rebus diutius, atque aduersa, ne cogitatione quidem præsumentes, Italicarum arbitri rerum, tanto studio conciliati à Regibus; repentè ab existimatione, ac gloria, & à potentia deturbati, felicitum instar quos affligit prima calamitas, proiciebant se, nullà spei luce affulgente. Legatos ad Pontificem, Imperatorem, & Ferdinandum mittunt, nam ad victorem non ausi sunt mittere; qui conditiones omnes acciperent, puramque chartam suis nominibus subscriptam offerrent: sed reiecti Legati, & terror supra periculum incumbebat. Etenim Pischeriam Rex postmodum capit; ac tanta formidine perculsi sunt Patres atque prostrati, vt de vna salute vrbis solliciti, decreuerint omne terrestre imperium abdicare, validissimas vrbes deserere, & abscissis membris truncum vnum corporis reseruare. Ita missi qui vrbes in Flaminia Pontifici darent, Rauennam, Cerniam, aliàque oppida; iussi magistratus, Patauio, Verona, Vicentia, cæterisque arcibus vrbi-
búsque decedere, quæ Imperatorum atque Austriacæ familiae fuissent; in Apulia Ferdinando redditæ, Brundisium, Hydruntum, arcésque singulæ, detractis præliis. Ita vna
victoria

victoria plurimas peperit ; Ferdinando maxime promouente rem suam, & nullo sumptu ; quippe sex dumtaxat naues in id littus miserat, labore alieno, validissimas arces expugnante. Atque eo loco admirari subit, quanta sit regnorum, quàm subita Imperiorum conuersio ; præclarissima illa Respublica prudentiæ, constantiæ, & sagacitatis à pluribus sæculis specimen, vnâ dimidiatâ victoriâ eò desperationis abiecta est, vt plura perderet quàm victor hostis rapuerit ; sibi que omnium hostium infensissima, momento absciderit, quod victorem hostem annis pluribus vel fatigasset vel exsaturasset. Nimirum Dei id opus est, qui aliquoties prudentiam humanam suo ductui tradit, permittit affectibus, clauum aliquantisper deserit dum procella sæuit ; ideò vt mortales, felicem prudentiam Deo, sibi infelicem atque euentu cassam adscribant. Et verò Veneti postquam Deo & mortalitati fecerunt satis, formidine sua & calamitate ; receptis illicò animis ; & fortitudine reuocata, se maioribus dignos præstiterunt, magnis æruinis prosperitate redemptâ, & primo illo metu intrepida audacia vindicato. Ac primùm saluti trepidantibus fuit Ludouici Regis moderatio, qui victricibus copiis modum fecit, sibi que vltro carceres posuit. Etenim Veronam & Patavium cùm cepisset, eas Legatis Maximiliani restituit, ne præsidio quidem introducto ; & postquam Venetos petitas vrbes deseruisse comperit, quasi debellatum esset, reducit exercitum, seque Mediolanum recepit. Magna proculdubio fide & temperantia, cui odium atque ambitio intra officium fuit ; fœderisque sanctitas gloriæ loco atque victoriæ. Ea temperantia restituti Venetis animi, iam sperare perditis rebus salutem aliquam ; cùm is abscederet, quem iam in urbem, in testa, & curiam peruasisse cre-

derent, sibiſque ipſe obſiceret aggerem. Conceptos animos promouit, Imperatoris lenta cunctatio, qui imparatus ad neceſſaria, dum moras in ſcribendo exercitu fecit, poſtea in Vicentinis ruſticis domandis commodum tempus impendit præpoſterè; Venetis ſpatium dedit recuperandi Patauij; muniendi, ac propugnandi: Atque ij deinceps tantis animis, tantæque fortitudine ſe geſſerunt in calamitate, vt nouâ gloriâ ignominiam primam expunxerint, gradumque poſuerint; quo ruſus in apicem primum aſcenderent, & fortunam fugitiuam aſſequerentur. Acceſſit, quod à Pontifice Iulio in gratiam admiſſi ſunt, & conciliati cum Eccleſia, reuocatis diris, oppreſſiſque fulminibus. Ludouicus præterea reuertit in Franciam, præpoſterè omnino, traditis Maximiliano ſeptingentis Cataphractis, & quatuor millibus peditum, præfecto Paliffa; nec regreſſus eſt, niſi inſtaurato cum Pontifice foedere; quamque queſtus plurimum, quod Venetos tam facile recepiffet in gratiam.

Vix Franciam tenebat; inter ſuorum gra-
tulantium plauſus, cum noua belli ſeges &
moleſtiſſima quidem enaſcitur. Diu Iulius
Pontifex clam diſſentiebat à Rege; quippe
Regis in Italia vires atque auctoritas, permo-
leſtæ ipſi erant & Ambroſius priuatim excita-
bat inimicitias; qui in ambiendo Pontifica-
tu æmulus fuerat, & credebatur eandem
ſpem alere aut cupiditatem; imò quidpiam
de conuocando Concilio inaudiuerat Iulius;
& Legati authoritatem patiebatur inuitus, in
eum conferri; Franciâ quodammodo à Ro-
mano cenſu & poteſtate abſciſſâ. Ita conce-
ptum in Ambroſium odium, in Regem atque
Rempublicam vertebatur; quando Regis
mens regniſque fulcrum Ambroſius erat. Pro-
rumpebant identidem ſcintillæ odij, ac ſe
Iulius aperiebat, teſtiumque incendium; ſed
hactenus

hactenus Ambrosij prudentia Regisque pietas flammam restinxerant, obductis cineribus, atque amoto longius fomite. In præsentia, causa leuissima, iam dispositis inuicem animis inflammauit incendium, quo Europa propemodum tota conflagrauit. Obierat in aula Romana Phocensis Antistes, illi successorem inconsulto Rege designat Iulius; Rex id contra pacta factum expostulat, & secus quam Cardinalis Ticinensis ipsi promississet, asseuerat Iulius nullo pacto id cautum; nec audebat Cardinalis metu Pontificis promissum dicere; ita stante in sententia Pontifice, Rex, quanquam obnitente multum Ambrosio, Pontificum & Sacerdotum Mediolanensium, qui Romæ agebant, reditus annuos, seponi iubet, ac dari sequestro, dum aliud videretur. Sic offensione mutua quidquid beneuolentiæ erat extinguitur, atque inquiritur quomodo tandem prorumpant odia. Tempus instabat quo Helueticum fœdus desinebat, eratque nouum instaurandum, ut cum Rege societas staret; clam curat Pontifex, ne Heluetij de instaurando contenderent, tum propius ad belli causam se admouens, Ducem Ferrariensem aggreditur; is erat Alphonsus Regi fœderatus atque ob arctam in Francicum nomen fidem acceptus. Causa dissidij Comachium vrbs in Flaminia; quæ ad mare Superum posita affluebat salinis; diu Ferarriensium ditioni adscripta: erat pariter in eadem prouincia Cernia, nuper Pontifici à Venetis tradita, conficiendo salii opportuna; verum Comachium cum longè meliorem & vberiore salinem excoqueret, eum Flaminia ac propemodum Longobardia tota commodiore pretio comparabat; salinis Cerniæ repudiatis, ac nullius iam pretij. Eam ob rem Pontifex cum vestigalia valdè imminui cerneret, Comachium repetit quasi feudum Ecclesiæ,

—
Lv^a
DOVI^a
CVS
XII.

Chay-
mont le
Polefin

Ambo-
sij Car-
dinalis
mors.

quod esse imperij profitebatur Alphonfus. Expostulabat etiam Pontifex, quod Ferrariensis quædam vectigalia exigeret à nauigiis Pado in mare Superum vectis; idque clientis in dominum culpæ assignabat. Bellum interim progrediebatur in Venetos: Maximilianus arctiori fœdere se cum Rege adstrinxerat; Ferdinandus assentiebat in speciem, & copiis fœderatorum cataphractos quadringentos adiunxerat, nondum societatem ausus ciurare, recepto iam præmio; atque Insubrium Prætor Ambosius, quem Calmontium in posterum dicam, comite Duce Ferrariæ, Poleselianam ad Padum peninsulam eripuerat Venetis; duobus lăceariorum millibus, & duodecim peditum sub Vexilla ductis, iisque postmodum Principe Analthino quatuor Germanorum millia adiungente, in Vicentinum agrum effusi; Vicentiam, aliasque vrbes expugnauerant; Bajardo dimicatione fortissima duo Venetorum millia concidente. Dum hæc geruntur; de dirimenda Ferrariensis controuersia Rex amicè agebat cum Pontifice; eratque spes sopiendæ discordiæ, nisi Regis Legatus in contraria omnia instigasset. Is erat Albertus Pius Carporum Comes; qui priuata odia in Ferrariensem exercens, quod Carporum partem Hercules Alphonfi pater occupasset, veritusque ne Alphonfus concupisceret alteram partem; odio & metu acerrimis impulsoribus, quem mitigare debebat, Iulium incendebat, Regisque causam prodens, intendebat vindictæ; rara in iis fide, quæ utilitate parata est; & discordiæ facem incendit mors Cardinalis Ambosij; qui morbo extinctus est; prorsus inculpatus, & dignus tanto Principe tantisque rebus administer; nemini vnquam infensus, gratiam atque potentiam ad beneficentiam impendere solitus; priuatas opes non accumulauit; vno contentus sacerdotio, & erant

insulæ

insulæ Rothomagenses ; rei sacræ commercium nusquam instituit ; sincerus & candidus in tractandis negotiis , longè à fraude & perfidia abhorrens ; dicitur tiaram ambiuisse nimio studio ; quanquam ea ambitio publica potius quàm priuata erat ; hoc est concepta boni publici causâ non priuati ; nam sui conscius , videbat quem animum quâsque dotes in dignitatem summam induceret. Quàm utilis suæ Franciæ fuerit , tam carento patuit , quàm fruendo ; Rege sæpius desiderante , quem auctorem sequi posset ac vellet. Id enimverò non latebat Iulium , qui post raptum Ambosium ardentius inceptis institit , nec tantoperè gauisus est sublato æmulo , quàm amoto gubernatore , qui procellas frangeret.

Per eos gradus progressa discordia , iam iam eruptura , comparat socios ; Ij Hispani erant atque Heluetij ; & quidem Hispanos non dubitabat Iulius quin ad se alliceret , gnarus quantum Ferdinandus à Ludouico metueret ; nec eum bona vnquam fide reconciliatam , idque adeò uti perficeret , Ferdinandum admittit ad Neapolitani regni clientelam , eâdem lege qua Alphonsus senior , quod pernegauerat hactenus ; atque in Pontificis gratiam Ferdinandus , ut erat foederum concinnator egregius , nuper cum Ludouicus pacem contraheret cum Henrico VIII. Angliæ Rege , eam conditionem insinuauerat , ut pax nulla esset , si Ludouicus aggrediretur bello Ecclesiam ; porro Henricus Catharinam Ferdinandi filiam uxorem duxerat. In demerendis Heluetiis plus impensum curæ atque industriæ : id perfectum tandem Schineri operâ , atque adeò ipsius Regis. Matthæus Schinerus , humili loco & origine , sed ingenio præditus atque altitudine animi , litterarum studiis primùm commendatus , per plura sacerdotia , ad Episco-

LYDO
VICVS
XII.

VIII.
*Hispa-
ni &
Helue-
tijs lu-
lio ad-
harēt.*

Schiner

LVDO
VICVS
XII.
Sion.

patum Sedunensem peruenit; atque ut sacris admisceret profana, aulæ cupidus, auctoritatem apud Heluetios populares Ludouico ostentat, & venalem exhibet, si se Ludouicus præstet emptorem. Verùm cum maiori pretio æstimaret operam, à Rege spretus est, affirmante non adeò sibi viris opus esse, ut tanti vnum emat; & is erat optimi Principis nauius, quod pecuniæ infra Regem parceret. Sedunensis indignatus flocci haberi induitriam suam, ac se ostensurum iuratus, quanti esset vir vnus, ad hostes Franciæ se atque operam totam addixerat; primùm Stortix, postmodum Maximiliano, postremum Iulio, perpulitque Heluetios frequentia laude facinorum quæ patrauerant, ut se ipsi pluris facerent, atque à Ludouico plura reposerent; mox incensis adhortationibus ut Iulio atque adeò Christianæ Ecclesiæ, se res suas, & clarissimam toto orbe militiam darent atque conseruarent. Imò Ludouicus studia multum promouerat. Heluetij per fœdus cum Ludouico XI. initum percipiebant in pensionem annuam sexaginta librarum millia; iam transacto tempore fœderis, pensionem augeri flagitant, obtendentes comoda, fructusque plurimos ex militia sua in Franciam his proximis bellis deriuatos; at cum id postularent audaciùs, & multo tumore sua facinora exaggerarent; Rex vanitati & cupiditati succensus, magno contemptu eos à se abiicit, indignatus montanos rusticos, sic enim vocabat, Franciæ Regi tantum vectigal indicere. Moxque ut depulsis dolorem inureret, fuscitatis æmulis, cum Rhætis atque Valesiis contrahit societatem, qua in re duobus affectibus obsequentior, iræ & parsimoniæ, res suas & publicas in discrimen coniecit; nec admisit consilium negantium abrumpendum fœdus cum ferocissima gente; *pedites Heluetios in Europa*
tota

tota fortissimos, Francos equites eodem in pretio ac terrore esse; hos inuictos fore, quando illos sub signis habuerint; ignoscenda viris fortibus verba audacia; nec parcendum pecunia, qua laus, victoria, & præmia locupletissima comparantur; Regi, cum sit omnium pater, priuatos affectus nunquam audiendos. Rex hæsit in consilio pertinax; tumque primum Cardinalis desideratus est, qui ipsum ad meliora, prudentiâ verteret, atque insinuaret quod præstaret exequi, non quod iuuaret. Repudiati Heluetij Iulio se tradunt, quanquam minore stipendio, quam quod à Ludouico exegerant; Sedunenfi Pontifice pietatem & religionem in stipendium amplum appendente. Iis præsidiiis munitus Pontifex, postquam à Rege Maximilianum auellere frustra conatus est, bellum inepturus, Ducem Ferrariensem fulmine Ecclesiæ ut rebellem afflat, statimque ad belli molem accinctus, ex Italia pellere Francos aggreditur. Mediolanenses exules atque Heluetios mouet; illos qui clam Genuam inuadant, eos qui palam in Mediolanensem Ducatum irrumpant. Verum hic conatus primus irritus fuit; & maiori strage Italiæ tanta tamque ardua res erat obeunda. Cum exules susceptum consilium lentiùs atque apertiùs, quam postularet res, exquerentur, spatium fuit Ludouico Flisco Genuam introducendi octingentos milites, & Preianes classe ad portum adducta, Venetorum naues metu in fugam egit. Sic prima illa spes effluxit; nec aliter discussus ab Heluetiis metus. Ij collecti ad decem millia, per Belinzonam, quod proximum iter, ad Trissium fluuium admoti, sexcentos Francos qui ponti præsidio erant, primo impetu pellunt; tum ad læuam flectentes, ad Vedani pontem perueniunt. Eum insidebat Molardus cum Vasconibus, verum ab Heluetiis superioribus numero haud ægrè:

LV-
DOVI-
CVS.
XII.

*Belin-
zonam
à Tris-
sio
Anno
1519*

*De Ve-
dani*

pellitur, viamque ipsis ad interiora permit-
tit. Adequitabat Ambrosius cum cataphra-
ctis quingentis, ducebátque peditum qua-
tuor millia, nam cæteras copias in Veronen-
sem agrum ad Cæsarianos dimiserat; ideo-
que inferior, conferre non ausus prælium,
nec frontem obuerrere, carpebat latera, at-
que alimenta præripiebat. Cum interea quar-
tis castris Comum hostes peruenissent, at-
que ambigerent Franci in quam partem con-
uerterent se; ij repente omissa expeditione,
quam destituti pontibus, tormentis, &
commeatu susceperant, regrediuntur in pa-
triam; Calmontio parcente euntibus, sat fe-
cisse ratus, quod à procella se eripuisset. Nec
ideò Iulius à consilio destitit; sed Marchio-
nem Mantuæ, quem à Venetis liberari cura-
uerat, summum militiæ Prætorem dicit
(Confalonarium Ecclesiæ vocant) adiuncto
Nepote, duce Vrbinatæ; tum diras pronun-
tiat in eos qui contra se militarent, Calmon-
tium speciatim designans, suumque exerci-
tum in Ferrariensem agrum immittit.

Interea Maximilianus conciliandæ paci
intendebat; à Iulio sæpius de auxilio com-
pellatus, cum nec Ludouicum deserere vel-
let, nec in Pontificem bellum suscipere; dis-
sentientes reuocare in amicitiam studebat;
atque in id votum accesserant Electores, &
ipsi à Pontifice appellati, Florentini, cæte-
rique; idque Veneti peroptabant summope-
rè, qui tædio belli tam ardui, & metu futu-
rorum haud difficulter ab armis cessassent;
atque Imperator Gurcensem Pontificem sibi
acceptissimum, oratorem ad Iulium destina-
nerat, vt pacem conficeret. Neque abs re
videbatur consensurus Iulius. *Quibus enim
præfidiis rem tantam tamque difficilem ag-
grederetur; Francos ex Italia pelleret; hoc
est bellicosissimam & potentissimam gentem
deturbare munitissimis urbibus, eoque cala-*
mitatis

mitatis adigere, ut tueri parta non possit, & cum clade perpetuam ignominiam perpeti? Iam deficiebant Helvetij, & tentatis frustra Insubribus, ferocitatem abiecerant; præterea qui aureis dumtaxat pedibus ingrederentur; unde immensa opes, quibus promouerentur tanta corporum moles? Ferdinandus in bellum parum admodum conferret; assuetus arte grassari, alienis sumptibus augere sua commoda, & tragœdias sociorum spectare è proscenio; in Venetis plus impensa apponi quàm fructus exigi; qui iam cladibus & miseriis fracti, bellum traherent potius ac ferrent, quàm gererent, viris exhausti atque pecunia; quibus quiete & otio, non labore & bello opus ad valetudinem foret; porro Anglus longius ab Italia distabat, nuper initum fœdus cum Franco vix nulla oborta causa soluturus. Ita rem æqua lance pendentibus videbatur pax certa. At tamen Iulius in contrarium raptus, nouam paci optatæ conditionem adiecit, ut Genæ libertas daretur, licerétque suis legibus eiuitati agere. Eo modo abrupta pax. Igitur Ludouicus postquam necessitas belli indicta est; gnarus in quem hostem arma capefferet, cui religionis atque Ecclesiæ nomen pro clypeo foret, uti se in hæc arma communiat, Episcopos totius Galliæ Turones conuocat, atque apud eos Guilhelmus Brissonnetus Antistes Maclouienfis & Cardinalis conqueritur; Regem nulla sua culpa à Pontifice impeti; ab eo vim Ferrariensi Duci inferri, una de causa quod Francis socius & amicus esset, simul statuiffe Francos omnes ab Italia pelleri; Regem adhibuisse omnem industriam ut ab irato pacem exoraret; perstare iram Pontificis, bellumque iniquissimam palam indicere; Regem flagitare quid in eo rerum articulo sibi agendum sit. Atque ut responsum certius habeatur, ab coetu Præsulum octo porissimum postularas,

LV-
DOVI-
CVS
XII.

Rex
Episcopos
conuocato.

sub tabernaculo perpeti, munusque implere
tum ducis tum militis. Nec à periculo im-
munis sollicitudo hæc fuit; sæpe vibratis in
eius tabernaculum tormentis hostium; ut
semel duo domestici in culina eius occisi sint,
& ipse tabernaculum commutauerit sæpius;
vix tamen vnquam è castris digressus. Tanto
ardore vicit tandem hyemen, & fortitudinem
hostium; nam Miradulani desperatis auxiliis,
cùm murus iam magna parte prostratus, &
fossarum aquæ alto gelu constrictæ, hostem
admitterent, parantem in proximam diem
oppugnationem; pacti sunt deditiõnem, Tri-
uulcia cum bonis & liberis abire permissa;
sed Alexandro, & quibusdam centurionibus
captiuis. Iulius moræ impatiens, cùm in
arcem portis obstructis non illicò pateret
aditus, in eam per muri ruinam sublatus,
sensum victoriæ magnum percepit. Paulò
post Calmontius dolore, ut creditur vitam po-
suit; quod eam arcem contra quam spopon-
derat non seruasset; iam ab Cardinalis pa-
trui obitu, obnoxius tum inuidentibus, tum
iustè expostulantibus; & ferebatur condonare
multa militibus, ne quid in se profer-
rent. Triuultius Marescallus Franciæ, co-
piis præfectus est, dum nouum ducem Rex
diceret.

LVDO
VICVS
XII.

Iulius expugnata Mirandula, in amplio-
rem accensus spem, ut felicitati proclive est
ad maiora assurgere, Ferrariam ipsam belli
caput oppugnare statuit; rem facilem arbi-
tratus, si Bastiam Geniuolanã eriperet. Ea vi-
cesimo quinto milliari supra Ferrariam, ciba-
riis aditum aperiebat in urbem, Venetis
inferiorem anem occupantibus; ut si Bastia
semel eriperetur, breui Ferraria omnium re-
rum inopia laboraret. Nec temerè ita Pon-
tifici visum. Extemplò Bastiæ quam viginti
quinque homines tuebantur, Fortius dux
Venetus octo hominum millia admouet; &
deiectos

X.
Ferraria ser-
uata.

— deieſto muro in ſequentem diem aggreſſio-
 LVDO nem comparat. Inſuperabile malum videba-
 VICVS tur, premebátque Ferrarienſem Ducem rui-
 XII. na Caſtelli, quæ Ferrariam ipſam profligaret.

At Baiardi conſilium, & præſens animus,
 periculum diſcutit, magno hoſtium malo
 atque dedecore. Auctor eſt Duci, vt conti-
 nuò nocte ipſa aduerſo Pado nauigent pe-
 dites; atque ita nauigiis impoſiti Franci bis
 mille octingenti Heluetij; (& ij militabant

Mon-
royſon. inuitis popularibus;) tum ipſe cum Mon-
 toyſonio, expéditionis ſocio, ducentos ducit
 Cataphraſtos; & ij omnes ad inſcium ho-
 ſtem prima luce propè admoventur; mox

Anno
 1511 Baiardus duabus ex partibus impreſſionem
 inſtituit; ingenti tympanorum ſtrepitu, &
 tubarum ſonitu; nec cunctati hoſtes ruunt
 omnes in alteram partem, pelluntque Hel-
 netios; cùm ad tergum virget Dux impro-
 uiſus, atque incautos inuadens, cædit paſſim
 agítque in fugam; caſa tria peditum millia
 ex Pontificiis, capta tormenta & impedimen-
 ta, & liberata metu Ferraria: hoſtilis equi-
 tatus maturâ fuga ſeruatus eſt. Eo facinore
 compensata penè Mirandula, & Iulij proſ-
 peritas paulò retracta; at animi flammæ ne-
 quaquam reſtinctæ. Non ceſſabat interea
 Maximilianus paci contrahendæ incumbere,
 miſerátque Guriſenſem Episcopum vt rem-
 conficeret. Et quidem exceptus à Pontifice
 magnâ honoris pompâ, cùm ſe ſuperbiùs at-
 que arrogantius gereret, nec Pontifex ſince-
 re pacem admitteret, bellum interuallo bre-
 uis ſopitum conſurgit. Illud extemplò cele-
 ritate magna Triuulcius mouet, ac tametſi
 exercitu adhuc inualido, Concordiam capit,
 & ad rem maioris momenti animum appli-
 cat. Erant in eius caſtris Bentiuoli; nuper à
 Iulio pulſi Bononiâ, & quidem Rege opi-
 tulante; ea in vrbe in qua diu Bentiuoli im-
 perium tenebant, factionem alebant ciues
 quam

Bona-
nia.
Bapti.

quamplurimi ; quorum ope freti persuadent Triuultio posse urbem capi. Ille eam in spem tertiis castris ad Lauinianum pontem perueniens , quinto Bononia milliari distabat ; cùm Iulius qui Bononiæ agebat metu perculsus , ne quid fortè factiosi ciues in salutem suam machinarentur , statuit vrbe decedere , verùm antea seruandæ ipsi intendere. Ea de causa quadraginta optimates in palatium vocat ; præsentibus alloquitur ; de periculo proximo certiores facit ; imminuit tamen quantum potest ; docet audaciam hostium à Bentiuolorum desperatione profectam ; ipsos ardere tyrannidis renouanda studio ; imminere cupiditate præda inflammatos , & siti sanguinis ; grassaturos per omnium capita , nec crudelitati fore ullum repagulum , nisi quod ciues ipsi posuerint , quare eis enitendum ut repellant audaciam ; adesse nepotem ad portas cum subsidiario milite ; eo si utantur , suosque animos ad obfistendum confirmant ; frustra futuram tyrannorum amentiam ; salutem urbis in ciuium animis positam esse ; se Rauennam ob rem magni ponderis proficisci , rediturum extemplo , & fortissimis ciuibus præmia largiturum ; interea Duci Vrbinati quem dixerat , & Cardinali Ticinensi obsequium præsent. Ad ea ciues , gratiis actis , quod se Pontifex à Bentiuolorum sæuitiâ vindicasset , atque exaggerato magnificis verbis beneficio , spondent seruitutem perpetuam , seque omni conatu depulsuros publicum hostem , suæque patriæ nefarium parricidam. Iulius hac pollicitatione confirmatus , deducenribus Hispanis equitibus Rauennam contendit. Administrabat urbem Cardinalis , dux Vrbinas cum exercitu tribus ab vrbe milliariibus , copiis Francis intendebat. Vix Bononia exierat Pontifex , cùm apud ciues tumultus instituitur. Plerique affines Bentiuolis , alij socij

—
LVD
VICVS
XII.

& rapinarum participes ; *felicitem regimi-*
nis sui commendare , deplorare conditionem
ciuium atque ciuitatis , quod miseria omnes
simul cum imperio Iulij irrupissent , esse ad
portas geminum exercitum , tam insensum
qui defenderet quàm qui oppugnaret ; facul-
tates suas in proxima messe constitutas ; vasta-
tũ iri agros , villas incensum , succisum arbores ;
quid si Francus in urbẽ irruat ? quis obsistendi
modus ? quis repellendi ? an non præstet Benti-
uolum semel excipere , amicum , popularem ,
suos intra muros natum , educatum , imbu-
tũque legibus suis , seque tot tantisque ma-
lis eripere ? hæc cùm plures dicerent , præ-
cipue Laurentius Ariostus , Bentiuolæ factio-
nis defensor acerrimus , & vnus ex quindecim
urbanis Centurionibus ; plurimi arma
corripiunt , re propius ad seditionem vergen-
te . Iis auditis Cardinalis Ticinensis , post-
quam seditiosos in castra ad Vrbinatem mit-
tere frustra tentauit , perculsus formidine ,
veste mutata , è postico palatij in arcem eua-
sit , relictã in prædam supellectile pretiosã ;
nec se arce tutum ratus , Forum Cornelij
præcepis confugit . Intellectã Cardinalis fugã
tumultus augetur , quem adeo prudenter
Ariostus regit , vt ciues ad portarum vnã
impetu facto , per eam effractam vocatos Ben-
tiuolos vrbe admiserint ; nulla pugna aut
eade , præterquam ad Rheni pontem , in quo
Pactius strenuè pro Pontifice pugnans victus
& captus est . Haud se vna vrbe conclusit fors
prospera ; nam metus ex muris in exercitu
peruasit . Urbinas prima noctis vigila ; impel-
lente formidine castra soluit , & fugæ pro-
pior recipit militem ; relictæ plures sarcinæ ,
comeatus atque tentoria ; imò aliquot ci-
uibus & rusticis insequentibus , direpta im-
pedimenta , tormenta bellica abiecta , ali-
quot è postremis cassi , cæterique in sædam fu-
gam effusi sunt ; adeo pugnantibus nihil suo
metu

metu terribilius, aut perniciosius. Arx diebus proximis reddita, atque ipsa vrbs à Trivulcio permissa Bentiuolis. Ex eo Pontifex cùm dolorem magnum accepisset, longè maiorem inuulit Cardinalis Ticinensis cædes; quem sibi percharum, atque excusum vt Bononiensem casum excusaret; Rouereus dux Vrbinas Rauennæ occidit, pugione in pectus impacto; quod ipsius culpâ atque ignauia, Bononiam perditam & profligatas copias diceret. Ob atrocem cædem grauiori molestia exacerbatus est Pontifex, quod interdicti a ultione irâ, (quomodo enim suum ipse sanguinem funderet?) impunè tantum flagitium foret auctusque in immodicum dolor, quod Rauennâ Romam se conferens, vidit palam affixa programmata, quibus indicebatur Pisis Concilium, atque ipse, vt coram se sisteret, vocabatur. Eius autem Concilij (quoniam in Christiano Orbe magnæ famæ fuit) quanquam ad Scriptorem Ecclesiasticum plurimum pertinet, seriem quantum ad rem meam facit, delibabo.

Tres Cardinales infensi maximè Iulio, Româ Mediolanum secesserant, Bernardinus Caruaialius, Franciscus Borgia, Hispani; & Guillelmus Brissonetus Francus; iis sex alii adhæserant, Philippus Lucemburgius, Adrianus Cornetus, Renatus Baiocensis, Carolus Finarius, Fridericus Sanseuerinus, & Hippolytus Estensis. Illorum tres quos primos appellauimus, suo & consortium nomine (rogantibus Cæsaris Regisque legatis) Concilium in Calendas septembres Pisis indicunt; ad concordiam Principum Christianorum, bellum contra infideles conficiendum, & reformandos Ecclesiæ mores, tam in capite quam in membris; idque iuxta placitum Concilij, Constantiensis; quam conuocationem cùm negligeret Iulius Pontifex, Cardinales vti Ecclesiæ patres ex munere

LV-
DOVI-
CVS
XII.

XI.
Conci-
lium
Pisa-
num.

————— nere dignitatis laboranti Ecclesiæ occurrisse.
 LVDO Id telum haud dubiè in vnum Iulij caput
 VICVS collimabat, cuius electioni vitium impinge-
 XII. batur minæque instaurabantur, repetendi
 Concilij Constantiensis, ipsiusque Pontificis
 deponendi; eumque ob metum Iulius vt se
 suasque partes confirmaret, octo in Cardina-
 lium dignitatem ad legerat; in quibus Schi-
 nerius Sedunensis Antistes, Christophorus
 Eboracensis Regi Angliæ acceptissimus, at-
 que Antonius de Monte, Aretinus, insignis
 Legum & gerendarum rerum peritiâ. Atque
 Pontifex, Aretino ipso auctore vniuersale
 Concilium in proximum annum indicit, ha-
 bendum in Basilica Lateranensi; quæ machi-
 na Pisanam Synodum prorsus evertit. Ni-
 hilominus Cardinales Pisani rem vrgent, &
 plerisque Episcopis è Francia conuenienti-
 bus Pisas opus ineceptant. Promouebat Ma-
 ximilianus consilium, à Sansseuerinate indu-
 ctus in spem occupandæ tiaræ; nam obierat
 coniux; & coronam Pontificiam Imperato-
 riæ adiungere vehementer ardebat. Quî An-
 tistites Synodo interfuerint, quid porro ege-
 rint, quid tentarint, accurratè narrant An-
 nales Ecclesiastici; ea recensere quando non
 est propositi mei; satis sit obseruare post ses-
 sionem alteram repente Pisis Mediolanum
 fugisse Antistites; nam cum Pisas Francorum
 cohortes aliquot insiderent, orto inter ciues
 militesque iurgio, cum ad arma ventum es-
 set, cæsi aliquot, multique saucij, idèd Pa-
 tres subito perterriti, raptim habita sessione
 tertia, vrbe abscedunt. Mediolani accepti
 parum gratis Sacerdotum animis, pergunt in
 instituta prouincia. Idemque postea ob Me-
 diolanensem Calamitatem, Lugdunum vo-
 cati, in eadem scena actores egerunt, ad Iu-
 lij mortem; qua audita Romam petentes vt
 suffragia in nouum Pontificem dicerent; ac-
 cepta Leonis X. electione, vltro ad eum pro-
 feci,

Anno

1513.

festi, & amice excepti, factam Ecclesiæ plagam persanarunt. Nec vnquam Regi animus fuit, charissimam matrem Ecclesiam Schismate scindere, aut ab eius ductu atque ouili sese abiungere; testatus plerumque eam se artem fouere plurimum, ad absterrendum Pontificem, atque æquam pacem obtinendam; idque mimicū esse ludum qui sub personis ageretur in sena; quanquam rebus sacris ille aburit, qui in profanum vsum deriuat; & fortasse tam Iulius quàm Ludouicus peccarunt; cū ille fulmen Ecclesiæ ad armandam priuatam vindictam in Regem immittit; hic cū ad vim repellendam reuertitur in Pontificem, quod sacrum erat, & supra sortem potentia suæ. Interim Iulius grauissimo morbo Romæ afficitur, deploratus à Medicis, aliquot horas pro mortuo est habitus; adeoque fama mortis sparsa fidem habuit: verum ex faucibus mortis reuocatus, & receptâ postmodum valetudine, prima instaurat consilia de bello virgendo. Et verò ad ægritudine recens propendebat admodum ad pacem, ac Rex Ludouicus eam supplex flagitabat, abiecto etiam Pisano Concilio, si Pontifex Cardinalibus parceret; eratque spes concordia, nisi Ferdinandus Aragoniæ Rex, Iulium in opposita rapuisset, atque nutantem in belli mentem impulisset. Ille hætenus Pontificem inter & Regem medias quasdam partes susceperat; nam Fabricio Columnæ mandauerat, vt ex equitatu Neapolitano trecentos cataphractos Pontificiis copiis adiungeret; porro caueret ne in Francorum fines irrumperet, bello in Ferrarienti agro gerendo; simulque vt lancem exæquaret, Villamarino præfecto classis Imperat, vt tredecim triremes ducat in Ligusticam oram, ad Genuam sub Franci imperio continendam sic laruam animo inducebat, nondum confirmatus in Castellæ regimine.

—
LUDO
VICVS
XII.

Ferd-
nandi
cum
Pontifi-
ce fa-
dus.

Mox

LYDO VICVS XII. Mox ab illo securus, cùm spectaret Pontificem ad pacem propensum, ratus quandiā Franci in Italia agerent, intutam sibi Neapolin fore toto nilū cum ad bellum concitat; iamque fœdus cum eo, quod sacrum dici Pontifex voluit, accedentibus Venetis contrahit: eamque in rem Petrum Nauarrum cùm tribus militum millibus ab Africano bello reuocatum, in Italiam mittit; sic bellum restauratur ardentius, nouosque animos veteri in Francos odio Iulius concitans, palam dicit, se natum liberandæ Italiæ, ex ea tandem pellendos Barbaros; ita Francos & Germanos vocabat; atque vltra Alpes molestissimas gentes amouendas.

XII. At verò Rex postquam in sanctitatem fœderis Pisanum Concilium adornauit; Præto-
Gasto rem in tota Italia Gastonem dicit; primò
Ferrariensis exercitus Longauillam ad eam prouinciā designauerat, innox Gastonem nuncupat, eundemque Ducatu nemursio donat. Is Comes Fuxiensis, Regi ex sorore nepos, & ex Ioanne Vicecomite Narbonensi ortus, iuuentute prima adolescens, iam biennium in Italia versatus, & amplissimæ spei ob militares virtutes, præfecturam suscipit magnâ omnium expectatione: atque illam immodicè cumulauit; primum felicitate, mox admirabili fortitudine: felicitatis fuit repulsus Heluetius. Comparabat se nouus Prætor ad subigendam Flaminiam cum ab Heluetiis magna belli moles illicò ingruit; illius gentis duo maximè pagi ad arma procurrunt; Suisiani, vnde in ceteros Suisorum nomen, quod ipsorum nuntium publicum Franci in Mediolanensi agro peremissent; & Friburgenses, ob quasdam iniurias; magnoque numero, instante hyeme, per torrentes pluresque fluuios, per angustias montium lacuumque voragines, arcto comœatu, nullisque equitibus, progrediuntur ad Insubres. Fuxiensi, ~~delecto~~ nondum habito, erant aliquot equi-

Heluetios repellit.

tes, & duo millia peditum; quos oblicere non ausus. Heluetijs, Auarum vsque oppidum procedit. Iamque Heluetij Varesium oppidum ceperant, auctoque ad sexdecim millia numero, Mediolanum versus incedunt; mox ad Adduam quasi amnem transitori ver-
tunt sed repente, sub terroris vim quem concitauerant, ambigentibus cunctis in quam Insu-
brium partem irruerent, cum pecuniam à Gastone per Centurionem flagitassent, ver-
sus Comum recipiunt se, atque hoste haudquaquam urgente, iter in patriam capessunt; metu tam facile sublato quam oblato; ac
verè, torrens qui è montibus in valles in-
funditur, rapturus segetes opesque rusticas, mox sua sponte nullis claustris fractus dila-
bitur. Gasto ea formidine liber, incumbit Flaminia, & seruanda Bononia quam obsederat Pontifex. Atque is si Heluetios nun-
rio, aut spe aliqua recreasset, conceptamque iram aluisset, coniecisset Francos in arctas an-
gustias, sed totus addictus Bononia, Heluetiam expeditionem vel ignorauerat, vel ne-
glexerat. Intendebat ergo Flaminia, in quam exercitus foderis penetrauerat. Erant in
exercitus tum Hispani tum Pontificij, sexdecim peditum millia, equitum tria circiter; regebat Pontificios Marcus Antonius Co-
lumna, Hispanos Raimundus Cardona, pro-
rex Neapolitanus, cui in vniuersum exerci-
tum summum imperium. Postquam plura in Ferrariensi agro ceperunt oppida. quanquam
hyems asperrima esset, urgente Pontifice Bo-
niam obsident. In eam urbem præter
Bentiuolorum cohortes, Gasto miserat du-
centos Catafractos, & duo Germanorum
peditum millia, quos Lansquenetos ea ætas
dixit; præeratque Iuo Alegrius, atque Ode-
tus Lautrecus è stirpe Fuxiensi; ille vetera-
nus; hic adolescens, præclaro tirocinio, ar-
que sapius in posterum appellandus. Magna
tam spes in Gasto erat; quia ciues ple-

—
LYDO
VICVS
XII.

Bono-
niam
seruat.

Lan-
quen.

— ríque Pontifici obnoxij erant nec satis ample
 LVDO vrbs in machinarum fulmina ; & imminen-
 VICVS tem montem tecta erat & munita. Et Gasto
 XII. ad Finale castra metatus , quod oppidum est
 ii Flaminia paucis milliaribus Bononiâ di-
 stans, cogebat milites , & apparabat expedi-
 tionem. Eam ob causam hostis cum diu de-
 liberasset , quomodo expugnationem tenta-
 ret , vt simul urbem clauderet , & Gastonem
 excluderet , tandem placuit , ductis cunicu-
 lis , impressionem in urbem facere : nam vr-
 gebat Cardinalis Medicæus , Legatus Ponti-
 ficis, accusans cunctationem Cardonæ, Iulio
 ipso expostulante acerrimè , & Ferdinandi
 suspectissimas artes sugillante. Petro Nauarro
 cuniculorum data prouincia , quorum artem
 adinuenerat primus , saltem vsum ad peri-
 tiam summam deduxerat. Eos itaque ad Ca-
 stilioneam portam substruit muro , agítque
 ad sacellum quod muro imminebat ; simul
 machinæ ex alia parte murum ad triginta vl-
 nas deiiciunt ; eratque consilium duobus si-
 mul locis aggressionem instituere. Iam cu-
 niculi farti erant tormentario puluere , at-
 que Hispani ad faciendam impressionem re-
 uocauerant copias , quas ad Rheni pontem
 Fuxiensi obiecerant ; cum ille in urbem oc-
 tingentos equites , & mille pedites immit-
 tit ; lato Hispano , quia crederet haud se lo-
 co Fuxiensem moturum ; & is quidem de
 Brixia cogitabat. Ergo cuniculis ignis im-
 mittitur , magnóque casus vel moderantis
 casum Dei miraculo , vrbs seruator immi-
 nenti periculo. Murus extemplò cum horri-
 bili tonitru , sacellúmque adiunctum , in su-
 blimem aërem rapitur ; licuitque per aper-
 tum spatium mutuis hostibus sese inspicere ,
 atque animos in oppugnationem instruere ;
 cum illicò murus in sua fundamenta relabi-
 tur , támque aptè hiatum omnem implet , vt
 ne vnum quidem saxum aberraret. Eo pro-
 digio

digio fœderati attoniti, ab aggressione defistunt, quam eo loco nequibant instituere, altero nollent; propugnatoribus haud distractis; atque ad eò cunctis ad labem muri dimicaturis; ac ciues subito gaudio perfunsi, casum miraculo adscribunt, sacellum maiori habent veneratione, ac se qui Deo ipsi tam accepti forent, maiore studio tueri proponunt. Perstabat tamen ingens periculum, nisi Fuxiënsis in urbem venisset. Ille ab Alegrio atque Lautrecio appellatus, Finali sub vespere cum exercitu toto egreditur; erant autem cataphracti trecenti, peditum quatuordecim millia, suscepto per noctem itinere, viâ niuib. altissimis strata, & flante Aquilone fœuissimo; die proxima, nebulosa luce & caliginosa Bononiam intrat; hostesque ad eò latuit, vt die mox tertio ipsi ex capto dum excurreret equite, Gastonem in vrbe agere primùm didicerint. Et erat Gastoni mens irrumpendi in hostem illicò, nisi prohibitus ab Alegrio fuisset, fessum militem & quieti dandum opponente. Fœderati tam improuiso aduentu obstupefacti, statuunt obsidionem soluere, ipsâque nocte receptis tormentis, primâ aurorâ se ad Cornelij Forum recipiunt; nec magnoperè lacesciti à Francis; Gastone iam expeditionem nouam apparante.

Brixia Longobardiæ vrbs in Francorum potestate erat; eamque cum copiis obtinebat Iacobus Daillonus Ludæus: in vrbe agebat Ludouicus Auogarius Brixianus Patricius, qui studens Venetis, cum Andrea Gritto clandestina consilia init, ad tradendam urbem; & quamuis conatus primus fuisset irritus, altero tamen tum Auogarius tum Gritus contendunt tantoperè, vt vrbe capta, Daillonum in arcem fugientem compellant. Bergomum & aliquot in eo tractu oppida æmulata Brixiam se tradunt Venetis. Vrebat

LVDO
VICVS
XII.

ANNO
1512

XIII.
GISTO
Brixia
recipit.

Daillō
du Lu
de.

Gastonem tum vindicanda iniuria, tum seruanda arx, quique eam Franci obtinebant. Ergo gnarus quantum momentum in celeritate res militaris reponeret, quatuor peditum millibus relictis Bononiæ, viæ se accingit; ipsamque famam occupans, nono profectionis die Brixiam venit. Duos amnes transmiserat, Padum & Mincium; illum ad Stellatam, hunc ad Molendini pontem; in ipso transitu petita à Mantuano tessera, ne spatium denegandi daret; nec in ipsa festinatione cessatum à pugna, quasi puderet præclarissimum iuuenem pati ullibi hostem, quem non profligaret. Nam ad Athesim properans, cum accepisset Ballionium Venetorum Ducem, cum septingentis equitibus & mille ducentis peditibus (sex millia ducta alij scribunt) quos deducebat Brixiam, ad Scalam Insulam castra facturum; eam aggressus nec de Fuxio quidem cogitantem, vicit, & fudit, necatis captisque plurimis. Tum postridie Meleagrum alterum Venetorum Ducem pari fortitudine in fugam vertit; & profeminata cædibus hostium via, ad arcem Brixie castra ponit, cum versari Bononiæ crederetur. Et ipso statim aduentus momento, uti hostibus tandem innotesceret, Fridiani cœnobium, quod in via media situm erat, impeti iubet, expugnatque immixtis peditibus, quanquam solum frigido continuoque imbre maduisset; fusum præsidium, ac strage magna victum. Postridie Brixianos ad deditiorem hortatur oblatâ veniâ; illi freti Venetorum armis, atque ingenti rusticorum numero, cum audacius respondissent; Gasto impressionem instituit. E toto exercitu quadringentos cataphractos seligit, & sex millia peditum, partim Vasconum, partim Germanorum, quos ipse in primum arcis septum deductos alloquitur, *laudatosque quod hætenus hostem quacunque se obiceret*

ret peruicissent, inflammat ad pugnam; cum proditoribus dumtaxat, atque inermi rusticorum turba rem futuram, illustrem gloriam, prædâque opulentam, in præmium fore; confirmarent animos, & quâ ipse duceret sequerentur. Tum ipse pedibus ex arce in urbem primus omnium ruit. Imò quoniam cliuus lubricus erat, humo continuis imbribus resoluta, ut vestigia starent, exiit calceos, cæterisque exemplum imitantibus, proximum Venetorum claustrum aggreditur. Illud Veneti munierant cohortibus aliquot, bellicisque tormentis; sed primò Francorum impetu superata claustra, deiecti milites, captæque machinæ. Tum properatum ad aream, quæ ad Burletam (id publicum palatium, est) latè porrigitur. In ea Veneti nobiles militesque composuerant aciẽ, atque acerrimâ dimicatione ruentes excipiunt; Andreas Grittus Venetorū Dux, & Auogarius faciunt animos; *pro fortunis, pro salute, pro patria, pro liberis pugnent; in eorum fortitudine singula posita; rem esse cum latronibus cupiditate præda incensis, qui si primus frangatur impetus, fugam illicò capient.* Sic instituitur prælium longè atrocissimum; sed Veneti suorum sex millibus cæsis, in partem urbis inferiorem recedunt, quam arcem dicebant. Nec idèò profligantur, sed per vicos singulos capeffunt prælium, Brixianis etiam è tectorum pergulis & fenestris saxa & feruentem aquam fundentibus. Imò expugnata toties sigillatim arce; Grittus se in urbem recipit, fractus quidem viribus, sed animo integer, verùm propius insequente Alegrio, capitur cum Auogario; iâque nemine oppugnante, urbs direptioni permittitur: seuerè Gasto edixerat, ne quis se ad prædam verteret, dum locus ferro esset, tamque cupidè obsequuti milites erant, ut si quis ad prædandum diuerteret, ipsi illicò in eum

LVD●
VICV●
XII.

—
LVDO
VICVS
XII.

ruerent; atque ita parva victoria, & parva prada magna securitas. Ea sane cupiditatem militum impleuit; armata aureis octogessies mille. Parcitum tamen pudori virginum & matronarum, intentâ Gastonis solitudine, can e Francis quinquaginta admodum, ex homibus, tum qui militarent, tum ciues, tum turba rustica, viginti duo millia; ut ea expeditio pugnae amplissima loco sit, tum fortitudinis, tum euentus gloria. Auogarius ob prodicionem, cum liberis capite cæsus est. Bergomum, cæteraque oppida, victorem excipiunt; atque vna in vire cætera captæ sunt.

XIV.

*Pugna
ad Ramennâ.*

Tanti facinoris gloria Francorum laudem in Italia renouat, Regique spem facit tandem debellandi; quando præclarissimo iuueni, nihil arduum foret, nihil imperium: iubet itaque redire in Flaminiam, atque omni ratione in fœderatorum exercitum dimicare. Eò Regem præter confidentiam iuuenis, multa impellebant. Iulius ita an vltione exæstians, omnem Europam inflammabat in Francos; iam Maximilianum deuinxerat, & à Regis societate abduxerat; Angliæ Regem, Cardinalis Eboracensis industriâ, ad commouendum bellum incendebat; & is specie defendendæ Ecclesiæ, veteribus gentium odiis suscitatis, scribebat exercitum, classemque apparabat; imò cum Ferdinando socero fœdus contraxerat; quo alter Aquitaniæ, alter Normanniam aggressuri erant; Heluetij capitales hostes imminabant Insubribus, atque in dies procellosa nubes fulmen excoquebat: neque occurrebat opportunior defendendi modus, quàm pugnam conferere, reportare victoriam, perdomare proximos hostes, & futuros metu comescere. Gasto per ea Regis imperia in Flaminium reuocatus, atque admissio militum supplemento, plurimis post Brixensem prædam

prædam dilapsis, totum animum ad pugnam intendit. Verum in ea conficienda plus laboratum, quam in profliganda. Etenim hostes haud ignari, quid eo prælio quæreretur, abstinebant constanter; & quanquam Iulius ardore vehementi id reposceret; attamen Cardona prudentissimus Dux rem trahebat, eò maxime, quod nuper Ferdinandus per specialem nuntium vetabat, ne rem alex daret. Gasto igitur ut pugnam ab inuitis eliciat, ad Rauennam copias admouet, nec munitissimam nesciebat, tum muris, tum milite, Præfecto Antonio Columna, sed sperabat fœderatos ad eam seruandam potestatem pugnae oblaturus; & Columnæ promiserant se in eius opem affuturos vniuersis cum copiis. Nec mora, tormentis ingentibus muros diuerberat, statimque ad mouendum terrorem, qua patebat labe quæ anquam imperfecta, aggressionem semel iterumque instituit. Columna quanquam eas repulerat; tamen veritus ne ad tertiam quæ parabatur occumberet, fœderatos de periculo admonet, atque præsentem opem efflagitat. Est Rauenna mari Supero adiacens, duos inter amnes facili ambos vado; Monto vni nomen, Roncus alteri, urbem mediam cingentes alueis: duos inter amnes castra Franci posuerant; fœderati ad Roncum, qui fluebat ad dexteram, à Columna exciti, exercitum locant, tuti à prælio, ut rebantur, amne opposito; atque Flaminiam versus detracturi cibaria; eoque consilio fossa atque aggere castra communiunt: sic omni ex parte ad necessitatem pugnae Gasto adductus, cum præterea Germani à Maximiliano reuocarentur; & forte litteræ in Tribuni manus inciderant, Iacobi Empsij, Francis supra ceteros addictissimi, die ipso Paschatis, qui Aprilis erat vndecimus, ad laceßendum hostem progreditur. Cardona Petri Nauarri consilio per-

LVDO
VICVS
XII.

Annò
1512

—
 LVDO
 VICVS
 XII.

uium amnem Franco permittit, suasque copias in lata planitie, prætensâ fossâ, disponit. Tormenta in fronte omnium eminebant; tum adiecta curricula, eminentibus ad latera falcibus ferreis, onusta sclopetis maioribus, ut posteaquam globos effudissent, magno impetu prouherentur in hostem, ordinisque falcibus disturbarent; aderant in primo agmine Fabricius Columna, in secundo Cardona & Paludius Marchio, in postremo Caruaialius & Pescaria Marchio: numerabantur sexdecim peditum millia, & duo equitum. Francorum numerus propè adæquatus, quamuis in immensum augeat Maxiana, ad minuendum victoriæ decus. Primum agmen Dux Ferrariensis & Palissa ducebant: secundum quod constabat ex veteranis & Germanis sex mille, adiunctis Vasco-num duobus millibus, agebatur à Ludouico Brezæo Senescalco Normanniæ, & Petro Vrfæo summo equorum magistro: Gasto Imperator ad secundum agmen constitit, cum selectis equitibus, Lautreco, Alegrio, Ludouico Artio, Bajardo, & aliis quingentis, pugnam promoturus, quò vocaret necessitas: Nicolaus & Franciscus Scoti, cum Italis, in castris steterunt, ad Rauennates, si fortè prorumperent, repellendos. Dum primum agmen ingreditur, tormentis hostilibus plures discerpuntur, necdum ad fossam eruperant, cum duo millia desiderata sunt: nec minorem stragem edebant Francorum machinæ; quippe Ferrariensis dum aduertit eas incommodo loco collocatas, postquam situm mutauit, ut earum librandarum erat peritissimus, tantam eadem in Fabricij Columnæ cataphractos inferunt, ut ij quanquam iussi stare, tamen horribili strage perculsi, loco moti, impetum in proximum Gastonem fecerint. Excepti fortissimè, post breuem dimicationem, in fugam aguntur. Peditum longè

longè grauior pugna, diuersusque exitus fuit. Petrus Nauarrus, cui ob peritiam Cardona omnia committebat, quatuor Hispanorum millia ad fossæ oram locauerat, iussératque pronos in ventrem iacere, nec exurgere donec hostis fossæ succederet. Ij gnauius funguntur munere: Francis tumultuariè ad fossam ruentibus, surgunt improuisi, & disiecta pilarum grandine, Vascones sternunt; tum duæ cohortes, in iis erant mille ducenti Hispani, per fusos Vascones medijs erumpunt, atque incolumes prætergrediuntur; ceteri Germanos intra vallum admissos aggrediuntur, duræque pugna exoritur, qua Hispani vincebant, cum Franci equites Columnis fuis, victores adoriuntur per latera; spargunt, cædunt, penitusque disiciunt. Nec Hispanicus equitatus ultra contendit; agmen quod ducebat Paludius, cum in Francos pedites incurrisset, sepibus tectos, scloporum minorum grandine perturbatum & fustum est. Turmam ingentem Cardona ipse stragi eripuit, cum Caruaialio atque Antonio Leua fugam corripiens. Sic tandem Franco parta victoria; Artio & Bajardo persequentibus fugam, & Gastonem multum rogantibus, ne moueret se campo. At ipse dum componit victoriam, audit à gregario milite, cohortes Hispanicas, post fustum victumque Francicum peditatum, tuto Rauennam sese recipere; cæque erant cohortes duæ quæ per Vascones victos proruperant, atque compositè super aggerem ingrediebantur. Tum iuuenis motu martio raptus, indignatus tum suorum cladem, tum hostium incolumitatem, comitantibus triginta equitibus, in cohortes inuehitur. Deprecabantur Tribuni suppliciter, ne se in tantum periculum induceret; certam esse victoriam; quid eam rursus nullo pretio in discrimen vocaret; ex cohorte victa non accessurum plus gloriæ; fortes

LVDO
VICVS
XII.

Gastonis
cades.

viros in desperationem haud vsquam agendos ; saltem id munus permetteret aliis , nec res Italicas cum suo capite periculo tanto obiceret. Frustra hæc inueni dicta , sapiente fato in hostes inuolat. Ij via Regia incedebant , sublimi admodum , atque angusta ; nam hinc lata fossâ , hinc canali profundo clauditur , atque in fronte interceptis Gasto occurrit. Hinc pugna vehemens , sed inæqualis conferitur ; præ longis Hispanorum hastis deturbantur equites ; Gasto quatuordecim plagis perimitur , Alegrij tum pater tum filius pariter necantur ; Lautrecus acceptis viginti vulneribus pro mortuo iacet cæterisque in fossam aut canalem procumbunt. Ita Francis victoria luctuosissima fuit ; ipso Rege hostibus eam peroptante. Et verò Gasto viginti trium annorum iuuenis , Europæ trium mensium spatio innotuerat , in summam spem ac metum , ab auunculo in Neapolitanum Regem designatus , nec superstiti fuisset arduum Regnum comparare , fœderatis prostratis , & fama victoriæ vrbes profligante. Mortuo nullum trophæum solatiumve victoris defuit ; nam cæsa hostium decem millia , equites octingenti ; recensiti in captis , Legatus Cardinalis Ioannes Medicus , Ioannes Cardona , Marchiones Licitenfis , Paludius , & Pescaria , Petrus Nauarrus , cum machinis & impedimentis ; quamuis non incruento certamine , necatis Francorum quatuor millibus , & è Proceribus , Alegrijis , Humbercurtio , Molardo , Emptio , Maugironio , Grammontensi , & Bardassano. Rauenna capta , & crudeliter direpta , atque vrbes Flaminie receptæ haud paucę. Cæsi Ducis cadauer Mediolanum militari pompa delatum est , captiuus nudo capite feretro præcuntibus , vexillis sequentibus quæ hosti raperat , sed inuersa cuspide , & per humum tractâ ; Cardonæ ense immensi pretij , quem ipsi

ipsi Pontifex ad pellendos Francos donaue-
rat, ad feretrum appenso : sanè ludicro mor-
talitatis spectaculo ; dum victi viuerent , vi-
ctor nullus esset. Per octo horas acerrimè
dimicatum est ; diuisa laude Francos inter
equites Hispanosque pedites ; hinc è trun-
catis membris , hinc capite ; patuitque quam
maximè , quod ab omni æuo receptissimum
erat , desperationem abiectis telum esse va-
lidum ; nec securiorem esse victoriam , quàm
quæ humanitatis memor , hosti parcit.

XV.
*Franci
Medio
lano
pussi.*

Ab Rauennate victoria , vtraque partium
pro victa se gessit. Julius summa consterna-
tione prostratus , quò spem & consilia ver-
teret ambigebat ; persequi bellum tametsi
animus ultione præceps flagitaret , tamen fu-
sæ copiæ , exhaustum ærarium , victi fœdera-
ti , Cardinalium dissensus , abalienatio po-
puli prohibebant ; pacem exposcere animi
tumor , libido vindictæ , & incendium odij
non sinebant. Ludouicus contra , quasi re
desperata , pacem flagitare , Flaminiam di-
mittere , reuocare exercitum , ac qui debue-
rat prorogare victoriam , eam arctiori fine
conscribere. Per eas moras datum Pontifici
spatium respirandi , reuocandi , in bellum ar-
doris , & maioris odij inflammandi. Pluri-
mum in eam rem Ioannes Medicus contu-
lit , qui apud Francos captiuus , & liberâ ob
reuerentiam custodiâ , certior Pontificem
de Francorum statu faciebat ; *haudquaquam*
animum despondendum , magnam Francos
stragem passos esse , eos discordes rem trahere
in diuersa ; Cardinale Sansseuerino , & Pa-
lissa certantibus de imperio ; legiones Ger-
manas breui abscessuras , Hispanicum equi-
tatum integrum superesse atque illibatum. His
Pontifex confirmatus in bellum , Ferdinandi
pollicitis & adhortationibus impellebatur ;
cùmque adhuc spem inter & metum anceps
libraretur , Ludouici facto in spem excelsus

——— est : nam is Palissam præcipitanter in Insu-
 Lv- bres reuocat , prouinciam contra Heluetios
 DOVI- asserturum. Ab eo certatim calamitates om-
 XVS nes in Francum incurrunt , nec lento gradu,
 O I I. vel per interualla , vt minùs molestæ accide-
 rent , sed exundantis instar Oceani , primo
 impetu agros atque ipsas vrbes haurientis.
 Etenim Palissa digressio , Flaminia oppida
 eiectis præfidiis appellant Pontificem ; & Ra-
 uenna direptionis memor crudelitatem ex-
 promit ; nam contra pacta quatuor Centu-
 riones qui è castro prodierant , humo cerui-
 cum tenus infossos , adegit viuere propè
 conscriptos , vitâ in cruciatus acerbos pro-
 ductâ : Bononienses expellunt Bentiuolos ,
 miraculi immemores , primæque fortitudi-
 nis. Nec amissa Flaminia Longobardiam ser-
 uauit ; octo Heluetiorum millia in eam in-
 uadunt , ibant Ferrariam ; sed interceptis Pa-
 lissæ litteris , quibus Quæstorem Normannia
 admonerat periculi , vt ab eo extorqueret
 pecuniam , scribebátque profligatos Insu-
 bres , si ad eos Heluetij conuerterent se ; ij
 omissa Ferraria , ad Veronensem agrum ca-
 pta via , adiunxerunt se Venetis. Et verò
 Quæstoris ingens culpa erat , qui prætexens
 parsimoniam Principis post Rauennatem pu-
 gnam Italos milites exauctorauerat , nec
 conuersis Heluetiis , vllis Palissæ minis aut
 precibus adduci potuit , vt pecuniam ad de-
 lectum nouum sufficeret ; negans se iniussu
 Regis id posse. Palissæ consilium erat se mu-
 nimentis vrbiũ claudere , sed Germanis ca-
 stra deferentibus , post repetita Maximiliani
 mandata , primũ Ticinum , mox premente
 hoste , in Comitatum Astensem propior fu-
 gæ se recipit : at in via dum per Graualonem
 pontem agmen ducit , pons armatorum &
 sarcinarum pondere subsidit , exitiosa pie-
 risque ruinâ ; eò maximè quod copiarum
 pars ante obiecto , Heluetio insequenti pa-
 tuit,

tuit ; ac tota deleta est. Trivulcius Mediolano cum regiis magistratibus celeriter fugit, rapitque captivum Cardinalem Medicæum , at is in amnis transitu à Pontificiis recipitur ; nec multò post in Pontificem summum coaptatur, arctissimo vincula inter & tiaram spatio. Parma & Placentia Insubrium ciuitates, Pontificem appellant , eique se tradunt , læto admodum , quòd eas spectare ad Exarchatum Rauennatem diceret. Ianus Fregosius classis Venetæ Præfectus , Genuam aduolans , eam Francis expulsis occupat, Duxque nuncupatur : Rhæti vallem-Telinam, Helvetij lucernam inuadunt ; ita præter arcem Mediolanensem , & Godesfanam Genuæ turrim ; Franci ab tota Italia exterminantur , idque post partem de hoste victoriam , populorum ingenti gaudio , & fœderatorum plausu , Pontifici gratulantium , & æquissimæ vt dicebant causæ adscribentium , quòd imprudentiæ Francicæ erat. Supererat diuidenda præda inter raptores , sed cùm inter se parum conuenirent ; conuentu Mantuæ habito, placuit Maximilianum Sfortiam vocare è Germania , Ludouici filium , Ducemque dicere , qui extorris & propemodum inops vitam hætenus duxerat ; vt lusus omnes fortuna faceret. Nec durum fœderatis fuit , victoriæ præmium largiri alteri , quod tollebant æmulis ; futuro Duce ob imbecillitatem cunctis obnoxio. Cardinalis Sedunensis nomine Heluetiorum , Mediolani clauēs obtulit Sfortiæ, quasi donum eximium quod conferret sua gens , tutelâ illius susceptâ in posterum. Medicæorum familiæ receptæ sunt Florentiæ , longo exilio ab Carolo VIII. in patriam atque imperium reuocatæ.

Nec intra Italiam infelicitas Franciæ conscripta est , ultra Pyrenæos , atque ad innoxios contagio quodam protenditur. Ferdinandus eius hostis perpetuus mali auctor &

LVDO
VICVS
XII.

XVI:
Ferdinandus
Nauarra
tam occupat.

—
LVD^O
VICVS
XII.

artifex. Is diu ad Nauarram cupidissimum oculum adiciebat, cupiditate iam ab iuuentute concepta, quam Ioannes pater insinuerat; & eam felicitas prosperique successus aluerant, per quos Castellam Isabellâ ductâ, Granatam & Murciam Mauris victis, in vnum Aragoniæ corpus commiserat; nec videbatur terræ arctus limes posse fortunam suam excludere: & Ioannes Rex opportunus erat iniuriæ; ille ex Albretia gente Catharinam Fuxiensem regni heredem habebat in matrimonio, moribus quidem & consuetudine facilis, sed pro Rege negligentior, ergo Ferdinandus momentum voti opportunum ratus, dum Franciæ Rex aduersis obruitur, ad perficiendam rem se totum applicat. Nec dum ausus Francum vno se aggredi, fœdus cum Henrico Angliæ Rege contrahit, ad impetendam Franciam, gemino exercitu, quorum alterum Henricus in Picardiam duceret, alterum ipse Ferdinandus in Aquitaniam Anglo comparandam: atque vt dixi Henricus Catharinam Ferdinandi minorem filiam duxerat, petita à Pontifice dispensatione, quoniam ea Arturo Henrici fratri antea nupserat. Iis compositis Aragonius exercitum parat, ad ea stertente Albretio, & ad proximum exitium immoto; & colorem bello quæsiturus, ab eo postulat, vt Franco renuntiet. Respondet Nauarrus, se medium duos inter Reges, accessurum ad neutrius partes; sed paulò post vrgenti Ludouico adhæret, vt in Bearniam summum imperium obtineret, nec tamen vllas copias in Aragonium comparat. Igitur Ferdinandus, retia peroptatæ prædæ circumponens, paratam Angli classem euocat ad Cantabriz littora; octo Anglorum millia in nauibus erant, tum facta spe ducendi exercitus in Aquitaniam, dum Angli oram ab Francorum armis tutantur, Ferdinandum Albanum Ducem,

Ducem, famosum in posteris, truci prospereque militia, in Nauarram mittit cum selectis copiis. Nauarræ Rex bello percutus, improuiso suæ duntaxat ignauia, cum intestina lues regnum affligeret, factio Belmontiorum, qui à Grammontiis pulsi, affines & socios proditoris plures nacti erant, nec milite nec pecunia instructus, legat ad Ferdinandum, qui de pace agant; ille spem abruptit; nisi extemplò Rex omnes arces & filium Principem in obsides tradat, restituendos cum capienti libuerit. Ea conditio cum bello esset durior, nec Nauarro eam liberet admittere, vel liceret excludere; hic abiectus animo, Nauarra derelicta, decursis Pyrenæis, in Bearniam fugit, indignante vxore, atque opponente, dignum haud esse regno, qui id abiiciat, & magna ignominia Nauarræ Regem in Ioannem Albretium desitutum. Albanus nullo negotio, Belmontiis promouentibus, Pompelonem urbem primariam, ceterasque arces inuadit; frustra Anglis præstolantibus, dum in Aquitaniam iret, iisque tandem animaduerso Ferdinandi consilio, qui res suas alieno incommodo ageret, omiſſa Aquitania, solutas naues duxerunt in Angliam. At Ferdinandus cum Pompelonem cepisset, Romæ comminatoria litteræ pronuntiantur in Franciæ Regem; tum iubentur socij atque fœderati ab eo secedere, nisi se suasque ditiones interdicto Ecclesiæ subiici velint. Interim Ioannes pulsus Ludouici fidem appellat, nec cunctatur is ad præstandam opem, viginti quinque hominum millia in Nauarram mittit, Ducibus Carolo Borbonio & Francisco Longavilla, qui cum discordes sententiis forent, Franciscus Dux Valesius, futurus regni heres, cum summo imperio ad exercitum missus est. Verum inanis expeditio fuit. Per sæuissimam hyemem Pompelonem obsidio cinxit Valesius,

Anno
1513.

LVDO
VICVS
XII.

sius, urbem Albanus selecto milite commu-
niera; & ipse tantâ prudentiâ, tam accura-
tâ solitudine, opitulatur obsessis, vexât-
que obsidentes, vt. parte exercitus penuria
frigoribusque absumpta, cætera agrè per
montium præcipitia faucésque vallium eua-
ferit in Aquitaniam; Longavilla in reditu
mortem obeunte. At laudem belli conse-
quente Albano, qui quod regnum celerita-
te subegerat, idem illud seruaret patientiâ.

XVII.
*Fæderum
cum
Vene-
tiis.*

Eam ignominiam, Rex totus in Italiam
versus, passus est æquiore animo quàm de-
ceret; vna Mediolanum cogitatio, vindicta
vna, vna cupiditas erat. *Id auitum patri-
monium, ea parta tot ærumnis prouincia, id
laudis & gloria sue monumentum; id quo-
dam modo castrense peculium, quod iustis
armis & periculo vite parauerat; Francie
Regnum, sanguinis esse atque originis; Me-
diolanum ad Ludouicum spectare, in quod
ipse curas, arma, suumque caput impende-
rat.* Verùm frustra eò contenderet, dum
fœderati in societate perstarent: nam vni-
uersa Italia, Imperator, Heluetij, Hispaniæ
arque Angliæ Reges, in se coniurati, quid
spei reliquum facerent? Videt ergo quem-
piam abiungendum à fœdere, & maturo
consilio se ad Venetos vertit. Nec suppetebat
alius quem conciliaret: nam Iulium atque
Heluetios incendebat inexpiabile odium;
Maximilianum petitiones immodicæ exclu-
debant; quanquam ad eum Anna Regina in-
clinaret plurimum. Quippe ambitionem pri-
uatam vtilitati regni anteponebat, vt Rena-
tam alteram filiam Carolo Archiduci collo-
caret, omnia effusè largiebatur, Mediola-
num, Astam, & regnum Neapolitanum, &
deliberationem auctoritate & contentione
produxit diutiùs. Tandem vicit Poncherij
Senonensis Antistitis prudens sententia, quæ
minimâ iacturâ, & magno commodo, Ve-
nectorum

netorum fœdus suadebat, nec ab eo videbantur multum alieni. Etenim tametsi tot tantasque clades passi erant, auctore Rege atque promotore, nec videretur amicitia rupta eorum, qui ex calamitatibus unam iniuriarum memoriam & ultionis flammam retulissent; tamen quoniam in regnantibus utilitas præsens, pro vindicta & pro gloria est, sperabat Venetos bona fide pacem admissuros; eò maximè quod Cardona Prorex occupauerat Brixiam, & Imperator post inuasas plurimas vrbes, inexplibilis immensam pecuniam reposcebat. Id primum cum captiuo Gritto communicatum, prudenti & sagace viro, & per eum ad Patres delatum, cum haud displiceret, dū Senatus de re tota deliberat, Iulius moritur. Ille deprehenso quod cogitabat Rex, Venetisque consilio dicitur dolorem tantum concepisse, quod bellum, in Italia instaurandum inspiceret, post arumnas tot frustra insumptas; ut ex ardore animi, febrem contraxerit, qua mox extinctus est. Sanè vehementissimè, si quis vnquam, quod placuerat semel exequebatur; erant quidem in eo virtutum semina, peruentura in frugem, si moderatio aluisset; magnus animus, in aduersis constantia, zelus Ecclesiæ, atque auctoritatis sacre defensio, sed ea æstu immoderato è virtutum modo transliebant in vitia; ac peribant laudes dum exuberabant. Cum febris tentatus est, decretum conscripserat, quod sanciret in Lateranensi Concilio; eoque titulum Christianissimi Regis Ludouico ut indigno ablatum, conferebat in Angliæ Regem, atque Ludouicum proscribebat sacris Regnumque Franciæ. Sed hanc Deus pressit iniuriam, nec passus est priuatum Iulij odium in Pontifice Summo conflagrare. Quanquam & illi pœnitentiæ lux sub mortem affulsit; sua potissimum arma incusantis, quæ dicebat honestius in perfidum Turcam

—
LUDO.
VICVS.
XII.

*Iulij
mors.*

Anno
1514

commouenda

——— commouenda. Eius locum impleuit Ioan-
 LVDO nes Medicæus, Laurentij filius, natus annos
 VICVS triginta & septem, dictus Leo X. anno ver-
 XII. tente, quo captus ad Rauennam fuerat; ca-
 Leo X. stitate & integritate morum commendatus;
 affectibus temperantior & moderatior. Eo
 interuallo confectum est fœdus cum Vene-
 tis; ex lege vt ipsi ad recuperandos Insu-
 bres Regi commodarent decem peditum
 millia, & equites mille & ducentos; vti ad
 ipsum Cremona atque Adduanus ager per-
 tinerent cætera eorum essent quæ Camera-
 censi fœdere perdidissent; & Rex ad ea sub-
 igenda arma adiungeret. Post firmatam pa-
 cem, Aluianus & Grittus, aliique Veneti, li-
 beri missi sunt; Aluiano datum in Veneto-
 rum copias, Petiliano mortuo, summum im-
 perium. Et hanc pacem Rex opportunè con-
 fecerat, nisi suam laudem nouo cum Ferdi-
 Indu- nando fœdere contaminasset. Nam Hispanus
 siacũ oculatissimus, perspecta Ludouici in Italiam
 Ferdi- cupiditate, vt nouam victoriam confirmaret,
 nando. pactus cum eo erat inducias, ad Cisalpinas
 prouincias; sic tegebat Nauarram, bello &
 curis in Italiam vnani traductis. Idque Lu-
 douico in probrum versum est; quod affinem
 atque fœderatum, sua admodum causa spo-
 liatum, præ vna cupiditate, hosti traderet
 atque miseræ; adeo mentem excæcat per-
 turbatio; nec honestum placet, dum iucun-
 dum inspicitur. Interca Rex emolumento
 Rex sui Consilij fruiturus, ratus Angliæ Regem
 Longo- ad expeditionem nondum instructum, eó-
 bardĩ a que anno subigi Insuubres posse; Ludouico
 subigit Trivulcio, laudatissimo Duci, decem peditum
 millia, & mille quingentos equites tra-
 dit, quos in Italiam duceret; adiuncto Ioan-
 ne Iacobo Trivultio; Et Aluianus simul
 copias Venetas trans Adduam agit. Mirum
 quanta celeritate & felicitate vterque exer-
 citus rem confecit; Venetus Cremonam
 agrumque

agrúmque Adduanum statim expugnat; quem bona fide Regi restituit; Trimollius Mediolanum cæteráque vrbes, præter Comum & Nouariam, vno impetu diebus perpaucis, excipit potiùs quam profligat; & eodem cursu Adornij Genuam Fregolis ereptam Francis tradunt; arcémque in plures menses commeatu instruunt. Iámque Sfortia quasi per somnium spoliatus imperio, cum aliquot Heluetiorum legionibus arce Nouariæ concluderat se, impugnante Trimollio, loco & milite calamitosissimam patris sortem menti proponentibus, parémque exitum. Nec in Hispanis vlla spes erat, Cardona Prorege vltra Trebiam hærente, atque agrè se in vnos Venetos propugnante.

—
LVDO
VICVS
XII.
I V.

Iam Trimollius murum Nouariæ magnam partem diruerat; iam ad Regem scripserat, se eodem loco quo patrem olim ceperat, misurum in vincula filium; sed hoste integro canebat epinicium. Nam Heluetiorum fortitudo insuperabilis, & fides præclara, spem proximam pessundedit certámque victoriam, eorum quinque millia arcem & Sfortiam tuebantur, statuerántque ad delendam primam ignominiam, mortem prius obire cunctis, quàm à fide aut munere suo deficere. Atque ita confirmati, primùm profligauerant cupiditatem, repulso Trimollio fidem impugnante immenso pretio: nec minùs fortiter repulerant armatum: nam cùm is agmine integro, aggressionem inferret, labe muri vniuersam aciem admittente, summa vi defensorum retrusus in castra cum cæde fuerat. Parabat aggressionem nouam in diem proximum, cùm nuntiatur accelerare obsessis Heluetiorum subsidia. Ij in duas acies distribuerant se: primam ducebant Motinus & Craffius, alteram duobus castris à primâ distantem Baro Altossassius, erántque in singulis sex peditum millia, sine equite aut tormentis

XVIII
*Pugna
ad No-
uariam*

mentis maioribus. Inita deliberatione, cen-
sebat Trimollius, partem exercitus, nem-
pe equitatum leuiorem, cum Vascone pede-
te, & tormentis minoribus quæ campestria
vocant, in primam aciem immittendam; fo-
re ut in via fessî, incompositi, & destituti
machinis, profligantur; eodem modo deinceps
posteriorem deleri sine discrimine pos-
se. Contra Trivulcius pernegabat diuiden-
dum exercitum, qui carpi per partes, & fa-
cile infringi poterat; sibi Heluetiorum per-
spectam indolem, furenti aduersum aggerem
non obiciendum, dandum liberè vagandi
spatium; irritari audaciam si obsistas, fran-
gi si declines, iam bis pari impetu irruisse in
Insuabres, bis suomet nutu defluxisse, non
commeatu instructos non machinis, diu non
posse abesse à patria; quare Franci arcem
tantisper omitterent, se in locum tutum reci-
perent ac munirent, dum sponte torrens ille
aresceret, & recederet miles opulentus prædâ.
Hæc sententia securior visa, & peritiâ Tri-
vulcij datum ut persuaderet. Hic soluta castra
altero Nouaria milliari, ad Moram amnem
vliginoso & palustri loco, & minimè oppor-
tuno locat, nocte ipsa prima vigilia, Hel-
uetiorum agmen prius, nullo vetante Noua-
riam intrat: atque extemplò post mutuas sa-
lutationes, à Motino Duce in concionem
vocatur. Ille, post collaudatam gentis fidem
& fortitudinem, quæ labantem sustentasset
Ecclesiam, pupillum innoxium restituisset im-
perio, & Francos superbissimos populos tot fre-
gisset præliis; docet præsentem rem celeritatis
esse & diligentia; recessisse hostem, quod sup-
plementum ingens expectaret, idque prope
diem aduenturum in castra; ante occupan-
dum, & dum infirmus est obruendum: quid
quod altero die posterius Heluetiorum agmen
accedet, paratamque ipsis laudem & glo-
riam partietur; ergo ipsi tam hostes quàm
fratres

*fratres prauertant, solique ad pradam & glori-
 am sine consorte accelerent.* lis accensi mili-
 tes, iubentur curare cibo & somno corpora,
 post noctem mediam parati, ad pugnam imo
 ad victoriam prodeant; ita horâ indictâ, silen-
 tio prodeunt, in tria agmina distributi; pri-
 mum quod erat densius & numerosius, recta
 fronte in Francorum castra contendit; duo
 alia ad dextram & læuam defleunt, ut equi-
 tatum intra vallum contineant, prohibeant-
 que ne prorumpat in socios. At Franci post-
 quam à speculatoribus audiunt, admissos
 vrbe Heluetios conuiuiscere & ad hospitia
 diuertisse, securi ab metu, tranquillè loca-
 uerant castra atque tentoria; nec ea nocte
 Robertus Marchius, Germanarum legionum
 Tribunus, septum ligneum crexerat; id ex
 Ludouici XI. instituto reuocauerat Marchius,
 quo palis ligneis ferro præpilatis, vinculis
 ferreis circum adstrictis, quadrata moles pro
 vallo & fossa erat castra metantibus. Post
 multam noctem Franci à vigilibus excitati,
 admonentur hostem festinare, & pugnam
 inferre; nec ideò perterriti, quantum per-
 tempus & trepidationem subitam licuit, se-
 componunt; Trivulcius aciem mediam regit,
 dextram Trimollius, sic ipsi placuerat, sini-
 stram Marchius, & tormenta locis commodis
 collocantur primùm Heluetij machinarum
 vi discerpuntur, cùm spissi incederent, nul-
 lus irritus globus sine plurima cæde fulmi-
 nabat; lacerti, femora, capita, suis truncis
 auulsa, ipsa corpora vno ictu multa cæsa &
 perfossa, viam horribili fragore sternebant;
 nihilominus festinant socij, & in fratrum lo-
 cum succedentes, imperterriti per tela mortis
 ad mortem procurrunt; nec spectaculum tri-
 ste patebat in tenebris; nec cæsi vllò cla-
 more aut gemitu calamitatem prodebant.
 Ea fortitudine Heluetij propiùs accedunt,
 & aggrediuntur agmen oppositum, quod ex
 Germanis

—
 LVDO
 VICVS
 XII.

*De la
 Mark.*

Markij
fortitudi-
do.

Germanis constabat. Atrocissima inter eos dimicatio oritur, accedente mutuo gentium odio, ex vetere & noua æmulatione; iamque per horam prælium anceps mutua strage tenuerat, cum Germani cæsi ad latera, sternuntur tandem ac profligantur; nempe duo illa agmina Heluetiorum, quæ a fronte deflexerant; postquam equitatus vallo non prodit, aut facile qui si pauci prodeunt repelluntur, in castra penetrauerant; eorumque alterum tormentis captis sarcinas diripiebat, alterum in Germanos pugnantes impetum fecerat & quidem simul est parata victoria, nam equites ad seruanda impedimenta in posteriora castra confugiunt; Vascones pedites Germanis cæsis terga obuertunt; ita passim Franci pecudum instar mastrantur. Rem Duces vitæ periculo diu sustentarunt; Trimollius grauius femur saucius post disceptos pedites recessit; Marchius sæpe in medios hostes impetum fecit; atque exhibuit paterni affectus & fortitudinis specimen. Etenim audito duos liberos Florangium & Iametium, plagis obrutos iacere in fossa inter hostium agmina; ipse cum equestri turma inuadit in victores Heluetios, & per viam ferro patefactam, in fossam penetrat, raptosque liberos expirantes propemodum, per eosdem cuneos illibatus refert: persanati sunt postea liberi; ne tanto pietas suo orba præmio frustra esset. Tanta hæc clades ab equitatu profecta est, qui fugam extemplò periculo primo corripuit; & Gritus Venetus meritò expostulauit, Cataphractos è prima nobilitate; in quibus robur & nerui militiæ Francicæ, descivisse in feminas; & fugisse ignominiosè hoste non conspecto. Cæsa in acie octo è victis millia, Germani dum pugnant, Vascones dum fugiunt; equites omnes fuga seruati; Heluetiorum ceciderunt bis mille, in quibus Mo-

tinus ipsorum dux fortissimus. Spolia cesserunt victoribus, non modo Francorum sarcinæ, arma & tormenta, sed vniuersus ducatus; Mediolanensibus veniam à Sfortia suppliciter flagitantibus; atque intra mensem bis lubacta est ingens illa prouincia; quam dixeris scenam, in quam Mars & Fortuna ludos suos vicissim facerent. Instabat quidem Triuulcius & Gritus pariter, vrgebantque Trimolium, vt spem erigeret; nam equitatus integer erat, & Tauanius, sex Germanorum milia deducebat; verum hic plaga infirmus dimissa Italia, Segusium, mox in Franciam venit, retulitque alienæ culpæ inuidiam; vna calamitate priorem gloriam obscurante; adeo iniquæ sunt mortalium mentes, quibus defecisse semel capitale est. Mox Genua depulsis Adornis excepit Fregosios, atque Octavianum opitulante Cardona in ducem vocauit; arces Cremæ & Mediolani traditæ sunt; & præter arcem Genuensem nihil Francis Italici soli relictum est. Belli tota moles ruit in Venetos, qui fide fœderis inuiolata, egregiè in plurimos hostes promouerunt bellum, dum ex calamitate grauissima surgeret Francia.

Etenim iam aderat tanti belli decretorius dies, conuenerantque Imperator, Angli atque Heluetij, vt Ludouicum ceu Ecclesiæ hostem; id enim singuli cupiditatibus suis prætexebant, opprimerent atque obtererent. Henricus eo nomine VIII. Angliæ Rex flore atatis; bellicam gloriam excitante, inflammante præterea socero Ferdinando, sopitam tot fœderibus de Franciæ regno fuscitauerat litem, Anglisque ad expeditionem Francicam nusquam non paratis, conscripserat ingentem exercitum. Maximilianus, volubilitate ingenij incensus in Regem, cui ante adhæserat, atque iratus quod Venetum fœdus suo & rogatus anteposuisset. Heluetij præter

—
LVDÖ
VICVS
XII.

*Taua-
ni.*

XIX.
*Anglo-
rum in
Fran-
cia
bellum.*

— præter primum odium, superbi tot secundis
 LVDO præliis, in prædæ & spoliis partem pro-
 VICVS cutiebant. Et verò Francia aliquoties posita
 XII. sub ipsum, ut ita dicam mortis ictum, &
 quàm propè admota ad exitium; id momen-
 tum belli inter eos casus enumerat, quo
 si hostes pari inter se fide & impetu pro-
 ruissent, rapiebatur ad funus. Nam haud
 dubiè Ferdinandus inuasisset in Occitaniam,
 qui quo die pepigerat cum Ludouico indu-
 cias, eo ad Henricum legatos miserat, qui
 affirmarent contra mentem iuratas (tanto-
 perè verbis credi oportebat) & quam pri-
 mum ubi se occasio daret violandas. Porro
Nauale antequam in Franciam Anglus transmittet,
præliū. bellum nauibus in Oceano inter hostiles
 gentes præluserat. Nam Preianes triremes è
 Mediteraneo in Oceanum induxerat, inten-
 tatum hætenus, magni tamen in nauigatione
 atque in bello compendij; tum ob Trire-
 mium inter pugnandum celeritatem expedi-
 tissimam, tum quod cessantibus vel repu-
 gnantibus ventis iter captum instituunt; re-
 mis vela suppleantibus, & lacertis remigum
 prementibus ventos. Preianes vastauit An-
 glicum littus, & Eduardus classis Anglicæ
Primo. præfectus, cæsus est ad Brest oram; & Pri-
guet. moguetus Brito cum viginti nauibus contra
 octoginta Anglicas dimicauit. Nec inæqua-
 litas virium hosti victoriam dedit postquam
 diu æquâ sorte pugnatum est, tandem Angli
 ut in capite debellarent, prætoriam Primo-
 gueti duodecim nauibus circumcingunt, om-
 nique vi inclusam oppugnant. Illa Chordi-
La Cor- gera dicebatur, amplissima omnium, ædifica-
deliere ta ab Regina Anna multis sumptibus, &
 magnitudine verè Oceani domina. Primo-
 guetus spem elabendi interclusam videns,
 ut periret honestiùs, suamque perniciem in
 arma verteret, Anglicam prætoriam quam
 Regentem vocabant, adstringi harpagonibus
 iubet

iubet, tum tormentario pulveri iniici ignem; simul stricto ense in medios hostes infunditur at repente inflammatus pulvis, vtramque nauim, duces, & milites incendio rapit, cum fragore horribili, victis & victoribus pari sorte cadentibus. Et hæc desperationis victoria, quod animaduenterim primum tentata, iuit sapius in exemplum; laude ambigua; verâ fortitudine tam ferente fortunæ vim, quam repellentē. Ceteræ naues diro facto perterritæ, abscefferunt; salute parta Britonibus Ducis morte. Sed post ea præludia, tandem Henricus scriptum exercitum transportat in Franciam Iulio mense; (& Iunio proximo pugnatum ad Nouariam erat) constabat ex quadraginta peditum millibus, & octo equitum, qui flos Angliæ, latis animis in Franciam ceu in maiorum patriam conuolabant; iique dum Maximilianus adiungeret se, Teruanam urbem obuallant. Eam propugnabant Franciscus Telinius & Antonius Crequius, cum duobus Germanorum millibus, & Cataphractis ducentis quinquaginta; & quidem sat militum, si commeatus tum alimentorum, tum palueris ex æquo suppeteret; sed Francorum prudentia non tam longè porrigitur: quique omnium minimè penuriam ferunt; eam minimè omnium præcauent. Ludouicus cum podagrâ laboraret lecticâ vectus Ambianum, quantum sinebat ægritudo, instabat delectui; nam ab copiis imparatus erat, & conficiebat viginti millia peditum, partem ex Francis, partem ex Germanis, quos conscribebat dux Gelrius, fide in Francicam gentem inexpugnabili; lancearij bis mille & quingenti accessuri erant. Iique propè omnes ad signa confluxerant, traditi Haleuino Piennæ Gubernatori Picardiæ, vti hostem interea lacefferet & defatigaret. Nec desiderata est rei bene gerendæ occasio. Henricus Caleto Teruanam

—
LUDO
VICVS
XII.

Anno
1513

*Terua-
na ob-
fessa.
Teli-
ny;
Crequy.*

*De
Piennæ.*

—
Lv-
DOVI-
CVS
XII.

nam cum decem peditum millibus equitatu nullo incedebat; occurrit Pienna cum equitatu virgebatque Baiardus summopetè vt in Anglos equitem immitteret, victoriam sine dubio reportandam, Anglos ad nouam militiam valdè ineptos, sagittarios optimos, pessimos sclopetarios, prima impressione perturbatum iri. Et omninò prudens consilium erat; nam iam Angli perterriti turbabant ordines, hærebantque an armis an fuga capiti suo consulerent sed Pienna moueri hortatione haud potuit; seu ratus rem, quia optatissima & momenti maximi erat, non posse effici, plerumque opportunitate præstingente animos nimia luce; seu in Baiardum inuidia, decerpturum consilij laudem & gloriam. Sanè ipse Baiardus ne auctor temerarius videretur, suam vnam turmam in postremum hostem induxit, multisque cæsis, maximam abduxit machinam, è duodenis, quas vehebat Anglus, appellabatque singulas vno Apostolorum nomine, in sacri belli vt præferebat speciem & religionem.

XX.
Pugna
calcaria.

Henticus castris ad Teruanam exceptus, haud multum auctus est Maximiliani copiis; quas ipse perpauca ex Burgundionibus & Hannoniis in exercitum duxit; post tentatam oppugnationem, & perspectas defensorum vires, statuunt lento obsidio urbem premere, explorata penuria. Et eiusdem Rex gnarus, Piennam iusserat cum toto equitatu commeatum inferre; dum ipse magna solitudine peditem conficit. Eam in rem iussi sunt, quadringenti equites ex turmis delecti singuli suam dimidiatum, & saccum nitrat pulueris, ferre in equis, & se ad urbem propius admouere; dum equitatus vniuersus ad auertendum hostem ex diuersa arte simularet aggressionem. Verum id concilium cum per exploratorem Henricus nouisset, insidias clam locat, quibus equites interciperentur.

perentur. Commodè prætergressos à fronte atque à tergo adoritur ; deceni peditum milia ad tergum exurgunt, decem machinis bellicis in collem euectis ; ad frontem equites Burgundi magno numero. Tum Franci correpti formidine, cum vtrique immineret perniciēs, conuersi ad latus, in commilitonum turmas infunduntur. Palissā & Longauilla cæterique nobilitate & virtute præclari in agmine erant ; plerique armis exuti, deambulantes quā pedibus, quā mollioribus asturconibus vestī ; ideò terror tantus inuadit militem, vt præcipitanter admissis calcaribus fugam inceperit. Palissā & cæteri, voce, dextra, exemplo fugam sistere, hortari, conqueri, hosti occurrere ; sed tam furdus metus quā cæcus est, totaque mente defluente in pedes, nullo exemplo, nullo laudis stimulo commouetur. Fædè omnes in fugam non tam acti sunt, quam irruerunt ; duces pugnando capti, malueruntque apud hostem agere, quā fugientium consortio se contaminare ; Ludouicus Longauilla, Palissā, Baiardus, Claromontius, Andegauensis, & Bussi-Ambosius ; Palissā receptus est, Baiardus abductus, memorabili facinore ipsi hosti charus & venerandus. Nam cum Angli equitatu fuso instarent victoriæ, atque nullo vetante in Francorum castra & peditatum inueherentur ; ipse ad pontem cum duodecim commilitonibus irruentem stitit, vniuersum exercitum remoratus, dum pons subruitur, intercluditur via, Franci à metu respirant, demùm ipse capitur. Hæc pugna dicta est Calcaria ; siue Calcarium ; in qua Franci vti calcaribus ad ignominiam ; ferro ne tentato quidem ad pugnam. Ducenti cæsi sunt, erepti fugā cæteri ; vt hæc clades honoris potiùs & laudis sit, quā sanguinis letiue. Teruanam quinquagesimo die Telinius, postquam rerum omnium patiebatur inopiam, hosti tra-

Clermont d'Anjou.
Bussi-Ambosius.
Baiardus facinus.
Des Eproues.

—
 LVD●
 VICVS
 XII.

dit ; idque à Ludouico imperatum erat , vniuersum regnum ad seruandam urbem haud volente alex pugna committere. Ciuitatem postmodum , cum Imperator & Henricus disceptarent , vtrius ipsorum foret , placuit neutrius esse ; ideoque euerfa est & solo æquata , templis quibusdam seruatis ; & ea postmodum instaurata est , maiori ædium incremento ; quanquam malo omine ruina ingenti erectura Carolo monumentum. Captâ Teruanâ , imminebat Picardiæ hostis , atque Heluetiis vt mox dicam in Burgundiam penetrantibus , summum periculum adibat Francia ; iamque trepidatio inuadebat omnium animos ; cum repente hostis reflexo itinere Tornacum aggreditur. Et id consilium Franciæ saluti fuit : nam quanquam Tornacum , in hostilem vim immunum erat ; nec enim Anglus obuersurus eò timebatur , quo minime ipsi expediebat ; tamen dum tantisper obsisteret , auellebatur hostis à Francia , atque à metu Francorum animi leuarentur. Etenim ferocissimum bellum diripiebat Burgundiam. Heluetij iam non amplius prædonum instar agentium prædas , sed iusto exercitu viginti quinque millia conuenerant ; accesserant è Germanis equitum duo millia , & Dux Henricus Vitembergus ; iisque animis ad profligandam Franciam venerant , quibus olim irruperant in Galliam , nouas sedes abdicatâ patriâ quæsituri. Trimollius regebat Burgundiam , nuperque ab ea gente in Italia victus , haud ignarus à quo lacefferetur , se Diuione primaria vrbe incluserat , agris direptioni permissis. Hostes extemplò urbem circumcingunt , atque summo opere ad expugnandam eam emittuntur. Per quinque hebdomadas pro muris fortissimè dimicatum est ; Trimollio priora facinora admirabili fortitudine cohonestante ; tandem actus ad vltima , cum aduerteret

Heluetij in Burgundiam.

aduenteret urbis perniciem exitiabilem toti Francia fore, regnumque perditum, si Diuione capta Heluetij Anglis & Germanis post Teruanam captam adiungerent se; artem & consilium (nam quis fraudem dicat?) in subsidium vocat; & Heluetios blandè allocutus, inconsulto Rege, cum iis paciscitur; daret Rex quadringenta aureorum millia, abdicaret Pisani Concilium, & ducatum Mediolanensem; nihilque in Pontificem aut Arragonium Regem moliretur, eius pacti sex obsides ipse fideiussor Trimollius dedit; verè pater patriæ, quam necessariâ atque adèd honestâ ignominiâ seruauit. Interea Tornacum agebatur ad deditionem; idque fuerat Maximiliani consilium, qui Henrici imprudentia suum in commodum vsus, incertum rerumque imperitum Tornacum abduxerat, quam victor postea diu non teneret, peruenturam haud agrè in Flandrorum manus. Urbs quam nullum tueretur auxilium, bene penitus in hostilem agrum sese insinuans, facilè capta est, eamque suo milite Anglus tenet; mox autumnò ingruente, Caletum reducit exercitum, dein ipse in Angliam refert pompam victoriæ; nam fructum admodum leuem perceperat, oppidum vnum tot impensis atque periculis, longè positum & diuulsum à trunco arboris ramum.

Discessu Henrici summo terrore Rex liberatus, tunc alienæ calamitatis sensum percepit, quippe quasi vno alueo miseriæ plures influerent, Scoti & Veneti vni fœderati, grauissimis cladibus afflictati erant. Iacobum I V. Scotiæ Regem impulerat bellum inferre in Angliam, dum Henricus in Francia agit; intuleratque magno exercitu; sed à Surrey comite Angli legato victus & cæsus est, ingenti suorum dolore & strage. Ludouicus Ioannem Stuardum Albanix Ducem in Scotiam misit, qui pupilli Regis curam susceperet,

LVDO
VICVS
XII.

XXI.
*Varia
de Re-
ge.*

LVDO
VICVS
XII.

*Anna
Regina
mors.*

Anno
1514.

*Pax cœ
Anglo.*

ret, regnūque gereret. Aluianus similiter Venetorum dux ad Vicentiam à Cardona prorege & Prospero Columna victus erat & profligatus clade ignominiosā, cū viribus iuperaret, hostēmque circumcluderet copiis. Nec Venetos recreare præter-quam spe & promissis Rex valuit cui etiam non leui dolori fuerat, quod fœdus à Trimollio pactum habere ratum non potuit, obsidibus in discrimen vitæ adductis, & excitata suspicione perfidiæ. Sed acerbissimus omnium dolor ex Annæ charissimæ coniugis obitu contigit, qua cum vtramque fortunam tenerrimo sensu animi partiebatur. Is tamen luctus, gradum fecit gaudio, tumultusque nuptias peperit, & quidem geminas; vt inania sunt mortalium vota, & tam ex fletu risus quàm ex risu fletus exoritur Etenim Franciscus Valesius Claudiam Regis filiam vxorem duxit, quod Annā viuā impetrari haud poterat eoque Rex in possessionem Britannia misit. Tum regno pax, & ipsi Regi noua coniux aduenit. Quippe Longaulla apud Henricum captiuus, cū eum iratum Ferdinando fœdero animaduerneret, quod inscio se nouas inducias cum Ludouico pactus, iam tertium sibi fraudem faceret; solerter iracundiâ Principis in belli odium flexā, confecerat, vt agi de pace sineret ad quam festinandam contulit plurimū, quod Ludouicus cum Leone Pontifice reconciliatus, abdicata Pisana Synodo, Concilium Lateranense admisit, spe facta abrogandæ Pragmaticæ; iamque sublato quod prouulgauerat Iulius interdicto, cessabat Ecclesiæ tuendæ titulus, & sacri belli accessitus color. Imò ad pacem firmandam, adiuncto affinitatis vinculo, Ludouicus Mariam Henrici sororem, Carolo Archiduci desponsam, vxorem duxit, cui in dotem quadringenta nummorum millia sponsus ipse assignat; pacti Reges sibi vt mutuum

mutuam opem ferrent ; statétque pax quando viuerent , Tornaco apud Anglum perstante. Perfecto coniugio Rex in Italiam cogitationem adiecit ; ac tamen Genuenses nuper Phari arcem expugnauerant atque diruerant , nullumque tectum in tota Italia Franco esset ; tamen ad Insubres recipiendos inflammabatur tantoperè , vt conscriptos vicies mille Germanos , prætor Duce Borbonio , versus Italiam mitteret , sub initium hyemis ; cum febris correptus , accedente ventris profluuium , Calendis Ianuarij è viuis raptus est nimio vt creditur vsu coniugis nouæ , quæ annorum flore , & specie corporis commendata , senem mortis & laboribus fractum , operosius studentem querendis liberis , vita exhaust. Agebat annum quinquagesimum quintum , in limine senectutis , quam ærumnæ plures citra annos promouerant. Cogitari non potest quanto dolore prosequuta funus Francia sit. Erat is in omnium oculis atque amoribus ; iuste assequutus agnomen , quod tantoperè concupiuerat , *Patris populi* ; cum omni studio fouens , tegens , atque locupletans. Vestigialia tot intercuras & difficultates semper imminuit ; solitus dicere , *gregem pinguißimum pastoris optimi esse indicium*. Et quantum studuerit populi commodis eo vno patet , quod in tanta cupiditate Mediolani seruandi , bis passus sit eo se exui , ante tributum quam populo nouum imponeret ; & peccabat forsitan ; nam incommodum minus maiori præuertendum est ; sed voluit Deus in Ludouico amoris in populum præbere specimen ; vt quæ Francia in Regibus suis tot agnoscit dotes , in eo verè patrem coleret atque amaret. Bella inter assidua , ita milites continebat , vt pagi certarent atque contenderent , ad præbenda ipsius hospitia ; dum habebat iter , veluti de cælo missum plebs venerabatur , viam sterac-

DOVI-
CVS.
XII.

De la
lanterne.

Anno
1515

Regis
mors.

Eius
dotes.

—
 LVDO
 VICVS
 XII.

bar floribus , equum quo vehabatur contin-
 gebat strophis , quæ reliquiarum instar reli-
 gione multa asseruabat. Iniuriam nullam vn-
 quam vltus est ; animo clementissimus , par-
 cebatque subditorum vt pecuniæ , ita & san-
 guini. Ideò consequutus , vt arbitror , quod
 Rebellionē nulla tentatus est , (bonum in
 Francia nimium infrequens) singulis vtrò
 conspirantibus in acceptissimum iugum.
 Quamuis Latine non admodum sciret , do-
 ctos tamen colebat , & perlegebat Histori-
 cos ; Veronâ Paulum Æmilium in Franciam
 duxit , optimamque stipem constituit , qua
 auctus vir præstantissimus Franciæ historiam
 scripsit ; octo annis supra triginta in id opus
 insumptis ; dignum enimverò quod Francia
 patri suo debeat , cui comparauit famam im-
 mortalem , quàmque quodammodo excita-
 uit è tumulo , actis retro annis , factisque
 Principum in sempiternam laudem adscrip-
 ptis. Verùm in tot laudibus suas & maculas
 contraxit mortalitas : nam & Rex iuuenis
 promiscuis amoribus se multum permisit ; &
 aliquoties lentiori mora præclare suscepta
 corruerat ; atque in Pontificem Iulium reue-
 rentiam sin minus deposuit , saltem liberio-
 ribus verbis offensionem aliquoties fuetat ; vt-
 que inter Principes iniurias persequi factis
 licet , ita minus contumeliis decet. Nec in
 Ludowici prosperis Anna omittenda , quæ
 altitudine & fortitudine animi nulli He-
 roïum inferior, virtutes propè singulas vtriuf-
 que sexus , temperauit egregiè , liberalis &
 magnifica , in litteratos , inopes , cœtus re-
 ligioforum , atque ædes sacras Britanniam
 habebat in peculio , quod mira liberalitate
 & parsimonia , in sacros & politicos vsus im-
 pendebat , vtrumque coniugem tenerrimo
 affectu prosequuta est ; quanquam paulò
 ambitiosior optabat ardentius Britanniam
 abiungere à Franciâ , & publicis rebus im-
 miscebat

*Anna
 dotes.*

miscebat se studiosius vltionis appetentior, Gyrum Mareicallum damnatum cum ignominia aulâ expelli curauit; adeo supra terminam est, condonare iniuriam, & vindictæ sensum in potestate habere. Renatam alteram filiam Franciscus Alphonsio Ferrariensi Principi nuptiis dedit; cui mater Carolum Archiducem ardentè optauerat.

Franciscus eo nomine primus in Ludouici locum lege regni euectus, postquam Rhemis vnctus est, in se omnium oculos animosque conuertit. Viginti annos natus, oris pulchritudine, & totius corporis conformatione, in paucis spectabilis, ad equitandi armorumque Palestram exercitatissimus, disciplinis optimè institutus, facilitate morum humanissimus, spem omnium procerum maximè atque nobilium, excitabat. His accedebat altitudo animi atque amplitudo, qua totius orbis imperium sin minus optaret, saltem acciperet, dignumque is diceret, qui ingentes spiritus, animi inuictum robur, & inexhaustam liberalitatem attenderet. Eas ergo doctores in regnum inferens, Mediolani Ducein se inscribens, ad implendum titulum sollicitudinem impendit. Ac primùm instaurat fœdus cum Venetis; tum cum Anglo; postmodùm cum Archiduce Carolo; qui per Henricum Comitem Nassauium, Regi clientelam pro Artesia, Flandria, & Carolesio præstitit; promissis Renatæ nuptiis; eamque pacem ambiebat Carolus, ne ubi mors Ferdinandi aui contingeret, Franci perturbarent aduentem possessionem Hispaniæ. Nassauius Claudiam Orangiam in vxorem duxit; vnde in posteros Orangiæ principatus. In Aula Rex pauca immutauit; Carolus Borbonius, Gilberti Mompenserij filius, Comestabilis dictus est; Antonius Pratus Cancellarius, legum peritiâ admodùm celebris, sed morum integritate tanta fastigio longè inferior; Dux

FRAN-
CIS-
CVS I.
XXII.

*Regni
initia.*

Duprès

Alenfonius Prætura Normanniæ donatus,
 FRAN- duxitque Margaritam sororem Regis præ-
 CIS- clarissimam virginem; Gouferius Boifius
 cus I. Regis institutor, ipsique percarus summus
 Gonfier regis domus Præfectus; ac Palissa ea digni-
 de Boi- tate qui cesserat, Marefcallus Franciæ nuncu-
 ff. patus est; Petrus Nauarrus Cantaber, bello
 dux clarus, se Regi operamque addixit.
 Is in Rauennate pugna captiuus, postquam à
 Ferdinando nusquam redimitur, Francisco
 pretium, libertatis pendenti; sincerè se tra-
 dens, præclaram deinceps nauauit operam.
 Iis domi curatis, ad scribendum & promo-
 uendum exercitum, sedulò incumbitur;
 moxque instructæ erant ad viam copiæ;
 lancearij bis mille & quingenti, pedites qua-
 dragesies mille; magna pars Germani seu
 Lanfgueneri, ceteri Franci, Vascones, & Can-
 tabri, quos Petrus Nauarrus in stipem suam
 exciuerat; accesserant machinarum vis ma-
 gna, commeatus omnis generis, fossorum
 tria millia, & curatores annonæ plurimi.
 Præibat in primo agmine Comestabilis, du-
 ctis simul operis qui complanarent ardua
 montium; in secundo incedebat Rex, po-
 stremum agebat Alenfonius: Dux Gelrius
 Lanfguenetos regebat, in quibus eminebat
 legio Nigra dicta, isque erat Gelrij color, per
 viginti annos indurata bellis claræque vi-
 ctoriis. Eo ordine versus Alpes itum, sed
 nec transitus Alpium expeditus, nec bellum
 in Insubribus facile. Nam in Regem con-
 uenerant, Maximilianus, Ferdinandus, &
 Sfortia, & Leo Pontifex clam adscripserat
 fœderi, Francis perinensus; quanquam in
 speciem beneuolentiam ostentaret, se pro-
 fessus patrem communem omnium. Præte-
 rea Heluetii perseuerante in Francos odio,
 & stimulante Cardinale Sedunensi, ad vi-
 ginti millia ex oppidis suis in Longobardiam
 effusi, occupauerant Alpium fauces; inui-
 sis

sis quidem Sabaudis & Salussio, sed neutiquam ausis repugnare; iique se ad libertatem Italiae, defensionem Ecclesiae, & Mediolani tutelam, calitus missos affirmant. Iam Rex cum exercitu Gratianopolim promotus, Ludovicam matrem regni Regentem dictam dimiserat; cum de via anxius lentè versus Ebrodunum incedens, crebrò consultat quod iter institueret. Etenim Lugduno in Italiam progredientibus, duæ per Alpes viæ solennes sunt; aliæ inusitatae & inexploratae; prima per Alpes Cottias, perque montem Genebram, qui in Delphinatum finibus oritur; propter anfractus, aliquantò longior, sed multo facilior; eaque Carolus VIII. penetraverat in Italiam; altera per Poeninas Alpes, montemque Cenisium, magis arduum & in celsiorem altitudinem subreclum, ingredientiæ admittit; porrò utriusque fauces Helvetij infederant, & Segusium obtinebant praesidio; ad quam urbem geminae viæ conveniunt. Igitur Francisco cum defensos locorum situ hostes aggredi non placeret, novum iter conquirendum erat aut aperiendum; eamque in rem à Carolo Sabaudiae Duce Auvenculo arcessiverat viarum peritos, quibus exploratae & notissima erant vel abruptissima montium semitæ. Eorum ductu tertia via reperta est, inter Cottias Alpes atque Maritimas, quæ perdifficilis quidem & multi laboris, sed demùm superabilis visa, & machinarum vehendarum patiens. Primum itaque agmen in iter immittitur; sequentibus cæteris; ac primo die Ebrodunum venit; altero postquam Genebram ad lævam omisit, & Vado Druentiam amnē transiit: deflectens ad Alpes Argentarias, Gilestram tenuit, tertiis castris ad Pauli abruptissimam rupem perventum est; quartis ad Batcelloniam vallem, quintis postremò ad Salussiorum planitiem. Sed vix dici potest, qui-

*Alpium
transi-
tus.*

bus, ærumnis quàm immentis laboribus transuectæ sũnt machinæ. Propè ad singulos gradus connitendum erat in rerum naturam; modò præruptæ rupes aperiendæ ferro & frangendæ; mox ingentes voragines, vitgultorum opplendæ fascibus, nunc viarum angustix tibicinibus longuriisque positis dilatandæ; mox tormenta trocleis ac funibus de monte in montem veluti baiulis nubibus, artis operæ pretio, transportanda; modò laceratis, humerisque militum & ipsoꝝ Ducum moles ingentes, quò ægrè stabant vestigia conuehendæ; modò ferro perfodienda rupium viscera, quo commodius hostes vincerentur; tandem per ardua & præcipitia labor incomparabilis penetrauit, magna Triultij, Lautreci & Nauarri laude; qui cura & vigilantia incredibili opus promouerunt; laboris trophæo in euersis rupibus & effossis montibus posito. Peruenerat in Salustios exercitus, & quasi cœlo deuolasset in solum, hostem latuerat; nam Allobroges nullum transitus indicium fecerant, & cohortes aliquot in montium faucibus ostentabant sese Heluetiis, vt fidem facerent totum ad eas stare exercitum. Sed continuo Francorum virtus celeritate mira innotuit.

XXIII
Prosper
Column-
na ca-
pitur.

Prosper Columna Villafrancæ apud Salustios agebat, cum sexcentis equitibus, Pontificis stipendiarius, tributo ab vniuersa ditio-
ne exacto; agebátque securè, à Francis vt credebat, totis Alpibus atque Pado omni diuisus cùm inter prandendum intercipitur, captiuusque ducitur. Postquam primum agmen emergit ex Alpibus, nescítque Borbonius vbi Prosper ageret; Palissæ mille equites tradit, quibus se adiungunt Baiardus, Albinus clari olim Ducis, ex fratre nepos, & Imbercurtius: iique rupe quæ vulgò Accipitrum dicitur conscensa; in quam hætenus rustici dumtaxat crepserant, ad rapiendos Accipitrum nidos, & ab ea præcipientes in sub-

iectos agros deuoluti propemodum, Padum vado transmittunt, atque improuisi Villamfrancam aduolant. Columna cum toto equitatu captus, caesis aliquot, Francorum aduentum terroremque simul per Longobardiam sparsit. Iis accessit quod Emarus Pria versus Genuenses cum copiis missus, exceptus ab Octauio Fregosio, qui foederatis relictis, Castellatium Francis commiserat, Mediolanenses transpadanos aggressus, Dortonam, aliasque vrbes iam ceperat. Tanta celeritas à montium faucibus auocauit Heluetios, qui se Mediolanum versus receperunt, per singula castra Rege insequente, & simul Pontifici improuisa prosperitas metum iniecit, qui extemplo fidum hominem ad Regem legauit, priuata conciliationi studens, ægrè prohibitus quin renunciaret tunc foederi. Franciscus Taurini honorificè à Sabaudia Duce exceptus, Vercellas vsque insequutus Heluetios, Mediolanum inter & Marinianum castra ponit. Tum intercedente Sabaudia Duce, de concordia cum iis agitur, conueneratque promissis in stipendium septingentis aureorum millibus; quæ Rex corrogauerat, argento facto procerum sumpto in mutuum, iamque pactis subscribendum erat, cum aduenit Rossius cum supremo in Heluetios omnes imperio, adduxitque sex millia in supplementum. Sedunensis aduenientem aggressus persuadet vt pacta placita disturbet, quæ ipso inscio nulla essent, ac festinanter ad Cardonam & Laurentium Medicæum properat, impetraturus vti coniunctis copiis, simul cum Heluetiis Francos pugnâ impeterent, profligaturi haud dubiè. Ij ad Padum continebant militem, Placentiæ quidem Laurentius, Cardona in castris miliari infra urbem sexto; & primò ob suspicionem cunctati, quod crederent pacta cû Heluetiis conuenta; mox celeritate Aluiani prohibiti, rogatum pernegant;

FRANCISCUS I.

Emarus de Pria

FRAN-
CIS-
CVS I.
Anno
1515.
*Pugna
ad Ma-
ryna-*
num.

ne Aluiano qui Cremonam cum exercitu venerat, totam regionem indefensam dimitterent. Ea spe Sedunensis deiectus, ad Heluetios suos reuertitur, tamque peritè atque appositè adhortatur ad prælium (& gnarus erat quibus rationum momentis illorum mentes inflammarentur) uti eo ipso die, qui erat Septembris decimus tertius, iamque inclinabat ad Vesperum, Roscius ad suburbia Mediolani progressus, copiis in sua agmina distributis ipse eatum Dux ad pugnam procefferit. Sub signis erant triginta duo pedum millia, nullo equitatu, præter trecentos Italos, silentio non pulsatis tympanis, si Francos uti ad Nouariam incautos occupent, magno animi gaudio procurrentes, quasi ad certam prædam atque Victoriæ, non ad prælium itent, tentaturi fortunæ aleam. Nec munimenta Franci omiserant, haudquam ignari quibus cum res esset. Viam militarem Borbonius arque Triuultius occupauerant, & latis fossis circumductis eam in aggeris modum etexerant; tum Nauarrus scuta argentia humi fixa constricta funibus hosti obiecerat, obtenderatque Vasconibus, pilarum grandinem eiacularis; postremò tormenta opportuno loco collocata suo etiam vallo tuta erant; & hæc prima acies. Non longè secundam & tertiam Rex & Alenfonius composuerant, fossis circumtectis, quas ducunt rustici ad agros tutandos & refluentes aquas excipiendas. Dux lucis horæ supererant, cum Heluetij magno impetu rapti pugnam inferunt; ac primum in obiectum equitatum asti, tam ardentem premunt, ut equites furori impates cesserint retrò. At proxiimum Germanorum agmen ut absque prælio videt retrocedere equites, contractam pacem arbitrans, seque proditum hosti capitali; tertore corceptum, fugam meditatur. Sed Comestabilis foriter malo occurrentes;

in pugnam agit Cataphractus, simulque reducit nutantes equites, & Germanos metuentes confirmat. Hic atrocissima fit dimicatio, mortisque discrimen ardor pugnae & amor gloriae discutit. Directa in phalangem densam tormenta, late stragem edebant; scutis recti Vascones effundebant plumbeum imbrem; carpebant latera Cataphracti, lanceis gladiisque in subiectos pedites saeuientes; hostis nihilominus illibatis Ordinibus, tot inter obiecta funera, superato vallo ad Germanos euaserat, admotusque propius hastis & gladiis dimicabat. Rex primos inter adæquitans, carulea chlamyde liliis aureis refulgente, & galea carbunculis inmobile factis coruscante, præ cunctis spectabilis, ore & dextra incendebat militem. Nec deerat, qui Heluetios inflammaret dictis; nam Sedunensis sacras vestes indutus, togam purpuream pileumque coccineum, mortis præsentiam flocci habens, tantum erat in Francos odium, vrgebat singulos, stimulabat, atque collaudabat, & gloriae titulo ac religionis, iam furentes spontè, supra humanas vires erigebat. Ita ad quartam noctis horam pugnatum est; semelque hostis ad tormentorum aggerem penetrauerat, cum hinc depellitur; semel duo millia ad læuam conuersa, cum Regem proximum prætergredierentur; in eum prouocantem irruerant, atroci prælio, quo Talmontius cæsus est Trimollii filius, præstantissimus iuuenis; Royâ, & Monyo eodem fato raptis; iamque ad tormenta ceciderant Franciscus Borbonius Comeftabilis frater, Sancerra, Imbercurtius, & Bussi Ambosius. Tandem defatigatio mutua, quietem extorsit, quam caligo noctis non induxerat; & consensu tacito breues induciæ in noctem reliquam arma opprefferunt.

Quamquam nec ipsa nox sine cæde, aut induciæ sine bello transactæ sunt. Quippe

FRANCISCUS I.

Roye & Mony.

XXIV.
Continuatio
pugnae.

circumsula.

circumofusa caligine, cū milites se in ordines atque ad vexilla haud possent recipere, steterunt in eo quo pugnabant vestigio, missi Germanis Heluetij, atque Vasconibus, atque identidem percontati Tesseram, cū se ad motos hosti animaduernerent, pugnam instaurabant, & casum irruentes, non quod ducebat oculus, sed quò vox vocabat, macharam voluentes, more Andabatarum cadebant & cadebantur: sanè ea nox cū sanguini parceret, terrorem augebat; nec ulli tum periculum præsens tum proximum quietis ullam partem permittebat. Sedunensis sortem pugnae veritus, Mediolanum se recepit, prætexens cibaria, quæ Heluetiis mitteret in leuamentum. Rex contra (tantum discrimen est inter furorem & veram gloriam) cū armatus aliquantisper ad tormentum accubans quicuisset, & sitim sedasset aqua turbulenta, quam agerrimè ex fossa cadaueribus oppleta fortè miles galea hauserat, repetito munere Imperatoris, tormentis locandis, inflammandis militibus, castris inuisendis, ceteram noctem impendit. At nec Heluetij effluxisse integram passi sunt, primoque diluculo pugnam inceptant, noui propemodum Antei, qui vires nouas ex contactu terræ recepissent. Duo agmina enituntur in frontem, tertium in castrorum partem posticam immittitur. Nec prima dispellentibus machinis admotæ sunt propius; tertium cū ea pars munita esset indiligentiùs, in vallum inuadit, & leuiiores equites in fugam agit, tanto terrore ut ij Lodum vsque vestigia cladis Francicæ secum intulerint. Verum Alenfonius cataphractos equites in prælium agens, primum impetum stitit, mox repulit; nec ideo cessabatur à prælio, pertinacibus Heluetiis, & deliberata morte iam ferocissimis; cū opportunum subsidium excessit pertinaciam, confecitque victoriam.

Aluianus à Rege admonitus, Cremonâ cum selectis equitibus aduolauerat, utque erat celeritate supra ceteros Duces præstantissimus, multis milliaribus decursis pernecitate mirabili, in Heluetiorum pugnantium terga inuehitur. Repentina incurfio & Francorum animos auxit, atque Heluetiorum imminuit reputantium vniuerforum Venetorum exercitum aduentare. Quare cedendum fortunæ arbitrati, recipiunt se, sed leonum instar, stipatis in phalangem ordinibus, &. versus hostem quoties lacefferet frontem obuertentes; nec impunè in eos ceu fusos fugatosque irruunt Veneti, cæsis aliquot eorum tribunis qui imprudentius ferreos illos erinaeos aggressi fuerant. Imò cum vnum agmen seiunctum à cæteris Gomestabilis tentorium occupasset, nulla vi nullâ veniâ ad deditiōnem adduci potuit, subiectisque ignibus conflagrare maluit quam suæ gentis gloriam vel timoris umbra deterere, Rex discessum liberum abeuntibus permisit; ratus satis victos, qui dimississent victoriam. Eaque est pugna in paucis memorabilis; quâ primùm gloriosissimæ gentis fortitudo infracta est; iam credentibus Heluetiis se vinci posse, quia non vicerant; eorum quatuordecim millia solo afflicta sunt & necata; plerique Bombardarum globis discerpti, quasi Gigantes à fulminantibus diis victi; & affirmabat Trivulcius, qui octies decies aperto & lato campo pugnauerat, eam pugnam Gigantum fuisse, cum cæteræ puerorum atque infantium lusus viderentur. Cæsa sunt Francorum quatuor millia, ingentibus & terribilibus plagis diffidentibus corpora & concidentibus. In Francis commendantur re præclare gesta, Guisus, Sanpaulus, Trivulcius, Pallia, Trinollius, & Bajardus; & Guisus hastilium & sarissarum ictibus equo deturbatus, primùm mori ereptus est fide vnus è scutiferis

*Guisus
serma-
tus.*

scutiferis suis, qui procumbens in iacentis corpus, vulnera inflicta suo corpore excepit; tum famulorum curâ, qui patrato pralio dominum è cadauerum turbâ euolutum, propè obrutum, laxato spiritu, vitæ reddiderunt: nec Regi detrahenda laus confectæ victoriæ; qui penitus inter hostes confertos dimicans, se multis periculis virtute sua eripuit, & pro virili in laudem propriam publicamque contendit, per fossa pluribus ictibus chlamyde, armis plus viginti locis hastarum cuspidibus insignitis; & ipse sui conscius, quæ illius æui caremonia fuit, palam in conspectu Procerum Eques creari voluit, Bajardo in eum honorem vocato, vt militiæ Regem suum adscriberet, impertitus amplexum & nudatum ensen; nemine tantum fastigium viro inuidente, quem militaris virtus, supra eum apicem euehebat; imò integri mores atque inculpati, supra militum vitam extollebant. Rex Christianæ pietatis in ipso sensu victoriæ memor, pugnæ die supplicationem Deo instituit, quibuscumque magna Procerum caterua; dein triduo Christianas victimas offerri iussit, ad agendas gratias, pacem impetrandam & exorandam cæcorum animis veniam; postremò sacellum eò loci exadificari. Tum ad decerpendum fructum vltra preparauit.

XXV. Heluctij Mediolanum regressi, infractâ iam audaciâ, flagitato stipendio quod Sfortia pecuniâ inops nequibat pendere, discedunt in patriam; Sedunensi frustra dehortante, aliquot in arcem se cum Sfortia abdunt; Sedunensis Tridentum proficiscitur ad Imperatorem, bellum si liceat nouum conflaturus, abducto secum Francisco Sfortia fratre Maximiliani, quem iuxta fratrem è contemptu in solium promouebit fortuna; Rex accepto Mediolano, & ciuibuscumque multatis personis, ratus indecorum in eam urbem veni-

re quæ tota suæ potestatis non esset, Tici-
num pergit, copiarum parte Comestabili da-
ta, ut arcein oppugnet. Ille postquam id mu-
nus Petro Nauarro imposuit, celeberrimo
ob castri Neapolitani euerfionem, & Albinio
regendam urbem dedit; ad Regem conten-
dit, & Nauarrus propriam cuniculorum ar-
tem extemplo aggressus, fossæ aquis in aliam
partem deriuatis, postquam cæcam cryptam
quæ tegebat portam puluere excussit, tam-
que improuiso, ut ægrè irruentibus porta
occlusa sit, Sfortia ignaui animi Princeps vnà
cum crypta euerfus est; quanquam arce illi-
batâ, & cuniculis propter situm palustrem
parum obnoxia; pactus deditionem cum
Comestabile; ea conditione, ut eam arcem
atque Cremonensem Regi cederet, cum iu-
re in vniuersum Ducatum; habitaret in Fran-
cia quo loco ipse vellet, dum viueret, in pen-
sionem sexaginta millia Ducatorum in an-
nos haberet. Ita pactum & factum, deducto
in Franciam Sfortia, sibi gratulante quod
iam liber esset, alieno imperio; & reuera
ipse ad molem imperij sub ingenio multum
ineptus, ad nutum aliorum instar bracteolæ
vertebatur. Tum Rex solemnî pompâ Me-
diolanum ingressus est; ac profectus Vige-
uanum, ab tota Italia præterquam ab Hispa-
niis Legatos excepit. Et celebris Venetorum
legatio, qui collaudata fortitudine Regis &
felicitate, impetrarunt copias, ad Brixiam
recuperandam aliâsque quas tum Imperator,
tum Hispani, in ditione Reipublicæ obti-
nerent: datûsque Trivulcius, qui Aluiani
demortui vices gereret; & obsessa est Brixia,
eo euentu, quem Venetorum Historici scri-
bunt. Interea pronis animis agebatur de fœ-
dere cum Leone Pontifice contrahendo. Post
pugnam deuictam, Leo metu captus ad Re-
gem fidum hominem miserat, agebâtque de
pace; vtrò in idem votum propendebat Rex,

*Regis-
cum
Ponti-
fice col-
loq. iſe
& fœ-
dus.*

— tum Religionis veneratione, tum Pontificem
 FRAN- abducturus ab Hispanis atque Heluciiis,
 CISCVS viamque ad Neapolitanum regnum instru-
 I. cturus. Ergo primum de conditionibus con-
 uenitur, tum placet ad stabiliendam maio-
 rem concordiam vt colloquerentur. Erant
 conditiones, vt Rex Medicæos atque Flo-
 rentinos protegeret atque defenderet; tute-
 lam Francisci Rouerei Vrbinatis Ducis abdi-
 caret, Bononiam Pontificis esse pateretur;
 atque à Pontifice Parmam & Placentiam ha-
 beret. his constitutis, de colloquio actum
 est, & illud vehementer vterque optabat.
 Rex animo ingenuo, vti Pontificem deuin-
 ciret, ipsūque induceret, ad pellendo Nea-
 politano Regno Hispanos. At Leo non dubi-
 tabat, quin Regem adulescentem, quocunque
 vellet, flecteret, atque abduceret. Mox de
 loco deliberatum, ac designata Bononia, nec
 molestum Pontifici, cō ad excipiendum Re-
 gem proficisci: siquidem non placebat Flo-
 rentia, ne quid in Medicæam stirpem Flo-
 rentini turbarent, Roma multò minùs, ne
 fortè vicinia Regem victore exercitu comi-
 tante, in Neapolitanum regnum alliceret.
 Venit ergo Leo Bononiam, Franciscus biduo
 post, occurrentibus duobus Cardinalibus;
 & ipse modico comitatu, ne quid metus aut
 suspicionis moueret, admissusque in Cardi-
 nalium cœtum, per Pratum Cancellarium
 obsequium Pontifici præstat, stans ipse in-
 terea, operto capite. Mox ad colloquium
 versi, magna humanitatis & beneuolentiæ si-
 gnificatione, triduo inter se egerunt, qui-
 que in suam rem collineantes. Rex apertè
 & candidè expeditionem Neapolitanam in-
 sinuabat Pontifici, cupiebátque institui; ille
 autem & solerter tectō consilio, rem ad Fer-
 dinandi mortem differebat; senem capula-
 rem iam admotum tamulo, induciarum tem-
 pus nondum effluxisse, vbi è viuis excesser-
 rit,

rit , nouo Principe atque inexperto , rem facile suscipi perfici posse. Tum aggressus in rem suam, postulabat extinguere Pragmaticam sanctionem ; tantumque contendit ut in noua pacta conuenerint , quæ Concordatum , ceu concordie fœdus , dicta sunt. Iis Pragmatica sanctio abolebatur ; Regi dabatur in posterum toto regno , Antistites atque Abbates quos vellet eligendi potestas , atque Pontifici proponendi ; qui propositi essent , eos Pontifex ad dignitatem designaret atque promoueret. Contra datum Pontifici , ut ad illas dignitates promouendi , sacerdotij fructus quos primo anno colligerent , Pontifici penderent , quos Annatas appellant ; noua æstimatione instituenda ; ita suum quisque alteri attribuit , magno vtriusque compendio ; cum Regi esset seligendorum Antistitum facultas , donorum inexhaustum penu , & sumptu facili , admittendo nemine qui sibi odiosus aut molestus foret , & Pontifici pecunia ingens accederet , ad sustentandam cum dignitate potentiam. Offerebat Leo Imperatoris Constantinopolitani Francisco titulum , si in Turcam bellum susciperet ; sed ille inane nomen & difficili bello implicatum , de Concilij calculo repudiavit. At promissit Pontifex , Rhegium & Mutinam se Ferrariensi Duci redditurum. Postea solum colloquium , & Pontifex se recepit Florentiam , Mediolanum Franciscus. Vbi tandem Heluetiorum odium expugnauit ; fœdusque contraxit cum bellicosissima gente , iis conditionibus quas Ludouicus abiecerat : ut iis promissa ad Diuionem pecunia solueretur , darentur pensiones antiquæ ; ac pro urbibus Mediolanensis regionis , quas restituerent , designata plura nummorum millia ; tum iij iusto stipendio Regi mererent , præterquam contra Pontificem , Imperatorem , atque Imperium. Rex ea sollicitudine liber , reuertit

FRANCISCUS
I.

Pragmatica abolita.

Annata.

FRAN- in Franciam, dicto Comestabile Prorege In-
CISCVS subrium, atque assignatis decem millibus
I. militum, ad tutelam, dimisso exercitu reli-
quo. Et ea primo, regni anno patrata, sum-
ma omnium expectatione, quo se fastigio
tam felix primordium coronaret.

XXVI Et verò Rex festinabat in Franciam, uti
Mors nouam procellam quæ exoriebatur excuteret.
Ferdin- Henricus Angliæ Rex cum Ferdinando socero
nandi. nouas turbas moliebatur: quippe Franci-
sci fortunæ & gloriæ inuidens, offensus præ-
terea quod is Scoti Regis suscepisset tutelam,
conabatur in Germania atque Italia hostem
excitare. Iis incumbentem Ferdinandi mors
conturbauit, quæ magnis plerumque infen-
sa consiliis, senem ingentia voluentem tan-
dem intercipit. Creditur extinctus amatorio
poculo quod coniux liberorum cupida pro-
pinauerat, quodque adusto iecore, hydro-
pem induxerat; & Ferdinandus maiestatis
Hispanicæ auctor & conditor, singulari pru-
dentia in Principum paucis eminuit, sum-
mus regiis dotibus. Ferdinandi obitu, Ca-
rolus Archidux in amplissimum regnum vo-
catus est; Anglus repressus, Imperator haud
quaquam: qui Sedunensi plurimum insti-
gante, cum Mediolanensem Ducatum suum
esse diceret, conscribebat ingentem exerci-
tum, ut eum reciperet, & simul Veronam
& Brixiam conseruaret, quas expugnare to-
to nisu Veneti conabantur. At Franciscus
Ferdinandi morte in cupiditatem Neapolita-
ni regni arreptus, eò Comestabilem desti-
nauerat cum decem peditum millibus atque
cataphractis octingentis equitibus, plerisque
nobilium iugum obsequij executientibus. Ea
conantemprehendit expeditio Maximilia-
ni, qui antè acceptis à Ferdinando centum
& viginti aureorum millibus, exercitum in
id bellum parauerat. Heluetiorum quindecim
millia Germanorum decem, & quinque
equitum;

Maxi-
milianus
Mediola-
nus ag-
gredi-
tur.

equitum ; miserant autem Heluetios quin-
que pagi qui cum Francisco nondum conue-
nerant. Imperator postquam Brixiam & Ve-
ronam comiteatu iuuit, ad Vicentinos mon-
tes conuersus, oppidula quædam expugnat,
dum se hostis confirmat, conquirisque sub-
fidia. Primum Lautrecus, coniunctis Fran-
cicis copiis Venerisque, citra Adduam posi-
tus, iactauerat scriptis ad Regem litteris,
prohibiturum se Germanos transitu ; verum
eum Imperator vastata prouincia ferox im-
mineret, vadofusque annis esset, Lautre-
cus cum copiis Mediolanum se recipit. Et
Comestabili de ratione belli consulenti vi-
sum est opportuniùs, nihil fortunæ permitte-
re, hosti agros deferere, & salutem corpo-
ris curare in capite ; gnarus Maximiliani ex-
peditiones à constantia deferri, nec exitum
nociturum, si vincantur initia. Prudentiam
eius consilij euentus aperuit. Nam primum
tredecim Heluetiorum millia duce Alberto
Petra accepit Comestabilis ; tum Imperator
postquam ad suburbia admouit exercitum, &
per facialem inanes minas detonuit, ciuibus
ni Francum pellant, exitum interminatus,
& quale olim Fridericus Anobarbus intu-
lerat, subito metu correptus, retrocessit, at-
que abducto exercitu, cepit de se esse sollici-
tus. Quippe extimuit, ne ab Heluetiis, vt
quondam Sfortia proderetur, in hostili exer-
citu, atque in suo tantum numerum eius
gentis esse, quam meritò in suspicionem
vocaret, eam in Austriacum nomen vetera
odia concepisse, sibi ad stipendium deficere
pecuniam, superesse Francis : quid vetet quin
illi largitione utrosque corrumpant ? Eum
metum promouit Iacobus Stafterus, qui Tri-
bunus Heluetiorum stipendium ab eo po-
scebat insolentiùs ; & cum suis Laudem sece-
dit, urbemque antè Cæsari traditam diripit,
Cæsar transgressus Adduam, postquam ali-
quod

— quod aurum ab vrbibus corrasit ; Triden-
 FRAN- tum se contulit , euanescentibus minis. Nec
 CISCVS tamen Franci iusti metus expertes fuerant :
 I. etenim Heluetij vix Mediolanum peruene-
 rant ; cùm iubentur à suis magistratibus re-
 gredi in patriam , ac vetantur contra Impe-
 ratorem ac populares , pugnam suscipere.
 Iamque bis mille abscellerant , sequuturis
 proximè commilitonibus , atque haud dubiè
 discrimen ingens adibat res Francica , si metu
 emendato Maximilianus , in consilia hostis
 intendisset , atque perspexisset grauitatem
 periculi ; sed ea fuit viri infirmitas , vt pri-
 mæ cogitationes vix secundis vllum locum
 darent ; quod primum infederat , rapiente
 temerè animum. Postea à Venetis Franci-
 que incubitum , vti Veronam Brixiamque
 reciperent. Verùm interea Borbonius Co-
 mestabilis , dimissionem flagitans , in Franciam
 venit , & Præturam Mediolanensem Odeto
 Lautreco tradit ; siue sponte abscesserit , par-
 tâ ex repulsis Germanis sibi gloriâ , & secu-
 ritate prouinciæ ; siue iam oppositus Ludo-
 uicæ Reginæ iniuriis , & fomite inuidiæ de-
 trahendo. Post hæc paucis annis conquiescit
 à bello Francia , quasi restaurandis in proxi-
 mas ærurnas viribus , plurimisque fœderi-
 bus pacem constituit. Primum cum Carolo
 iam Hispaniæ Rege , quod Nouioduni con-
 scriptum est. Eo sancitum vt Carolus coniu-
 gem duceret Ludouicam Francisci filiam ,
 vno anno natam , accepturus in dotem iura
 in regnum Neapolitanum ; si Ludouica ante
 nuptias obeat , ducat sororem proximam Ca-
 rolus , quæ si nulla sit , Renatam Britannam
 habeat , pendeat annis singulis , centum
 nummorum millia , in sponsæ alimentum ,
 restituâtque Nauarram Henrico Regi , Ioan-
 nis iam mortui filio ; sin minus , Franco li-
 ceat Nauarrum iuuare. His in speciem da-
 rioribus assentit Carolus , necessitate impul-
 sus,

*Fæde-
 ra cum
 vicinis.*

sus, propter tumultus Hispanicos, qui exter-
num bellum excluderent. Tunc cum Impe-
ratore iurata pax, qui Veronam Lautreco
tradidit, isque Venetis, persolura Imperatori
pecunia: tuncque demum Veneti ditionem
suam post Cameracense fœdus exhaustis im-
mensis difficultatibus receperunt. Mox cum
Leone Pontifice, quanquam Francis non
multum propitio, reuocata concordia, da-
tusque Lautreci frater Thomas Fuxius Les-
cunus, qui adductis copiis, Franciscum Ma-
riam Rouereum, Ducatu Vrbinatæ expulit,
Laurentio Medico, nepoti ditionem hanc
asserens: Isque Laurentius Magdalenam
Bononiensem, Regi consanguineam, affi-
nem duxit: unde orta Catharina Medica,
unica filia, tanti in Francorum monumen-
tis nominis. Postremò cum Anglo instau-
ratum fœdus, & desponsa Maria filia Fran-
cisco Delphino, tum ipsius nomen alteri
Regis filio impositum, qui Henricus dictus;
ac persuasum à Thoma Volsæo Cardinale
Eboracensi, cui suprema erat in Regem
suum potestas, uti Tornacum Franco resti-
tueret; acceptis quadringentis nummorum
millibus. Sic Europa procellis cessantibus
fruebatur pace, & videbatur post multa se-
cula Iani templum occlusum quanquam in
ea tranquillitate, gratiæ apud Regem nau-
fragium, imò vitæ passus est Ioannes Iaco-
bus Trigulcius; de rebus Francis perbene
meritus. Ille priuatim ab Lautreco dissidens,
atque in Franciam reuocatus, iactabatur Au-
licorum artibus, Regine matre Lautreci
odium propugnante; utque erat animo in
eiusmodi artes imparato, inter arma & ca-
stra diutissimè versatus, & conscius rerum
quas gessisset, ab audacioribus verbis tem-
perare non potuit; ob quæ cum à Regis gra-
tia excidisset, iamque in odium propè in-
curreret, spontè ab aula exul, morbo op-
pressus,

FRAN-
CISCVS
I.

Anno
1517

Lescun.

*Tri-
gulcij
mors.*

Anno
1518

FRAN-
CISCVS
I.

Anno

1518

XX-

VII.

Mors

Maxi-

milia-

ni.

Anno

1519

preſſus, tædio & dolore viuere deſiit; iuſſa inſcribi tumulo ſuo epigraphe, *qui nunquam uiuus quieuit, hic tandem mortuus quieſcit*; procella iactatus multiplici, & naufragio tandem ad portum impuſus

Pacem publicam impetrauerat Pontifex, atque inducias in quinquennium indixerat aſſenſu Principum, vt arma in communem hoſtem inſtruerentur. Is Selinus Turcarum Sultanus, qui extincto Mammalucorum imperio, Ægyptum ſubegerat, & ferociſſimus imminebat Italiæ. Porro conuenerat inter Principes Chriſtianos; vti Maximilianus conſtato exercitu ex Polonis Hungariſque Equitibus, & Germanico peditatu, per Bulgaros in Thraciam penetraret, Rex Chriſtianiſſimus Francos Venetos atque Heluetios duceret Brunduſium, atque inde in Albaniam ſolueret, inuaſurus Græciam, vindicaretque libertati, ſponte grauiffimum iugum excutientem; Reges Hiſpaniæ, Angliæ, & Portugalliæ ſuas clafſes Carthagine noua coniungerent, ac ducentis nauibus Conſtantinopolim verſus nauigantes, Helleſpontum aggrederentur; poſtremò Pontifex centum triremibus Ancona ſolueret, ſeque clafſi ad Helleſpontum adiungeret. Ingentem illam molem tam diuerſis machinis ſurrecturam diſturbat illicò Maximiliani obitus, qui cùm Pharmaoum ad vitandum morbum hauſiſſet, vi illius nimia periit; adeò & per ipſa remedia mors graſſatur. At continuo vnius hominis exitus ingentes procellas in Europa conciuit: ſiquidem primò belli Turcici diſſiciuntur conſilia, Principum animis ad alia verſis; tum Luthero graſſandi impunitas, atque hæreſeos ſtabiliendæ opportunitas datur; poſtremò Regibus Franciæ atque Hiſpaniæ diſſentiendæ fomes obicitur, atque interneſcens bellis magno Europæ malo ſæuiendi. Hic fomes, Imperium; flamma quæ afflauit ignem,

ignem, Ambitio. Mortuo Maximiliano exurgunt duo candidati imperij, Franciscus Rex Franciæ, & Carolus Hispaniæ. Franciscus his rationibus spem conceptam alebat; *Francia restituendum unde profectū esset Imperium; Caroli magni virtute assiduusque victorius conditum in Germania primum imperium, ad eius heredes tandem post multa secula porrigendum: nec se indignum, qui ad id fastigium promoueatur, nobilem Mariniāna victoria, magno specimine regia tum fortitudinis tum felicitatis; spondebatque extemplo se bello Turcam impetiturum, quinquaginta milibus peditum, viginti equitum, nihilque adiunctis Francis & Germanis futurum inexpugnabile. Contra rivalem sibi admodum imparem deprimebat; nam is atate iunior, anno decimo nono nondum impleto, nulla administratione probatus, nullo bello tentatus, nondum ferro accinctus; vix dum ab ephebis & à pedagogo emissus, quomodo tantam mallem sustineat, & ferocissimum hostem armatus repellat?* Hæc Franciscus, atque affirmabat, eum ambitum ab utroque nulla contentione instituendum; certandum meritis, ac cuiusque virtute, non malis artibus machinisve; qui vinceret, felicitate sua frueretur; qui victus foret, nec iniuria præteritum se adscriberet, neque in amulum expromeret vindictam aut doloris sensum: quasi rivales qui virginem ambiant, mox electo in sponsum altero alter conquiesceret. Iis admodum speciosis firma & solida opponebat Carolus; se Germanum stirpe, atque aptiorem Germanico imperio, quàm alienigenam, maximè Francum, qui Germanicam gentem veteri dissensione opprimere cuperet, possètque ingentibus sui regni viribus: quandam sibi prærogativā à maioribus traditam, cum successione continua Albertus, Fridericus, & Maximilianus tenuissent imperium, eumque morem inolevis-

FRANCISCUS
1.
Franciscus
& Carolus
candidati
imperij.
17.

— se, ut cum filij Imperatorum viderentur idonei, in parentum locum Electorum calculis cooptarentur; rem iam propemodum à Maximiliano confectam, unaque morte prohibita: nec Carolus aetatem aut imperitiam rerum excusabat; certus id quod obijcerat amulus, sibi commendationi apud Electores futurum; qui anteponerent Principem cui imperarent, mallentque sibi ob aetatem obnoxium, quam imperantem, & rebus gestis pratumidum. Postea studia, suo quisque modo prehensabat; Franciscus aperte atque confidenter, Carolus solerter & efficaciter. Ille in Marchione Brandeburgensi fulciebat ambitum, & quanquam Legatos ad Collegium Electorum haberet Confluentia, in quibus Boniuctus Admirallius, dissimulata persona, totius rei moderator; tamen minor industria, sollicitudo & vigilantia erat, quam in Caroli oratoribus Eorum mens atque animus Erardus Marchianus, Leodiensis Antistes, cui Imperium vni Carolus debuit, tam à Francisco alienus, quam in Carolum pronus. Quippe à Ludovica Regina prateritus, in Cardinalium albo, quod Rex Pontifici proponebat, atque postpositus Bituricensi Pontifici, qui Reginae, ut dicebatur, quadraginta aureorum millia numerauerat, indignatus operam suam negligi, eam ad Carolum ultro traduxerat; atque ut erat sagacis ingenij, ultione industriam acuate, in Electorum Comitibus rem perfecit. Ac primum Brandenburgensem à Francisco abduxit; tum Moguntinum Episcopum, & Palatinum Comitem Carolo addidit. Nec Pontifex inclinabat in Francum, potentiam veritus, metuensque ne quod olim Ecclesiae Francici Imperatores donassent, Imperator heres reposceret; neve ipse Franciscus compos imperij, Neapolitanum regnum inuaderet, & vincula Italiae fabricaret; & easdem propemodum ob causas auersus erat ab Carolo; cupiebat

cupiebátque vnum è Germaniæ Principibus ad solium vehi. Dum hæc sine iurgio & contentione proponuntur, Boissij obitu benè cōstituta statim peruertūtur. Ille Arturus Gouferius, quem dixi, regiæ adolescentiæ Præfectus, probitate insignis, clarusque in gerendis rebus prudentia, qui cum Croio Cheuresio Monspelim venerat, Caroli pariter institutore, nec integritate vitæ ablimili; Ij cum suos Principes consiliis optimis regerent, alerantque mutuam inter eos concordiam, sempiternæ pacis modum & rationem ponebant, cum repentina morte Boitius rapitur; magno Christiani orbis detrimento, & Francicarum rerum periculo. Etenim cum vnus ille in Regis animum auctoritate polleret; vnusque Ludonicæ matris effrenes cupiditates retunderet; perfractio repagulo, & Rex liberius in affectus suos incubuit, & Regina solutiùs ambitionem & auaritiã promouit. Statim in gratiæ locum euectus est Boissij frater Boniuetus, à Boniueto arce, sexto à Pictauiio milliari, magnificè exadificata sic dictus, iam Admiralius Franciæ, Regiæ gratissimus à virtutibus fratris multum alienus, atque ad Aulicas artes, longè aptior, quàm ad solidas verasque, tum consilij tum militiæ doctes. Isque Boniuetus moderator erat legationis Franciæ ad Electores, quanquam latens, spemque alebat Francisci, affirmans haud dubiè futurum ipsum Imperatorem; cum repente Carolus absens Electorum suffragiis Imperator dicitur. Sic flagranti spe deiectus est Franciscus; præteritionis vt vocabat iniuriã, altius quàm par esset in generosum & sublimem animum penetrante. Porro si Lectorem dignoscendi Caroli cupiditas subit; quando ab eo stabilitum est imperium Hispanicum, multis retrò annis Francico æmulum; ita à Scriptoribus pingitur, tum corporis lineamentis, tum affectibus animi.

FRANCISCUS
I.
Boissij mors.

*Boni-
net.*

*Caro-
lus Im-
perator*

*Caroli
effigies.*

Erat statura mediocri, capillo flauo, colore niuco, labro inferiore paululum eminente, atque inuerso; vnde is in posteris Austriacorum character; oblongo vultu, ad mœrorem potius quàm lætitiâ conformato, sermone raro atque modesto, tardo incessu, gestu atque habitu temperato, vt grauitati & seueritati propior videretur. Iam animo sibi proposuerat Ludouicum XI. imitandum, eiusque vitam à Comminio conscriptam perlegebat assiduè; ab eo consilium, & solertiâ, hauriens, nusquam crudelitatem aut timiditatem: nam domi mansuetus erat ac facilis, priuatim parcus, liberalis in publicum, suæ sententiæ tenax, ac sæpè pertinax; primum à bellicis expeditionibus alienus, mox delibata per Solimannum depulsam gloriâ, illius supra modum auidus, ac bella tam ductu suo quàm auspiciis gerens; voluptatum parcus, ad Martis munia pacisquæ strenuus; curâ totum se impendens in regimen, labori haud patiens, quanquam aduersa valetudine, & infirmo corpore; animi robore agritudines superante. Cæterum felicitate quadam promouente consilia, Francisco in pluribus superior fuit, illo plerumque indulgente voluptatibus, dum ipse curis votisque, intermissione nulla, incumberet.





HISTORIÆ FRANCICÆ,

LIBER DECIMVSSEXTVS.



NOVA Caroli dignitas paucis admodum principum gentiumvé satis grata fuit. Præsertim Franciæ rex, tametsi petitionis tempore æquanimi-
tatem & modestiam multam prætulera-
bat Carolum sibi antelatum iri, non agrè hunc animi sensum à se impetrabat; at ipse postea falsus, dolore acerrimo vexabatur, quod futurum euentum præsumpsisset inani-
ter. Ideò aures adulatoribus præbere faciles, suffragiorum iniquitatem passim accu-
santibus, dolum & vim Caroli sugillantibus, ipsumque proscindantibus contumeliosis verbis, & proponentibus in derisum aulae. Nec deerant Carolo expostulandi de Franciæ causâ; veteres recentesque. Mariæ auia raptam iniuriâ à Ludouico XI. Burgundiam querebatur; auo Maximiliano detractam à Carolo Annam sponsam; Philippum patrem

FRAN-
CISCVS
I.

*Diffin-
tionis
causæ
inter
Caroli
& Fran-
ciscum.*

illudum sapius spe nuptiarum, sibi primam
 FRAN- Claudiam Ludouici filiam desponsam,
 CISCVS mox Mariam Anglicam, post Renatam,
 I. sponsione falsa; se postremo illudum, Fran-
 cisci filiâ promissâ in coniugem, vixdum
 luci data, & vagiente in cunis; cui tamen
 alimenta penderet; quasi Hispaniarum rex
 atque Imperator vxotem consequi, nisi à cu-
 nis suo tanto sumptu, nullam posset. Quid
 quod reposcebat Mediolanensem Ducatum,
 qui feudum Imperatorium esset, à Maximili-
 ano Ludouico traditum, in spem nuptia-
 rum; quibus post irrisis, & irrita concessio
 esset. Et deferebantur scommata atque ludi-
 bria, quibus in Francisci aulâ iactabatur,
 cò altius in animum penetrantibus, quo pro-
 pius vero similia erant; vtque potentia ni-
 hil contemptu molestius, odium & vindictæ
 libidinem admittebat penitus, atque arde-
 bat qui ludibrio foret, timori esse atque de-
 trimento. Et ea sunt odij semina bellicque
 perpetui, quæ Principes gemini in vberri-
 mam messem aluerunt, immensis Europæ
 calamitatibus. Verùm per gradus mutuus
 furor incessit, nec extemplò præcipitatus est.
 Franciscus antè dolorem animi quàm aperi-
 ret, censuit conciliandos fæderatos; ac pri-
 mum omnium Henricum Anglum, magni
 momenti in vtram partem se verteret. Et is
 prono assensus est animo; premente in Ca-
 roli fortem inuidia. Locus Guinas inter at-
 que Ardras designatus, medius in vtriusque
 ditione, cùm Guinæ Angli essent Ardræ
 Franci; idque colloquium per quindecim
 dies habitum, maiori pompâ quàm fructu.
 Nempè Volsæus Cardinalis & Boniuetus
 Admiralius, suorum quisque Principum
 compotes, cùm ostentandæ magnificentiæ
 studio agerentur, superfluo atque inani spe-
 ctaculo, Regum ararium, & multorum no-
 bilium

*Regis**enim**Anglo**collo-**quium.**Anno**1520.*

bilium opes effuderunt, quas longè commo-
dius in bella proxima impendissent ; pegma-
tibus ligneis, auratis papilionibus, conui-
uiis Perlicis, ludicris sumptuosus, exhaustâ
innumerabili pecuniâ ; nec frustra locus
castra aurea dictus est : in quo aurum gem-
mæ & sericum refulgebant, sed præterea tan-
tum auri impensum est, vt eo vel amplissimæ
prouinciæ emi potuerint. Enimverò maie-
stas oris, corporis dignitas, palestræ gratia,
robustæ vires, formosæque dexteritas, ex-
cellabant in Regibus ; & miratus est vni-
uersus confessus, ludicro præmio digniorem
neminem, quàm ipsos Reges ; verum ea ad
captandos amores mulierum, quam ad fa-
ciendum fœdus aptiora, vt matronis pla-
cuerunt impensius, sic ad firmandam ami-
citiam nihil contulerant : pompis eius modi
vt ventosæ atque inanes sunt, plerumque
inanem gloriam, & varias famæ bullas gi-
gnentibus sanè huius colloquij fructus nul-
lus fuit ; nam quamquam fœdus contractum
est, quo conueniebant Reges ad repellen-
dum Carolum, si quid noui in Italia molire-
tur ; tamen aliquanto post Carolus ex His-
pania in Germaniam nauigans, in Angliam
appulit, amicissimè ab Rege exceptus,
nouum cum eo fœdus pepigit ; vt si quid
Carolo cum Francisco controuersiæ foret pe-
nes Henricum iudicandi esset potestas, &
facultas in eum bellandi qui recusaret suo
iudicio stare. Idque perfectum est, acceden-
te ad Henrici inconstantiam Catharinæ con-
iugis commendatione, quæ Caroli, matertera
erat ; & Volsæi cupiditate, qui nouis donis
à Carolo cumulatus spolia legebat ab æmu-
lis, & sui Principis vanitatem fouebat, qui
se arbitrum Europæ faceret.

I I.
Primū
inter
Carolū
& Frā-
ciscum
bellum.

Imperatore in Germania coronato, non
illicò bellum prorupit ; vtroque Principe

FRAN- nondum auso deturbare pacem, atque eni-
 CIS- tente belli incepti odium conferre in annu-
 CVS. lum. Sed modestiæ frænum assentatorum
 I. proteruia utrimque disiecit, Orangij & Leo-
 diensis Episcopi apud Carolum; apud Fran-
 ciscum Boniueti. Nassavius, ob uxorem
 Princeps Orangij, ab Ludouica Regina in
 aukâ vexatus, ad Imperatorem secesserat, &
 Leodienfis odia promouens, incendebat
 animum Caroli: Boniuetus similiter, sperans
 lucrum immodicum ex belli incendio, quan-
 do ipsius tota administratio foret, præcipi-
 tem Regem impellebat ardentiùs; *Carolus*
aliquando è conclavi vocandum ad castra;
edocendum dolos inter tectumque ambitum;
ac militarem disciplinam quantum intersit;
in bombardarum fulminantium fremitum
impellendum, quem hætenus susurri adu-
lantium demulsißent. Ita placuit à tergemi-
 nis locis bellum exordiri; sed captatâ occa-
 sione, ut repellere potiùs quàm lacessere vi-
 deretur. Primò in Nauarram bellum tradu-
 ctum est, Regis Henrici nomine; adhuc
 pace falsam in speciem stante. Quippe fæ-
 dere Nouiodunensi statutum erat, ut intra
 sex menses Carolus Nauarram Henrico re-
 stitueret; sin minus fas Francisco esset Hen-
 rico ferre suppetias ad auitum regnum repe-
 tendum; & magna spes erat recipiendi.
 Etenim Hispaniæ Proceres Cardinale Xi-
 mene veneno, ut creditur, interempto,
 quod impotentius in nobiles exerceret im-
 perium, noua rebellione in legatos Ca-
 roli consurrexerant. Ij Croius Cheuresius,
 & Adrianus Florentius, Belga uterque, qui
 cum dignitates atque ærarium arbitratu suo
 administrarent, odiosi Hispanis, passim tu-
 multus, quamquam nullâ suâ culpâ, concita-
 runt, Padilla seditionis dux; quam *san-*
ctam adiunctionem vocauit, pluribusque
 tum Proceribus tum ciuitatibus conuenien-
 tibus,

Bellum
in Na-
uarra.

Anno
1521

tibus, exardescere flamma ciuilis. Porro Velasques Castellæ Comestabilis, ut rebelles compesceret exercitum scripserat, petito ex Nauarra milite, abductisque machinis bellicis. Ea Francisco præclara opportunitas visa, mittitque sex millia Vasconum & Cataphractos ducentos, duce Andræa Asparro Fuxio, Lautreci fratre, qui in Nauarram irumpere. Belli momentum vna Pompelo erat; nam Ferdinandus occupato regno, arces omnes diruerat, seruata duntaxat primatia, ne rebellandi facultas voluntati accederet, verum ciuitas Asparrum excipit, præsidio in arcem proximam recepto. Imposuerat Prorex archi Præfectum Ignatium Loiolam, (quem tamen alij non Præfectum, sed militem dicunt) nobilem Cantabrum, iuuenem magni spiritus, & militaris audaciæ, qui suos ad sustinendam vim confirmauit; donec altero crute grauer saucio, atque infractis militum animis, arcem Vasconi tradit; humaniter à victore habitus, dimissisque in lares patrios. Hicque est Ignatius, qui sanato vulnere nouum vitæ genus instituit, & abdicatâ militiâ Deo se addixit, austeritate vitæ, rebusque gestis mirabilis; aliquantò post Societatis IESV auctor & conditor, quam in Franciâ natam, in vniuersum orbem propagauit Deus; bello in hæresim atque idololatriam perpetuo. Captâ Pompelone, totam Nauarram Asparrus subigit, erantque securæ res, si prosperitas sibi finem atque terminos posuisset. Etenim victor in alienum inuadens, prædæ forsitan cupiditate, Logronium in Hispaniâ Tarraconensi urbem ad Iberum, copiis obsidet; easque imminuit stultâ imprudentiâ, exauthoratis quam plurimis, ut stipendium lucraretur. Hispani qui hæcenus Nauarram ut alienum omiserant, cum se impeti vident, è veterno excitati, in communem hostem ver-

FRANCISCVS
I.

Aspar.
vol.

Ignatius
Loiola.

rauit vt Caletium Legatos in pacem mitterent , Augusto proximo ; & ipse eò Cardinalem Eboracensem designat, qui suo nomine controuersiam totam disceptaret. Dum is mensis aduenit , Imperatoris exercitus duce Fiennio , Flandriæ Præfecto , Fornacum obsidet ; mox aliæ Cæsaris copię Ardras interceptiunt , dituuntque ; Teruanâ clandestinis consiliis , in discrimen ingens vocatâ. Cum augusto mense Legati Caletium conuenissent , & Franci violatam pacem acerbè quererentur , Cæsariani id iussu Caroli factum pernegantes , reposcebant Burgundiam, Antisidorum , & Matisconem ; néve in posterum Flandriæ comes Franciæ Regi clientellam præstaret : cùm ea Franci reiicerent , atque animaduernerent Eboracensem in Cæsarianos plurimum propendere , solutum est colloquium re infecta. Nec Cæsariani præstolati sunt , dum id solueretur : nam Comes Nassauus , dum fingit se Marchium oppugnare , Mosâ repente transito , Mosonium urbem Campaniæ aggreditur , capitque deditione militum , aut præfectorum ignauia. Tunc ipsa re bellum indictum est , amoto pudoris & cunctationis repagulo. Nassauus euentum prosperum virgens , iam futurus Campaniæ compos, Meserias urbem ad Mosam positam , atque situ & defensoribus immunitam , victricibus copiis circumuallat. Franciscus iam ante in bellum imminens instruens copias , regni extrema quæ appeteret bellum , ita diuiserat ; vt Campaniam Alensonius propugnaret , Vindocinensis Picardiam , Aquitaniam Boniuetus , & Lautrecus Insubres ; cuique assignato milite necessario : ipse in medio ageret , quo vocaret necessitas aduolaturus. Expugnato ignauia ducum Mosonio , ne fortè fors eadem opprimeret Meserias , Bajardum præsidio præfectum mittit , qui suo nomine defectum

FRANCISCVS
I.

Fien-
nes.

Mos-
son.

Mes-
erias.

FRAN-
cis
cus I.
Baia-
rus
seruat
campa-
riam.

loci militumque suppleret ; simul cum eo nobiles adoleſcentes , Mommorancius , Annebalduſ , Villequeriuſ , aliſque poſituri ſub veterano duce tirocinium , in urbem penetrant. Verùm miles præſidiarius , ubi primum detonauit hoſtilis machina , ignauo metu conterrituſ , magnam partem deſertione turpi , urbe ſe proripit : adeò nobilibuſ plebeſque animiſ diuerſa ſapiunt. Nec ideò percuſuſ Baiardus ; ſed cæteriſ gratulatur , quod face militum purgati quodammodo atque abſterſi , relictſi eſſent comparandæ gloriæ ; omiſſiſque commodum ſociiſ , qui fucorum inſtar , in partem laudiſ , labore nullo admitterentur. Moſa urbem alluens , propè in orbem flexuſ penè vniuerſam fluctibuſ cingit , efficitque peninſulam , terræ adiunctam , qua via ad Arduennam & Burgundiam patet. Copiaſ Naſſauiuſ partim vltra amnè , partim ad fauceſ Iſtmi , locauerat , tormentiſque mutoſ acerrimè verberabat ; quod ubi factum eſt , Baiardum per tubicinem compellat , vt urbem immunitam ac apertam reddat. Ille cùm fortiter reſpondiſſet ; *civitatem ſibi à Rege commiſſam , quâ nuſquam prodiret , niſi per erectum cadaueribuſ hoſtium pontem* ; frequenter erumpenſ diſturbat hoſtem , longiùſque à manibuſ pellit. Nihilominuſ muci pars deiecta , reruſ penuria , ac præſertim pulueriſ , & faucioruſ numeruſ , Baiardum deducebant ad vltima , ni darentur ſuppetiæ , quibuſ viam vt patefaceret , comminiſcitur militarem fraudem. Nouerat Naſſauium inter & Sichingemuſ hoſtium duceſ , ortam ex æmulatione inuidiam ; Naſſauium vltra amnem agere , Sichingemuſ in iſthmo ; literaſ igitur fictaſ ad Marchium ſcribit , monetque vt Naſſauium certioreſ faciat , iam adeſſe tempuſ implendi promiſſum , atque ad regiaſ parteſ accedendi , ni faciat , breui fore vt toto Regiſ exercitu inuoluatur.

uoluntur. Ex litera rustico data, iussaque ad Marchium ferri: quæ facile à Sichingemo deprehensa ac lecta, quem Baiardus optaret effectum fortita sunt. Quippe Sichingemus iis fide habita, ne primus qui patebat hosti obrueretur, solutis castris ad Nassaium transit, reclamantem plurimum, & dolosas litteras accusantem: Sichingemi discessu, Mongomerio Largio patefacta est via, commeatum & militem inducenti in oppidum. Nec ultra Nassaius obsidioni insistit: transportatis secundo amne machinis, versus Picardiam mouet, tentaturus Guisam & Veruinum; sed cum Guisam Vindocinensis tegeret. Veruinum Palissa; Aubentone oppido capto, direptoque atque crudelissima immanitate caesis ciuibus, cuiuscunque sexûs, atque ætatis in Artesiam secedit. Sic Baiardus campaniam vno in oppido texit, eripuitque periculo; munimento validissimo omnium, viro forti. Eum Rex donauit torque aureo Sancti Michaëlis, præfecitque turmæ cataphractorum, quamquam meritis longè impari præmio; sed contingit aliquoties, vt præclarissimis viris præmium ipsa sit virtus, ne dediscant mortales ob virtutem vnam præclara agere.

Dum ad Meserias impingit Nassaius, spatium Regi fuerat apparandi exercitus; erantque in eo quinquaginta militum millia; quo instructus, postquam Mosonium Sampaulinus Comes vi recepit, in hosticum innadit. Exercitum in tres acies partitus; primam Alensonio permisit, postremam Vindocinensi, mediam ipse cum Comestabile agebat. Et Comestabili inferebatur iniuria, ad quam spectabat Rege præsentem primam aciem ducere; eò maxime quod Alensoni, quamquam Regem affinitate proximè omniuni continebat, erat hebere ingenio, & ignaui admodum animi; cui eam ob causam adiunctus erat Castilionius, Franciæ

FRAN-
CIS-
CVS I.

I V.
*Rex in
Belgiū
pene-
trat.*

*Castil-
lon.*

Mare.

Marescallus, flagrantissimæ apud Regē & Ludouicam Reginam gratiæ, quod Mommorancij sororem haberet in coniugem, adolescentis Regi charissimi: Et ipse aulicarum artium quàm militarium peritior, delectus à Ludouica erat, qui Comestabili opponeretur. Iamque contumelia aspersus erat Comestabilis animus; quoniam in defendendis provinciis erat prætermisus, & Boniueto Lautrecioque postpositus, sed doloris sensum fortiter dissimulabat, tecto igne grassante sæuius & in magnum Franciæ malum erupturo. Regi erat Consilium, Tornaco obseiso ire suppetias, Cæsaremque si occurreret pellere; atque in itinere duo oppida capta atque euerfa sunt; Bapalma à Sampaulino, & Palissa; & Landrecium à Vindonciensi; tum ultra progressus, inter Cameracum & Valencenas, audit Cæsarem cum exercitu ad eam urbem castra posuisse. Igitur prælij cupiditate incensus, eò se conuertit, atque ad Scaldim interfluentem festinat. In amnis transitu cum expeditionis caput versaretur, utrumque ad eum quàm conficiendum quàm prohibendum mittuntur copiæ; à Rege Sampaulinus Comes, ut pontem imponderet; ab Cæsare duodecim Germanorum millia, cum quatuor equitum millibus. At Sampaulinus præfestinans, pontem extruxerat, copiasque traiectas loco commodo, paludes inter, posuerat; cum Cæsariani aduolant, nec prælium ausi conferere retrò cedunt; iamque prima acies, atque ipsa media pontem transmiserant, cum præclara occasio belli conficiendi elabatur. Cæsar primum agmen cum exercitu insequutus erat; & recedebat, reiectis in postremum agmen octingentis equitibus, qui peditem tegerent, atque hostem velitationibus morarentur. Comestabilis, quamquàm in medio agmine, militarium peritissimus rerum, illicò fugam, & trepidationem

tionem hostium prospexit; & accusatâ Alen-
sonij, & Castilonij morâ, auctor erat, ut toto
exercitu Rex discedentes opprimeret; con-
tinuò disiectos equites in peditem ruituros,
perturbaturos ordinem, paratam victoriam,
nec hosti in aperta camporum planitie esse
effugium; & clam ipse speculatores immise-
rat, a quibus hostem fugere certò acceperat.
Contra Castilionius, cuius maximè ductu
atque consilio gerebantur omnia, quique à
Regina in mandatis habuerat, ne quid aleæ
pugnæ committeret, nihil tentandum affir-
mat, nebulosum esse diem, ignorari quid ho-
stes agerent, locum esse insidiis, nec inex-
ploratò ruendum ad prælium; sat patratum
esse, quod incolumes amnem transmiserint.
Plerique Duces accedebant ad Comestabilem,
exposulabant opportunitatem effluere;
imò Palissa, Trimollius & Baiardus, id de-
poscebant munus; suo capite spondebant
victoriam: quin & milites exoptabant præ-
lium; atque Heluetij ingeminatis vocibus
pugnam inclamabant, Regemque armatum
flagrantissimè ad dimicationem vrgebant.
Enimverò ille vno affectu invidiæ, primam
cupiditatem pugnandi, vindictæ ardorem,
laudis celebritatem, gloriâque victoriæ, cor-
rupit ac perdidit. Quippe occulta in Come-
stabilem invidentia, ratus si pugna confere-
retur, magnam laudis partem ipsum qui fuisset
auctor decerpturum, cessavit à prælio;
maluitque non vincere quàm æmulo laudem
apponere; adeò invidia sibi ipsa pœna est,
virtutemque omnem tam in se quàm in alio
extinctam cupit. Cæsar elapsus, proximâ no-
cte cum centum equitibus evasit in Flan-
driam; magno metu ob adolescentiam &
imperitiam belli perculsus; copiæ Valen-
cenis exceptæ sunt; & Franciscus occasio-
nem pessundedit, futuram caluam in posterum,
nec tam facilem in beneficium suum
occursum.

FRAN-
CI-
CVS I.

occursum. Deceuerat interim ad liberandum Tornacum pergere, cum inundantibus per imbres annibus, iam enim ad exitum october vergebat, prohibitus transitu, per Atrebatenses recessit in Picardiam; missis Cometabile, qui Bocainum cepit; & Vindocinensi, qui Somianum: leui tanta expeditionis pretio, perstante adhuc Tornaci discrimine.

V.

Fonta-
rabia
capta
pacem
velat.

Et ipse dum recedit, nouam opportunitatem, opprimendi belli dimittit, nam legati Anglici cum assequuti, pacem impetrabant, in eas conditiones, ut solueretur Tornaci obsidio, Imperator exercitum ab insubribus reuocaret; Franciscus militem mitteret; & si quid aliunde controuersia foret, Rex Angliæ indicaret. In pacem assentiebat Franciscus cum Boniæti temerarium imprudensque consilium, iam exceptum portu in altum Pelagus; & in procellas repellit. Ille in prouinciarum distributione sortitus Aquitaniam, ut belli laudem gratia commendationi adiungeret, non contentus fines suos tueri, in hostiles inuadit, atque ab Aquitanis multa pecuniâ per mutui regij specieem extorta, bellum in Cantabriam infert. Erant in copiis sex millia Germanorum, Duce Claudio, Comite Guisio; duo Francorum millia, & Cataphrasti sexcenti; quos cum ad Nauarra fauces duxisset, & castra eisdem mutans, lusisset hostem, incertum quam in partem se vesteret; repente in Cantabriam inferiorem deflectens, montibus celeritate summa superatis, ad Behobiam fluuium venit, Castra in ripa vteriore metatus. Annis fuit incerto admodum alueo; nam Oceano proximus, cum influentibus undis intumescit, excludit transitum, cum aquæ refluant, transeuntes admittit. Hispani se in vteriore ripa ostentabant, duce Iacobo Vero, nec impari hostibus numero: ultra annum arcebat.

Behobie

erat Behobia dicta, ab fluvij allabentis appellatione; tum paulo infra ad Oceani litus qua influebat amnis, Fontarabia vrbs exigua; sed munitissima situ. Postridie, postquam Oceanus fluctum resorbuit, Guisius Germanis prævius vado transiens tam fortiter in hostes inuehitur, ut ipsi fugâ extemplo disiecti in proximos montes euaserint, nec eunctatus Boniuetus, Behobiam arcem tormentis verberat, ac cæso globi ictu qui machinis in arce præerat, ad deditiōnem præsidarios adigit. Tunc virgendum hostem ratus, cum attonitus est atque perculsus, oppugnat Fontarabiam. Est Fontarabia oppidum permodicum; at magni momenti, quâ Behobia fluvius mari infunditur; partim fluvio partim mari cinctum, ut expugnari nisi gemino exercitu agrè possit: attamen quâ terra adiungitur, subiacet colli, vnde in murum inferiorem prospectus, & dominatio quædam porrigitur. Postquam Boniuetus partem muri prostravit, quamquam haud pateret satis, minúsque depressa, incommoda irrumpentibus labes foret; tamen aggressiōem instituit; qua repulsi sunt Vascones. Ergo ut facilius die sequenti in urbem perumperent, collem occupat, locatque tormenta, quibus propugnantes ferirentur in latus. Eo defensores perterriti urbem dedunt, pacti salutem & vasa integra. Potitus vrbe Boniuetus, quasi totam Hispaniam subegisset, verbis efferre se, iactare fortitudinem concipere animo grandia, & militari gloriâ supra facinus intumescere plurimum. Auctor Guisius erat, ut vrbs à fundamentis dirueretur, arxque erigeretur in altera amnis ripa ex materia dirutæ; vix arcem vnâ servari posse in alieno, commeatus labore plurimo inducendos, & alendum ad eam servandam exercitum: ea incommoda curari arce citrà fluvium posita, ad quam multò difficilius hostes

FRAN-
CIS-
CVS I. ftes peruaderent, & quam Franci propugna-
rent facilius. Prudentibus monitis obstrue-
bat aurem Boniuetus, nec euerti trophæum
victoriæ patiebatur. Quamobrem ad Regem
scribit, captam urbem, momentum exagge-
rat, perfossâque tanto vulnere Hispaniam;
ad extrema faciliè agi posse; nec vllò modo
restituendam, nisi Hispaniæ Rex Nauarram
restitueret. Cùm ista promotam pacem in-
terturbarent, legati Anglici rem proponunt;
vti vrbs apud Regem suum sequestrum de-
poneretur, donec amplius inter litigantes
conueniat. Id Boniueto vbi innotuit, equis
eursoribus ad Regem aduolat, tantùmque
precibus, gratiâ, & adhortationibus conten-
dit, vt ob eam vnâ urbem seruandam, Rex
tempore inopportuno pacem abruperit; Tor-
nacum amiserit, urbem fide in Francos spe-
ctabilem; Italiæ res propemodùm perditas
profligarit; & se in eum Labyrinthum in-
duerit; vnde nullo filo, nulla fortitudine se-
se expediet: adeò perniciosum est Principi,
vni viro totum addicere se, & priuatâ gratiæ
dare, quod exitiabile sit vniuersis; cùm sin-
guli ius in beneuolentiam Principis habeant;
nec quod cunctis noceat, vni donandum sit.
Interea Borbonius & Vindocinensis Hes-
dinum vi ceperant, opulentam urbem & præ-
dâ refertam: at Camperucio Tornaci præ-
fecto iussu à Rege, urbem vt dederet, quan-
do ferri nequibant suppetiæ. Et in Italia
vrgebat calamitosior fortuna, remque Fran-
cicam propè in perniciem certam voca-
uerat.

VI. Primùm cum Pontifice Rex pepigerat fæ-
Bellum in Ita-
lia. dus, quo Neapolitanum regnum partieban-
tur inter se, verùm ea vmbra & imago fæde-
ris, cùm alter alteri illusum cuperet, & ad
suum quisque scopum collimaret. Vnde
non multò post nouum cum Cæsare Ponti-
fex contrahit; quo conueniebant ad expel-
lendum

Iendum ex insubribus Regem, communi sumptu; Francisco Sfortia constituendo in Ducem; Parmâ & Placentiâ in potestatē Pontificis reddituris. Nec cessauit Pontifex odium in Francos expromere, Mediolanenses exules excipiendo, & clandestina fouendo consilia, si abiente Lautreco promoueri possent. Erat autem exulum Princeps, dignitate, & sagacitate, Hieronymus Maronus, qui repulsam ab Rege passus, cū recenferi inter magistrōs libellorum supplicum posceret, concepto ob contemptum odio, se ad Sforciam applicuerat. Agebat in Francia Lautrecus, ad ducendam in coniugem Orualli filiam, fratrēque Leseunum potestatis suæ vicarium Mediolani reliquerat. Iam à Francis alieni plurimum insubres erant; nam præterquam quod, qui obsequuntur mutationum sunt cupidi, dum videntur grauiora præsentia, & futura meliorum spem concitant; causæ etiam propriæ accesserant; amor ille ob Ludouici moderationem susceptus contrariis malis perierat: milites non persoluto stipendio vexare hospites; diripere & habere crudeliter; Centuriones & Tribuni id impunè ferre, atque ipsi plura per auaritiam atque libidinem perpetrare; Rex appellatus negligere, non audire, totus in voluptatibus & muliercularum amoribus mergi; ita miseriis tantis obnoxij vnum cogitare atque intendere, vt quouis discrimine molestissimum iugum excuterent: Hos animos introspectiens Pontifex, primū occultis per exules grassatur insidiis, quæ cum haud satis prosperè euenirent, se hostem professus, copias conscribit, atque adiungit imperatoriis; iis præerat Ferdinandus Aualus Pescariæ Marchio; illis Prosper Colonna: atque vniuersis Mantuæ Marchio, Ecclesiæ Gonfalonarius. Et Pontifici in secundum omen acceptus est casus, quo arx Mediolanensis propè

FRAN-
CIS-
CVS I.

propè euerſa eſt. Ipſo die ſanctis Apoſtoliſ ſa-
cro, ſereno cœlo ſub occaſum Solis, fulmen
cados tormentarij pulueris ex arce eductos,
atque in platea propoſitos, momento corri-
puit, ſtatim incendium peruadit in turrim
proximam, eodem putiere ad commeatum
arcis oppletam; tantoque fragore terram &
proxima quæque excuſſit, vt in ruinam vrbs
agi videretur. Turris à fundamentis euerſa
eſt, vtrimque magna muri pars deiecta, & di-
ruta, præuolutis ſaxis ædes arcis quaſiata
atque peſiundata; iis, in plateam & proxi-
mos vicos eructatis trecenti homines obru-
ti atque interfecti; metu horribili ciuitas
tota contremuit; fatigium turris ſolo infi-
xum auelli vix potuit; perculitque Francos
inexpectatum prodigium; quaſi terra ipſos
procul expelleret, vtrò arces paterent ho-
ſtibus, atque calum munimenta euerteret,
& propugnationem omnem eriperet. Nec
diuerſus à metu contingit euentus. Ad ho-
ſtium motum Lautrecus, qui vt ſcripſi agebat
in Francia, & Ludouicæ Reginæ tentabatur
odiis, proficiſci in Italiam recusabat, niſi ac-
ceptis trecentis aureorum millibus, quæ ſibi
eo anno ad belli ſumptus neceſſaria affir-
mabat; tandem Rege & præfectis ærarij
ſpondentibus, promptam pecuniam, atque
extemplò Mediolanum portandam, ipſe in
Italiam properat. Heluctij egregia in regem
fide militem dederant, Veneti Theodoro Tri-
uultio Duce adiungunt copias; ſuas ipſe Lau-
trecus colligit, quibus frerus, verſus Parmam
mouet, quam fæderati obſidebant, parte vrbs
iam captâ. Simul Ferrarienſis, quod diu diſtu-
lerat, Franco palàm hærens, educit copias, &
Sanſelicem occupat. Ideò fæderati, metune
vtrimque hoſtis incurreret, præcipitanter ſo-
lutâ obſidione Parmam deſerunt, Padum-
que tranſiſſunt, tanto tumultu vt à Lautre-
co facilè deleri potuerint; ſi hic alieno con-
ſilio

Medio-
lanum
amiſſum.

filio accommodaret se, nec peruiacior in sententiâ, aspernatus esset, quod cæteri duces proponebant; turbatum hostem vinci posse, & bellum vno impetu confici. Verum Lautreci ea indoles erat, ut manu præstantissimus, animo excelssimus, & consilio non omnino malus, alienam sententiam non audiret; nec duci consentaneum crederet, quibus ipse imperaret, & iisdem obsequi. Fugientem exercitum Pontifex supplemento magno instauratû, additis Cardinalibus Legatis Medicæ & Sedunensi, rursus vltra Padum ad bellum immittit; sed Lautreci vigilantia & labore assiduo, in angustias acti, nullâ re perfectâ coacti sunt in Mantuanum agrum secedere. Ea inter effluente Autumno, atque imbribus præuiis hyemem nunciante, productis iam noctibus & frigidioribus, castrorum tedium cepit Heluetios, qui magno numero in signa conuolauerant; pecunia in stipendium nulla, nec enim præfecti ærarij promissam milerant; labores molesti, assiduaque vigilia; & ipsos Sedunensis per deuinctos centuriones oblatâ pecuniâ, & reuocatâ specie religionis à Francis auertit; ita paucis diebus partim reuersi in patriam, partim ad signa fœderatorum traducti, omnes propemodum effluunt; ut ex viginti millibus ægrè Lautrecus quatuor millia continuerit, argento facto, suisque sarcinis liberaliter in stipendium erogatis. Ita imminutus, cum hostem transitu prohibere haud posset, Borbonium imitatus, Mediolano se & militem claudit; dum subsidium mitteretur è Franciâ. Verum hostis celeritas consilium omne discussit, quamquam ipsa celeritas supra consilium fuit. Quippe fœderati ad cœnobium Clarenallense quarto ab vrbe milliari cum subsisterent, & de vrbe capiendâ ne cogitarent quidem; plebeius senex prorsus ignotus duces adit, dicitque se

— se Mediolano missum, ut eos ad festinandum
 FRAN- hortetur; Mediolanenses ad eorum con-
 CIS- spectum arma capturos, irent, nec de successu
 CVS I. ambigerent. His dictis ita se subduxit nun-
 tius, ut diligentissime conquisitus, nusquam
 inuentus sit; nec sciri postea potuit, quis,
 aut unde missus. Foederati ut quid rerum
 esset tentarent, propius ad urbem sine tor-
 mentis, instar exploratorum accedunt, pro-
 piores timentibus quam oppugnantibus;
 Piscaria qui primus in fronte copiarum, Hi-
 spanos ducebat, sub noctem cum ad Vincen-
 tium propugnaculum progredieretur, aduer-
 tit Venetos milites qui praesidio erant metu
 perterritos, fugam corripere; videt gressum
 promouens, Heluetios pariter terga obu-
 tere; qua re plurimum obstupescens, fos-
 sam atque aggerem subit vetante nemine
 & suburbium occupat. Cum tumultus in
 urbe fieret, Theodorus, Triaultius, Veneto-
 rum praefectus cum Andrea Gritto, mulo ve-
 ctus, in suburbium occurrens, ab hoste capi-
 tur, Gritus aegre elabitur. Iam ciues ad ex-
 pellendos Francos arma comparabant, cum
 Lautrecus re subita mirum in modum atton-
 itus, desperata urbe, arci praesidium impo-
 nit, Mascaronem praeficit, & eadem nocte Co-
 mum cum reliquis copiis properat. Hispani
 successum urgentes in urbem inuadunt, se-
 quuntur Heluetii & simul in praedam versi; dies
 nouem continuos, urbem ne refertissimam
 opibus vastant atque diripiunt: frustra du-
 cibus minas & monita adhibentibus. Nec
 rebellionis poenas ultra ciuitas distulit; ipso
 crimine inferente vindictam & plectentibus
 iis qui in noxam fuerant. Lautrecus sane
 negligenter se gesserat, qui nullis specula-
 toribus in castra submissis, cum ducibus de-
 ambulabat in area, ubi ex Venetorum fuga
 comperit hostem versari in suburbio; &
 Lescunus frater, nocte proxima in excubando
 transacta

Anno
 511.

transacta, somno indulgebat. Imo fratrum
seueritas importuna, odium ciuium inflam-
mauerat; Manfredi Palauicino, ob rebel-
lionis consilia, palam in foro truncato capi-
te; cum indulgentia demitigandi ciuium
animi fuissent. Faderati in ciuitatem admis-
si præter spem suam & cogitationem, fidem
iplis oculis non habebant; quippe statue-
rant die proximo Ficinum recedere; nus-
quam rati urbem tantam nullo sanguine,
vno metu præuio expugnandam. Pescaria
postmodum Comum cepit; Lautreco in Ber-
gomensem agrum conuerso; Venetis tutum
receptum atque hospitium victo præbenti-
bus, donec Ticino & Alexandria captis, Cre-
monam venit; ne eam urbem hostes sælici-
tate sua corripere.

Pro fligatas Francorum res mors Leonis
Pontificis recreauit. Ille nuntiata prospe-
ritate armorum, febrim contraxerat, qua
diebus paucis absumptus est; votis etiam
supra spem donatus, quod ardentissime Parmam,
& Placentiam capi cum desideraret,
Placentiam captam dum ægrocat acceperat,
& ipso die quo egit animam Parmam reddi-
tam audiit. Suffectus est in Leonis locum
Adrianus Florentius, gente Belga, Caroli
Imperatoris præceptor, casu potius quam
consilio, si sustrangantium mentem inspicimus;
tunc agebat in Hispania, & euocandus
ad Tiaram fuit; verè si quis Pontificum
ab ambitu liber, quem nescientem tiara am-
biit. At dum eligitur atque euocatur, rerum
diuersa conditio immutabat Italiam. Quippe
Cardinalibus Medico & Sedunensi profe-
ctis ad conclaue, exercitus qui Pontificis sti-
pendio alebatur solutus est, paucique admo-
dum cum Columna hæserant. Lescunus in
Franciam festinauerat, & Rex tandem ex-
perrectus mandauerat Renato sabaudo spu-
rio, regie domus magistro, Palissæ Maref-
callo,

FRAN-
CISCOVS
I.

VII.
*Leonis
mors.*

FRAN- callo, Sanſeuerino, & Mommorancio, de ele-
CIS- ſtu apud Helueticos habito, in Italiam tranſ-
CVS I. gredi. Hac ſpe fretus Lautrecus, & hoſtium
inſirmitate, de recipienda Parma cogitauit.
Eam regebat Franciſcus Guiciardinus (cla-
riſſimus ille & omni laude digniſſimus hi-
ſtorix Scriptor) vir negotiorum quidem pe-
ritus, belli haud quaquam munerumque mi-
litarium: murus pleriſque locis dirutus, labe
aperta nec dum obſtructa; & hæc ſpem ale-
bant. Data promincia Ferdinando Bozolo, qui
Parmam intrepidè aggreſſus eſt; ſed Guiciar-
dini virtute egregia repulſus, didicit expe-
rimiento, ſapientem virum nuſquam eſſe
tironem, & laudem bellicam tam à pruden-
tia quam ab experientia proficiſci. Ferra-
riensis interim ditionem ſuam totam reoce-
rat; & Franciſcus Rouereus occasione captata
vrbinum & ducatum, eiectis Florentinis, vti
autum patrimonium vetante nullo inuaſe-
rat. At poſteaquam Adrianus dictus eſt Pon-
tifex, ambigente nemine in vtram partem
Belga & Imperatoris domeſticus conuerteret
ſe; belli ardor mutuus excandescit. Lau-
trecus dum accelerantur ſubſidia, excuſio-
nibus Mediolanenſes vexabat, quos proſper
Columna habebat addiſtiſſimos, atque arceſſi
vel oppugnabat operibus, vel conſcribebat.
Et quidem ciues Andreas Barbatus, gente
Ferrariensis, Auguſtinianus monachus, tur-
bulentiſſimis concionibus incendebat in
Francos, *amorem patriæ excitabat in miſe-
ris, eam communem parentem omnium, il-
lius cauſa calamitates omnes hauriendas;*
*Romanos, Græcos, Pœnos, veteremque hiſto-
riam reuocabat in calculum, atque imitationis ſtudium inflammabat; tum adiungebat ſtimulum religionis, Francos barbaros, ſcele-
ribus omnibus inquinatos; exploratam aua-
ritiam gentis, libidinem, crudelitatem, Eccle-
ſia & Pontificibus nefarium bellum intulit.*
Se,
diris

*Bellum
in Ita-
lia, re-
nouatū*

diris sapius deuotos & sacro fulmine perustos
non semel ; patere ex arce nuper fulminata,
quantum superis gens illa teterrima odiosa
esset. Exaggerabat quanta immanitate gras-
saturi in obnoxios forent, si semel vrbe admit-
terentur , odij furorisque proponebat saui-
tiam, quam nulla calamitas , nulli cruciatus
satiarent aut defatigarent mox ad vim re-
pellendam excitabat Parmersium exemplo;
qui infirmo praesidio; nullo duce, vrbe aperta,
murisque dirutis, vna sua virtute hostem ir-
ruentem, ad crudelitatem omnem expeditum,
expulissent muris atque deturbassent. Eius
generis vocibus, ita susceptum iam ante
odium succendit, vt direptis facultatibus ci-
ues quod foret reliquum latis animis ad mi-
litem alendum conferrent; nemo tenuita-
tem suam excusabat; cui duo erant nummi
alterum dabat; cui nihil, se ipsum adscribe-
bat militiae; ipsae mulieres, aurum, gemmas,
suaque ornamenta effusis animis, centurio-
nibus atque militibus largiebantur. Imo ad
Insubres ceteros, odium incendij instar per-
uaserat; nam si quos Francos caperent, iis
per indigna tormenta vitam adimebant;
plerumque cor ferro extractum e pectore,
feris obiciebant vorandum; aliquoties ex-
haustam aluum visceribus auena opplebant,
& viua etiamnum cadauera lanienda equis
supponebant; semper immanitate barbara
sauietes; tantum est furoris in odio, tam-
que atrociter humanitatem extinguit ultio.
Sed nec verbis aut odio Prosper Columna
pugnabat, sed factis; multaue ad tegendam
urbem diligentia postquam muros reparauit,
fossam repurgauit, erexit aggeres, propu-
gnacula instaurauit, seque ad propugnan-
dam urbem instruxit; aggressus est arcem
concludere, ne cui Francis commodo foret,
eamque tum ab vrbe, tum ab agris ipsis ex-
cludere. Eo consilio ducit geminas fossas

FRAN-
CIS-
CVS I.

Anno
1522

FRAN
CIS-
CVS I.

viginti passus à se inuicem distantes, ea longitudine quâ septum arcis protenditur; humum in aggeres excitat, atque latera propugnandis altioribus muris; locatis ad valli tutelam quatuor militum millibus. Nec sine prodigio aut cæli beneficio munimentum erectum est. Etenim sub ipsam operam tanta vis niuium fluxit è nubibus, tamque citò frigore obriguit vt ex ea aggeres ad regendum fossorem surrexerint, munierintque in arcis machinas, quæ crebros ictus & excusos globos in niuosa illa repagula frustra distabant. Lautrecus interea auctus erat Helueticis legionibus, quas duxerant Sabaudus spurus, & Palissa; & Ioannes Medicæus cum tribus peditum millibus & cataphractis ducentis ad Francorum partes transierat; Venetumque exercitum Theodorus Trivulcius & Andreas Grittus adiunxerant; quibus fretus se ad arcem admouit, si posset pererrumpere obiectum aggerem, atque in ipsam arcem inuadere. Sed munimento exclusus, cæsoque Marco Antonio Columna, is Prosperi ex fratre nepos, qui Francis militabat, vertit curas ad prohibendum ne Franciscus Sfortia Mediolanum subiret. Quippe ille inflammata ciuium voluntate multum exoptatus; Alpibus transitis Ticinum iam venerat, & contendebat omni studio Mediolanum venire; Columna enixius aduentum curante, vt ciues Duce inspecto magis ac magis ad defensionem flagrantent. Verùm & id consilium irritum fuit. Lescunus cum pecunia è Francia redux militem ad tutelam viæ reposcebat; ad eum cum copiis Mommorancius missus, venitque ad exercitum Lescunus non incolumis modo sed victor: intra triduum Nouariam expugnauerat, quamquam cæso Refugio. Sed intentus in fratrem Lautrecus, non satis Sfortiam cauit; qui per colles abditos & inexploratos Me-

diolanum

diolanum pervenit, effusumque civium exceptus gaudio; quasi simul cum eo felicitas urbem intrasset.

Hactenus fortuna neutri partium videbatur addictior, cum repente calamitas in Francos irruit, & affictos prostravit. Lautrecus Mediolanum patefacturus, statuerat Ticinum capere, eamque in rem adducto exercitu, iam labe gemina murum aperuerat; apparabatque aggressionem; cum Prosper Columna qui haud procul metatus erat castra, selecta duo militum millia in urbis subsidium mittit; qui nocte primum elusis Francorum vigiliis, dein aperta vi penetrantes per castra incolumes pervaserunt in urbem, Eo facto soluta obsidio, novumque consilium institutum. Lautrecus ad excipiendam pecuniam, quæ Aronæ subliterat, metu prædantium hostium, primum Marinianum, dein Mduzium venit: cum repente novâ procellâ iactatur atque submergitur. Helvetij longioris belli perterriti, diuque nullo stipendio aucti, per centurias tumultuantur, reposcuntque alterutrum, pugnam aut pecuniam; nisi repræsentetur alterum; minantur se exemplò in patriam redituros. Et verò Columna ad Bicoquam opportuno loco castra posuerat. Erat Bicoqua villa nobilis viri Mediolanensis, ab urbe tertio milliari, amplo spatio in hortos, prata & viridaria diffusa, quo exercitus poni commodè posset. In ea castra Columna posuerat, tum ut urbem ab oppugnatione defenderet, tum securo loco uti expectaret, quo tumultus Helvetiorum desineret; nam rem per speculatores acceperat; fossasque more gentis deductas, ampliores effecerat, adiunxerat aggeres, & castellis erectis, tormentisque impositis, omni industria communiuerat. Ad postulatam Helvetiorum, Franci duces pecuniam in proximo esse affirmant, præstolentur in paucissimos

FRANCIS-
CVS I.
VIII.
*Confili-
tus ad
Bico-
quam.*

FRAN-
CISCVS
I.

*Pon-
dorny.*

dies, numeratum iri cum incremento stipendium; nam hostem aggredi, temeritatis esse atque amentiae; validum exercitum testum & penè obrutum munimentis; satis effici, si detrahantur cibaria; claudantur ferarum instar hostes in latibulo; vel fame perituros, vel ad pugnam ultro procurfuros. Nihilominus Heluetij instant, deposcuntque praetium; sibi primam committi aciem flagitant, latere neminem quales in pugna sint; non fugam, non latebras, non stipendium, non otium petere: sed dimicationem, & quo loco acerrima sit; vrgebátque omnium maxime Albertus Petra, plurimis expeditionibus celebris. Cum agrè Franci impetrassent, ut hostium castra propius inspicerentur, id munus Pondorinio Belgæ viro forti impositum, qui rem speculatus, castra munitissima & summa difficultate oppugnanda renuntiat. Heluetiis tamen pettinaciter insententia stantibus, Lautrecus necessitate impulsus, sic composuit aciem ut victoriæ sin minus locus, spes saltem non deforet. Aciem primam Lescunus ducebat cum quadringentis equitibus, octo Heluetiorum millibus, & plerisque Francis nobilibus; inter quos Lauallius, Graulla, Miolensis, Launayus, cæterique. Secundam agebat Lautrecus, comitibus Sabaudis & Palissa; Nauarro praefecto cum fossoribus ad vias sternendas; tertiæ dux Urbinas praerat, quam conflabat Venetorum exercitus. Contra Prosper frontem castrorum, praeter fossam & aggerem, tormentis dispositis accuratè firmauerat; castra extrema, quæ ponte cum agro proximo iungebantur, commiserat Francisco Sfortiæ, accersito ex vrbe, cum quadringentis equitibus, & sex peditum millibus. Vbi ad iactum tormentorum ventum est, Franci admonebant Heluetios, paterentur displodi tormenta, fore ut euersis aggeribus,

bus, & via complanata, facilius ad hostem pateret aditus; verum in repudiata mora tam necessaria, & tormentis uti aspernantes, quasi lacerti pro bombardis essent, timorem Francis exprobrantes, se primum in tormenta hostium, mox in altissimam fossam induunt: mille propemodum antequam ad fossam euaderent cæsi erant; postquam in eam præcipitati sunt, strages nullo emolumento increbuit. Etenim cum summum aggerem hastarum cuspidibus non attingerent, frustra que destituti pennis, fossa erepere conarentur, patebant sclopetis hostium, certisque ictibus designati cadebant spississimi. Tam inæquali pugna fortissimi quique perierant; ipse Albertus Petra auctor & incensor, duo & viginti Heluetiorum Centuriones, duo ipsorum millia, atque Franci proceres quos appellaui; cum ceteros deficit animus, quique obstinati accesserant, obstinatiores recedunt. Iam repulsi erant, cum Lescunus & Vendenessus Palissæ frater, castra circumflexi, pontem aggrediuntur, & obiectum Sfortiam repellentes, vi in castra irrumpunt, patrabantque victoriam, si iussi pedites insequuti essent. Verum Columna Heluetiorum impetu liber, vniuersam aciem in eum effundit, adigitque retrocedere, nullo inuectum agmen fulciente. Lautrecus & Palissa precibus, monitis, promissis, urgent Heluetios, ut alteram impressionem instituunt, aut ad hostem auertendum fictam assimulent; appellant proximam fortitudinem atque audaciam, spem victoriæ faciunt, æmulationis flammam subiiciunt; peruasum in castra; ac leui conatu profigari hostem, si ipsi viri sint. Frustra stimuli admoti, hyeme sua frigidiores abscedunt; credo, quod præfectis, & fortissimis iam necatis, nemo esset de gente qui gloriæ flammam tot extinctam cædibus excitaret; aut fortè qui non

FRAN-
CISCVS
I.

gloriæ cupiditate, sed amore stipendij in-
consideratè in prælium ruerant, defecerunt
illicò, infirmo ad præclara facinora stimulo.
Veneti quasi sarcinarum custodes, nusquam
se mouerunt, nec ad hostem vel oculis ac-
cesserunt. Auctor erat Lautrecus, vt eo loco
castra erigerentur, hostisq; suo pomærio
clauderetur; nec id admisit Heluetius, sta-
tim elatis signis in viam conuersus, Francis
sequentibus quos nequibant sistere. Prosper
à Pescaria impulsus, vt munimentis prodi-
ret, perficeretq; victoriam; prudenter se
continuit; affirmans iam patrata rem quam
optaret; liberatum se, breui Heluetios re-
dituros in patriam, destitutos Francos Al-
pestransgressuros, ac victoriæ præmium nul-
lo periculo suum fore, Ducatum Mediola-
nensem ab hoste immunem: statimque euen-
tus dicto prudenti vim affinxit oraculi: siqui-
dem abscesserunt Heluetij, nec Francis con-
stantia diuturnior fuit.

IX.
Lau-
Pom-
peia
capitur

Nam vbi Adduam Lautrecus peruenit,
ponte imposito Heluetij per Bergomates
suas Alpes transcendunt, Sabaudus & Palis-
sa & plerique nobiles Franciam repetunt,
Lautrecus Cremonam proficiscitur, & ad
Laudem tenendam Medicæum Bossolûmq;
mittit cum parte copiarum. Illi urbem in-
troducunt, ob laborem viz somno se dedunt,
cura urbis Bonuallio Præfecto relicta; & se-
curè somno indulgebant; cum hostes inspe-
cturi quo statu foret ciuitas ad eam aduo-
lant; primum agmen ad muros accesserat,
cum Bonuallius vrbe egreditur cum suo ma-
lite ad velitandum; sed primo impetu tam
ferociter ab hoste pellitur, vt fuga versus
urbem capta, simul hostem acceperit. Ita
vrbs summâ defensorum ignominiâ capitur;
firma muris, nulla ruina, nullis machinis,
tribus peditum millibus, cataphractis ducen-
tibus, eam tuentibus; imo auicularum inflar,
intra

intra sua munimenta, seu nidulo deprehensis. Medicæus ac Bossulus experrecti è somno fuga seruati sunt; postea Cremonam ad Lautrecum venerunt. Quæ vna vrbs erat naufragis reliqua. Nam Pisleonem validissimam arcem ad Adduam Franci Præsidarij metu absterriti Piscariæ dedunt. Præterea restabat ad excitandam spem Genua, quandiu firma in fide perstarer; igitur Lautrecus ad eam retinendam, & impetrandas suppetias, dissimulato cultu, duobus domesticis comitantibus, in Franciam properat; Lescuno fratri tradito imperio, copiisque ad tutandam Cremonam: sed nec frater diu Cremonam tenuit; quippe Prospero urbem obsidente; cum ipso paciscitur, vt nisi quadragesimo die subsidia è Francia mittantur, omnes in Insubria vrbes Prosperum excipiant, præter arces Mediolani, Cremonæ, & Nouariæ; ipse cum copiis bona fide Segusium deducatur. Quod & præstitum est; Herbouilla in arce Cromonensi relicto cum præsidio. Nec erant pacta Franciæ rei contraria, si opportunitate Franci vti essent: nam contempore Genua missis subsidiis seruari poterat, quæ comineatu atque præsidio destituta, proxima periculo erat; & Prosperum Adoinij fratres adurgebant, pollicenti iisdem se legibus adhæsuros Sfortiz, quibus olim patres Ludouicum fouebant. Nec cunctatus Prosper rem suscipit, & cum Piscario copias Genuam ducit. Franciscus iam ante de periculo monitus, curâ neglectâ vacabat otio; nunc experrectus seriis, scribi iubet octo militum millia, & Petro Nauarro Mercallo agenti Massiliæ imperat, vt quidquid militum habet imponat nauigiis, & continuo Genuam ducat. Ille fide summa obsequutus ducentos milites, nec in promptu plures erant, nauibus imponit, venitque Genuam cum vrbs iam à Piscaria obsideba-

FRAN-
CISCVS
I.
Pis, que
tons.

Gensia
capta.

FRAN-
CISCVS
I.

tur. Octavianus Fregosius Princeps Senatus, vir quidem prudens, sed imperitus militiæ, & plerumque lectulo ob morbos affixus, duo peditum millia in urbem induxerat, nec fidebat admodum ciuibus. Ad portam Codifanam muri partem iam tormentis diruerat Piscaria, cum tubicine misso colloquium petit. Id Fregosius cum vetare haud posset, Vimaldum ad Piscariam mittit; qui dum colloquuntur, seque ciues custodiunt negligentius, Hispani milites in scio Piscaria, per muri ruinam in urbem inuadunt. Statim fit rumor, increbrescit impetus, ciues trepidant, hostes instant, & momento sub ipsum fœdus spemque pacis certam, capitur vrbs atque diripitur. Pescaria audiens quid ageretur, dimittit Viualdum, Prosperumque in diuersa parte ageutem, de re tota certiolem facit. Nauarrus cum suis in vrbs aream recipit se, pugnansque fortiter venit in hostium potestatem; mox ab Hispanis in tetrum carcerem conditus, in quo pœdore diem vltimum clausit, cæteri Franci in arcem euadunt; Dux Octavianus in Lectulo iacens opprimitur, suasque ædes pro custodia habet: sic opulenta ciuitas fœde vastatur, sub ipsa tessera securitatis, tanta est belli atrocitas, quod in ipso pacis gremio violentius sæuit. Quamquam Prospero id molestum fuit, qui ab ciuibus sperabat pecuniam in stipendium militum. Antonius Adornus Dux declaratus est, atque arx postea conditionibus certis recepta. Ea iactura Regi grauissima extitit, cuius causam ante perdidicerat à Lautreco. Ille primùm repulsus ab Rege indignante, mox admissus precibus Comestabills, modestè sed generosè culpam amissi Principatus in ipsum Regem contulit, qui promissam pecuniam haud misisset: at cum Rex obliueret missa quadraginta nummorum millia; litteras.

*Lautre-
cus Re-
gē adit.*

litteras quidem acceptas Lautrecus reposuit, pecuniam nullam. Samblancæum Quæstorem accersit Rex cui iniunctum erat id muneris, nosciturque pecuniam à Ludouica matre interceptam, affirmante eam sibi debitam alio nomine. Quod fœmina odio flagrans patrauerat; nam animi impotens, dudum Lautreco iniuriam machinabatur & calamitatem; siue quod is liberiùs de suis moribus obloqueretur, siue quod vir militaris ambitioni mulieris se haud satis subiiceret; quæ magno Reipublicæ detrimento priuatam vindictam in caput innoxium intendebat. Et mox ultio in Samblancæum ipsum conuersa, venerabilem senem, & longâ administratione probatum; quem accusatum falsò peculatus, eadem fœmina Prato Cancellario tradidit, & ipsi pessimo iudici, à quo datis è cohorte sua disceptatoribus, morte damnatus est, affectusque supplicio, vnâ noxâ, quod innocentiam suam deffendisset, suoque Regi ob ætatem & meritum esset acceptior, idque Rex passus est, nullo doloris sensu, curam rerum & solitudinem ad cæteros ablegans, quam admodum malè impenderent. Atque haud deerat in publicos vsus pecunia, quam Pratus Cancellarius exigebat immensam, nouis in dies tributis, & excogitatis exigendi rationibus, quæ nemini hætenus in mentem venerant. Ex porro ad explendam Reginæ auaritiam haud sufficiebant.

Refrigescens in Italia bellum, in Aquitania atque Artesia incalescebat. Hispani molestissimè passi Fontarabiam in Francorum potestate esse, exercitum scripserant, cuius Præfectus Orangius, sociusque Guillelmus Fustembergus, cum sex Germanorum milibus præter Hispanos. Arcem obtinebat Daillo Ludæus, iamque mense duodécimo propugnabat: fortiter vim hostilem depu-

FRAN-
CIS.
CVS I.
Sam-
blanc-
cay.

X.
Fonta-
rabia
seruata

——— lerat, donec quod fortium est, vna famis
 FRAN- machina appetitus, rerum omnium magna
 CIS- penuria, se fortitudine animi, suos exem-
 CVS I. plo constantiæ sustentabat. Rex urgente Bo-
 niueto ne arcem perderet, Castilionium Ma-
 reſcallum cum copiis in Aquitaniam mife-
 rat; quo in via mortuo, dum ſucceſſor de-
 ligitur, ad vltima obſeſſi acti ſunt. Mareſcal-
 li dignitas Anno Mommorantio data, qui
 Anno tunc agebat Venetiis, vt fœdus cum patri-
 1522 bus renouaret; ad Fontarabiam eripiendam,
 Paliffa nuper ex Italia redux, proficiſci iube-
 tur; ſimul Artigius Admiralij Legatus na-
 ues è Britannia ducere, vt Hiſpanicam claſ-
 ſem diſiceret: ſed cum is nimium cuncta-
 retur, Paliffa progrediens, ſpectante hoſte
 transmittit Behobiam, ac tormentorum glo-
 bis via patefacta, commeatum & militem
 vrbi immittit, illæſusque in Aquitaniam re-
 dit. Soluta obſidio, & Ludæo permiſſum à
 Rege vrbe excedere, infirmitatem excuſan-
 ti; iam gloriâ in apicem actâ, cui vix quid-
 quam accreſceret. Suffectus in Ludæi locum
 Fran- Frangetus, Vaſco nobilis, Caſtilionix tur-
 get. mæ Legatus; qui de ſe opinionem conce-
 ptam ſeſellit plurimum. In Arteſia atque Pi-
 cardia maius belli onus incubuit, felicitas
 haud diſpar. Nam Burgundiæ geminæ Du-
 catus & Comitatus, de aſſenſu Principum,
 quoddam inter ſe contraxerant fœdus, quod
 Neu- neutralem conditionem vocarunt, vt à bel-
 traliſté. lo mutuo inferendo ceſſarent, pace interim
 firmâ. Porro Picardiæ faceſſebat periculum.
 Angli Angliæ Rex; qui nuper cum Carolo in ita
 in Pi ſocietate, Suffolcium Ducem cum exercitu
 gardiâ. in Picardiam miſerat. Maria Hentici ſoror ac
 exſcen- Ludouici proximi Regis vidua, Suffolcio nu-
 dant. pſerat; vnde Ducis auctoritas, acceſſerat-
 Comte que Comes Bureus cum Caſarianis copiis;
 de Bu- totum exercitum triginta hominum milli-
 re. bus adimplentibus. Agebat Lugduni Rex
 bello.

bello Italico intentus , cū ipsi ab Anglo bellum indictum est ; & erat eius rei ante suspicio , quod Angli mercatores & scholastici euocarentur Parisiis ; atque Anna Bolenia in eadem vrbe , ab Maria relicta , reuertisset in Angliam , Rege id grauiter accipiente , foemina in amores atque arcana Principis iam vocatā. Carolus Borbonius , Dux Vindocinensis , Picardiae praeerat ; hic iussus tueri Prouinciam , adiuncto Trimolio Burgundiae praetore ; quando in Burgundia nihil periculi esset. Ij quod erant copiis inferiores , firma praesidia in ciuitates singulas distribuerant ; Bapalmā interim à Comitibus Sampaulino & Guisro captā & dirutā. Incunte octobri coniuuēti hostes , Hesdinum obsidione cingunt , rati infirmum oppidum atque immunum. Id tuebatur Biezus , idem postea Marescallus , cum triginta cataphractis , & peditibus aliquot ; qui egregie urbem propugnatam , in quadragelimum diem illibatam seruat. Incurrebant in hostem sapissimè , assiduisque conflictibus decerpebant , praclarissimi Duces , Sampaulinus , Guisus , Pondormius , ceterique ; imbrum densa vis infundebatur in castra , premebaturque grauitet militem ; quibus incommodis conflictatus hostis soluta obsidione recessit ; vltra Oceanum Anglus , in hyberna sua Caesarianus. Et Anglica bella multum de terrore primo remiserant ; immutata belli ratione atque armorum ; & Francis per tot suas clades consultioribus. Per hyemem conquieuerat bellum , dum primo vere à Caesarianis exortum Picardiam tentat. Fiennius Flandrensis Praetor Teruanam obsidet , ductis Belgarum quindecim milibus ; simulque per Arscotium ducem Guisam tentat , non aperto Marte , sed arcanis consiliis. Guisam tenebat , Nicolaus Bossius Longouallius , qui ab Arscotio de prodicione appellatus ,

FRAN-
CIS-
CVS I.

Anne
de Bou
len.

de Biez

FRAN- assensum simulans, de tradenda vrbe conue-
 CISCVS nerar; mox Regem admonet; denique con-
 I. stituitur, vti adueniens hostis duo inter ag-
 Flan- mina intercipiatur, quorum alterum Vindo-
 dri à cinensis, alterum Florangius duceret. Con-
 Picar- silium procedebat commodè, cùm id Rex
 dia re- disturbat præpropere gloriæ studio. Quippe
 pulsi. cùm Chambortio equis cursoriis Feram pro-
 Anno perasset, vt pugna interesset, hostes suspi-
 1523 cati patere sua consilia, regrediuntur in
 Flandriam; præclara occasione Francis ere-
 pta; adeo quibusdam consiliis lux & pompa
 obsunt, & sua etiam Marti sunt furta. Iussus
 Vindocinensis Teruanæ opitulari, hostem
 castris depulit, soluitque obsidium, cæsis
 quamplurimis; referebátque victoriam, ni-
 si iussus esset abstinere à prælio: sed hæc gra-
 uioris in Italia belli quædam præludia visa
 sunt.

XI. Etenim Rex tandem experrectus, & amis-
 Appa- si. Mediolani aspersus infamia, serió de di-
 ratus tione recuperanda & expungenda ignominia
 ad bel- cogitabat. Boniuetum in Alpes miserat cum
 lū Fa- duodecim millibus militum, qui Alpibus
 licum. transitis Segusij reliquas copias præstolaba-
 tur. Mommorancium sibi gratissimum apud
 Heluetios ad delectum miserat: & quam-
 quam in Italia aduersa omnia obnitebantur
 consiliis; tamen qui erat Principis animus,
 vt longè inter aduersa fortior, quàm inter
 prospera foret, fortitudinem totam atque
 regni opes in expeditionem proximam euo-
 cabat. Et quidem ea necessaria erant: nam
 arcem Mediolanensem Prospero Columnæ
 Mascaro Præfectus tradiderat, alimentorum
 penuriâ; Cremonensi arce vna dumtaxat in
 Francorum potestate stante. Adrianus Pon-
 tificex procliuis in Carolum appellauerat Re-
 gem de inductis admittendis, vti bellum
 Turcæ à Christianis indiceretur: (nam supè-
 riore anno Rhodum Insulam Solimanus ex-
 pugnauerat,

pugnauerat, Equitēsque expulerat;) eas, porro Franciscus reiecerat, quæ neutiquam insubres restituerent. Veneti merito negligentiam Regis incusantes, cuius culpā potissimum, nuper pericula plura subierant, detrectauerant fœdus renouare, imò cum Carolo fœdus pepigerant, in id Pontifice, Angliæ Rege, cunctisque Italiæ Proceribus, præter Ferrariensem, admissis; ut omnino Franciæ Regem ab Italia prohiberent. Prætereà coniuratio quam texebat in Sicilia Franciscus, in lucem producit; & aliquot in Sicilia Proceres supplicio affecti sunt, & in partes dissecti; Nihilominus Rex urgebat expeditionem, suo plurimum animo & fortitudine nixus, & transmissurus Alpes expectabatur in dies Lugduni, cum improuisa Comestabilis conspiratio in Francia inuitum tenuit. Res tanti momenti, & caput tot calamitatum, videtur ab prima origine retexenda. Carolus Borbonius Francisco Rege quinquennio maior, stirpis Borboniæ in plures ramos diuisæ primarius stolo, iam à prima adolescentia æmulationem in Francisco excitauerat atque aluerat. Nempè natalium similitudo, & dissimilitudo indolis, ut cogebant simul versari, sic agentes simul dissentione mutuâ alienabant; Franciscus apertus, atque ingenuus, ore mentem proferre, ad pompam & gloriam accommodare se suâque studia: Carolus tectus, animi sensus alta premere simulatione, in arcana neminem admittere, laudem solidam facinoribus iustis non tam exquirere quam mereri; inter ea contraria, vno conueniebant, quod laudem bellicam ambo gloriâque imperatoriam ardentem concupiscerent. Dicitur Ludouico viuo eò animorum disunctio peruenisse, ut Franciscus Carolum in singulare certamen prouocauerit, quod Regi quidpiam de ipso retulisset, nec ea repugnantia

FRANCISCVS.
I.

Borbonij in Regem coniuratio.

FRAN-
CISCVS.
L.

gnantia Francisco in Regem euecto desit, imò in tam dispari sorte perseueravit atque exarsit : nam causæ perseuerabant , dissimilitudo & æmulatio. Rex quidem magna animi generositate, vt restinctum odium demonstraret, statim Carolum Comestabilem dixerat, & Prætozem Mediolanensem instituerat. Verum iis muneribus laude eximiâ gestis à Comestabile, excitata è cinetibus æmulatio erat, Rexque nouis iniuriis plus molestiæ Carolo facessibat, quàm beneficii per dignitates primas contulisset. His accessit capitale odium Ludouicæ Reginæ in Comestabilem. Origo scribitur, quæ à fœmina non abhorreat; quod Comestabilis Susanna vxore mortua de nouis nuptiis à Regina ipsa appellatus, eas non sine ludibrio repulisset : nec vindictæ muliebri vllus stimulus acrior quàm amoris repulsa ; fœmina ocysimè in effectum contrarium transuolante. Votis igitur Borbonij intercedit, impeditque ne Renata Claudie Reginæ soror, cupienti vxor detur, quod & ipsa Claudia peroptabat ; tum cum Prato Cancellario conspirat, ad virum bonis deturbandum, quando honore & vita non posset. Nec distulit consilium Pratus, vir ad omne flagitium promptus, & ipse Comestabili suo nomine infensus, quod ab eo non impetrauerat nescio quid in Aruernis, quo liberos suos ornaret. Imò Boniuetus Reginæ vindictam multum accendebat ; ratus si is deliceretur, munera belli ad se peruentura, & ipsam adeò Comestabilis dignitatem. Eâ mente Regina litem Comestabili mouet, qua facultates propemodum omnes reposcit, Ducatum Borbonium, & Aruernos, Claramontanos & Forisenses : quasi vxori Susannæ inortuæ stirpe propinquior ; erat enim ipsi consobrina ; statimque impetrat à Prato Iudices qui pronuntiarent. Tantæ litis disceptationem.

& momentum, fusè Francorum historiæ narrant, ego parcens lectoris tædio, iis supersedeo. Indignationem, ut par erat, tam indigna lite Borbonius concipit; apud Regem acerbè quæritur; nihilque promouens, irâ excandescit, quòd opprimendus à femina, quam nauci habuerat, modo facultatibus per iniuriam spoliandus, inops & aspernabilis toti Europæ ludibrio foret. At cum dolorem domesticis inflammantibus, Regisque ingratum animum exaggerantibus, transeundi ad hostem consilium init, ut persequuturus priuatas inimicitias, publicas faceret, & qui sua tueri non posset in patria, patriam perderet. Eam in rem Mortam Noyerium, tam turpis facinoris auctorem, & flammam, in Hispaniam mittit, qui cum Imperatore fœdus componeret; conuentumque est in ea pacta, quibus inuitabilis Franciæ incumbebat perniciēs, si eò quo consulta sunt modo perfectâ essent. Expectabatur dum Rex in Italiam transmississet, Borbonio simulato morbo hærente in Francia; tum Imperator tres exercitus immittebat, quibus Occitaniam, Aquitaniam, atque Campaniam inuadebat; Henricus Rex, nam particeps admittebatur, mare classe valida clauderet, atque in Picardiam Normanniamque irrumperet; ipse Comestabilis, cum decem millibus Germanorum, quos adducturus Fustembergus erat, occuparet Burgundiam, & totum regnum suis opibus, & clientelis pessundaret atque euerteret; Rege excluso, & in regnum regredi tot tantisque copiis vetito; Imperator Borbonio Eleoranam sororem spondebat in coniugem, modò solutam matrimonio, morte Emanuëlis Lusitanæ Regis.

FRAN.
CISCVS
I.

XII.

Porro in id fœdus atcanum admodum atque tectum, duo Comestabilis domestici penetrarant; Matignonius atque Argongius, gente:

*Aprta
conis-
ratio.*

FRAN-
CISCVS
I.

gente Normanni, qui vt par erat, priuatum officium publico in patriam postponentes; postquam frustra Matignonius herum conatus est à nefario illo facinore dimouere, rem Regi enarrant, consiliũque aperiunt. Ille Molinas ad Borbonium ficto morbo decumbentem se contulit; ac summa verborum humanitate testatus, se consilia peruasisse, hortatur orátque, vt abscedat à suscepto flagitio; id à dignitate tum sanguinis, tum magistratus, tum gestarum rerum, quàm alienum sit docet, spondetque sanctissimis verbis, si lite excidat, restitutum se omnes facultates. At Comestabilis, seu promissis Regis fidem non haberet, seu in proclue flagitij impulsus, se haud posset sistere atque inhibere, pernegat crimen; fatetur quidem se à Reusio Comite appellatum, sed occlusas appellanti aures; orat ne de fide sua ambigeret, recipitque profecturum se, vbi primum iter ægritudo permetteret. Rex ab eo digressus, Lugdunum contendit. Et sequebatur lectica vectus Borbonius; cùm à via deflectens, perturbatissimo variis cogitationibus animo, Cantellam in domum suam abscedit, deliberaturus vtram in partem conuerteret se. At Rex diuerticulum fugam interpretatus, Ioannem Huraldum, Augustodunensem Episcopum, præmissum à Borbonio, & conscium arcanorum, in custodiam mittit; quod vbi rescivit Borbonius, simulque se sententiã Iudicum lite excidisse, desperatione & furore actus, noctu vno Pomperantio comite proripit se, domesticum eius se simulans, & per multa discrimina in Burgundiæ comitatum euadit. Rex profugi facultates omnes apprehendit, arces occupat repugnante nullo; præsertim Cantellæ ornamenta, quæ magnificentiam cuiusvis Christianorum Principum adæquabant. Tum veritus ne tanti viri defectio, in-

gentes

*Chan-
tells.*

gentes turbas regno inueheret, eo anno abstinuit ab expeditione Italicâ, inspecturus rem propius, & occursum clandestinis consiliis. Nam magnæ erant cognationes Borbonij, ingens fama, & existimatio, & virtutes, tanta fortunæ amplitudine dignæ; nisi eas id facinus maculasset; nam vitæ integritate, liberalitate, fortitudine, & militari peritia, facilè omnium Princeps, non immeritò Francisci æmulationem concitauerat. Ideò nouos in prouinciis Prætores constituit, in Picardia Trimollium, in Burgundia Guisium, in Aquitania Lautrecum, in Campania Oruallum; & ad se Vindocinensem & Sampaulinum euocat, affines Borbonio, copiasque tradit Renato Sabaudæ ac Palatiæ, quibus maximè omnium confidebat. Borbonius interim è Burgundia in Germaniam, tum per Alpes Tridentinas profectus in Insubres, exceptus est à Carolo Lanoio Prorege Neapolitano; nec diu moratus Genuam tendit, inde in Hispaniam soluturus, ut cum Eleonara desponsa matrimonium iniret. Verùm longè diuersa Caroli mens erat, cui sororem exuli nubere non placebat, & mandauerat Reusio, ut Borbonium in Italia retineret: ergo Reusius cum dimouet à profectioe, ostentat arma, atque imperium, communicata cum Lanoio præfectura: nam Prosper Columna morbo oppressus agebat animam, ita dum Franciæ visceribus intendit Franciscus, extrema hostes, ut cum Borbonio pacti erant, carpunt; quamquam maiori trepidatione quàm damno. Primùm Fustembergus decem millia Germanorum in Lingonensem agrum induxit, eumque diripuit: sed cum equitatus deficeret, quem Borbonius nulla accepta ab Imperatore pecunia, non apparauerat, prudentiâ Guisij ad penuriam adductus, reiectus est in Belgium, postremo agmine in Mosæ transitu vi-

FRAN-
CISCVS
I.

Lanoj.

*Exercitus in
Franciam
inducti*

FRAN-
CISCVS
I.

*Fonta-
rabia
capta
ab His-
panis.
& Ba-
iona à
Lautre-
co ser-
uata.*

cto & deleto. Nec Trimollius in Picardia ab illustri vita tot facinoribus clara degenerauit. Nam Angli Belgis iuncti conflato ex viginti quinque millibus hominum, ducebus Norfelcio & Bureno, exercitu, in Picardiam irruerant; ita milite destitutam, vt Trimollius cum urbem aliquam praterierant hostes, cogeretur praesidium inde educere, atque in aliam immittere, quam illi impeterent; non absque difficultate ingenti, plurimisque curis atque periculis. Ea solitudine hosti eripuit Teruanam, Ambianum, Corboiam, & Sanguintinum; seruauitque Durlanum Fondormius, celeritate & manu strenuus; saepius per obstantes hostes perumpens in oppida, lata ope; moxque crumpens, vt aliis locis consuleret. At vetare non potuit, quin hostes Mondiderium vrent, transgressique Somonam terrerent Parisios donec aduentante cum quadragintis equitibus Vindocinensi, terror disiectus est; & imminente iam hyeme hostis in Camera-censem agrum discessit: commendando in æuum Trimollio; qui se vno exercitum representans curas, celeritatem & vigilantiam, pro pedite equite machinisque substituit. Nec Lautrecus in Aquitania à se defecerat; vir strenuus, & ad munia militaria cum necessitas poscebat impiger. Imperator qui tum in Hispania agebat, iuxta conditiones Borbonio promissas, validum exercitum scripserat, quem ultra Pyrenæos in Aquitaniam misit. Ad eius famam Lautrecus haud dubius quin Fontarabia prima omnium petere-tur; quippe nimium quantum premebat Cantabriam, ad eam progressus, milite & commeatu, rebusque ceteris ad frangendam obsidionem communit; tum Baionam reuersus celeriter, urbem maritimam, quæ totius Aquitanix propugnaculum est, quantum angustia temporis patitur, tumultuarie cre-
ctis

dis aggeribus, ipse quam infirmam inspiceret, tuendam suscipit. Hispani Septembri medio Fanum sancti Lucij, Fontarabiam inter & Baionam medium occupant, & vastata miserum in modum Nauarra, Orangio duce Baionam summo impetu aggrediuntur. Urbis muros allambit Aturus, tum ex Cantabris montibus alter annis oppidum interfuit, qui Aturo exceptus, in Oceanum proximum influit. Verum ubi commoditas, ibi periculum; etenim Oceanus, quâ alueus patet bis in diem promouens fluctum, uti mercatorias naues in portum inuehit, sic hostiles bello saeuiente. Et Hispani ad Baionam classem inuexerant; unde terra marique summa vi & machinarum fulminibus impetunt muros. Vna propemodum oppugnantibus aggressio fuit, quatuor dies continuos nec quiete noctium interpellata. Attamen repulsi sunt admirabili Lautreci virtute; ille vix vnam horam quieti aut sopori impertiens, adhortatione & exemplo sic incendebat ciuium studia, ut eorum singuli militem æmulantes, hosti fortiter sese obiecerint; nec matronæ virgines pueriue ab labore cessabant, vtrò atque ingenti alacritate, tela, lapides, victum & necessaria subministrantes pugnantibus; adeo in duce vis belli sita est, emendante naturam: nam quæ ipsa fecit imbecilla atque infirma, hic si præclarus est in instrumenta Martis conformat. Ea fortitudine repulsi Hispani, relicta Baionâ, Fontarabiam cingunt, experti intra paucos dies, homini homo quàm præstet: quippe Frangetus muro adhuc integro, munitissimam atque instructissimam comœatu urbem, vno bombardarum sonitu territus, Hispanis tradit; accusans Petrum Nauarri filium, quem conuenisse cum hoste diceret. Recepta vrbe Hispani, in interiora regressi sunt. Frangetus postea Lugduni à Rege cum ignominia

FRAN-
CISCVS
I.
Saint
Iean
de Luz.

FRAN-
CIS-
CVS I.

ignominia exauctoratus est, titulo nobilitatis expunctus, in pegmate palàm singulis armis exutus fractumque gentilitium stemma; tam vili facinore iam deiectus nobilitate, armisque raptis quæ per ignauiam eiurauerat. Decursis Pyrenæis transuolandum ad Alpes est.

XIII.

Boni-
uetus
ab In-
lia pul-
sus.

Cùm detecta est coniuratio, Boniuetus Vercellas peruenerat, cum triginta peditum millibus, equitum quatuor; latiusque summo perè ruina æmuli, iam gloriam, honores, & summum dignitatum militarium apicem cogitans; in spem magnam euectus, versus Mediolanum contendit. Et erat obsidendæ vrbiis prona occasio, si Boniuetus in eius notitiam penetrasset; etenim Prosper Columna, iam implicitus ægritudine ratus eo anno non transgressurum Alpes exercitum, coniuratione Borbonij patefacta, vergente in hyemem tempestate, & Venetis iam aduersis; neglexerat vrbiis munitiones apponere; apertis suburbiis, murisque aliquot locis collapsis. Imò cum centurionibus statuerat, si hostis ingrueret, urbem deserere, & Cômum atque Ficinum se cum exercitu recipere. At Boniuetus imperitus artis militaris, accedente vana arrogantia, quam successus primi promouerant; nam Nouariam & Vigeanum ceperat; Ticinumque amnem traiecerat vetante Prosperi, prauo consilio felicitatem corripit. Nam & hostes in amnis transitu debellare potuerat; & Mediolanum expugnare, nisi triduum iam amne transmissio prætolatus extremum agmen, frustra consumpsisset. Eam ergo importunam cunctationem Prosper obseruans; propugnaculis instauratis, & erectis suburbiorum aggeribus, ita urbem communiit: vt postquam seriùs ad eam accedit Boniuetus, spe amissa oppugnationis, ad lentam obsidionem deuentum sit. Mox noua oportunitas

tunitas Francis arridet; Adriani Pontificis obitus, qui cum caput esset totius fœderis, videbantur eo auulso membra cætera statim collapsura. Et erant consternati animo fœderati, nescij quis succederet, quoué animo in Francum is affectus foret. Aliquantò post Pontifex dicitur Iulius Medicæus, Leonis X. patruelis; qui Clementis VII. nomen sumpsit; poterátque primo eo tempore conciliari à Francis, si Rex in Italiam tam ingenium atque industriam contulisset, quàm arma. Interea variis velitationibus ad Mediolanum pugnatam est; quibus plerumque Franci vincebantur; iam præiudicante totius belli auspicio, vel imperantis infelicitate ad milites ipsos transeunte. Vnus Bunous Cremonensis arcis præfectus, posterorum memoria dignissimus est; qui suam arcem intus & foris acerrimè impugnatam; fame nimirum atque armis hostilibus, inuiolatam defendit, donec Baiardus, & Rentius Ceres Dux Italiæ militem & comneatum in eam inferunt; & repertus cum oçto militibus, cæteris fame extinctis, deliberata ipse morte cum suis, antè hostem quàm pomœrio exciperet, quæ si constantia Mascaroni Mediolanensis arcis præfecto fuisset, Franci urbem cepissent, nullo negotio; tantus erat ciuium atque militum terror, sed occasio prætermissa à Francis, ad hostem aduolat. Asperitate hyemis, & niuium frigore Francum absumente, Boniuetus Mediolano recedit, & præmissis tormentis, instructo ad pugnam agmine Biograsium venit. Agebat in extremis Prosper, pòstque euocatos Borbonium atque Lanoium, vitam posuit, Veneno, an amatorio poculo; vir bello clarus, cuiusque usu assiduo peritissimus. Lanoius atque Borbonius iam valido exercitu, & Francicum haud modicè superante, Mediolano in hostem prodeunt. Iámque omnia calamitosa Boni-

FRAN-
CIS-
CVS I.
*Adria-
ni mors
Clemens
VII.
Pon-
ti-
fex.*

Bunou.

ueto

FRAN- ucto deinceps acciderunt. Nam arx Cremon-
 CIS- nensis commeatus pcnuriâ ad hostem per-
 CYS I. uenit; Boniuetus ipse Vascones & Del-
 phinates, robur exercitus, quod defelli &
 imminuti essent, ad supplementum in Fran-
 ciam misit; Rhætos quos expectabat Ioan-
 nes Medicæus transitu prohibitos, dimisit in
 patriam: Biagrasium & Vercellas occupante
 hoste amisit; copiæ saeuientibus morbis de-
 tritæ & propemodum perditæ erant; nec
 Heluetij nuper conscripti ac Scite amne
 diuisi, adduci potuerant, ut se Francis adiun-
 gerent. Tot itaque afflictus infortuniis, re-
 ceptui canit, ac Nouariâ venit Romanianum,
 insequentibus Borbonio atque Lanoio. Ij
 ad Senianusitem amnē, quem nocte proxima
 Boniuetus traiecerat, de bello consulturi sub-
 stant; erantque diuersæ sententiæ, Lanoio
 censente, fugienti hosti fugam permitten-
 dam; contra Borbonio Instandum affirman-
 te hostibus. Et is optimè gnarus quid in
 Franco exercitu ageretur; nam singulis
 propè horis de his fiebat certior, plerisque
 Francorum ipsi fauentibus, & Boniuetum
 odio persequentibus & multo contemptu.
 Fides habita Borbonio, & festinatum in ho-
 stium terga. Tuebatur postremum agmen
 cum Heluetiis Boniuetus; qui prima im-
 pressionem sclopeti glande brachium sauciu
 premente dolore vulneris, & ne forte in
 Borbonij capitalis inimici potestatem veni-
 ret, abdicatum Imperium Baiardo tradit, &
 primos inter lectica vectus diligenter ela-
 bitur; nec Baiardus ignarus quam perditis
 rebus adhiberetur, nihilominus tamen ope-
 ram patriæ non negauit: cum Vendenesso
 fortissimis equitum selectis, dum exercitus
 se subacit, alteram impressionem hostium
 frangit: sed viri virtus iam ad exitum spe-
 ctabat, & dignum quidem qui militarem vi-
 tam coronaret, sin minùs victoria, saltem
 morte,

Anno
1524

morte, quæ victori ornamento & decori esset.
 Ut postremi erant, ipse & Vendenesius, sclo-
 petorum glande appetuntur; & Vendenesius
 illico mortuus corruit, Baiardus renes sau-
 cius, & equitandi laborem haud ferens,
 iubet se deponi, & quercui fortè proximæ
 accliuem, os in hostem conuerti, ut vel ipsam
 animam pro telo immitteret, nec cum
 vires deficerent, sine officio in patriam
 eam emisit. Quippe cùm ad iacentem ve-
 nisset Borbonius, & solatij gratia diceret,
 se misereri præstantissimi viri, qui in eam
 calamitatem incidisset, quod imperare qui
 deberet, stolido & imperito viro paruif-
 set, ille præclarissimam ac viro forti dignissi-
 mam vocem reposuit; *non ego miserandus,*
qui viri boni functus officio, pro Rege & pa-
tria vitam pono; tu Domine, na es longè mi-
serabilior, qui cùm in Francia & de Regio
sanguine ortus sis, contra Regem & patriam
arma induisti; & ea forsitan cruore popu-
larium imbuisti: tum ut erat peritus histo-
 riæ, commemorauit Borbonio viros in Græca
 & Romana gente præclaros, qui cum se in
 patriam conuertissent, vitam clausierant mise-
 rabili fine: silens Borbonius ultra progressus
 est; & Baiardus in Lanioj tabernaculum eo
 iubente delatus, animam edidit, vir in quo
 inuidia ipsa carperet nihil; quippe compos
 virtutum omnium, fortunæ malignitatem
 accusat, quæ tandem exercitum regendum
 dedit, ut ad mortem raperet; ac specie bene-
 ficij acerbissimum odium funere impleuit.
 Eo factò exercitus se tutò recepit; Franci
 per Taurinos in patriam, Heluetij per Augu-
 stæ prætorix vallem; quindecim maiora tor-
 menta quæ Heluetiis Franci commiserant,
 in manus hostium peruenere, & Boniuetus
 quasi victor à Francisco exceptus est; adeò
 Regum aures adulantibus patulæ, animi sen-
 sum deprauant; receptum illum exercitus,
 collauda

FRAN-
CIS-
CVS I.

collaudabat Rex plurimum, & cum decem Græcorum millibus componebat, qui duce Xenophonte per tot hostiles prouincias Graciam incolumes tenuerant; tanto discrimine, victum inter exercitum integrumque quanto inter duces, quorum alter victus suâ culpâ, vno vulnere infractus, & alieno periculo seruatus; alter in suorum clade inuictus, admirabili fortitudine atque prudentia, sese explicuit; quasi nubibus vectus in patriam, vi repulsa hostium, dolisque elusus. Sed inanes Boniueti laudes, seriùs postea suo magno malo Franciscus damnabit.

XIV.
Borbo-
nus
Massi-
liam
frustrâ
obsidet.

Cæsar instaurato cum Anglo fœdere; quo Anglus in bellum singulis mensibus centum nummorum millia subministrabat; ratus Franciam imparatam ab exercitu esse, iubet victores in eam inuadere. Erat Borbonio animus Lugdunum aggredi, nondum enim eam urbem Franciscus munitionibus cinxerat, situ commodam ad plures prouincias obtinendas, atque in faucibus patrimonij sui; quippe Forisenses, Belliocenses, Boios, Aruernos, & Marchiam, vno soli tractu coniunctos possederat; nec dum extincta popularium in se charitate, sperabat suo nomine defecturos à Rege plurimos. Idque enim verò Regi perniciosum fuisset. Verùm Imperatoris alia mens erat, qui bellum ad vtilitatem Borbonij non accommodabat; ideò iusserat cum peruadere in Phocensem prouinciam, & occupare Massiliam. Diu Aragonensibus Regibus mouerat cupiditatem Massilia, situ valida portuque commoda, ad excipiendos Hispanos in Italiam atque Siciliam commeantes; hospitium nauigatione media opportunum. Borbonius per Nicxam exercitum duxit, sexdecim peditum millia; adiuncto Pescaria, non tam Vicario quàm consorte. Lanioius cum aliquot copiis in Italia perstitit. Hugoni Moncade data est classis, quæ
mare

mare clauderet, & promoueret obsidium. Ad famam inuasionis, Rex haud incertus quò hostis tenderet, Massiliam præsidio munerat, Philippo Chaborio & Rentio Cerete inducentibus quatuor hominum millia; nec multò post Antonius Barbesius, è Stirpe Rupifocoldia¹, introduxit nouum subsidium. Cæsariani Prouinciam ingressi, Tolonium veterem Massiliensium coloniam, & Aquas Sextias, urbem primariam, sed prorsus immunitam, capiunt; tum ad Massiliam Borbonio planè inuito copias admovent, sed ciues forti præsidio nixi, atque egregia in Regem fide, oppugnantes repellebant acerrimè. Primùm collem proximum occupant, in quo postea castrum positum est, accingunt munimentis, irrisà hostium socordia, quos ea commoditas latuisset. Ita totos quadraginta dies, frustra Bombardis detonantibus hostium, cuius urbem suam inuictam intactamque seruauerat. Franciscus intereà luctu domestico afflictatus, Claudiam uxorem morbo raptam amiserat, sanctissimam moribus, pluriùmque liberorum matrem; nam filios tres, filias quatuor Regi pepererat; animi quam corporis dotibus præstantior; claudicabat enim aliquantulum, sed pro forma fertilitas, summàque pietas erant. Nihilominus Rex conscribebat exercitum, Heluetiorum quatuordecim millia, sex Germanorum, quem ipse ducere in hostem statuerat. Quod obseruans Borbonius, volebat omiſſa Massilia Auenionem inuadere, ut Rhodanum amnem in potestate haberet, viamque aduentanti Regi obstrueret. Verùm cum id nec persuaderet Pescariæ, affirmanti, urbem Pontificiam Auenionem, sine Clementis molestia occupari non posse; & ea occasio Cæsarianis periit, & erepta postmodum Massilia est. Nam Moncada cum classem in Massiliense littus inuexisset, ab Andrea Doria

FRAN-
CIS-
CVS I.

Barbe-
sius

Claudia Regi-
ne
mors.
Anno
1524

clallis Francicæ præfecto victus est ; & Palissa primam aciem ducens , occupata Auenione , & Salonio capto , imminebat castris. Immo haud multò post Rex subsequutus est , iàmque toto exercitu festinabat. Quas ob res Borbonius nullo supplemento nec pecunia recreatus , quam vti sponderat Carolus nullam misit , soluit obsidionem , eo ipso die quo Regem accipit Auenione prodire ; tormenta in frustra contrita , mulis imposuit , ac magna celeritate se & copias multùm imminutas impendenti hosti eripuit , séque Monæcum magnis itineribus recepit ; Palissa legente recedentis vestigia , & festinationem mirum in modum urgente Itais Borbonio malè cessit conatus , patuitque se transfugio nouum dominum , libertatem nullam quæsiuisse

X V.
Rex se-
cundo
in Ita-
liam
transit.

Rex eo successu elatus , statim consiliũ quod diu insinuabat Boniuetus , sponte amplectitur ; *transmittendum in Italiam , inuadendos Insubres , Neapolitanum regnum occupandum , & vniuersi gentibus demonstrandum , quanti ad bellum & obtinendas victorias Rex momenti foret.* Recurrebat animo Mariniæ laurea , pudebat pigebatque intermedium tempus otio traductum , & voluptatibus ; sat bella per legatos gesta , & infeliciter quidem ; modò Rex ipse rem suam ageret , delerétque ignominiam calamitatum , quas aliena culpa inuexissent. Hæc Regi prono animo audienti Boniuetus ingesserat ; consilio sibi in alterutrum euentum commodo ; cuius , si ritè succederet , haberetur auctor ; sin minus , Regis clades ignominiam suam obrueret. Contra Palissã , Trimollius , & veterani ductores dehortabantur Regem à profectioe ; *decurri autumnum , atque adeo hyemem imminere , tam cælum Italiae infensum Francis quàm militem ; nec ipsam Franciam Anglo permittendam , irrupturo,*

rupturo, ubi regni robur Rexque ipse abes-
sent. Verùm Rex in profectiōem & sua in- FRAN-
 dōle confirmatus, quod bellicam laudem CISCVS
 appeteret, speraretque indubitatam victo- I.
 riam, pronuntiavit expeditionem; atque
 magnifica oratione testatus est sibi cam pe-
 nitus mentem infedisse, eūque graui futu-
 rum molestiæ qui contradiceret. Atque idē
 Ludouicam Matrem, quæ litteris plurimū
 dehortabatur, atque Auenionem venerat, vt
 coram ab ea sententia dimoueret, iussam Aue-
 nione subsistere, in conspectum neutiquam
 admisit; pariterque de pace acturum lega-
 tum Pontificis à se amouit. Sic adempta Pro-
 ceribus repugnandi facultas, atque imposita
 obsequendi necessitas. Nec deerant in prauum
 omen versa præfagia; nam exultæ segetes
 gelu immodico spem agricolarum fefelle-
 rant; loca plurima de cælo tacta sunt, at-
 que Regis ipsum hospitium; Andegauum
 terrâ motâ penè corruerat; prædicebant- Angers
 que Astrologi ingens quoddam malum im-
 minere Regi & Franciæ. Igitur sub octobris
 finem se in viam dant copiæ. Erant peditum
 triginta millia, grauis armaturæ mille quin-
 ginti equites; cum Rege Proceres, Henri-
 cus Albertius Rex Nauarræ, Alenfonius,
 Sampaulinus, Longauilla, Albanix Dux
 gente Scotus, Comes Vademontius, Ludo-
 douicus Trimollius, Marefcalli Paliffa, Les-
 cunus Lautreci frater, & Mommorantius;
 Boniuetus Admiralius, Chabotius, Renatus
 Sabaudus, Sanfeuerinus, Ludouicus Arsius;
 vno verbo Franciæ robur, & nuda nobi-
 litatis. Regni regimen Ludouicæ matri com-
 missum est, Vindocinensi armorum præfecto,
 cui præterea Campania data est; Burgundia
 Guisio, Brezæo Normannia, & Lautreco
 Aquitania. Extemplò itum in Alpes, & fe-
 stinationis pretium ipsa insubria videbatur:

FRAN-
CIS-
CVS I. nam Lanoio raræ copiarum erant, aberantque à Borbonio ductus exercitus; ut qui prior venisset, haud dubie Medioiano ceterisque urbibus potiretur. Ergo quasi in stadio æmuli currerent, simul propemodum ad metam perveniunt; nam quo die Rex Vercellas tenuit, eo Albam Borbonius, isque altero die Ticini ab Lanoio excipitur; Rex omisâ Alexandriâ, Mediolanum venit desertam ab hostibus; nec urbem ingressus, curâ obsidendi castrî datâ Trimollio, ultrâ perrexit. Hispani firmo præsidio Ticinum misso, & Antonio Læva præfecto imposito, cum reliquo exercitu Laudem recesserant; inspecturi quam in partem turbo Franciscus rueret. Et duo perficienda obiciebant se Regi; alterum, obsidere Ticinum & capere: alterum sequi hostilem exercitum, profligare penitus, vel ex insubribus pellere. Istud omnino & facilius & utilius erat; nam exercitus hostium Francico multum inferior, terrore iam perculsus; fractus propemodum, vinci haud agrè & pelli poterat; atque eo victo, tum Ticinum tum aliæ urbes, spe negata subsidij, ad victoris arbitrium concessuræ erant. *Verum non obuium pronumque ad eò videbatur, totum exercitum munita urbe conclusum, expugnare atque opprimere; creditum hæcenus, qui Ticino potiatur, dominum esse insubrium; quid à tergo validam urbem, ceu spinam infixam vestigio, ultrò relinquerent; capiatur urbs, florente adhuc vegetoque exercitu; tum ad hostem posterioribus tutis festinetur.* Hæc sententia quamquam deterior, Boniueto auctore præpolluit; Ticinumque exercitu cinctum; sub initium hyemis. Primum intentata vis, dein ars adhibita & patientia: Postquam machinis murus est dirutus; impressio instituitur temerè ac imprudenter admodum; quippe cum labe non satis pateret, retroque aggerem hostes

*Ticinũ
obsidit.*

Aes erexissent, clade non modica Franci repulsi sunt; plerique ex fortissimis caesi, & Longauiilla aliquanto post, cum ex aggere prodiret, aliquid inspecturus, sclopeti glande perimitur. Vi exclusa, Rex ad artem conuertitur; & consilio Sillij, Ballinij Cado-
mensis, aggreditur Ticinum amnem à manibus ciuitatis auertere. Is amnis supra urbem altero milliari dispersitus in duo cornua, vno infra ipsam urbem milliari, rursus
aqua iungit; altero alueo murum alluente, altero quem Graualonem vocant, in urbem
peruadente. Erat autem Regi consilium am-
nem à muro in urbem totum immittere, quoniam is locus satis alueo tectus munitionem
nullam obiceret. Fossore magnis impensis atque laboribus admoventur; sed assiduis imbris
deturbatum est opus, ac derelictum; amne
intumesciente; quasi repagulum carcerisque
oppositos amoliretur. Rex vi & arte exhaustis, in subsidium famem inediàmque appellat.
Pontifex interim de pace, Christiano sensu sollicitus, ad Lanoium Laude agentem
legatum miserat.

Nam Borbonius ad scribendum militem profectus in Germaniam erat, suasque gemmas & vasa aurea atque argentea Sabaudia
duci pignori dederat, ad conficiendam pecuniam; Carolo nullam ex Hispania submittente, & Venetis potius belli spectatoribus
quam actoribus. Cùm Lanoius nihil de Borbonio audiret, in quinquennales inducias
assentiebat; ea conditione ut quidquid intra Abduam foret, Laude excepta, Rex teneret;
sed eas Franciscus Boniueto auctore repudiavit, nec enim Mediolanenses vnus
cogitabat, iam ad Neapolitanos spe raptus, amplitudine animi adulantium vocibus intumescente.
Ergo postquam arcanum fœdus cum Clemente pepigit, quo contra Cæsarem

FRAN-
CIS-
CVS I.

*De
Sillij.*

XVI.

*Rex
Neapo-
litanis co-
pias
mittit.*

— in societatem mutuam conspirabant ; ac
 FRAN- Ioannes Medicæus , qui ante ad Casarianos
 CIS- transierat , rursus ad Francos cum legione
 CVS I. sua defecit ; Rex ad inuadendâ Neapolin stu-
 dium applicat. Auctores erant , qui præstabant
 consilio , uti totus Mediolanensibus subigen-
 dis incumberet ; *superesse in iis quod vince-*
retur ; Ticinum haud captum , hostem in pro-
vincia cum exercitu esse ; quid copias diui-
deret atque imminueret , cum augenda forent ?
longinquam expeditionem quid susciperet ,
infecta proxima Neapolin Mediolani appen-
dicem esse ; comparari eam in insubribus ; si
vincatur hostis , tollaturque propugnaculum
quo uno ampla provincia tegitur . Et ea Cle-
 mens Pontifex insinuabat ; siue Regi ex
 animo consulturus , siue suæ ac Italicæ liber-
 tati , cui nihil perniciosius , quam eundem
 Principem Mediolano potiri atque Neapoli.
 Attamen Franciscus Boniucto , quem audie-
 bat vnum , impulsore , Ioannem Stuardum
 Albanæ Ducem , cum decem militum milli-
 bus versus Neapolin mittit ; simulque , tanta
 erat animi vastitas , imò properantis ad rui-
 nam cæcitas , Marchionem Salussium cum
 quatuor legionibus Saonam ire iubet , ut
 Genuam urbem inuaderet. Ad profectio-
 nem Stuardi perturbatus Lanoius cogitabat
 de repetenda Neapoli , copiisque abducen-
 dis ; & Francisci in eo salus versabatur ; ve-
 rùm Piscaria gnarus apprimè , cardinem re-
 rum in Insubribus positum , cum retinuit ,
 persuasum , Neapolim non propugnari for-
 tius quam in Insubribus ; in iis vim & mo-
 mentum belli ; Regem imminutis tanto stu-
 dio copiis vinci posse ; si vincatur semel , in
 Longobardia , & tota Italia debellatum esse.
 Ita Lanoius retinetur ; iamque cum milite
 aduentabat Borbonius , quingentos Cata-
 phractos adducens , & sex peditum millia ,
 Ferdinandi Austriaci sumptibus scripta. Qui
 postquam

Hispa-
ni se ad
pugnâ
in-
struant

postquam ceteris ducibus se adiunxit, de ratione belli deliberatum est, inspectumque pecuniæ inopia suas res in arcto collocatas esse. Quippe Germani ex quibus constabat Ticinensē præsidium, stipendium proteruius flagitabant, propiores tumultui & seditioni; & iam Antonius Leua suas artes omnes exhausterat; imò præsentem pecuniam reposcebat exercitus, nec ea vel ad tormenta ad hostem vehenda sufficiebat; quomodo igitur tot alii possent atque sustentari? Verum his periculis industriâ & sagacitate ducum occursum est. Nam in castra Regis duos rusticos submitunt, qui vinum venderent, includuntque vinario dolio thecam ligneam, cum tribus aureorum millibus, litterisque ad Leuam; qui ab altero rusticorum monitus quo loco venale dolium proponeretur, factâ eruptione, dolium rusticosque in urbem abduxit. Et extemplo nummos in Germanorum centuriones partitus, in concionem militem vocat, legítque palam Lanoij litteras; quibus iubebatur bono animo esse, aduenisse Borbonium cum supplemento atque pecunia; breui omnes ad liberandam urbem connisuros; tunc abundè militi stipendium fore. Mox Germanorum collaudabat robur, & hortabatur ad patientiam, suo statim præmio decorandam. Ea arte Germanis tumultus excussus atque seditio. Quod spectabat ad exercitum; Piscaria, cuius apud militem summa ex amore auctoritas, Hispanos aggredditur; atque edoctis quanta in rerum omnium penuria Franci essent, quàm diminuti atque occisi, tum longâ obsidione, tum inclementiâ hyemis, proponit victoriam facilem, & victoriæ præmia longè ampliora stipendio futura; ac tandem persuadet ut spem victoriæ in mensem proximum pro stipendio habeant. Idem Borbonius à Germa-

FRAN-
CISCVS
I.

nis impetrat, iam honesta æmulatione ce-
stantibus: equites accersiti, atque aspersi
pauculis nummis in idem assentiunt; nec
dubium erat quin eæ vincerent copias, quæ
habebant in numerato victoriam, & ab ipso
hoste stipendia peterent. Extemplò duces
exercitum Laude educunt; erant septemdecim
militum millia, singuntque Marinianum
se petere, vt ab obsidione Regem abstrahe-
rent; & innox ad castellum Sancti Angeli
conuersi, oppidum Laudem inter & Ticinum
medium, verberatum tormentis, subito
propugnantium pauore, recipiunt, moxque
ipsam arcem. Hactenus obsidio vrbs lentius
promouebatur, tormentario puluere defi-
ciente; nec putauerat Rex hostem vnquam
ad pugnam venturum. Modò Castelli expu-
gnatione, in spem pugnae potius quam me-
tuum erectus, vt erat intrepidi atque firmis-
simi inter pericula animi, Trimollium Me-
diolano arcessit, & septem militum millia,
bis mille ad includendam arcem relictis.
Verum portendere magnum infortunium
plura videbantur: mille Itali Sauonâ ad exer-
citum missi, ad Alexandriam à præsidario
milite oppressi erant & deleti. Ioannes Me-
dicæus magni apud Italos nominis, virtute
militari paucis inferior, ab obsessis dum
erumperent; plaga acceptâ, castris ut sana-
retur abscesserat; cum statim quatuor Italo-
rum millia relictis castris sequuntur Rhato-
rum sex millia, suorum magistratuum iussu,
quinta ante prælium die, à Rege deficiunt,
profecturi in patriam, siue ea proditio fue-
rit, Thecano Præfecto ab hostibus deuincto,
spe oblata pecuniæ; siue Rhætorum legiti-
mus pavor suos in opem milites euocauerit;
postquam Iacobus Mediquinus, (& is po-
stere dictus est Marchio Marinianensis) no-
bilis Mediolanensis Clauennam Rhætorum,
arcem interceperat. Præterea Ludouicus Pa-
lauicinus

Mar-
quis de
Mari
ignan.

laucinus cum duobus hominum millibus, & quadragintis equitibus à Rege missus, ut Cremonam occuparet, dum agrum imprudentius vastat, à Bentiuolo vincitur, capiturque. Eas ob res Trimollius, Palissa, Lescunus, Arsius, & veterani duces, periti-que militiæ, suadebant Regi: *ut absidionem solueret, ac Mediolanum recederet; hostes pecunia inopiâ laborare, una spe pugna sustentare militem; ea si tollatur, abscessurum illic, aut ruiturum in seditionem; nullam ignominiam in soluenda obsidione, dum paratur victoria, brevi Ticinum, Laudem, totamque Italiam pramium abstinentiæ fore, bellum tam patientiâ geri quàm fortitudine; nec ullam felicius patrari victoriam, quàm abstinentiâ prælii.* Et id Clemens ardentius flagitabat, Regi spondens victoriam certam, si pugna abstineat, imò undique & Astrologorum præfagia, & piorum virorum afferebantur oracula, quibus Regi imminere periculum ingens, si iniret prælium, nuntiabatur. At ea monita, Regis una indoles, famæ nimis & gloriæ studiosa, & Boniueti adulantis auctoritas, pessundedit simulque evertit. Videbatur Regi Franciæ ignominiosum, si ab una vrbe longo post tempore victus propemodum & infractus abscederet, verbis litterisque in Franciam, totamque Italiam sparserat; nunquam ab vrbe, nisi victorem aut mortuum recessurum; appellabat fidem suam, exigebatque rationem promissi; quod stultè affirmatum, implebatur stultius. Dicebat se castra muniturum, ut nequirent perumpi, & moram hosti molestiorem quàm sibi futuram. Et constituit subtentoriis agere; nec ideo ducis munus obibat diligentius; tempus terens cum Mommorantio, Brione, aliisque charissimis, rerum omnium curâ ad Boniuetum vnum translata, penes quem tota administratio erat;

FRAN- prudentibus illis veteranis ducibus vix flocci
EISCVS habitis. Et eo rerum statu ad pugnam ven-
I, tum est, quamquam & ipse negligentiam
suam perspexit seriùs, cum lustrato exercitu,
imperfectas cohortes singulas deprehendit;
plurésque ad stipendium quàm ad prælium
recenseri.

XVII.

*Pugna
ad Ti-
cinum,
sive
Mira-
bellum.*

Anno
1525

Porro ad prælium castrorum formam ita
Rex immutauerat. Primam aciem, cui Palissa
præerat in suburbio ad Iustinæ portam reli-
querat; ipse cum secunda ad Mirabellum,
amænam ad delicias Ducum Mediolanen-
sium domum transiuerat; tertiam Alenfo-
nius ad celsa Pauli & Iacobi cœnobîa collo-
cauerat; ita vt à Francis vrbs vndique cin-
geretur; nec ad eam hostes, nisi amne tra-
iecto & perruptis castris possent peruadere.
Hostes à Francis arcto admodum spatio diri-
mebantur; iamque ad extremas acti angu-
stias, constituunt vrbi commeatum immit-
tere, & prælium si occasio foret conferere.
Eo consilio, nocte quæ Diui Mathiæ diem
festum præcessit, postquam ab alia Castrorum
parte, Francos continuis velitationibus fa-
tigassent; totum exercitum in quatuor ag-
mina distributum; ad Mirabelli septum de-
ducunt; primum agmen agebat Marchio Va-
stius, secundum Pescaria ex meris Hispanis,
tertium Borbonius, quartum Lanoius; iu-
bentque milites alba indusia super arma in-
duere; vt so in caligine noctis dignoscerent.
Magno silentio ad septum profecti, sexaginta
muri vlnas deiiciunt, Francorum nemine
animaduertente, tanta erat vigilium negli-
gentia. Dein septo decurso inter tonantium
bombardarum globos primo diluculo ad ca-
stra Regia penetrant. Iacobus Galcotus tor-
mentorum præfectus, ea commodo loco col-
locauerat; plurésque hostium dum accede-
rent displosis machinis obruncanerat; & ij
quidem vt se fulmineis pilis eriperent, cum
ad

ad proximum collem celeriter festinarent, Rex è sublimi loco rem speculatus, existimabat eos iam in fugam verti: opinionem firmavit miles renuntians Hispanos à turmis Alenfonij & Brionis pulsos, captasque machinas, igitur impetu raptus, nec passurus pugnam sine opera sua confici, prodit è castris, & in hostem ruit, sibi suisque validissimum telum eripiens, machinas ipsas, quæ consertâ pugna quiescerent. Subito hostium primum alterumque agmen, restitutis ordinibus, Regem aggrediuntur, & sclopetariis, quorum tria millia locauerant inter equites, effundentibus pilas, stragem plurimam faciunt. Rex cum equitatu inuectus, Helvetiis & Germanis ad latera pugnantis, primo congressu hostium equites fundit, & ipse spoliis opimis dignandus, qui Ferdinandum Castriotum, equitatus præfectum, & celeberrimi illius Castrioti nepotem ex filio, gladio confodit perimitque; mox ad Andelotum versus, nobilem Sequanum, vulnus infligit, diu cum eo luctatus: & iam delibabat victoriam, cum agmina posteriora Borbonius & Lanoius inducunt in prælium; nec idèò vincebant, nisi Helvetij, auxilii suæque fortitudinis haud satis memores, dimicationi se eripuissent. Quanquam & à Francis arcescenda mali origo est. Nam cum Leua milites Ticino in Alenfonium eduxisset; ille ut erat ad belli pericula multum ineptus, ratus omnia perditâ atque profligata, cum quadringentis equitibus fugam cepit, & præteruectus Helvetios, iis fidem fecit, Francos omni loco victos & depulsos; qui ut se cladi subducerent, ad Mediolanensem viam deflexerunt. Totum interea pugnae pondus in Regem incumbit, proximisque Germanos, & ij quidem magna fortitudine animi in obiecta tela irruentes, ad vnum cæsi sunt, nemine terga vertente. Rex strenuè pugnans, iam

læcatis

FRAN-
CISCVS
I.

necatis Nobilibus qui tegebant latera , equo suffosso , in pedes erectus, & femur saucius; retundebat fortiter irruentium impetum, vnusque pugnabat in geminos , Auilam Hispanum, & Vsbieram Cantabrum, iamque in graui salutis discrimine versabatur ; cum agnitus à Pomperantio ; qui Borbonio comes, deferenti Franciscum, hæserat ; periculo liberatur. Quippe is in pedes defiliens, stricto ferro amouit ruentes , textitque pugnantem, donec adueniret Lanoius, cui Rex se tradidit. Nec Palissæ primoque agmini erat commodius ; qui à victore Leua impetitus; cum fortiter dimicaret, obruente hostium numero, victus & cæsus est. Boniuetus cuius culpa maximè incursum erat in calamitatem ne viuus in Borbonij potestatem veniret, siue impar doloris magnitudini, in confertissimam aciem vltro irrumpens, per plura vulnera emisit animum. Mommorantius quanquam absens eodem infortunio implicatur. Ad alterum milliare cum duobus hominum millibus viam obsidebat, cum audito fulminantium Bombardarum sono, pugnari coniiciens, ad prælium aduolat, moxque ab hostibus circum septus, vincitur capiturque. Cæsi è Francis ipso in conflictu octies mille, capti quam plurimi ; ex hostibus septingenti. Inter cæsos illustria nomina recensentur, Ludouicus Trimollius & Palissæ, tot palmarum duces ; Franciscus frater Lotharingæ Ducis, Suffolcius Anglus Henrici Regis æmulus, Boniuetus : Lescunus, & Renatus, Sabaudus captiui ex vulneribus obierunt ; Calmontius, Bussi-Ambosius ; aliique capti sunt præter Regem, Henricus Nauarræ Rex, Franciscus Borbonius Sampaulinus comes, Ludouicus Niuernensis, Mommorantius, Chabotus, Brio, Florangius, Lorgius, Rochaportius, Barbesius, Vidamus seu Vicedominus, Carnutensis; Mompesatius, Langæus plurisque

plurésque tanto numero ; vt præter Alenfonij turmam nullus prope nobilis seruari fugâ potuerit , aut voluerit ; singulis Regis sui fatum sequentibus. Theodorus Triuulcius, audito cladis nuntio, omiſſa Mediolani arce quam obſidebat, cum copiis ſtatim reuolauit in Franciam ; totiusque principatus in victoris poteſtatem conceſſit. Et ea clades eſt à Pictauienſi grauiffima, quæ perculerit Franciam ; iisdem propè cauſis , temeritate & arrogantia. Carolus Alenſonius cum Lugduni reſpiraret è fuga , eius infamiâ tantum dolorem admiſit, vt octauo die vitam poſuerit , quam tot periculis eri puerat : & in eo ſtirps Alenſonia deſiit.

Prima cladis fama immoderato Francos dolore perculit ; ſuum ſingulos malum, cunctos publicum diuexabat ; nemo vnus erat, quin affinem aut lugeret mortuum, aut captum doleret ; nemo quin exhorreſceret mente ad Regis vincula, & præſagiret calamitates immenſas, quas olim regno Ioannis captiuitas, tum à ciuilibus, tum ab externis bellis intuliſſet. Ita dolorem metus exaggerabat ; nec licebat ad miſeriæ modum intendere, futurorum metu decerpente, præſentium ſenſum. Ludouica Regina conſternata eſt omnium maximè ; paſſim erat odio Proceribus populisque ; eos auaritia, illos ambitio, promotæ ſupra mulierem patientiâ Regis, abalienauerant : quid ageret femina, inter nepotes impuberes, procellis domeſticis externisque obnoxia, vno dolore atque orbitate commendanda inimicis, vel obiiicienda. Ea tamen in Regem pietas fuit, ea reuerentiâ, vt obliteratis iniuriis, in communem vtilitatem intenderint ; ſingulis curas, facultates, animas in ſalutem publicam conferentibus. Ergo Regina, poſtquam à dolore primo ſe recepit ; Prouinciæ prætores regniſque optimates Lugdunum

FRAN-
CIS-
CVS I.

XVIII
*Cladis
ſenſus
varij,
in di-
uerſis
genti-
bus.*

*In
Fran-
cia.*

——— Lugdunum conuocat; atque adhortata ad
 FRAN- fidem erga Principem suum contestandum;
 CIS- eorum assensu, nouos delectus indicit; ad
 EVS I. tuendos limites designat copias; Sauonâ Sa-
 lussium euocat, è Neapolitano regno Alba-
 niæ ducem; qui Centumcellis milite trire-
 mibus imposito in Franciam venit; mox
 Vindocinensem Concilij principem dicit.
 Etenim in eo, tranquillitatis aut ciuilibus tur-
 bæ momentum ingens; qui Alenfonio mor-
 tuo, & excluso Borbonio, Regi sanguine pro-
 ximus, poterat administrationem capeßere,
 tam rerum gestarum virtutumque merito,
 quam natalium; eoque impellebatur à plu-
 ribus; at maluit vtilitatis publicæ, quàm di-
 gnitatis priuatæ rationem habere; atque
 vltro Reginæ potestati assentiens, præluxit
 cæteris in obsequium atque concordiam.
 In An- Hæc in Francia, dum varij sensus Anglam
 glia, agitabant. Primùm Henricus effusè ob vi-
 ctoriam Caroli testatus lætitiæ, legatos
 ad eum miserat, vt opportunâ occasione
 simul in Franciam cum exercitu ruerent. At
 postmodum veritus, ne sublato æmulo Ca-
 rolus in immodicum præpolleret, simul aures
 Cardinali Eboracensi præbebat, propenso in
 Francum, & auerso ab Carolo. Nempè Ca-
 rolus vanitatem hominis auersatus, quàm
 ante victoriam alebat officiis, solitus ad eum
 sua manu perscribere, iis verbis additis,
tuus filius & cognatus Carolus; statim post
 victoriam, seu iam tutò alienæ superbæ osor,
 seu suæ amator; Commentariensis manu ad
 Cardinalem scribebat, & solum Caroli no-
 men apponebat. Nec diu Henricus egit am-
 biguus, admissio Ludouicæ Legato, initoque
 fædere, quo præcipuè cautum est, ne qua
 Franciæ regio in libertatis pretium daretur
 Cæsari; præterea paratum exercitum sponte
 dimisit, nec in eius sumptus quidquam po-
 stulauit. Isque Dei fuit in Francicum regnum
 paternus

paternus affectus, qui iuratum & capitalem tot sæculis hostem continuit, vetus odium extinguendo, cum nouum exurgeret; Regemque plectens ut filium, non ut reum damnans. In Hispania primum Christiana pietas, & humanitatis memoria illuxit, mox Imperij promouendi amor, & splendor ambitionis in diuersum animos rapuit. Carolus Toleti accepit, litteras Laureatas, ac mirificè gaudium in potestate habens, in templum gratias acturus subiit. Tum postridie supplicatione indictà ipse participato cibo sacro sancto, intra religionem lætitiā tenuit; vetitis publici gaudij signis; affirmans victorias de Christianis principibus ciuiles esse, nec triumpho dignas; & vultu & verbis miram modestiam præferens, reliquit ambiguum, virum foris spectantibus, an voluptas in mentem intimam pertinuisset. Verum postquam satis uel famæ uel conscientię datum est; atque ab honesto ad utile descensum, longè alia mens diuersusque sensus apparuit. Deliberat cum aulæ primatiis, quomodo Franciscum habere debeat, quoue pacto victoria uti. Dosimeus Oxamensis Antistes, & confessorius Caroli, rogatus sententiam; in captiui gratiam perorauit; proposuit orbi Christiano quanta impenderent miseria; Turcam armatum in Hungariam irrupisse, Lutheri hæresim disseminari tota Germania; necessariò in utrūque hostem bello insurgendum, in id Christianos omnes Principes euocandos, atque idè pacem inter Imperatorem & Francia Regem constituentem; & firmam quidem ac immutatam. Porro demonstrabat id unum pacis vinculum esse sanctissimum, si clementia neceretur; si mansuetudine potentiſſimus Rex conciliaretur; tamque beneficiis vinceretur animus, quàm armis profligatus esset exercitus. Postquam ea Dosimeus; Fridericus Tolctanus,

FRAN-
CIS-
CVS I.
In His-
pania.

FRAN-
CIS
CVS I.

Alba dux sententiam dicit, bellumque fas-
sus in publicos hostes necessarium, affirmat
Regis animum nullâ clementiâ, nullo bene-
ficio vinci posse; peritituum semper sen-
sum opprobrii; quare eripiendam faculta-
tem vindictæ; atque captivum Regem, sic im-
minuendum atque infringendum, vt victori
deinceps addictus, volens nolens ad eius cõ-
silia se conformet. In eam sententiam itum à
cæteris; siue ita ex animo sentientibus; siue
Principem introspicientibus, atque impellen-
tibus quò sponte rueret. Ille assensus est
pluribus, quasi priuatum iudicium accomo-
daret publico, nefasque sibi esset à consulto-
ribus dissentire; misitque ea mente Beare-
num Roesij filium, qui Francisco conditio-
nes proponeret. Sed diu est quod Franciscus
vagantem per regna reuocat orationem.

X I X.
Rex in
Hispa-
niam
ductus.

Is postquam captus est, & regni potentis-
simi rector in hostium transit potestatem,
sui haud immemor, virtutes regias tulit in
vincula, constantiam, æquanimi-
tatem, & quoddam animi robur insuperabile; quo
spectabilis & supra sortem suam venerandus,
reuerentiam inlinuabat victoribus; & fortu-
nam altitudine mentis superabat. Multo ho-
nore deductus à Lanoio, salutantem Borbo-
nium tanta humanitate excepit atque ample-
xus est; vt qui se tam fortiter vinceret, su-
perasse victoriam hostium videretur. Mox in
Pisleonensem arcem abductus, Alarconi tri-
buno committitur, dum Hispani deliberant
quonam in loco absque vilo metu asseruaretur.
Porrò is adauctus est metus: quando
Henricus Nauarræ Rex se libertati asseruit
scalis cannabinis ex Ticinensi arce aufu-
giens, ephebo in lectulum suum collocato. Et
Comes Sampaulinus effractis pariter vincu-
lis, cum mero custodes Heluetios obruisset,
Vademontio & Salustio sociis, agebat cum
Principibus & Tribunis Italis, vt Regis custo-
dia

Pisque-
ton.

dia solueretur. Nec multum Lanoius fidebat militi, stipendium acerrimè flagitanti, ac parato vnde nummi lucentes concurrere. Hispania videbatur Regis seruandi tutissimus locus; sed ducentibus multa occurrebant incommoda, quæ Lanoius vti dispelleret, simulans se ducturum Neapolim Regem, abhorrenti plurimum ab ea prouincia persuadet, vt Hispaniam duci se patiat. Sperabat Franciscus Carolum sermone habito immutare, & Eleonoræ sorori spem coniugij facere; vinâ præsentia longè efficaciore ad impetrandum, quàm mntâ absentia, languente & extincta quodam modo. Persuasus sibi salutis viam eripuit, iussis Francis sex triremes commodare, nec euntem inturbare; iisque Barcinonem in Hispaniam vectus est. Iam in Italia Bearenium à Carolo missum exceperat, audieratque pacis leges acerbissimas; dederatque responsum generosissimum, se ante in custodia moriturum, quam tantam labem suo regno inferret. Madritia arce in Hispania clausus, (nec dum enim Madritum in urbem surrexerat,) statim Carolum multò acerbiorē quam reputauerat experitur; sibi que vincula suo errore nouo nodo constricta. Etenim aspectum suum atque colloquium negauit Carolus; & easdem conditiones pacis proponebat, vt Borbonio præter patrimonium creptum, darentur Delphinates & Phocensis prouincia, cum Regis iure & titulo; Carolo permitteretur Burgundia maior, clientela Flandriæ, & iura in vniuersam Italiam. Ad eas condiciones audiendas atque mitigandas, viros illustres miserat Ludouica ex Francia, Franciscum Turnonium Archiepiscopum Ebredunensem, Grandmontium Episcopum Tarbensē, Philippum Chabotium, & Ioannem Seluam Senatus Parisiensis Præsidem. Quibus nihil melius impetrantibus; Rex tadio carceris afflicatus

FRAN-
CIS-
CVS.
1.

*Merbo
affligi-
tur.*

afflictatus, & Caroli acerbitate, negantis quod miserrimo cuique patet colloquium, febri corripitur, tam violenta, ut de salute vix spem ullam haberent Medici. Iis visum est vnum esse agrotanti remedium; si animo adhiberetur; nempe si iacentem Imperator inuideret; ideo admonent, ut si vellet captivum suum vivere, eum alloquio solaretur; alioqui brevi periturum. Movit Carolum vel utilitatis ratio vel humanitatis, equisque cursoriis aduolauit ad Regem. Antea tamen vix expeditum dehortatus erat Gattinarius Cancellarius, monitum caueret, quo animo salutationem illam susciperet; eam optimè suscipi, si studuisset Regem nulla conditione liberum mittere; si secus placeret, humanitatem eiusmodi sordidam atque illiberalem cui utilitas scopus, ne cum captiuo redemptionis pereat pretium; inhonestam fore atque turpissimam. Sed monenti haud obsequutus est Carolus, cui sapius utile pro honore fuit, & generositas promouere rem suam. Paucis verbis, quia grauitas morbi vetabat, sed benignioribus & optimæ spei plenius, Rege confirmato, progreditur; ante excepta forore Regis Margarita. Ea Francisco charissima, Alensonij vidua, impetratis assertitiis literis, in Hispaniam venerat, adhibitura solatium fratri, & efficacius de pace actura. Post recreatum ex periculo Regem eum totam aulam in admirationem, corporis forma & ingenij præstantia rapuisset, nec impetraret à Carolo, ut Burgundiam omitteret, pace infecta in Franciam redit; & aliquantò celerius quàm venisset; metu falso an vero ne ab Carolo retineretur. Ad Eleonoræ coniugium quod spectabat, dicebat Carolus, se inaudito Borbonio nihil posse statuere. Et ipse non vocatus aduenerat, ut sui ratio in feriendo fœdere haberetur; exceptus quidem à Carolo humanissimè, sed ab

Hispanis

Hispanis Proceribus vel externo inuidentibus, vel defectionem abominantibus, repulsus cum odio: dictumque vnus nobilis liberrimum obseruatur, quo se Carolo petenti suas ades ad excipiendum Borbonium excusauit; affirmans *sua omnia in principis potestate esse; ad ades quod spectaret se eis extemplo flammis subiecturum, postquam exisset Borbonius, quæ infecta essent & contaminata, atque postea indignum viri honesti hospitium.* Iis ita stantibus, postquam diu inter Caroli potentiam & Francisci constantiam certatum est; altero petente Burgundiam, negante altero, & asserente, nunquam se assensurum, ut ad liberos regnum imminutum iret, de pace tandem conuentum est. Ad matrem & Principes Franciscus scripserat, ut nulla sui amplius haberetur ratio; imò Delphino filio coronam consignauerat scripto, iusseratque intra alterum mensem ipsum inungi; cum flagrantissimis Reginae precibus procerumque, in aliam adductus sententiam, in pacta Caroli assentitur; haud dubius quin vis sibi adhiberetur; nec ea legum placitis haberi rata, quæ à captiuo vis ac grauior metus extorsissent. Scriptum est Madriti fœdus, atque in id iuratum, Februarii mense, anno à captiuitate propè decurso, cuius conditiones tam iniquæ erant, ut ab ipsa vi atque terrore profectæ illicò viderentur. Porro conditionum ea summa erat; ut Franciscus Burgundiæ Ducatum Carolesios, Aussonenses, Matisconenses, & alia plura oppida Carolo daret; clientela Flandriæ nulla in posterum esset; nullum ius in Italicas ditiones, & alia plurima quæ recensent Annales fusiùs, parcòque hic perscribere, cum effectum nullum sortita sint. Obsides, dum impleretur fœdus, designati Delphinus cum duodecim Proceribus, vel eorum loco alter Regis filius, Dux Aurelianensis;

FRANCIS-
CVS I.

Et Madriti
fœdus
contra
hit.

ANNO
1526

FRAN-
CISCVS

I.

XX.

*Rex li-
ber in
Francia*

nenfis; additūque, si conditiones non implerentur, ut Rex in potestatem Caroli se restitueret.

Post fœdus percussū, Principes magna benevolentia specie, simul epulati; à Francisco Eleonora desponsa est, ducentis aureorum miliibus in dotem adscriptis; quam ea inter, nusquam custodia Franciscus solutus est, quasi vellet Carolus vis exceptionem integram atque illibatam ximulo tradere. Proximo mente, cum Ludouica Regios liberos Baionam duxisset, Rex ab Lanoio & Alarcone custodia præfecto, Fontarabiam ductus, in vtriusque regni limitibus, in medio Behouio Scapha immota, permutatur cum liberis Francisco Delphino, qui octauum annū decurrebat, & Henrico altero filio: & spectaculum erat, quod maroris fletum in gaudio ipso eliceret; cum Regi erat libertas, sed impuberibus vincula; cum patri nec ad osculendos liberos spatium fuit; cum mater recipiebat filium, nepotes perdebat; cum fœdaret pacem belli partus, liberi à parentum gremio & conspectu rapti; cum demum Francia post Regem redditum, spem regni desideraret, & iam libera, adhuc in vinculis in Hispania ageret, Rex ubi alterā annis ripam tenuit; in equum Turcicum insiliens, ceu insidias veritus, mira celeritate Fanum sancti Ioannis, mox Baionam venit; tunc demum cælum Francicum hausit, ac libertatis sensum admisit; ingenti matris, omniumque Procerum gaudio. Nihil cunctatus ad Henricum Angliæ regem scribit, agitque impensè gratias, quod libertatem ipsius benevolentia acceptam referret, se in posterum amicum pollicitus. Dein à Legatis Cæsaris appellatus, ut Madritianum fœdus ratum vellet; respondit, id pertinere ad regni comitia, quibus auditis perfecturum se quæ illa iussissent. Tum Pontificis & Venetorum legatis, qui ipsum

Boionæ

Baionæ gratulaturi libertatem conuenerant ; post actas gratias, intimum animi sensum exponit ; *se indignè habitum à Carolo Casare ; duos hæcenus Francia Reges, belli sorte in manus hostium peruenisse ; utrumque Valesia stirpis, suæque nominis primum, Ioannem & Franciscum ; illum ab Eduardo Anglo humanitate summa exceptum ; se padore carceris ad extrema adductum ; nullo solatio, nulla beneuolentia recreatum ; extortas à se per vim & metum, faderis conditiones, quas implere nec posset, nec uellet ; prohiberi se iureiurando sanctissimo, quod in unctione sacrosancta sanciuerat, se nullam regni partem distracturum ; regnum esse Francorum, Regis usum fructum ; se absque assensu Comitiorum, nec Burgundiam, nec ullum oppidum hosti tradere ullo fadere potuisse. Cum hæc palam diceret, atque acerbè de Caroli inhumanitate exposcularet, nemini dubium erat, quin irrito fadere bellum longè atrocius immerneret. Iamque Connacum Comitia regni conuenerant ; quæ urbs Regi natalis fuerat ; unòque consensu, cuncti trium ordinum viri responderant ; Regem membrum à Francia haud diuellere posse ; irritam conditionem, quam ipse per metum, & contra primarias Regni leges & æquas regno promississet. Idem Burgundi priuatis Comitibus statuerunt, se à Clodouæo nullos principes nisi è Regio stemmate habuisse ; paratos priuatis armis libertatem tueri, si ad alium quàm Francicum Principem traducantur. Ea Connaci Lonoio atque Alarconi Franciscus respondit, quos Carolus ad eum miserat ; se pro Burgundia daturum nummorum ostingentes ; impleturum cætera ; eosque priuatim per humaniter habitos, nam Lanoium, agnoscebat libertatis auctorem, ad Cæsarem dimisit. Cæsar molestissimè ferens quod delusus esset, nec morientibus fidem habuisset*

FRANCISCUS
I.

Cognat.

FRAN-
CIS-
CVS I.

*Fœdus
cum
Ponti-
ficis &
Venetiis.*

habuisset ; Borbonium in Italiam mittit , ad Mediolanense bellum conficiendum. Etenim Pescaria diem suum obierat , Franciscus Sfortia rebellauerat , palàmque Veneti cum ipso conuenerant , clam & arcano fœdere Pontifex. Verùm ipsi cum Francisco Rege societatem nouam , conciliant ; quippe Rex ut liberos reciperet , solutus à Pontifice sacramenti religione , cum ipso Pontifice , Venetis Heluetiis & Sfortia , contrahit fœdus , ad externos ab Italia pellendos ; asserendam ipsius Italiae libertatem , Sfortiam ditioni suæ restituendum , & recipiendos Franciæ Principes ; atque in id bellum designatæ cuiusque impensæ. Verùm id fœdus , non eos euentus qui sperabantur , sortitum est ; fœderati singuli in causa & culpa sunt. Nam incertus admodum Pontifex , modo in hanc , modò in aliam partem se vertebat ; Dux Vrbinus Venetorum præfectus trahebat bellum potius quàm gerebat ; siue ut imperium diu prorogaret , siue à Pontifice alienus , qui si ageret tranquillus , Vrbinates repeteret ; nec ipse Rex ad id bellum præter verba & paucas legiones , aliquid contulit ; vel spontè in voluptatum usum relapsus , quas calamitate prohibitus non tam abiecerat , quàm interpellarat , vel bello ostentato potius quàm capessito , ut metu obiecto liberos à Carolo tandem impetraret. Idque belli genus totum annum tenuit , quo Mediolanum & ipsa arx ab Hispanis subacta est ; donec sequenti anno , à Borbonio ducente Imperatorium exercitum capta est Roma , Maio mense & direpta tam ab Hispanis quàm Germanis atrocissima immanitate , quæ Gallicam olim superauit ; qua calamitate cum Historici personent , nec sit ea mei propositi ; enarranda abstinéo ; vno obseruato , Borbonium primum omnium in expugnatione occisum , glande ut creditur à milite suo impetitus : iamque is in gratiam

Anno
1527

tiam Franciscæ admittit, properabat Neapolin, aliquid magnum in reconciliatæ gratiæ pretium patraturus: præclarus sane multis virtutibus, militari præcipue; & dignus quem Francia suis Heroibus adscribat, nisi & hostis suis adscriberet; & Borbonius Francus origine, se facinoribus Hispanum gessisset.

Româ captâ, direptâque crudeliter, ab vexando Pontifice haud cessabant Hispani; cum in Adriani Mole obsederant, & fame adaectum propè ad ultima, ut contumeliosæ feruituti sese eriperet, ad fœdus coëgerant; quo ærario & arcibus spoliatum, Neapolin amandabant, ad Caroli Cæsaris iussa præstolandum. Ergo cæteri Principes irreligiosum atque atrox facinus indignati, novum inter se constituunt fœdus, Franciscus, Henricus, Veneti, & Florentini, ad liberandum Pontificem, & iniustam Sacrosanctæ Ecclesiæ iniuriam expungendam atque abolendam. Porro Henricus Angliæ Rex id in fœdus sua etiam causâ inclinabat. Etenim Annæ Boleniæ amore insano captus, eam ut duceret, statuerat Catharinam coniugem materteram Caroli repudiare; quod cum absque assensu & permissu Pontificis, matrimonium primum dissoluentis tentari non poterat; id summis in Ecclesiam beneficiis Henricus se consequuturum sperabat. Itaque ad fœdus Francicum ineundum, Cardinalis Eboracensis in Franciam venerat, & Regem Ambiani conueniens, illud percusserat, quo in sociale bellum, Anglus singulis mensibus Angelotios sexagies mille persolueret; titulo Regis Franciæ abstineret, vicissim ipsi quot annis Franciscus solueret dictam pensionem, & plurima auri millia, ab prioribus Regibus debita. Missus in Angliam Mommorantius magnificentissimè exceptus, delibavit honores regios atque delicias. Veneri
in

XXI.

NOVITA
fœdus
in Ca-
sarem.

de' Bo-
len.

FRAN-
CIS-
EVS I.

Anno
1527
*Lautrecus
in Italia
bellum ge-
rit.*

in fœdus decem hominum millia conferebant, Florentini quinque; scopûsque fœderis, vt libertati vindicaretur Pontifex; in ditionem Sfortia restitueretur, & Neapolitanum regnum eriperetur Hispano. Continuo Rex, quia classis ad expeditionem opus erat; Andream Doriam Genuensem eiusque octo triremes in stipendium suum adscripsit, adiunxitque triremes sexdecim, & naues aliquot. Tum Lautreco in omnes fœderatorum copias datum imperium; eum quippe speciatim deposcebat Anglus, quamquam inuitum, atque id muneris excusantem, siue futuram calamitatem præfagiret animo; siue gnarus quæ Francisco Regi indoles foret, tantam prouinciam agrè iusci-peret, quam aliena negligentia conturbaret statim atque euerteret. Postquam Astam venit mense Augusto, dum Legiones præstolatur, ne inaniter tempus efflueret, Boscum impugnat, firmoque munitum præsidio ad ditionem cogit, vno baculo militi permisso; sed cum arma reddidisset, miles stipendio suo se addicit. Cogitabat Alexandriam, cum Genuam euentu Prospero auocatur. Andreas Doria concluderat in Delphini portu Genuensium naues frumento onustas, ceperatque; Cæsar Fregosius quatuor millibus peditum à Lautreco submissis, præsidium urbis conciderat, Martinengum Præfectum erumpentem ceperat, premebatque urbem grauis annonæ penuria: iis ciues afflicti Legatos ad Lautrecum mittunt, Adorno duce se in Castelletum recipiente; aduolat Lautrecus, vrbe excipitur, atque haud multo post Castelletum, imponitque regimini Theodorum Trivulcium Marescallum. Subactâ Genuâ, & foribus ad Neapolitanum regnum patefactis Lautrecus iam auctior copiis, Alexandriam obsidione cingit, haud diuturna; præsidio statim ditionem faciente. Sed pa-
rum

rum abfuit quin discordiæ pomum, fœdera-
tos inter, ea vrbs fuerit : nam eam Lautrecus
Regi aferebat , vt necessariam , tum ad ex-
cipienda militum supplementa , tum ad tu-
torem receptum , fi quid aduerfi continge-
ret. Contra fœderati tradi eam Sfortiæ con-
tendebant , fufpicati Francifcum fibi Inſu-
bres quærere ; idque prætereà Legato An-
glo flagitante ; poſt plurimam altercationem
Lautrecus urbem permiſit Sfortiæ ; ſed mul-
tùm indignans & à ſubigendis Inſubribus
iam alienior. Attamen Vigenano capta, cùm
fingeret Mediolanum contendere , & Leua
cohortes Ticino Mediolanum euocaſſet ; re-
pente Ticinum flexo itinere aggreditur, ver-
beratque tormentis ; moxque octauo die
per ruinam muri Franci irrumpunt, urbem-
que direptam atrociter , prioris cladis me-
mores , ferro & flammis vaſtant , perdituri
funditus , ni Lautrecus intercederet. Vrbe
captâ , noua inter victores contentio oritur.
Ad Lautrecum adit Cardinalis Cibus , orât-
que vehementer , vt Romam feſtinet ad li-
berandum Pontificem , qui adhuc in Adria-
ni Mole obſidebatur à Cæſarianis ; cum belli
ſcopum , eò collimare arma ſanctiſſima ; nec
cunctandum donec Eccleſiæ parens ludibrio
hoſtium atque amentię tradatur. Et eò le-
gatus Anglus propendebat. Sed Veneti Me-
diolanum expugnari cupiebant in eo poſitum
cardinem rerum ; fruftrâ impugnari Neapo-
lin , dum Germanicis copiis porta aperian-
tur, occludendas illas , mox Neapolin peri-
turam breui , nunc Mediolanum milite de-
ſtitutum atque comæatu , expugnari poſſe
haud difficulter ; ſi elabatur occasio , nouum
mox bellum , nouum periculum exoriturum.
Nec id abs re poſtulabant Veneti , niſi Lau-
trecum ſua mouiſſet cauſa atque utilitas ;
adeò inter plures discordibus rationibus
concordia eſt rara ; nam metuebat ne ſuba-

FRAN-
CIS-
CVS-I. ———
ctis Insubribus, Veneti iam à periculo tecti;
in reliquo bello lentius ignauiusque se gere-
rent, & parva securitate minus laborarent.
Eam ob rem Mediolano omisso Romam
profecturus, Parmam se contulit, Venetis
acerbè expostulantibus; eo magis quod men-
sem cunctando Parmæ insumpsit Lautrecus.
Quamquam hæc mora non sine causa aut præ-
mio erat. Dux Ferrariensis Cæsarem defe-
rens, fœderatis adscriptus est; promittente
Legato Pontificio Mutinam, & Rege des-
pondente Renatam Ludouici filiam Herculi
Alphonfi Ducis filio; quod coniugium dein-
de perfectum est. Prætereà in Hispania à Le-
gatis Principum pax promouebatur, eratque
spes conficiendæ, quam subito Gattinari
vnius vel cauillatio vel prudentia sagax ab-
rumpit: nam intercedebat ne Franciæ Prin-
cipes redderentur, priusquam exercitum ex
Italia Rex amouisset, nec eum amoturum
se Rex significabat, nisi liberis prius restitui-
tis; ita mutuam fidem lacescentes, inuicem-
que suspecti, cùm postremò Anglo tradere
obsides Cæsar recusasset, fœlicitati suæ con-
fidens; bellum instaurarunt.

XXII. Interim Cæsar veritus ne à Lautreco Pon-
tiffex eriperetur, suis Præfectis mandat, vt
eum in conditiones pacis admittant; & da-
tæ sunt quas scripsi antea; adeò duræ &
acerbæ, vt libero Pontifici noua in perpe-
tuum vincula cudi viderentur. Nec iis ad-
modum Clemens se tutum reputans, nocte
ex Mole prodiit, famuli habitu, & exci-
piente Ludouico Gonzaga Orbitum venit.
At Cæsarem inter & Regem noua in dies
conflagrabant odia, & futuris malis semen-
tem ponebant, abiectâ spe pacis. Franciscus
magno prorsus animo, cui promissorum fi-
des sacrosancta esset, ductus religione, quod
in fœderè Madritensi conuenerat, se iturum
in custodiam Caroli, si conditiones non im-
plerentur;

*Cæsaris
& Re-
gis odia
& pro-
uocatio*

plerentur ; regni procures , triũmque Ordinum optimates euocat , palamque propofita fœderis conditione , affirmat ad eam implendam , ftatuiffe in Hispaniam in vincula Caroli proficifci ; nec ſibi rem vllam potiorẽ fide aut ſanctiorem promiſſis . Verũ à cunctis reclamatum eſt vehementer ; prius ſingulos ſubituros mortem , quàm id paterentur , Regem ubi ſemel regno adiunctus ſit , ſui iuris haud eſſe , quodam coniugio eum cum ſubditis alligari , neutrum poſſe diſſentiente altero nexum abrumpere ; tam eam conditionem , quàm ceteras fœderis per vim extortas ; ſolutum ipſum diplomate Pontificio ; imò natura ac gentium omnium legibus , quæ promiſſa nulla ſtabiliunt , ſi voluntas defuit , & nullam ſtatuunt eſſe voluntatem , cum vis maior ac metus ingruunt . Deinde adhortantur ad bellum validiſſimè inſtituendum , quo à Cæſare liberos auferat ; nec vnis verbis amorem teſtati , vtrò in bellum pecuniam plurimam conferunt . Legatus Anglus dum hæc geruntur interuenit , vrgétque ad bellum tam efficaciter , vt id Rex pronis omnium animis , ratus ſatiſfactum fidei , ardens ſuſceperit . Idque Cæſari per feciales diſtinctos , Francum & Anglum indiſtum eſt . Carolus vultu ſereno feciales audit ; verũ Franco quis pungeret animum dolor promit : mirari ſe dicit , quod Francia Rex tam citò iuriſiurandi oblitus ſit , parum eſſe quod terrarum orbe ſpectante fidem violarit , ignominiam propuſioſam contra erit ; in religionem & ſacramentum peccauerit , niſi etiam Chriſtianum orbem bellis inuoluat , & Regem Angliæ ſceleri ſuo implicitum , in furoris partem appellet ; ſe haud bellum fugere , quo victor Deo propitio fuiſſet hætenus ; quanquam id indici à Francisco non poſſet , qui ſuus captiuus , & aliena adhuc poteſtatis , nec gerere bellum nec indicere queat .

*saluo gentium iure: nihilominus ad reciden-
das calamitates quas bellum inuehit, & par-
cendum sanguini Christiano, se singulari cer-
tam ne pugnaturum in Regem; idque se
biennio ante Caluimontio Gratianopolitano
præsidi significasse; sed Regem tam generosi-
tate quam fide imparem hactenus dissimu-
lare & obsurdescere. Post ea dicta Oratores
fœderatorum, præter Anglum, in custodiam
misit. Quibus Rex acceptis cùm similiter
Perrenotum Legatum Hispanum misisset in
custodiam; posteaque conuenissent Princi-
pes de Legatis inuicem dimittendis; Hispanum in Palatij aulam Franciscus euocat, &
magna procerum nobiliûmque frequentia,
orationem habet luculentam & qua erat elo-
quentia præditus ornatissimam atque accu-
ratam. Ea excusabat se apud Legatum, quod
ipsum exemplo Cæsaris misisset in custodiam;
tum quæ ille feciali obiecerat exquisitis ratio-
num momentis confutat; dein quod ad cer-
tamen spectaret, ignorasse se quod Calui-
montio dictum sit; id si rescinisset, non ina-
nibus verbis responsurum, sed scripto quod
perstaret; uti in præsentia respondebat. tum
libellum legendum Perrenotto offert, quo
legendo cùm ille se excusaret, quod Legati
munere iam deiectus esset, iubet Rex Ro-
bertetum sanctioris consilij scribam libel-
lum legere. Eius summa erat; ut quoties
Cæsar Regem diceret fidem fefellisse, aut ges-
sisse quidpiam, quod virum nobilem dedece-
ret, eum toties mentiri, designet ipse locum
certamini, se extemplo arma ad disceptan-
dam litem portaturum. Datus feciali libel-
lus, quem ad Cæsarem ferret. Ac paucis
post diebus, Angliæ Rex eadem pompa ver-
borum prouocat Cæsarem. Qui quidem An-
glo nihil reposuit; sed fecialem rursus ad
Franciscum misit, qui longa oratione Re-
gis dicta refelleret. Et eum in concionem
Franciscus*

Franciscus admisit; sed cum flagitasset an certaminis locum designaturus foret; nec ille speciatim quidquam reponeret, dimissus ab Rege est. Sic exacerbata contumeliis odia, penetrabant in mentem altius; radicum fibris, ita peruadentibus, ut postea nullo fœdere, nulla charitate, vel affinitatis vel religionis, extirpari potuerint.

At Lautrecus dum certatur verbis arma promouerat: (nam Angliæ Rex à Francisco impetrauerat, ne in Flandria bellum moueretur; Belgarum commercio Anglis luculento atque perutili,) & ex Flaminia versus Neapolitanum regnum profectus, soluto iam Pontifice Romam etiam in libertatem asserit. Nam exercitus Cæsaris, cui Orangius præerat, tandem ad propugnandum regnum Roma abscessit. Hugo Moncada Proregis loco, Lanoio vita functo, administrabat prouinciam, & iuuabat vocatus ab Insu-
bribus Marchio Vastius, ex Daualorum familia, & Pescariæ mortuo patruelis. Ij obtinebant Neapolin, Orangius exercitum ad Troiam urbem posuerat, Lautrecum ab instituto itinere prohibiturus. Etenim ille Samnitibus occupatis, captâque Aquila, properabat versus Apuliam, ingentem pecuniam inuasurus quæ ex passionis vestigalibus penditur; sed hoste occurrente festinationem sustinuit, dum Venetorum copiæ, ac Florentinorum accedunt. Admoti erant ambo exercitus, crebrisque velitationibus, depugnabant, cum fœderatorum legionibus Lautrecus augebatur, atque Orangius longè inferior, nebuloso die versus Neapolin se recipit magno silentio, fallitque hostem, dum longo interuallo securus est. Hoste elapso Neapolis pariter ipsa elabatur. Horatius Ballonius, qui cohortes nigras pugnacissimas omnium duxerat, pluresque alij, auctores erant, ut exemplo toto exercitu Neapolis

FRAN.
CIS
CVS I.

XXII.

Lau-
treceus
Neapo-
litanæ
regni
inua-
dit.

Du
Gnast,

cingeretur, expugnanda breui dum trepidat; verum alij proximas vrbes inuadendas censebant; ne quid à tergo negotij molestiæve facerent; ita fœderati in tria agmina distributi, plurima quidem capiunt oppida, Melfim, Asculum, Tripaldam, Barotum, Tranium, Monopolim, arcem Venusinam; sed Neapoli excidunt, dato spatio sese confirmandi. Nam Hispani cæteras vrbes victori concesserant, præter Caietam & Neapolim; & in hanc postremam receperant totum exercitum, in quo erant decem peditum millia, Hispani & Germani: eosque Moncada Prorex admiserat, certus ciuium bona in stipendium rapere; quorum magna pars dilapsa erat in proximas vrbes insulasve. Iamque Lautrecus vestigali potitus, collectoque exercitu, præter Venetos ter mille, quos reliquit ad Manfredoniam obsidendam, & proxima loca occupanda, Neapolin cingit obsidione. Erant in exercitu equitum viginti millia, peditum octoginta, sed vix tertiam partem bello apti; adeo lixarum famulorum, & iumentorum ad sarcinas, superuacaneas numerus excreuerat; quibus cæteri milites oruebantur potius quam iuabantur; similes vespis & crabronibus apum mella vorantibus. Constituerat Lautrecus urbem penuriâ premere, atque eam in rem arcessebat classem Venetam & Dorianam, quæ portum clauderent, & arcerent obsessos maris commercio: verum & Veneti hærebant in mari Supero, Hydruntum oppugnaturi, aliasque arces quas ex fœdere obtenturi erant; & Doria post expeditionem in Sardiniam, moras Genue nectebat. Attamen naualis victoria, fœderatorum spem mirum in modum erexit. Erant Philippo Dario, nepoti Andreæ, triremes octo, quibus tametsi portum non omnino obstrueret, tamen multa detrimenta inferebat obsessis.

sessis. Eum obicem ut amoliretur Mancada, sex triremes aliâque minora nauigia instruit armamentis; & selectos ex toto exercitu mille Hispanos, ducentosque Germanos, imponit nauigiis: & ipse cum Vastio, Ascanio Columna, ac tribunis fortissimis, in Doriam ducit. Admonuerat Lautrecus Doriam, submiseratque sclopetarios in opem quadringentos; quibus fretus vir maritimarum peritissimus rerum, inuadentem hostem sic excipit; ut post atrocem dimicationem victor, hostes omnes vel ceperit vel in aestu pugnae occiderit; casus Prorex ipse Moncada; capti Vastius, & Columna; triremium duæ in conflictu demersæ, duæ captæ, duæ fugâ seruatae; quas Orangius post Moncadam Prorex portu excepit. Res fœderatorum eâ pugna latus Andreae Doriae defectio, afflixit primum, deinde prostrauit. Ille diu concepta in Franciscum Regem offensione, quod à se captum Orangium nullo pretio post Madritianum fœdus dimisisset, clamque succensus quod Genuam patriam suam Rex haberet paulò seuerius, & Sauonæ videretur subiicere, coquebat defectionis & vindictæ consilium. Iussus erat classẽ in Siciliam ducere, & Insula destituta præsidio innañoni patebat; erantque triremes quatuordecim Francicæ, Venetæ sexdecim, Doriae octo, quibus exceptus est Rentius Ceres clarissimus bello Dux, cum tribus peditum millibus. Verum Doria, forsitan animo iam defectionem concipiens, persuaferat omiſsa Sicilia in Sardiniam ire: moxque classe in eam appulsa, orto ipsum inter & Ceretẽ iurgio, abcessit à Cerete, Doria; nauisque abduxit: dein sauiẽte procella, tota classis disiecta est, tenuitque partim Liburnum, & partim Genuam, ut se instauraret; Doria cum suis octo, & totidem Francicis Genuæ substitit; Liburni, Venetæ; Ceres cum cæteris

FRANCISCVS
I.

Anno
1528

*Andrea
Doria
defectio.*

FRAN-
CISCVS
I.

*Du
Bellay
Langi*

Francicis in Sardinia hæserat ; vnde post Sardos victos prælio , captamque Sassarim Liburnum æger discessit. Appellatus sæpius à Lautreco Doria , cùm se Genua haudquam moueret , facillè Lautreco in suspitionem noui consilij venit ; quare ille vt necessarium virum retineret , Bellaium Langzum ad Regem mittit , oratum ne Rex peritissimam rerum naualium ducem , & cardinem expeditionis abalienaret , imò quantum fieri poterat conseruaret. Langzus Genuâ iter instituit , Doriâque familiaris admodum conuenit , comperitque animum exulceratum ; posse tamen conciliari , si fieret satis postulatis. Ea porrò erant ; vt pensiones debitæ soluerentur , pro Orangio pretium redhiberetur , salinarium vectigal , quod Rex Sauonam transtulerat , Genuensibus , & priuilegia quædam restituerentur ; se curaturum pollicitus vt Genuensium triremes duodecim , quæ instructæ in anchoris essent , ad Regis nutum atque arbitrium forent. Cùm Langzus Doriâ spe bona impleisset , Luteriam aduolat , & Lautreci mandata , ac Doriæ postulata , in consilio proponit , demonstrâtque profligatam Neapolitanam rem esse , si Doria abscedat. Erat Mommorantius intimus Regi , idémque Sauonam cum omnibus vectigalibus donò à Rege acceperat ; ideóque veritus ne lucrum ex vectigalibus perderet , si ea Genuam traderentur , Pratum Cancellarium adornat , eiúsque auctoritate , Doriæ postulata vt superba & indigna Francicâ maiestate , reiici curât & repudiari ; simul Barbesium designari , cui triremium cura commissâ est , datumque mandatum , Genuam proficiscendi. Regias triremes & Dorianas occupandi , atque ipsius Doriæ apprehendendi. Ea cùm Doriæ innotuissent , virum in oppositam partem coniecerunt , maximo Francicarum rerum detrimento.

detrimeto. Quippe Philippum nepotem cum triremibus à Neapolitano littore auocat; suas octo naues cum Gualtio cæterisque captiuis, Imperatori addicit, pactus Genus libertatem sub tutela Imperatoris; nec Franciscum audit, postea cumulantem & largiùs promittentem, quæ antè imprudenter negauerat. Ea Andreæ defectio, noua defectione Antonij Doris propinqui sui adaucta est, qui tres naues Francicas quibus præerat, in potestate sua retinuit, Hispanisque adiunxit. Adhæsitque in posterum Cæsarianis Doris, tam certâ fide & inuiolatâ, vt in fide, vltionis flammam deprehendas, & contemptum accurato studio uindicatum; tanti refert generosum virum vel beneficio demereri, vel non alienare iniuria.

Ab Doris defectione, Neapolitanæ res vt Langæus prædixeat retro vertere, & in deterius rure visæ sunt, graues morbi vexabant exercitum, largè contagio in tribunos militesque grassante; Rex segniter suppeditabat in bellum impensas, pecuniâ in deteriora, tabulas, ædificia, luxum, & voluptates effusâ; quique digredienti Lautreco promiserat in menses singulos centum & triginta aureorum millia, iam ducenta debebat, & in tres proximos menses promissæ pecuniæ partem detrahebat. Flagitauerat missionem à Rege Lautrecus, & qui succederet postulabat impensè; iamque Franciscus Philippum Chabotum Brionem sibi charissimum in præfecturam illam destinauerat; sed adolescente non admodum rerum militarium perito, excusante, & forsitam gratiam aulicam incertæ gloriæ certoque discrimini antepONENTE, iussus erat perseverare Lautrecus; missa in subsidium aliquanta pecunia; & Nauarro Principe, Regis Henrici fratre, cum nobilium turma nauibus Barbesij vecto. Sed cum ea ad cala-

FRANCISCVS
I.

XXIII
*Franci
ex Nea-
polita-
no re-
gno ex-
pulsi.*

FRAN- mitatem leuandam haudquaquam suffice-
 CISCVS rent, morbusque iam in pestem degener,
 I. sciret in omnium capita, plurimique ex
 ducibus fato rapti essent, qui superstites
 erant Lautreco suadent ab obsessa vrbe ab-
 scedere, copias commodiori cælo tradere, &
 supplementum militum vel à Francia quæ-
 rere, vel in Italia ipsa conficere. Iam pestis
 absumpserat Nauarrum Principem, Comi-
 tem Vademontium, Candalum, Camillum,
 Trivulcium, tribunósque præcipuos; & ipse
 Lautrecus morbo æger iacebat; nec idè ad
 receptum patiebatur inflecti animum. Tot
 funerum auctor existimatus est pessimus
 Pharmacopola, qui ægrotis nobilibus pro
 remediis adhibebat venenum, & cisternæ,
 unde miles potabat ab hoste toxico infectæ
 creditæ sunt. At cum in pertinacia perseuc-
 raret Lautrecus, assuecuerat enim se nun-
 quam Neapoli nisi mortuum abscessurum,
 supra quam promiserat fatum impleuit; nam
 & mortuus vrbe exceptus est. Morbo ali-
 quantulum recreatus, instaurabat ingenti
 animo ærumnas præteritas, nulla quiete in-
 terpellatis laboribus, sed corpore ad animi
 conatus impare, recrudescente feбри, lecto
 affligitur, & inter publicas priuatæque cu-
 ras extinguitur. Dux in paucis præstans, vi-
 rã integer, iusti tenax, militaris disciplinæ
 custos, & dictus peculiari Elogio, urbium
 expugnator, quanquam ea in laude ani-
 mam posuit; fortasse seruaturus, si minus
 sibi ea in arte & felicitate consideret: nam
 quod pertinaciùs sententiam suam defende-
 ret, & fastidiret cæterorum monita, ne vi-
 deretur vinci à suis qui hostem vinceret;
 hæc Lautreci noxa propria est, quæ virum
 ingentem mortalitatis labe aspergit. Corpus
 à Francis in templo rustico sepultum, soluta
 obsidione, erutum ab Hispano milite, Nea-
 polin deportatum est, & in cella vinaria
 conditum;

*Lan-
 treci
 mors.*

conditum; turpi avaritia militis expectantis emptorem; sed delusa spe cupiditas est, pupillis Lautreci liberis, & Cæsariani exercitus ducibus tam turpem avaritiam non vindicantibus; donec anno post vicesimo, Ferdinandus Consalius dux Sessanus Consalvi magni ex filio nepos, turpitudinem suæ gentis honestissimo sumptu expunxit; Lautreci cadauere pecunia sua redempto, & sepulchro marmoreo eam in rem erecto; ipso in sacello quod Consalius auus posuerat; iam partium extinctis odiis, & vera virtute splendidius à caligine tumuli illucente. Viri memoriam cohonestavit Franciscus, luxurique præclarissimum Imperatorem, quem in angustias mortis adegerat, tamque magnificum funus instituit, quale Delphino conficeret. Imò Senatus Populusque Romanus illi in atra veste parentavit, liberatorem patriæ nuncupans, edixitque ut eadem quotannis Laterana in Æde instaurarentur solemnia. Post Lautreci mortem, Salussius Marchio, qui vnus è tot Proceribus perstabat à morbo integer, suscepto regimine, cum Doria recreasset urbem comœatu, languentes copias Neapoli abducit, atque Auersam contendit, dum Rentij Ceretis copias præstolatur. Sed Orangius Neapoli prodiens, postremum recedentis agmen conciderat, ipsūque Salussium sua vice oppugnaturus, cogit ad deditiōem, saucium grauitè, propudiosis viro forti conditionibus; ut ipse Salussius & tribuni ceteri ducerentur captiui, militi libero ire fas esset, sed signis, equis, instrumento omnium domestico tum militari relictis. Dicitur Pomperantius, dum leguntur conditiones, dolore animi effocatus corruisse extemplo, & oculis in cælum sublatis expirasse; Ille in Ticinenfi prælio Regem seruauerat, donatus luculento præmio, & equestri tur-

FRAN-
CIS-
CVS I.

ma. Postridie aduenit Caracciolus Melitani-
nus Princeps cum Cerete; qui audito fœ-
dere in Samnium reuerterunt; in quo ali-
quot oppida ad Comeracensem pacem te-
nuerunt. Salussius Neapolin delatus, haud
multò post ex vulnere obiit; milites Barbe-
sij clade excepti sunt. Ita tertium Hispani
virtute sua Neapolitanum regnum compara-
nerunt: nam intra septa vrbis, postquàm
rerum penuriam, & leuissimam contagij
luem, peruicerunt admirabili patientia, &
& aduersam sortem naualis prælij; leuiori
operâ hostem subegerunt. Porro Francos
spe florentissima deturbarunt, sui Regis in-
curia, defectio Doriæ, & Venetorum in pri-
uata commodaminiū studium.

XXIV
*Franci
ab In
subri-
bus
pulsi.*

Hæc in extrema Italia dum geruntur, haud
felicius in eius faucibus Franciscus pugna-
bat. Sub Maium mensem, nam Augusto
Lautrecus occubuit, Henricus Dux Brun-
suicensis, Tridento profectus decem homi-
num millia in Longobardiam inuehebat.
Rex ad eius famam nouum exercitum ad-
ducem pellendum indicebat, cui Franci-
scum Borbonium Sampaulinum Comitem
ducem designabat; Attamen in Insubres ir-
superat Brunsuicensis, reuerteratque in Ger-
maniam, antè Sampaulinus quàm Alpes
transiret; quippe Germanus deficiente sti-
pendio remeauit in patriam, & Francus Re-
gis indiligentia imparatus erat. At bis mille
Germani cum Antonio Leua substituerunt;
aduenitque Sampaulinus minoribus copiis
quàm fœderati sperauerant, seque Vrbinatæ
Venetorum Præfecto adiungit. Cùm ista-
tem nullo operæ pretio transegissent, quip-
pe Vrbinas de industria bellum trahebat, tan-
dem mense Octobri aggrediuntur Ticinum,
quod digresse Lautreco Leua expugnauerat.
Nec mora tormentis dispositis, vique illata,
post dies aliquot capiunt diripiuntque. Dein
oppugnatis

Anno
1528

Oppugnatis aliquot oppidis , imminebant Mediolano , oblesuri , nisi Vrbinati secus visum esset , qui munitam urbem , propugnante Leua cum toto exercitu , à vi testam putabat. Præterea res Genuensis Sampaulinum vrgebat , Genuam atrocissima pestis ita vexauerat , vt vrbe propè in solitudinem versa , Trivulcius Præfectus eà desertâ , se in Castelletum arcem receperit. Vfus occasione Doria , qui patriam suam liberam cuperet , classem ad portum applicat , & Francorum classe fugiente , ipsa triremi Barbefij locum Principem ambiente , qui recedentibus turpissimus est ; quingentis dumtaxat hominibus urbem præter spem occupat , & mox Trivulcium in arce obsidet. Sampaulinus vocatus à Trivulcio , Germanos quidem in opem miserat ; sed cum ij defectu stipendij ire detrectassent ; ipse Sampaulinus , cum centum cataphractis , & bis mille peditibus suscepta expeditione , versus Genuam tendit. In via Monteianem cum duobus militum millibus excipit , veneratque Gaium , vrbe Genua octo leucis distantem ; cùm audit Corsos ab Doria in urbem submissos , & ab eodem Sauonam vehementer premi. Itaque Genua desperata , ne Sauona periret similiter , Monteianem ad eam cum copiis mittit ; verùm conatus utrobique inanis extitit ; Monteianes ab Dorianis repulsus , ad Sampaulinum Alexandriam venit ; Sauona capta est , & postmodum Castelletum , Trivulcio emissio , arx statim ab Genuensibus funditus diruta , & constituta regiminis ratio , quam etiamnum obseruant, Adorniorum & Fregosiorum factionibus extinctis , quorum familia omni nobilitatis iure expunctæ sunt ; penes Andream Doriam patriæ liberatorem auctoritas fuit , titulo & honoribus ad Senatum populumque traductis ; atque in posteram ciuitas illa tot mutationibus ante obnoxia , ancho-

FRAN-
CISCVS
I.
*Et Ga-
nuæ.*

Gaius.

— ram fixit, stetitque procellas inter incolu-
 FRAN- mis. Leua interim Mediolanum multa im-
 CISCVS manitate obtinebat, vt stipendium militi
 I. solueret; instituerat nouum vectigalis ge-
 nus; cùm triticum omne collegisset, edi-
 cto vetuit, ne cui ciuium liceret domi fari-
 nam conficere aut habere, nisi iussum vecti-
 gal soluisset; erat autem acerbissimum, in
 singulos frumenti modios tres nummi aurei;
 præterea Regio nomine panem coquebat,
 quem immenso pretio diuendebat; vt ne-
 mini cui salus & vita misera curæ esset, à tri-
 buto immunitas foret. Quanquam plurimi
 desperatione acti ruebant in mortem, ma-
 lebantque fame perire vel laqueo, quàm
 tueri vitam pane Hispanico. Cùm tanto
 odio conflagraret Leua, sperabant foederati
 capi urbem posse, & se iam ad obsidium com-
 parabat Sampaulinus, cùm negante obsidium
 Vrbinate, de recuperanda Genua cogitat. Se
 ad iter accinxerat, petebatque Ticinum,
 quando geminus casus properati moram in-
 nexuit, & Leuæ insequentî magnam peperit
 opportunitatem. Primùm imbres effusi nu-
 bibus, Ticino amne arcuerant tormenta; &
 præstolandum fuit dum detumesceret; tum
 in itinere viâ plurimùm lutulentâ, vnum
 tormenti carrum confractum est, & præmis-
 so Ticinum priori agmine, expectat Sam-
 paulinus, dum alter axis carro supponitur.
 Ad tormentum luto erundum, milites plu-
 rimi atque ipsi equites incumbebant; cùm
 ecce Leua inexpectatus superuenit. Ille col-
 lecta ex imbrium copia Francorum cuncta-
 tione, nocte concubia Mediolano prodie-
 rat, magna celeritate improuisum agmen as-
 sequutus; enitentem circa lutum militem
 adoritur. Sampaulinus quanquam deprehen-
 sus haud deiectus animo; pedes sicuti erat
 Germanos in pugnam educit, pugnatque
 fortiter, cùm extemplò Germani vel ad po-
 pulares

pulares suos deficiunt, qui sub signis Leux præliabantur, vel se fuga subripiunt: idem Itali præstant, deseriturque cum Francis aliquot Sampaulinus; destitutus in equum insilit, ac capitur, dum latam fossam equi saltu tentat superare. Prima æies, atque omnis propemodum equitatus Annebaldo duce Ticinum tenuit, mox Laudem; regressa inde in Franciam, iam promota pace. Nec vituperio Sampaulinus caruit, qui se incautum atque improuisum hosti obiecerat; cum bellatori incedenti in hostico, tam de tergo quam de fronte sit cogitandum.

Et Franciscus eas inter calamitates serio animum applicabat ad pacem. Iam cum Pontifice nouum fædus pepigerat Imperator, idemque cum singulis Fæderatorum tentabat; quos si semel abduxisset à Rege, metus & periculum erat, ne grauioribus conditionibus legem Franco diceret. Præterea magno liberorum desiderio Rex flagrabat: pueri Regij nulla sua culpa, ab aula & paternis laribus exules, apud hostem capti, alienis moribus imbuendi, quanquam foret lentior affectus patrius, miserationi essent ac dolori; quid suorum amantissimum patrem amorisque tenerrimi, quàm incredibili cupiditate orbem inflammabant? nec à pace alienus Imperator erat; voluebat enim animo magna consilia, quæ bello Francico perdurante promoueri & in exitum duci haudquaquam poterant. Percupiebat in Italia coronari, felicitatem coram vsurpare, atque ea fundamenta immensæ potentia iacere: & Solimannus Turcorum Princeps magno exercitu imminebat Hungariæ: nec tranquilla erat Germania, plerisque Principum nouum dogma Lutheri auidè amplectentibus. Ita demitigatis noua utilitate mutuis odiis, placuit per sequestros agere. Eam in rem duæ feminæ designatæ, Ludouica Francisci mater,

FRANCISCVS
I.

XXV.

*Pax
Cameracensis*

FRAN-
CIS-
CVS I. ter, & Margarita Caroli amita; quæ Camera-
cum vno simul die, per diuersas portas con-
uenientes, diuerterunt in contiguas domos,
Anno medio parietæ in cubicula proxima patefa-
1529 cto; aderant legati ab Pontifice & ab Rege
Anglo; quibus rem iuuantibus, in eas leges
consensum est, quæ tamen Fæderatis clam
erant, vt Rex recipiendis liberis, duodecies,
centum millia aureorum penderet; quadrin-
genta millia Regi Angliæ Imperatoris nomi-
ne solueret, item quadringentis terras redi-
meret, quas Maria Lucemburgensis, mater
Ducis Vindocinensis possidebat in Belgio,
vt eæ penes Carolum forent. Rursum Anglo
quingenta millia repræsentaret, quæ sibi Ca-
rolus dixerat multam, nisi Marcam Henrici
filiam duceret coniugem. Liliij florem ex auro
puro, pretiosissimis gemmis ornatum, à Phi-
lippo Archiduce oppigneratum Henrico,
redimeret Rex, & Carolo restitueret; Flan-
driæ, Artesiæ, Astæ, patronatu cederet, &
iure quod competeret in ducatum Mediola-
nensem & regnum Neapolitanum; Caroli
Borbonij bona legitimis heredibus daret,
naues Imperatori petenti Italiam commo-
daret; Venetis bellum indiceret, si arces
Carolo restituere cunctarentur, & adiuncta
alia, quibus Franciscus cogeatur in arctum
admodum, sed iis omnibus præpollebat af-
fectus patris. Diu Fæderatos latuerunt hæc
pacta, & dum inirentur, affirmabat Francis-
cus & asseuerabat sanctissimè præsertim Ve-
netis, se absque sociorum assensu nunquam
conuenturum, vnde postea Venetorum que-
relæ acerbissimæ, se proditos postulantium,
& potestati Imperatoris obiectos: nec que-
rebantur immerito, Regis simulatione &
promissis delusi. Et eam vnam Rex prauæ
artificij contraxit maculam, in cæteris can-
didus atque sincerus, obtendebat excusatio-
nem paternam, & postulabat desiderio libe-

rorum quod sanctissimum est indulgeri. Sanè Veneti suum postea fœdus cum Imperatore pepigerunt; à Francisco adeò auersi in posterum, vt nullis ipsius minis precibusve ad nouam societatem flecti potuerint. Pace proclamata, Guillelmum, Bellaium, Langæum in Angliam Rex illicò mittit, vti Henrico satis de pecunia debita faceret. Erat Langæus vir tum aulicarum rerum, tum militarium peritus, ad captandos animos mirè factus, & probitate mentis non impare: ille vt Henricum demereretur, (perspexerat enim quid gratissimum foret) sua industria perfecerat, vt in Academia Parisiensi, Bonouiensi, Tici-nensi, atque in aliis Europæ celeberrimis, Henrici prius cum Catharina coniugium irritum sanciretur, quam ob rem mirificè Henrico acceptus, iam indigenti ope Francisci vt à Pontifice secundum coniugium impetraret, ad votum prosperè mandata conficit. Etenim Henricus quadringenta aureorum millia Francisco in quinque annos æquis pensionibus soluenda credidit; quingenta sibi a Cæsare promissa, & lilij gemmeum florem, Henrico Francisci filio, dono dedit, quem in sacro fonte susceperat; verè probans liberalitatem amantium esse, qui non tam Regi quàm amoribus nouis hæc largiebatur. Iis feliciter festinatis, liberorum traditio in aliquot menses, & sequentem annum dilata est, Prati Cancellarij turpi auaritia, atque Hispanorum necessaria cauillatione. Etenim Pratus cudi iusserat nummos quos Hispanis solueret ex auro impuro; fraude indigna Regia fide, & amplitudine; nec ideo Hispanis impositum, imò fraus magnâ infamiâ in apertum producta est; singulis nummis ab aurificibus Hispanis tentatis; repertumque est decessionem quadraginta millium aureorum factam, quam supplere nouo auro oportuit. Tunc liberi Regij restituti

FRAN
CIS
CVS I.

Langæus in
Anglia

FRANCISCVS I. restituti. Ad Behobiam amnem eadem cære-
monia qua dati fuerant, per scapham in ami-
ne medio, numerato & appenso auro, permu-
tantur; iis accesserat Eleonora soror Imper-
atoris, cui ducenta aureorum millia dicta
in dotem, ea lege vt qui ex ipsa nasceretur
puer, Burgundiam patrimonij iure posside-
ret. Rex in Aquitaniam venerat ad exci-
pienda optatissima pignora: quæ amantis-
simè amplexus, ad montem Marsanum cum
Elconora matrimonium contrahit: quan-
quam amorem ad aliam feminam conuertis-
set, Annam Pisselcuam Aquitanam puellam,
Anne de Pisselcu. quam Burdegala primùm ex Hispania liber,
amauerat, & Ducissam Stamparum dixerat;
Ludouica mater se nepotum aspectu & am-
plexu impleuit, haud diu tamen fruitura
pace, quam è tot calamitatibus tandem edu-
xerat, sequenti anno exempta è vita, quam
ambitio multa iactauerat.

XXVI Ea pace sopitis odiis æmulorum, speraba-
tur Christianus orbis coniunctis viribus in
hostem publicum commouendus, iamque
Post pacem, mutua Prin- cipum æmula- tio. cæteri in Italia Fæderati cum Imperatore
conuenerant. Ille Genuam classe cum exer-
citu vectus, & a Pontifice Bononiæ corona-
tus, gratulantis Italiæ legatos exceperat, pa-
cem Venetis Sfortiæque concesserat, Ferra-
riensem in gratiam & tutelam admiserat, &
Florentinis vnis infensus, eos vi adegerat in
Medicæorum obsequium; Alexandro Me-
dicæo nepoti Pontifici desponsa Margarita
filia, quam è soluta matre susceperat. Verùm
tāta potestas atque auctoritas Cæsaris, priora
æmulationis studia suscitauit & Franciscus
iā absteriso metu receptisque liberis, veteres
retractans iniurias, & priores clades indi-
gnatus, haud dubius quin aliquando bellum
foret in Carolum suscipiendum, se commu-
niebat conciliandis sociis atque Fæderatis.
Eoque studio sic exarsit vterque Principum,

vt non modo Pontificem certatim deuincire conati sint, sed magno rei publicæ Christianæ malo, hæreticos principes, atque ipsum Turcam, luē orbis publicam, vel demereri fæderibus, vel promouere suas ipsos victorias, partim optauerint, partim æquioribus animis passi sint. Eo consilio ad Henricum Anglū se Franciscus primū applicauerat; tū ad Germanos Proceres, quos iam religio ab Imperatore auulserat. Porro in iis enarrandis, rerum seriem sequar, temporum prætermittam, vt commodius singula & dilucidius subiiciantur legentium menti. Lutheri ab Ecclesia deficientis hæresis, latè per vniuersam Germaniam sparsa, Principum maximam partem sua lue infecerat; eorum præcipui Ioannes Saxoniz Dux, Friderici fratris successor; Georgius Marchio Brandenburgicus; Albertus eius frater, magister Ordinis Teutonici, qui vt Prussiam Ducalem quæ Ordinis erat sibi atque heredibus vindicaret, eam clientelæ Polonorum Regum subiecerat; Ernestus & Franciscus fratres duces Luneburgenses; Philippus Hessiz Langrauis, atque ciuitates Germanicæ opulentissimæ, haud exiguo numero, Argentoratum, Nuremberga, Ulma, Constantia; plurèsque aliæ; iis postremò accesserunt, Fridericus Rex Daniz, & Gustauus Sueciz. Porro eos Principes cū Ferdinandus fratris Imperatoris Vicarius Spiræ in Comitibus Imperialibus damnasset, vetuissetque nouam religionem inuehere, donec aliter à generali Concilio sanciretur; ij intercedentès decreto, appellauerant Cæsarem aut generale Concilium, protestati nullius ponderis esse eius generis decretum, vnde in posterum Protestantes dicti; & eo nomine cum cæteris, huius sectæ viros nuncupabimus. In præsentia Carolo conscribente contra Turcam, exercitum; veriti ii Principes ne improuisi obruerentur, anno de-

finente

FRAN-
CIS.
CVS I.

*Fran-
ci cus
Rex cō-
ciliat
Princi-
pes Ger-
manos.*

—————
 FRAN-
 CIS-
 CVS 1.
 Anno
 1530

sinente fœdus Smalcaldiæ ineunt, tantoperè celebratum: quo se in Catholicos tegerent, opemque ad defensionem mutuam pollicerentur. Intereà Augustæ Imperator Comitia celebrabat, quibus Coloniam traductis, curavit Ferdinandum fratrem Regem Romanorum dici: cùm iis suffragiis Saxo & Brandeburgicus haud consensissent, irritam nuncupationem Regis affirmabant, vi impetratam; & statim ad Reges Angliæ & Franciæ legant, qui vim exposculent, opemque flagitent. Anglus nihil cunctatus opem pollicetur, si Franciæ Rex accedat; appellatus Franciscus, primùm subtimidè huic rei sese implicabat, nondum ausus tam recentem pacem magna Europæ offensione infringere; nam cautum erat fœdere, ne Rex vllam in Germania inuito Cæsare societatem contraheret: mox præpollente studio æmulationis, comperto Imperium inter & Franciam ab omni suo societatem esse institutam, Regisque Franciæ ad tuendam Germanicorum Principum libertatem iure antiquissimo adstringi, existimavit ex veteri novum compingi fœdus posse, sine cuiusquam iniuria, spemque illius Protestantibus fecit, verbo tamen tenuis, nulla re certa promissa, aut scripto tradita. Ij tamen postea, metu ab Cæsare urgente, tam incensis precibus apud Regem instant, utis misso Langæo fœdus contraxerit, ad immunitatem dumtaxat Principum defendendam, promissis in mutuum centum nummorum millibus, nullo alio pignore quàm ipsorum fide. Post fœdus perscriptum eundem Langæum in Angliam mittit, qui Regem tota de re certiozem faceret. Nec Imperatorem id consilium omninò latuit; qui ut Regi odium Christiani orbis compararet, ad Turcam repellendum poposcerat à Rege pecuniam mutuam, aut Cataphractos equites in bellum proximum; non dubius quin

quin Francisci responsum occasionem calumniæ daret; nec aberravit à coniectura; FRANCISCUS
dicente Francisco, se modò vicies centena millia auri pependisse Cæsari, nec trapezitam I.
se esse, qui ad mensam pecuniam numeraret; equitatum Francicum se nemini commodare, haud magis quàm ensẽ quo accinctus foret, ceterum addebat, si in hostem publicum opera sua expetitur, profecturum se cum quinquaginta millibus hominũ, ad orã Calabriæ totãque Italiam propugnandam, idque responsum sugillavit Cæsar vehementer, calumniatus inuidiam Regis, & malignitatem. At Rex nihilominus cum Anglo arctissimè necebat. Eam in rem designato Et cum
colloquio, Henricus ex Anglia Caletum Anglia
transmiserat, veneratque Franciscus Bononiæ Rege.
nam in vrbe Anglum excepit Regiã magnificentiã: amicissimæ inter vtrumque salutationes, fraterna ex intimo beneuolentia, nam se fratrum nomine nuncupabant, necessitas communis conueniendi in Carolum, amicitiam demonstrabant sinceram & coagulabant; quisque aulicos apud alterum gratiosos, donat pretiosis honorum insignibus, Franciscus torquatum collem Ducibus Norfolcio & Suffolcio, Henricus Periscelidem Mommorancio & Chabotio impertit, tum Franciscus Henricum comitatur, & Caleti excipitur eadem significatione amoris; nullum tamen fœdus inierunt, præterquam ad mutuam defensionem; nouũque ad pompam additum, vt si Turca rursus Christianis bellum inferret ipsi iunctis in rebus millia hominum octoginta armarent, ducerentque quo necessitas posceret. Verum haud multo post lætitiã ex arcta beneuolentia quam Franciscus conceperat fœdauit Henrici turpissimus casus; qui Boleniæ amore insaniens, nondum impetrato cum Catharina diuortio, contractisq; clam cum Bolenia

— nia nuptiis, à Clemente diris deuotus est, &
 FRAN. & eiurato Pontifice, fideique Catholicæ de-
 GISCVS fertor, inuexit in Angliam hæresim, quæ ma-
 I ximo Christianæ rei detrimento etiamnum
 Anno perstat. Ea res vt Ecclesiæ magno luctui
 1533 fuit, ita Francisco immoderato dolori, qui
 Henri- nihil non mouerat, tum apud Clementem,
 ci An- tum apud Henricum, tam præcipitem casum
 gli la- vt i sustentaret, verum Imperatoris auctori-
 psus. tas, & enixissimus efflagitatus, tum Cardi-
 naliū impotens æstus, in pœnam præfesti-
 nanter ruentium, adegerunt Pontificem ad
 iaculandum fulmen; quo efferatus Henri-
 cus, & in rabiem æstus, accedente libidinis
 flamma, pudoris claustra & repagula fidei
 simul refregit, atque pessundedit. Attamen
 ea ad Ecclesiæ historiam spectant; nec omi-
 ferim Francisci responsum, quo Henrici pe-
 tionem discussit postulantis vt ab Ecclesia
 sese subduceret; nam vno adagio fidem &
 amicitiam testatus est; *amicus*, inquit, *ad*
aras, docens religionis vinculum sacrosan-
 ctum esse, quod humanus nullus affectus ab-
 rumpat.

XXVII Imperator interea, metu belli Turcici di-
 Massi- scusso (quippe Solimannus reuerterat Con-
 liæ Pon- stantinopolin, nulla re patrata) in Italiam
 tificex venit, & Clementem Pontificem in arctius
 cum fœdus inducturus, colloquutus cum eo Bo-
 Rege noniæ erat. Verum ab eo Pontifex iam alie-
 collo- nior, proponentem res nouas minus audie-
 quitur. bat. Creabat Molestiam, quod Imperator su-
 scepto Clementem inter & Ferrariensem ar-
 bitrio, Ferrariam, Rhegium ipsamque Muti-
 nam, Duci adiudicauerat, quas vrbes Ponti-
 ficie ditionis Clemens contendebat: &
 ipsum Pontificem Carolus vehementer vrge-
 bat, vt generale Concilium cogeret. Præterea
 Clemens indignabatur summopere, Luth-
 rianam Hæresin sparsam esse tanto incre-
 mento per vniuersam Germaniam, tum Car-
 dinales

dinales duo, Turnonius & Tarbenſis, à Franciſco miſſi Bononiam, inuigilabant ne quid contra Regem inſtitueretur; quorum prudentiâ atque admirabili ſagacitate, planè Pontifex diſtractus à Carolo ſe ad Franciſcum conuertit. Et conciliare Pontificem Franciſcus ardebat tantoperè, vt coniugium Henrici ſecundo geniti cum Catarina Medicæ Pontificis nepte, per eoſdem Cardinales propoſuerit, ac ſponſionem fecerit. Eas ob res Carolus infecto fœdere Bononia Genuam cum veniſſet, nauibus in Hiſpaniâ veſtus eſt. Pontifex Romam profeſtus, & ſpe Regiæ aſſinitatis alleſtus, Turnonio & Tarbenſi comitantibus, ſignificat ſe colloquaturum cum Rege, & neptem ad coniugium adducturum, designata primùm colloquio Nicæa Allobrogum quæ à Sabaudò tenebatur; & eodem poſtea moras obicèſque multos neſtente, placuit vtrique venire Maſſiliam, Româ & Pariſiis æquo propè interuallo diſtantem. Nullam Carolus non adhibuit Machinam, vt colloquium prohiberet; cum tandem arte exhausta Rhodias Triremes à Pontifice petiit, quibus Coronam Græciæ urbem, quam Solimannus obſidebat, ſubſidia veherentur. Nec diſtulit Pontifex Triremes tradere, Francicis veſtus proſpero curſu Maſſiliam. Primus in urbem appulit, poſtridie Rex aduenit, atque illicò ſalutatam Pontificem adorauit. Duo erant in tantorum hoſpitum lares palatia inſtructa, vico medio proxima; in interuallo aulam ligneam poni curauerat mommorancius, in qua Cardinalium Conuentus haberentur, orationem ad Pontificem habuit Ioannes Bellaius Epiſcopus Pariſienſis, magnâ ingenij laude; cum enim Guillelmus Poyetus Princeps Senatus Pariſienſis, orationem domi accuratam habiturus eſſet, Pontifex adueniens ſignificauit quædam, de quibus apud ſe orator diceret, quæ Poyeto improuiſa,

improvisa, ita hominem perturbarunt, ut dicendi munus Bellaio tradendum fuerit; tantum natura arte & studio præstat. Bellaius postea in Cardinalium cætum adscitus est, mox celebratum Henrici Aurelianensis Ducis coniugium cum Catharina Medicea, quam dicebant Vrbinatē Ducissā; quod ex Laurentio Mediceo nata, cui Leo X. Vrbinatē dictionem dederat; scripta in dotem centum nummorum millia; & ea est Catharina, quam deinceps Francia calamitatibus suis imputabit. Multa arcana Pontificis cum Rege colloquia, porticu utrumque palatium coniungente, admotisque cubiculis, per quæ noctu etiam nullo famulantium arbitro, miscebant sermonem. Sed apparatus tanti, fructus admodum tenuis extitit; nihil certi constitutum, nec in bonum publicum, nec in priuatam utilitatem Francisci; sat Pontifici fuit neptem collocasse, & magnis beneuolentiæ signis Regem deuinxisse, duntaxat testatus est se percipere ut Aurelianensi Mediolanensis ducatus cederet. Attamen Franciscus pro Rege Angliæ nihil exorauit; & à plurimis flagitandis abstinuit, ne videretur hospiti vim quodammodo inferre, & colore affinitatis ad iniqua cogere, quanquam molestissimum Pontifici fuit, quod quatuor Francos Rege postulante in Cardinalium album adscripsit; in quibus Odetus Castilionius, Mommorancij nepos, vndecennis puer; qui dignitatem collatam immerito, male gessit, pessimèque deposuit. Certatum inter Principes liberalitate, qua Franciscus Regum sui aui extra omnem limitem præstantissimus, Cardinales omnes, Aulamque Pontificiam cumulauit ingentibus donis. Saenam Pontifex, dein Centumcellas, & Romam discessit. Nec se mortalem in tanta pompa & gaudij sensu oblitus est, domesticis proximam sibi mortem prænuntians, vestimenta funeribus

funeribus Pontificum adhibenda curauit
confici, sibi funus destinans, quod proximo
anno obiuit, successore Alexandro Farnesio,
qui Paulus III. dictus est, & euanescente
ob contractam affinitatem Francisci spe;
adeò nefas immiscere sacra humanis, & Deo
ad mortalia vti.

Ea inter non cessabat cum Germanis Prin-
cipibus Franciscus agere; cùm repentè belli
occasio vel enata est cupienti, vel occurrit
incipiti. Meruillius Nobilis Mediolanensis
diuerterat in Franciam Ludouico Rege, cum
Sanseuerino Rectorum equitum magistro
& ipse inter domesticos Regis, quos appel-
lant scutiferos, haud modicas opes paraue-
rat; quarum plenus Francisco regnum iam
obtinente, Mediolanum in patriam suam se-
cesserat. Proficiscens duas ab Rege Franci-
sco, Sforcie dederat litteras; primas quibus
Rex hominem vt priuatum Duci commenda-
bat; alteras Duci vni tradendas, quibus
Meruillium Rex legatum dicebat. Cùm igitur
Mediolani supra priuatum, & magnifico
sumptu se gereret, Carolo Imperatori perspi-
caciſſimo Principi suspicionem mouit; isque
aliquoties apud Sfortiam questus est, quod
Francisci exploratorem domi suæ aleret fo-
ueretque. Cùm verbis Sfortia Carolo non
satisfaceret, factum adiungit; nam motâ rixâ
inter Castillionium domesticum Sfortie, &
Meruillij famulos, Castilionius ab iis cæsus
est, tum extemplò raptus in carcerem Meruil-
lius Sfortie iussu, nocte proxima, nulla iudicij
formula, damnatus est, & capite multatus.
Eo facinore vt abundè Imperatori factum
est, sic iniustus Regi grauissimus dolor. Apud
omnes Christianos Principes de atrocitate
facti conqueritur, violatum ius gentium, le-
gatum suum iniquissimè cæsum, & bellum
minari, nisi fiat satis iniuriæ. Miserat Tauer-
nium Cancellarium suum Sfortia ad rem ex-

FRAN-
CISCVS
I.

XX-
VII.
Cædes
Mer-
uillij,
belli
occasio.
Mer-
uillie.

FRAN- culandam, qui Regi diceret priuatum homi-
 CIS- nem & homicidij reum in pœnam vocatum;
 CVS !. verùm is ad litteras Ducis obmutuit quas
 Rex exhibuit, suasque ipsius, quæ Meruillium vt Legatum Regis designabant. Nec ideo Stortia reparabat iniuriam, quam ultro quidem intulerat, nixus Imperatore, cui aliena iniuria beneficium fuerat. Iamque ardebat cepiditate belli Franciscus, cum plura improuisa sustinuerunt ruentis impetum. Etenim Germani Principes spem conceptam subdij fallunt; Heluetij ex fœdere pacem Italiæ perturbare prohibiti, Autumnus in hyemem deflectebat; & Carolus Sabaudix Dux Regis auunculus, viam eunti in insubres Regi pernegabat. Ideò in annum proximum, bellum dilatum est, dum incommodis occurritur. Primò curatum vt Francia sibi tam peditem quàm equitem ministraret; eamque in rem conscriptæ à Rege septem legiones, quarum in singulis sex hominum millia militarent. Ex lectæ à præcipuis regni prouinciis; suffecit primam Normannia, secundam Britannia, tertiam Piccardia, quartam Burgundia, quintam Campania & Niuernenses, sextam Phocenses, Delphinates, Lugdunenses, & Aruerni; septimam Occidania; nulli ab Aquitania lecti, quod ea prouincia seminarium militum, in supplementum vbi opus foret, seponebatur ad vigentes articulos rerum. Legionibus immunitates, stipēdia, honores concessi, & præmia; vt bello etiam desinente, sub armis agerent milites, in euentum omnem expediti. Præterea mandatum Fustembergio vt sex millia Germanorum confectiberet. Ad Sabaudix ducem minæ impensæ, & terrorem quæ facerent. Ille in vxorem ducta Beattice, Emmanuelis Lusitani Regis filia, eademque Isabellæ Imperatricis sorore, (nam Carolus neptem ex sorore Eleonora Isabellam duxerat,) impulsu coniugis

*Legio-
narij
milites.*

in Imperatoris partes traductus, à Francia & nepote Francisco prorsus desciuerat. Et plura erant quæ ab eo Franciscum abalienabant; quod gemmas suas Borbonio ad scribendum militem commodasset, quod Imperatori literas gratulatorias ob se captum scripsisset; quod Heluetios à Francico fœdere dimouisset; quod comitatum Astensem ultro accepisset; quod Pontifici Nicæam ad colloquiū negasset; quibus postremâ hâc repulsâ cumulatis, bellum paratum in Sfortiam, Rex statuit in Allobrogem ipsum conuertere, & viam quam negaret, non patefacere modò, sed inuadere atque occupare. Accedebat iniuriæ ius quæsitum. Quippe Rex Ludouicæ matris aditâ hæreditate, reposcebat vniuersam ditionem Sabaudi, cum Ludouica hæres Philiberti fratris sine liberis mortui, Carolum excluderet, fratrem quidem, sed natum minorem, & natum alia matre; affirmans muliebrem sexum ab Allobrogum imperio non amoueri. Præterea assererat Rex Pedemontium, Nicæam, & Villafrancam appendices esse Phocensis prouinciæ, & Salustij plurima oppida nullo iure Carolum obtinere. Ea verbis reposcebat Franciscus, cum Geneuenses praua hæreseos lue corrupti, seu Bernensium Vicinorum contagio, seu Guillelmi Farelli Delphinatis doctrina pessima, exurgunt in Petrum Balmium Antistitem suum, eumque cum sacerdotibus vrbe pellunt; usurpato regimine. Ad eum reducendum Sabaudix Dux, qui suam urbem affirmabat, rebelles exercitu premit; cum Bernenses suppetias veniunt, & Franciscus Rentium Ceretem in auxilium mittit; per quos soluitur obsidio, & Geneua sceleris præmio fruitur. Ea postmodum dogma suscepit, quod Bernenses admiserant, & quarto post anno Caluinum è Francia profugum excepit, simulque impietatem, quam inuexit hæresiat-

FRAN-
CIS-
CVS. I.
*Bellum
in Sa-
baudn.*

*Geneua
rebellio
Anno
1534
De la
Bau-
me.*

FRAN-
CISCVS
I. cha nefa rius; stetitque hætenus propugna-
culum hæresis, & desertorum asylum, Geneua
vrbs; Rege tunc nescio quam promoueret
luem, quàmque institueret vniuerso orbi
perniciem.

XXIX. Sed ea grassari in Francia lues inceperat, &
*Hæresis
detecta
in Frã.
cia &
punita.* Franciscus erat quod curaret domi atq; resca-
ret. Ab litterarum cultu & studio (à fonte pu-
rissimo turpissimus riuus) scaturiebat lutulen-
ta illa fœx, & vorago scelerum. Scientias ad-
amabat, & excultos scientiis Franciscus sum-
moperè, maximè vniuersitatem Patisiensem
excolebat incenso studio; ad quam ornandâ
viros ex toto orbe clarissimos præmiis hono-
ribusque alliciebat, idè Professores Regios
inseruit in Academiam, qui disciplinas tum
Diuinæ tum humanas profiterentur, & lin-
guas veteres Hebræam & Græcam diuturno
æuo penè cõsepultas, euocarent è tumulo lu-
cique redderent. Inter illustres commendati
sunt posteris, Franciscus, Vatablus, Petrus
Dancius, Iacobus Tufanus, & Guillelmus
Postellus; per quos in Franciam litterarum
amor inuectus est. Porro quando in huma-
nis nullum bonum sincerum est, sine aliquo
mali contagio vel mistura, cùm plerique do-
cti è Germania arcesserentur; iisq; in ter-
ris nemo propemodùm litteras disceret, quin
simul prauum sensum de religionè imbue-
ret, facultate cuique sentiendi de Diuinis li-
bera; hinc contigerat, vt plerique mala infe-
cti lue penetrauerint in Franciam virusque
clam sparserint, obductum fucò & specie lit-
terarum. Imò Lutherus eiusque affecclæ, tam
opulentam prædam venaturi, discipulos sub-
mittebant omnis generis, qui corrumpere-
nt, adolescentes in scholis, milites in castris, in
aula Procere Nobilisque: & ad Regem
ipsum Lutherus ausus est perscribere, Saxo-
niæ Ducem conciliatorem admouerat. Zuing-
lius viperinus partus, ac de Lutheri disci-
pulo acerrimus inimicus, eundem Regem

dedicato libro tentauerat , postremò Melanchtho, suauissimâ eloquentiâ præditus , & melle sed heracleensi, amaro & lethali , imbuens orationem , efflagitabat colloquium, promissa vtriusque Religionis concordia. Sanè hamum vorabat Franciscus, humanissimo viri sermone captatus ; nisi Cardinalis Turnonius , vir aulicam auctoritatem artibus sanctis adeptus, pia & grandiloquente facundia, ex Irenæi sanctissimi Patris lectione, Regem ab hoc colloquio absterruisset ; docens cum hæreticis fuga duntaxat & deliberato odio decertandum. At litteratis hominibus mulieres aulicæ accedebant , quæ sua indole rerum nouarum studiosæ mirificè , praua dogmata litteras inter & disciplinas hauriebant auidè , spargebantque voluptate non modica , sacrarum rerum & religionis suo sensu arbitræ. In iis præstabat Margarita Regis soror, ante Allenfionio nupta, mox Nauarræ Regi Henrico , quæ fœmina ingenio excellens & fratris instar amantissima litterarum ; crebro litteratorum commercio succo illo pestifero mentem imbuerat aliquantùm. Et Renata Ferrariæ Ducissa in eum errorem praua curiositate sese induerat. Illorum hominum primus conuentus Meldis habitus est , anno currentis seculi vicesimo secundo , Guillelmo Brissonneto , Meldensi Episcopo , in eam sententiam abducto ; & primi nuncupantur quatuor viri flagitio illo per celebres, qui Brissonnetum corruperant ; Iacobus Faber , Guillelmus Farellus , Arnulphus & Gerardus Rosselij. Ij postea Brissonneti pœnitentiâ, resecto crimine , & vocati in pœnam, ad Margaritam, in Nauarram per fugiunt, & donati sacerdotiis , ex pastoribus degenerâtes in lupos, noua plurima & à vera fide multùm abhorrentia instituebant. Parisiensis senatus in eam hominum sectam insurrexerat, & Rege in Hispania captiuo, quæ-

FRAN-
CISCVS
I.

FRAN-
CIS-
CVS I.

Anno
1535

dam Pauanum arte textorem flammis addi-
xerat; præterea Pratus, Cancellarius, mox
Cardinalis & Archiepiscopus Senonensis,
seu cultu religionis sincero, seu Pontificem &
vt demeretur, eum regni pestem summo stu-
dio & diligentia rescabat. Veruntamen lues
prorogabatur in dies, & iam Zuingliani ac-
cesserant Lutherianis, Eucharistiæ sacramen-
to, & sacris honoribus perinfecti; multisque
in templis spectabantur, effractæ pictæ ima-
gines, comminuta simulacra quæ prius homi-
nū cultus sacrauerat, euerfa & dirura Christi
hospitantis in terris tabernacula veneranda,
& libelli impij palam affixi. Quibus Rex vt
par erat, vehementer permotus, reos eiusmodi
scelerum comprehensos, duci Parisios iu-
bet, & ipse anno incune eam in urbem profe-
ctus, religionis & pietatis vniuerso regno
spectaculum fuit, atque exemplum. Nam in-
stituit celeberrimam supplicationem, quam
obibat pedibus, cereum manu incensum præ-
ferens, Proceribus domesticis, & Magistrati-
bus comitantibus: defernebatur sacrosanctum
corpus Christi sub umbella; quam attolle-
bant tres Regis liberi, & Princeps Vindoci-
nensis, tum Rex sacro in Deiparæ æde perfe-
cto, Proceres atque Optimates in Episcopatus
aulam coactos, oratione egregia adhortatus
ad auitam religionem tuendam; fletus inter
obortos, & ingentes religiosi animi motus
perorauit efficacissimè; *iuratus se nullā rem
prætermisurum, uti verum Ecclesiæ cultum
defenderet; nec parciturum brachio, si imbu-
ret virus, imò manu propria mactaturum se
ad aras liberos, si tam perniciofa lue infice-
rentur.* Eo ipso die ex Iconoclastis seni lento
igne absumpti sunt; per vniuersas prouincias
erecta patibula, & instituta tribunalia in reo-
rum pœnas; & plurimi flagello conscientiæ
acti, in Germaniam fuga elapsi sunt proscri-
pti mox interclusa omni spe reditus.

HISTO



HISTORIÆ

FRANCICÆ,

LIBER DECIMVS- *septimus.*



VM ex animo sancienda religioni patrum Franciscus incumbit, Turcæ Legato agentis in aula aures non occludit. Eum Solimannus Sultanus miserat, ut cum Rege in Austriacam domum fœdus institueret, profecturus in Persicam expeditionem. Actametsi nihil inter eos certi tunc convenit; tamen Imperatori calumniæ in Regem præbita est ex eo occasio luculenta. Etenim ut bellum Sabaudo imminens discuteret longius atque dispelleret; primum apud Paulum Pontificem, dein apud Principes Hispanos acerbè exostulat; Regem Franciæ cum hoste publico convenisse, Legatum Turcam domi suæ alere; contractum fœdus, ut adiunctis armis Solimannus Hungariam, Francus Sabaudiam impetat; & iam viscera Christiani corporis à Christiano Principe, quod

FRANCISCVS
I.
*Imperatoris
in Regē
querela*

summum esset nefas, discerpi impunè & dilaniari. Eam ob rem Franciscus ratus bellum sustinendum, dum ea calumnia deferueret; de Protestantibus Germanis multum sollicitus, in quibus spes amplæ, & societatis firmæ opinio, ad eisdem apologiam accuratam scribit; *se nullum cum Turca fœdus iniuisse; eam sibi adornatam calumniam ab iis qui ultrò tributum Turca obtulissent; ab iis qui arma in hostem publicum comparata in Christianos Principes deriuassent, qui ambitionis privata studio, omnem rationem sacram & publicam posthaberent. Et fortasse ab Turcico bello abstineri posse opportunè, dum conveniant Principes Christiani, & generali Concilio disceptata de religione conciliant. Se in eam remeniti summo perè, ac sperare Pontificem in communia vota assensurum. Quod spectaret ad eos, qui impietatis causa iustas pœnas dedissent, nemini Lutherano mortem illatam; Zuinglianos duntaxat punitos, qui toto calo à Luthe-ro dissentiant; quique in regno Francia rebellionem spargerent cum impietate: Proceres ipsos sibi rem gratam facturos, si Francos fortè in Germania rebellionis toxicum disseminantes, in pœnam & supplicium vocent. Ad ea confirmanda Bellaium Langaum Smalcaldim mittit, ad Protestantes. Cæterum à bello toto anno abstinuit; maximè quod Imperator Africanam expeditionem in Ænobarbum piratam celebrem suscepisset. Ænobarbus ita à colore barbæ nuncupatus, Turcico nomine Chairadinus, in Lesbò insula natus, fidei Christianæ desertor, atque in Turcicam transfuga, cum Horusio fratre, suscepta piratica, postquam ingentes opes & clarissimam famam comparauit, Tremessenum regnum occiso Rege inuaserat. Is nomini Hispanorum atque potentia periniquus, duas classes Hispanicas vicerat & profigauerat,*

*Æno-
barbus
pirata.*

figauerat, atque oras Hispaniæ, insulæque Baleares, Sardiniam, ac Siciliam, assiduus incursionibus vexabat & diripiebat; tandem à Solimanno Mediterraneo mari præpositus, munerante fortitudinem viri & felicitatem. In eum Carolus ingentem classem deduxerat, Tuneto expulerat, & Mulesanum ab Ænobarbo depulsum restituerat regno. Nec Franciscus interim bellum ausus suscipere, ne fidem calumniæ faceret, de fœdere cùm Turcis inito, præstolabatur reditum Imperatoris. Qui victor postquam Panormi in Sicilia exceptus est, cùm venisset Neapolin, audit Franciscum Sfortiam Mediolanensem Principem, cui neptem ex sorore Regina Daniæ in coniugem dederat; diem extremum sine liberis clausisse. Continuo ea mors noua Principibus insinuauit consilia. Nam extincta Sfortiarum familia nouus subrogandus Princeps in eam ditionem erat; Pontifex Venetique optabant aliquem ex Italia sua designari, qui Imperatoris potentiam iam propemodum immensam frænaret aliquatenus; Franciscus quamquam fœdere Madritensi, iure in Mediolanenses cessisset, tamen sibi factam iniuriam querens, reposcebat liberis quod iis contra ius raptum affirmabat; Carolus præclara occasione arrepta constituerat sibi prouinciam optimam vindicare; tum quia ab Sfortia scriptus hæres esset; tum quod supremus dominus, deficientibus qui clientelam haberent, ius quod donaret aliis sibi addicebat; & reuera Imperatori, nihil euenire opportunius poterat, quàm Longobardiam obtinere, fauces Italiæ; quibus Neapolitanum regnum defenderet, Germaniam continuaret Italiæ, Francum procul excluderet. Et statim Antonius Leua, heri sui conscius, arcem Mediolanensem vrbesque exteras, erecto vexillo Imperatorio, ab excessu Sfortiæ, occu-

FRAN-
CISCUS
I.

Sfortia
mors.

FRAN- paucera. Verum eam mentem aliquantisper
CIS- Imperator occulit, dum ad effectum singula
CVS I. comparat. Ergo fœdus inſtaurat cum Vene-
tis, facta ſpe nuncupandi ex Italia Principis,
cui Mediolanenſes conferret; et ſi id in in-
ſtrumento ſcribi noluerit; agit cum Vellio
Franciſci apud ſe Legato; proponitque Du-
catum vni ex liberis Regis permittendum;
& adiungit conditiones paulo duriotes. At
eas cum Franciſcus admitteret, atque po-
ſtularet dari Inſubres Autelianenſi; Impera-
tor dimiſſo Autelianenſi, tertium Regis filiũ
Carolũ Enculiſmenſem designat, cui ex
ſore neptem in coniugem daret. Iſ vltro
citroque per Legatos iactatis dum fit Regi
fides obtinendæ Longobardiæ, ab ipſo Lan-
gus ab Germania reuocatus, & Venetiis
Bellouacenſis, qui nouum fœdus cum iis
gentibus compingebant; contra Imperator
inſtruebat exercitum, ſcriptis in Germania,
Italia, atque Hiſpania copiis.

II. Eas ob res experrectus Franciſcus, cum
ſibi dari verba animaduertit, Poyetum
Cancellarium ad Sabaudum mittit, qui ma-
ternam hæreditatẽ repoſceret; atque illi-
cò eo pernegante, iubetur Comes Sampau-
lius peruadere in Sabaudiam, quam vniuer-
ſam facilẽ ſubigit. Tunc agebat Neapoli Im-
perator, nuptias Margaritæ filiæ cum Ale-
xandro Medico multa ſignificatione gaudi-
celebrans; nec idẽ pacis abruptit conſilia,
ſed plura & diuerſa Regi proponit, non-
dum ſe ſuamque mentem aperiens. At Fran-
ciſcus tantæ moræ impatiens, iubet Philip-
pum Chabotum Admiralium; cum ſexdecim
peditum millibus, penetratis Alpibus in-
uadere Pedemontium; quod ille ſtrenuẽ
præſtitit; & Segusio per Annobaldum &
Monteianem occupato, Taurinum urbem
primariam & Ciuasium capit, atque amne
Doria per obſtantiẽ hoſtem tranſgreſſus,
Vercellas.

II.
Bellum
tertium
inter
Impe-
ratorẽ
& Re-
gem.

Anno
1536

Vercellas oppugnat. Proximo die impressione facta urbem expugnabat, cum adesset Ioannes Lotharingæ Cardinalis, à Rege mandatum deferens, ut bello supersedeat, dum de pace amplius deliberatur. Etenim Imperator pacis spem oratori Francico ostentabat, & Rex cupidissimus Mediolanensem, nondum satis gnarus quæ mens Carolo foret, foedere rem obtinere maluisset quàm armis. Chabotus verbis Cardinalis obsequentiolem se quàm par erat præbens; militem ab urbe statim abducit, Doriàmque transmittit; forsitan consultior, si dissimulato Regis Imperio, urbem in extremis positam expugnasset. Sanè ea res offensionem Principis concitavit, atque ipsi Chaboto benevolentia Regis & potentia suæ naufragium; adeò lubrica est Regum gratia, quibus obsequium pro iniuria est. Interim Imperator Romam venit, magnificentissimâ pompâ exceptus, & iam virium suarum conscius, ratus abiiciendam laruam simulationis; ut in conspectu totius Europæ id ageret, in collegio Cardinalium, audiente Pontifice magna Procerum & Legatorum frequentia, prolixam & domi accuratam Hispanico sermone orationem pronuntiat. Eâ primum causas Romam aduentus sui explicabat; nempe ut saluaret Pontificem, ut consilia sua in Cardinalium Cœtu exponeret, docerètque palàm quantum contendisset ad pacem validam à Rege Francia impetrandam. Tum verbis plurimis enarrauit, causas dissidii ipsum inter & Regem; repetita à Ludonico XI. & Carolo Burgundia duce origine. Dein tria in præsentia proponebat, quorum Regi optionem permetteret; primum ut Enculismensi tertio filio darentur Insu-bres, modo Rex securitatem præstaret, implenda fidei quam iurasset. Alterum, ut singulari certamine dimicarent, quibus armis,

FRAN-
CIS-
CVS I.
Sabau-
ano ix-
pulsus.

Impe-
ratoris
in Fran-
ciscum
oratio.

quove loco Rex constitueret. Tertium ut bellum inferretur, quod ipse Imperator minabatur se tam ferociter illaturum, ut nisi adversario victo atque profligato non conquiesceret. Ea magna verborum pompâ atque lætantiâ cum Imperator dixisset, & Antistes Matisconensis Regis ad Pontificem Legatus, sibi eam Latino idiomate dari postulasset, quod Hispanicè ipse non caperet; habitam orationem postridie interpretatus est Imperator; atque affirmavit, sibi nec Regis insimulandi, nec apud exteros afficiendi ignominia fuisse animum; non provocasse ad singularem dimicationem, scire se quantum Regi animus, statura quadrata atque excelsa quanta præstantia; quem temerè aggredi haud vellet; aliâque adiunxit quæ concionem hesternam mollirent. At nihilominus bellum per Antonium Leuam in Pedemontio suscitauerat; & dies duntaxat quatuor Romæ moratus, conuocato exercitu, contendit in Pedemontium. Et Leua Sefia amne transmissa, contra quam Lotharingio Cardinali promiserat, oppugnabat Fossanum, urbem immunitam, & commætu omni destitutam. Præluserat bello, Francisci Marchionis Salussij ad Imperatorem defection; nec eum plurima beneficia à Rege collata in fide atque officio continuerant. Donatus erat à Francisco Salussijs, ob Ioannis Ludouici fratris perfidiam fisco addictis; nuper Præfectus in vniuersum Regis exercitum dictus erat, & omnia ad arbitrium constituebat, cum aures præbet Leuæ appellanti, & defectione diu deliberata, ad ipsum transit. Faciebat Leua spem nuptiarum vniæ filia, quam tamen Doræ filio desponderat; & Marchionatus Monferratenfis, de quo lis ipsum inter atque Mantuanum arbitro Imperatore. Præterea Astrologicis additus præfagiis, attendebat Leuæ, fata ingen-

*Salussij
defec-
tio.*

trā Imperatori suo portendenti. Et Chabotus mandatum à Francisco acceperat, vt Pedemontij vrbibus munitis præsidio, cæteras copias in Franciam mitteret, ne qua suspicio Imperatori moueretur; atque ipse Chabotus cis Alpes reuerterat, cum Leua partitus copias Taurinum simul & Fossanum obsidet; certior à Salustio factus, commeatu, quem ipse interceperat, Fossanum destitui. Tuebatur oppidum Pratus Mompesatius præfectus, cum Rochamenio, & duobus pedum millibus, iamque murus infirmior tormentorum globis corruerat. Verum impressionem obfessi tam strenuè repulerant, vt Leua ipse è lectica spectans, (nam podagra zger, ingredi haud poterat) periculum graue incurreret, à lecticariis fugientibus in agro relictus, & spissiori segete hostem latens. Ea tamen Francos haud multum iuuant, depascente intus penuria; per quam acti sunt ad paciscendam deditionem; Rochamenio cum Leua conditiones scribente; vt nisi toto mense mitterentur subsidia, vrbs Leuæ traderetur, ab vrbe munienda cessaretur interea, & militi iusto pretio cibi præberentur; quod postremum à Leua Rochamenij sagacitas impetrauit. Ipse cum duobus præfectis Leuæ obses datus est, & sanè Rochamenius humanissima indole præditus, acutóque ingenio deuinxerat Leuam; scribuntque responsa quibus Imperatoris confidentiam modestè retudit. Astam peruenerat Imperator, lustrabátque exercitum iam coactum, & crebrius agebat cum Rochamenio, viri vrbinitate & mirifica solertia captus; semel cum ipsum suum exercitum iussisset inuisere, rogarétque quid de eo sentiret; respondit, ampliorem esse quàm ipse cuperet; attamen suum Regem in tot nobiles posse conscribere, quot milites gregarios sub signis spectasset; atque Imperatori

FRANCISCVS
I.

*Dis
prat.
Mont-
p-sati
la Ro-
che du
Mayne*

*Rochamenij
dicta.*

longè.

FRAN- longè honestius fore, si pergeret in bello
 CIS Turcico, quod tantâ gloriâ inceptarat;
 CVS. I. quàm principi Christiano ruinam instruere.
 aliàs cum Imperator diceret, se inuisurum
 subditos suos Phocenses; respondit Rocha-
 menius, reperturum ipsum subditos rebelles
 plurimum; mox perconctanti Imperatori,
 quotis castris Lutetiam perueniret; repo-
 suit, si singulis castris pugnandum foret,
 duodecim ad minimum numeranda; nisi pri-
 mis qui aggrederetur occumberet. Ita bel-
 lator egregius, cum patriam propugnare ar-
 mis nefas esset, propugnabat ingenio, &
 inanem hostium factum solertibus verbis de-
 primebat.

PII. Sed Imperator totus in perniciem æmuli.
 Impe- incumbebat: sexaginta peditum millia ha-
 rator bebat in exercitu, ex Hispanis, Italis & Ger-
 Provin manis conscripta; intumescens proxima de
 etiam Tunetanis-victoria, nihil felicitati suæ arbi-
 inuadit trabatur impernium. Passim in Italia præsa-
 gia multa nuntiabantur; quæ Astrologi ex
 inspectione syderum pronuntiabant; qui-
 bus Europæ imperium & inconcussa felicitas
 Carolo promittebatur, & ipse gnarus, quan-
 tum hæc opinio ad continendos populos
 opportuna esset, studiosè eam alebat, assen-
 tationibus & perpetuis laudationibus aures
 patulas commodans. Imò Antonius Lxua
 inanibus ab ætate prima eius generis præsa-
 gitionibus addictus plurimum, faciebat in-
 gentes animos, sibi ab Astrologo significa-
 tum denuntians; fore ut in Francia vitalis
 excederet, atque in sancti Dionisij æde con-
 deretur; quæ ædès cum Lutetia distaret al-
 tero milliari asseuerabat eo præfagio Fran-
 ciæ Imperium portendi Carolo. Sic per to-
 tam Italiâ, spes amplissimæ futurorû euen-
 tuum, astris auctoribus, & Deo ipso promisso-
 rum vadè percrebruerant, erexerantque om-
 nium animos. Simul Germanos, sed diuersâ
 arte.

arte abducebat à Franco ; ipsiusque odium concitabat. Varia orationis exempla quam Romæ habuerat, misit ad principes. Ad Orthodoxos scribebat ; Regem cum solimano fœdus iniuisse ; Solimanum ex fœdere inuasurum Germaniam postquam Francus in Italiam irrupisset ; Germanos ex tota Francia partim pulsos , facultatibus raptis , partim flammis necatos crudeliter ; quin libellus typis excusus est, quo bellum Francisco indicabat Carolus, nisi Turcicum fœdus eiuraret, ense proposito rubro ex alia parte , ex alia flammeo, quasi ferro & igni delenda omnia forent. Atque iis verbis natio Germanorum mirum in modum in Francicum nomen incensa, gentem in pulpitis vt luem publicam proscindebat. Oclusâ Francis Germaniâ Imperator , duos præterea exercitus in Belgio & Catalaunia apparari curauerat , qui simul in Franciam impetum facerent, & perturbatam in plura distraherent raperentque : iis-que omnibus instructus, non dubitabat quin opprimeret æmulum , & victum folio deturbaret ; & verò retractanti felicitatem perpetuam , quas victorias ad vltima actus comparasset ; insipienti validissimas copias, tam multas gentes in hostem suum conspirantes, non videbatur immeritò affulsisse spes certa. Extemplo deliberatum quomodo bellum cum hoste gereret ; & Gastilus , cæterique Duces erant auctores, vt in pedemontio gereretur ; Captum Fossanum , Taurinum expugnandum , vltra montes Francum pellere posse : eam belli causam, vt Sabaudus in ditionem suam inducatur. Verùm Læua clam insinuabat aliam mentem, penetrandum in Franciam , inuadendam Phocensem Prouinciā, magna formidine hostem trepidare ; Germaniam Italiam, atque Helueticos ipsi obstrictos, trepidationi suæ derelictos Francos profligari posse ac domari, ,feras nusquam commodius

FRAN-
CIS-
CVS I.

commodius quam in latibulo suo confici : Et id consilium Carolum rapuit. Quare decem millibus bellatorum qui Taurinum obsiderent relictis, iter versus Phocenses pronuntiat; instituitque cum toto exercitu, centum machinis bellicis, mari vectis, & Nicæo portu exceptis. Porro sic rationem itineris moderatus est, ut transmissio Varo, qui amnis Franciam Italiamque interfuit, penetrauerit in hosticum Iulio mense, eo ipso die qui Iacobo festus celebratur. Qui sanctus quoniam Hispanorum est tutelaris, ipsique etiam Germanis venerationi est plurimum, cum in belli stimulum adhibendum censuit Carolus. Quare utramque gentem in Concionem vocatam, prolixo sermone incendit in bellum. Sic mira alecritate exercitus ultra perrexit; eo ordine ut Ferdinandus Gonzaga primam aciem duceret; secundam ipse cum Albano Duce, Antonio Laua cæterisque Ducibus; tertiam Gaspar Fronspergus, ex Germanis conflatam: quanquam hætenus primam Albanus egerat, præferrétque molestiam quod loco cederet Mantuano.

IV.
*Appa-
ratiss
Regi
in Frã-
cia.*

Rex interea postquam pacis spes omnino decocta est, ne quid arte victus esset, & armis vinceretur, omnem tum industriam tum conatum ad repellendum hostem adhibuit. primum scripsit præclaram Apologiam, quæ concionem Imperatoris refelleret, eamque Pontifici per Oratorem proposuit, tum ad Germanos Procures Langæum legauit; qui tametsi primis diebus confligente calumnia, discrimen vitæ subierit, non ausus nisi nocte tectus incedere; tamen postquam libro Germanicè & Latinè scripto confutauit calumnias; & Germani Mercatores è Lugdunensibus nudinis reduces, palam confirmarunt, quanta humanitate excepti essent in Francia. tunc paulatim deferbuit animorum incendium, & veritatis lux refulsit è tenebris.

bris. Deinde ad Heluctios Rex delegat, qui delectum impetrent nec amica gens necellitati Franciæ defuit. Etenim cum Magistratus recepissent Imperatori, se Franco subsidium non missuros, palam quidem delectum haud instituerunt, sed æquis animis passi sunt priuatim haberi, & confluere in Franciam, quibus libitum foret. Prætores in Prouincias mittit, qui inuigilarent; Henricum Nauarræ Regem in Aquitaniam, in Delphinatum Ioannem Humerium, in Campaniam Guisium, in Picardiam Florangium Marescallum; & in Prouinciam Phocensem intentus vnicè, quò belli moles tota corruerat, ad eam confert vires & animum. Exercitum constabat è Legionariis Francis, quem Imperatori opponeret. Iam Stuardus Aubinius Marescallus, & Iacobus Galiotus, summus machinarum præfectus, cum octo Heluetiorum millibus, occupauerant Auenionem; venitque postea Anna Mommorancius cum summo in exercitum totum Imperio, quem consequutæ sunt reliquæ copiæ. Statim de ratione belli consulitur, & Odoardi Biezi sententia potior visa est; ut castris ad Auenionem munitis, bellum duceretur; antè agris vastatis; & validissimus hostis inedia potius tentaretur quàm armis. Boneuallio & Tendæ Comiti impositum munus Prouinciam totam percutrendi, muniendi vrbes quæ defendi possent, cætera inualida oppida diruendi, & commeatum omnem destruendi. Et illi Aquis sextiis, quia vrbs muniri non poterat, prorsus exhaustis, cum expeditis quatuor equitum millibus, præcurrebant hosti, exustis pabulis, vino eluso Molendinis fractis, frumento in puteos coniecto, nulla re seruata præter vites arborefque frugiferas. Munitæ vrbes sunt, ad Rhodanum Bellocadium, Tarasco, atque Arelate; cui postremæ curam præcipuam impendit Mommoran

FRAN-
CIS-
CVS I.

*Bone-
nal &
Comte
de Ten-
de.
Aix.*

Mommorantius ; tum Massilia immissum
 præsidium Cataphraſti quadringenti, & octo
 millia peditum ; Duces egregij Monſpeſa-
 tius. Rochamenius, Villebo, Buterius, Roca-
 coardus, Iacobus Ambosius, Albinus, ali-
 que quibus cum Imperio Barbeſius Rupi-
 tocaldius præerat. Triremes tredecim Sam-
 blancardo permiſſæ, quibus oram illam de-
 fenderet, reliquæ cæteræ in præſidium portus.
 Sub hæc Imperator, poſtquam in prouin-
 ciam penetrauit, tametiſi Antipolim & Foro
 iulium ceperat, tamen non plana omnia &
 ſtudiis ſuis conſentanea reperit. Primùm ru-
 ſtici ex Auguſtiis montium prorumpentes,
 modo à fronte, mox à tergo carpebant aciem,
 & per inexploratas ſemitas profugi, tuto re-
 ceptu multa incommoda hoſti importabant.
 Semel Imperator graue ſalutis diſcrimen
 adiit, vitæque hoſtiæ vicariæ debuit : qua-
 draginta ruſtici in turrim viæ publicæ admo-
 tam abdiderant ſe, ſclopetis armati, quorum
 imbrem in Carolum prætereuntem effunde-
 rent. Hoſtem latuerunt, donec quidam è Cæ-
 ſarianis clamyde fulgens purpurea, & magna
 ſtipatus frequentia præteriret, quem illi rati
 Imperatorem, ſimul ſclopetos omnes exone-
 rant, & plurimis perfoſſum pilis hominem
 ſternunt. Cùm impetus in eos fieret, ſaxis ſe
 propugnant, pluresque perimunt, in quibus
 Garcillaſſius Vega poëta ille in Hiſpania cla-
 riſſimus, annis adhuc iunior, tam manu ſtre-
 nuus quàm ingenio clarus ; caput ſaxo iſtus,
 paulò poſt obiit. Et adducendæ fuerunt machi-
 næ, quibus diſiecta turri capti ruſtici, Impe-
 ratoris iuſſu, laqueo pereunt ; digni quos me-
 moria poſteris traderet, celebraret patria, &
 Romanorum Curtiis Deciſque componeret :
 Inde Imperator prolatandum bellum cùm
 animaduerneret, Aſcanium Columnam ad
 Paulum Pontificem legat, aliòſque Italiæ
 Principes ; perſuaſurus vt arma caperent pro
 libertate

libertate Italia; quando ipse bellum in Francum ageret, communem hostem, Turcæ fœderatum; iussitque Ascanium suo nomine Pontifici Mediolanenses offerre, quos nepotum cui vellet traderet. Porro pergenti, belli fors arrisit aliquantum, & languentem spem suscitavit. Ad Brinolam urbem, Monteianes cum Boissio Gouferio Arturi filio, cum aliquot Cataphractis à Gonzaga interceptus & captus, leui iactura, at magno momento hosti ad confidentiam fuit. Nam quod alter nobilis militia esset, alter natalibus & claritudine patris, eos Imperator ostentare militibus, & iactare primam aciem victam ac deletam. Atque ut ea victoria Hispanorum animos sustollebat, ita Francorum mirum in modum depreffit. Iam ad apparatus hostilis famam trepidatio totam Franciam propè excusserat, vrbes etiam Mediterraneas à periculo longè semotas tremor iuuaserat, plerique gemmas atque pecuniam humo inoderant, & quasi ad portas imò in laribus hostis grassaretur, ut Franci ad extrema omnia proni sunt, calamitates omnes præceperant. In præsentia miles percelli metu, adaugere iacturam, suisque viribus haud multum fidere. Quem metum ut tolleret Mommorancius, quod ante Ducibus visum optimum erat, castris cingit copias communítque. Loco pratorum viuiditate distincto, ad Cabellionem quæ est Cauarum vrbs, castra ponit, amnes inter Rhodanum atque Druentiam; fossam circumducit, altam pedes videnos quatuor, latam sexdecim, quæ angustior erat; agger citra fossam sublimis distinguebatur frequentibus, propugnaculis, & oram aggeris stipatæ machinæ prætexebant. Ea contra hostem; interiora ad militum commodum erant conformata. Nam media castra fossa diuidebat, aquis excipendis, atque ipsis Castris expurgandis; tum

FRANCIS-
CVS I.

*Mom-
moran-
cij ca-
stra,*

*Cauil-
lon.*

singulis

FRAN-
CISCVS
I.

singulis nationibus regiones suæ distributæ, cum rerum omnium amplo comœatu; & erectus est in meditullio terreus tumulus, ubi fixum prætorium; vnde Mommorancius castra despectaret, & longè in proximos agros specularetur. Ad latus alterum fluebat Rhodanus, quo necessaria vehebantur; Druentia ad alterum, qui hostem pro munimento excluderet, incerto alueo, & ipsis incolis inexplorato, atque vndarum vortuosis torrentibus perdifficilis transitu. Ita dux obarmabat metum operibus, & adstrictos terrore animos relaxabat.

V.

*Delphi
ni mors
& Re-
gis con-
stantia.*

Nec minus inuigilabat rebus suis Franciscus; muniebat Valentiam, quæ Delphinatum vrbs est ad Rhodanum, certus ad eam cum vniuerso regno depugnare, si fortè Carolus prima Castra vicisset; excipiebat interea milites affluentes, adhortabatur mirificè, submittebat in castra, annonam comparabat, atque omnis generis copiam. Sed repente triplici fortunæ telo percellitur, aut potius Deo probanti constantiâ, se Christiano animo subicit. Propemodùm vno eodémque die tria nuntia molestissima accipit, primo Monteanem & Boissium audit captos; alterum molestius, refert Guisam interceptam a Belgis. Etenim Henricus Nassavius & Croius Comes Roësius, vt constituerat Cæsar, viginti peditum millia, & septem equitum, in Picardiam destitutam copiis, duxerant. Cùm Guisæ imminerent, videretque hosti imparē Guisius, iusserat ciuem & militem, vrbe deserta, se in arcem recipere; idque dum præstant trepidatione magna, aduolans hostis urbem tumultuantem expugnat, mox arcem. Inde oppida & pagos deformans incendiis, ad Peronam sedet, moliturque obsidium. Ea duo vt dolori erant, ita tertium succussam constantiam euertit propemodùm, nisi eam Christiana fides & pietas constabiliuissent.

liuissent. Dum Lugduno Valentiam venit, Franciscum Delphinum febris captum Turnone hærere iusserat. Adolescens annos natus octodecim, supra eos & supra splendorem natalium præclarissima spe, humanitate & generositate acceptissimus singulis, viua patris effigies, præter natos quos præstantissima indoles fugerat, quarto febris die, immaturo fato præripitur. Lugduni pilâ dum luderet, feruens æstu & siti, poculum Frigidæ hauserat; & febris correptus haud multo post, tamen patrem sequutus, quarto ut dixi die occubuit. Quantus dolor animum patris oppresserit; colligat qui legit, ex aliorum mœnore; obtupescere omnes ac dolore defigi propemodum, populorum spem, aulicorum delicias, regni fulcrum, eo turbine decussum, & vberibus deflebant lacrymis, & lugebant ægritudine animi non consolabili. Verum ipse Rex postquam propriam calamitatem in intimum pectus admisit, & malitum grauitatem tum seriem lugentibus oculis introspectit; in dolorem iustissimum, & naturam ipsam exsurgens, habuit se in potestate; & ad vesperam coacto consilio, de rebus magni momenti siccis oculis deliberauit; Regem foris exhibens, intus patrem, eo vno facinore dignus Magni nomine, quod ipsa aduersa conflauerant magis quam prospera. Habita de Delphini morte quæstio est; & raptus in tormenta Sebastianus Montecuculus Italus, qui frigidam ludenti propinauerat, venenum oblatum passus est, an ex vero, an vi tormentorum, incertum. Ipse Lugduni equis in diuersas partes raptantibus, membratim discerptus est. Imperator interea ad Aquas sextias castra promouerat, posueratque ad urbem in expansa planitie, hinc inde modicis tumescentibus collibus, Larte fluuiolo alluente, cum noua rerum facies animo felicissima quæque voluenti se offert. Primo

FRANCISCVS I.

Imperator ad Aquas sextias.

nuntium

FRAN-
CIS-
CVS I.

nuntium à Pontifice Paulo accipit ; is agebat Imperatori gratias ob ærumnas & vota in publicum bonum collocata ; ceterum longè commodius fore , si pace inter Christianos principes stabilita , in Turcam simul publicum hostem irent ; id se percipere maximo-
perè , & a Deo inflammatis precibus postulare ; quod si consequatur , sibi suisque id factum abundè , nec aliud præmium , aut familiæ suæ principatum ullum cupere se , quàm optatam pacem. Tum belli ratio euadebat difficilior in dies. Iam plurimum famæ vulgatique morbi imminuebant exercitum : nulla pistrina erant , quæ frumentum molerent , panis coctus procul Tolonio erat deferendus ; adeò in castris rarus , ut vix in procerum mensis apponeretur ; summus æstus fuerat , & se milites fructibus vuisque ingurgitabant ; imò Germani vuas dum in Galeis premunt mustoque , eò copiosius quo securius se implent , contraxerant morbos , febres putridas , ventrisque profluuia ; quibus frequentes admodum occumbebant. Afflictus exercitus quid magni præstaret ? viginti Heluetiorum millia in Francorum castra confluxerant ; & vrbes proximæ munitæ plurimum erant. Attamen ne tantus apparatus ludibrio foret , Massiliam aggredi statuit , & fortunam experiri si retrò verteret.

VI.
*Massi-
liam
obsidet.*

Ergo è castris Aquensibus secunda noctis vigilia ; duodecim hominum millia selecta ex copiis , iubet ire quò constituerat ; & ipse primo diluculo , cum Albano , Guastio Gonzaga , & Horneo Comite , & flore equitatus (Fronspergus Germanus morbo occiderat) post solis ortum assequutus pedites , per vias obliquas ad inspectandam urbem accedit. Nec omnino absque discrimine ; nam cum Guastio ultra misso , ipse ponè parietinas dirutus consedisset , verberatus est tormentis hostium

hostium, plurimis suorum necatis; & mox ad littus Pelagi cum accederet, ab sclopeta-
riorum cohorte propè oppressus est; ut Mas-
silienses suo sin minus metu, saltem periculo
cohonestauerit, quo Horneus Comes globo
machinæ præter alios cæsus est. Tum obsidio
instituta à Casarianis; non quod urbem
Cæsar capi posse crederet, sed ne vlla re in-
tentata discederet; ac prætolaturus, an for-
tem in aduersis hætenus prosperam reuoca-
ret. Ipsi animus erat transmittendi Rhodani,
& belli in Occitaniam traducendi; idè Gna-
stium adspectandam Arelatem mittit. Et ille
dum munimenta curiosius inspicit, machinis
à villerio in eum discussis, tantum non oc-
cumbit, seque statim eripiens, refert Cæsari
urbem expugnatu haud facilem. Neipè eam
Mommorancius, haud ignarus quo momen-
to esset, accuratè munierat, instruxeratque
præsidio præfectis fortissimis, Caracciolo
Principe Melfitano, Bonauallio, & Fuxien-
si Carmanio. Arelate desperata Cæsar,
turrin propugnaculi quæ tuebatur ostium
Rhodani tormentis diruere aggreditur, qua
capta Rhodanum ponte coniungeret; verum
& ab ea repulsus est, cuiusdam nobilis for-
titudine, qui reus mortis se in turrin conie-
cerat, ut veniam criminis exoraret: Cæsar
inter eas angustias famam spargit, se Franco-
rum castra aggressurum, ut eo rumore tum suo-
rum tum hostium sensum exploraret. Fama
increbrescente flagitauerat à Rege Henricus,
iam ob fratris obitum Lelphinus, facultatem
proficiscendi in castra; eaque impetrata in-
genti lætitia exercitus acceptus, quasi flam-
ma in fomitem missa, incendebat omnium
animos. Ægrè impetum continebat Mommo-
rancius, quem alebat velitationibus aliquot,
prælij alex nihil committebat. Carolus hæ-
rebat suo in scopulo, cum Antonij Leux mors
dubitantē quid consilij caperet ad receptum
impulit.

FRAN-
CIS-
CVS I.
*Massi-
liare-
cedit.*

impulit. Læua podagræ doloribus cruciatus, obruente præterea dolore animi, quod tam malè consilium suum cederet, agit animam Aquissætiis, Vaticinij ineptiam implens; qui obiret in Francia, confepultus paulò post in æde sancti Dionysii, quæ Mediolani est, fallente præfagio, vbi falsum non est, & fidei temerariæ pœnam exigente. Augescebat fames, morbi inualescebant & lustrato exercitu, vicena quina hominum millia ex tanto numero recensita sunt; instruebátque receptum Carolus; cùm Andreas Doria, classẽ ex Hispania vehens, ad veterem Massiliam com meatum satis amplum importat. Iam machinas ad receptum imposuerat nauibus Cæsar, cùm hoc subsidio recreatus, vt suis maiores animos faceret, iubet rursus machinas deportari in castra, & militem sibi in decimum diem alimentum parare. Rex ad leuissimum hostis motum attentus, ratus quod ferebatur, Imperatorem sua tandem castra aggressurum, in ea contendit, quæ erat generositas animi. Dẽhortabantur Tribuni summoperè, & preces supplices adhibebant, neu se propiùs cùm hoste committeret, exhorrescebant memoriã Ticinensis cladis, imò plura præfagia nuntiabantur, quæ Regi magnam perniciem minarentur, si ad hostem accederet. Ille tam periculum quàm præfagia flocci habens; eò maiore animo, quod priora faciebant fidem præsentibus, aduolauit celeriter; asserens interesse existimationis suæ; ne abesset, seque meritò futurum ludibrio, si qui æmulum prouocasset, non eniteretur occurrere venienti, & spectante exercitu gemino dimicare. Verùm nihil opus fortitudine fuit; & euanuerunt irrita præfagia, tam Cæsari in spem, quàm Francisco in metum; nam ille castris solutis celeriter ad mobum recipiebat se, nec iste premere abeuntem voluit. Via militaris instrata

inſtrata cadaueribus erat, ſeu quos morbus ſequi agmen inualidos paſſim extingueret; ſeu quos ruſſici effuſi è montibus ferro ſaxis ſclopetiſque conficerent, ſcribiturque exercitus duobus millibus imminutus, dum Aquileſiis Foroiulium venit. Deliberauit Franciſcus, an iſtaret hoſti recedenti; eratque plurimorum ſentenſia inſtandum, quòd morbo ætù, fame, & fuga iam victi, haud ægrè æ integris proſtigari poſſent; vnus Mommo. ncus contrà ſentiens Regem ad mentem ſuam perduxit; vulgari axiomate nixus de ponte aureo ſternendo hoſtibus, quibus deſperationis telum nuſquam præbendum eſt: ſed eam ob rem à multis inſimulatus eſt, vel timiditatis, quod non crediderim; vel quod verosimilius, inuidæ ambitionis, vt repulſus Cæſar ſua vna gloria & triumphus foret, nè ve eo victo tota belli laus Regem exornaret. Carolus Foroiulij dies aliquot egit; mox profectus Genuam, nauibus in Hiſpaniam ſoluit; tempeſtate iactatus, qua ſex triremes abſorptæ, equis & argento factò mari hauſtis: eoque deſiit expeditionis tantæ præſumpta felicitas, vt non mergi naufragio, fuerit ſumma votorum. Nec enim habenda fides Sandouallio ſcribenti reducem nullà procellà iactatum. Franciſcus oram maritimam vrbeſque inuiſit, ſanaturus plagas quas hoſtis fecerat; Langæus Aquileſias miſſus, qui deformatam urbem inſtauraret; quanquam eam Cæſar ſubiici flammis noluerat; præter palatium, quod incenderat Sabaudix Dux, ratus eo inſtrumenta capi, quibus Pedemontium Phocenſibus Comitibus obnoxium eſſe conſtabat; verùm erant deportata, & ſecuro loco commiſſa. Ego inſtar Franciæ, tanti belli ſolutus periculo, tutior ſtilum conuertam ad proxima, quem Picardia dudum atque Italia euocant.

FRAN.
CIS.
CVS I.

FRAN- Post Guisam captam Nallaius & Roësius,
 CISCVS totam Picardiam ipsosque Parisios spe iam
 I. hauriebant, validum trahentes exercitum,
 V I I.] quem copiæ nullæ retunderent; & verò spes
 Perona haud concepta temere, nisi vnius vrbs pri-
seruata mum infirmitas, tum inexpugnabile robur,
 cum acciperent milite & com metu destitui,
 prædam facilem rati, se in eam conuertunt,
 & ciues primo metu absterriti, conuasabant
 iam, & vitæ consulturi testæ deferebant;
 cum Estrumellus è vicinia nobilis, frumen-
 tum quod parare potuit, pecuniam suam,
 uxorem, & liberos in urbem mittit; & re-
 d' E- stauratis ea fiducia ciuium animis, consilium
 fra- defensio- nis insinuat. Mox Seicius cum Sar-
 mel. uicurio inducunt duo hominum millia; tan-
 Sercu, dem Florangius Marefcallus, cui commissâ
 & Sar- Picardîa erat, cum centum cataphractis &
 nicur. Dammattino, hostem anteueniens, urbem
 subit. Vix alia eo æuo expugnatio clarior,
 cum nulla sit capiendarum urbium ratio,
 quam ferocissimus hostis non tentarit. Pri-
 mum assiduis machinarum dispo- sitionibus
 quassata muri pars, quæ portas Nicolai &
 Lutetix inter expanditur, tam spissis ictibus,
 vt milles octingentes diebus singulis ful-
 minatum sit. Aperta muri labe, aggressio-
 nem hostes instituunt, sed latâ fossâ ponè
 murum ducta, tam fortiter repelluntur à ci-
 uibus, vt impressione tentatâ tertium, quâ
 per labentem muri, quâ per scalas, cæsis mille
 quingentis, se in castra receperint; & in
 ipsam urbem tres cohortes peruasferant, de-
 letæ penitus, nemine vno incolumi. Ea spe
 deiecti, vrbi flammæ destinant, & Græcos
 ignes in priuatas domos eiaculari, quæ ple-
 ruinque penuriâ lapidum, ex lignis compa-
 ctæ atque asseribus erant, immittebant in-
 cendium; tam in proxima, ne ciuis id re-
 stingeret,

stingeret, machinis detonabant. Et ea lues magnam perniciem vrbi inferebat, semelque salutem desperauerant ciues, incendio pervicos grassante, & corripiente quidquid integrum erat, cum repente sudo & sereno cælo nubes inducuntur, tantæque imbrium vis in flagrantia tecta infunditur, vt restincto incendio, conquieuerit à periculo ciuitas. Id obsessi dum adscribunt miraculo, scæque Deo esse magni putant, quos seruaret prodigio, vires animosque in futura augent. At magna premebantur pulueris ac globorum penuriâ; qua mox soluti sunt, Guisij comitis industria & vigilantia. Ille selectos quadringentos pedites, puluerem & globos, quantum sinebant vires, iubet deportare, tum fido duci tradit, per quem paludes inter ad urbem ducantur: dein ducentos equites & magnum tubicinum numerum agit in diuersam partem castrorum; turbisque personantibus ceu facturus impetum, vniuersum hostem nocte concubia in se abduxit; ea fraude via pediti aperta, isque vrbe exceptus est; primo diluculo hoste aduertente, & postremos obseruante murum inscendere. Ideò ad cuniculos, quod supererat vnum, conuertitur, conatus magnam illam arcis turrim diruere; & ea sat prospere, ex hostium votis euerfa est; Dammartino strenuo viro ruina oppresso; & per ruinam extemplò instituta tertium aggressio ferocissima. At depulsi semper magna cum clade, cum Vindocinensis & Guisius validas in opem pararent copias; plurimis scalis in murum erectis, quasi totis viribus impressionem facturi, sub noctem solutis castris abscedunt; Nassauius ad Atrebatas, Roësius versus Flandros atque Hannonios. At dum incerta obsidio pendebat, Parisienses fidem suam testati sunt, ac vigilantiam, Bellaius Episcopus, ipsis à Rege præfectus impositus;

FRAN
CI,
CVS I.

Tauri-
num
certū.

Genuā
tentā-
ta.

magnā cibariorum copiā in urbem illata, & ciue suas opes in stipendium militum conferente. Occitania similiter hostem suis viribus dispulit, quem ab Catalaunia irrumpentem, coëgit haud multo post se in sua recipere. Neque in Italia res commodius fluebant Hispanis. Scalinguenus obsidebat Taurinum, Annebaldus cum fortissimis viris tuebatur; hic adeo hostem nullo metu habebat aut pretio, ut in eum crebro erumperet, prædas ageret ex agris proximis, plurima etiā oppida expugnaret; bis mille peditibus ad Sauinianum deletis. Eo successu facti animi Italici ducibus, quorum Princeps Guido Rangonius; & socij, Taisius Francus, Caninius Gonzaga, Cæsar Fregosius, Palauicinus Vicecomes, Petrus Strossius nobilis, Florentia extorris, Caldora Neapolitanus, & Bandinus Senensis; qui decem militum millibus sub signa adscriptis, antequam Annebaldo se adiungunt, rem magni consilij roborisque suscipiunt, ne sibi iter inglorium foret. Audiunt Genuam destitutam præsidio, asseritque Fregosius suam adhuc in urbe alii factionem; igitur ad eam versi, magno impetu oppugnare instituunt. Iam vexillum in summo muro erexerant, nec procul à victoria erant; cum subsidia ciuibz opportunè missa, vires restituant, victoribusque lauream infringunt. Andreas Doria de eorum itinere certior factus, & consilium ex infirmitate Genæ colligens, extemplo selectos milites septingentos; Augustino Spinolæ dederat, qui triremibus celeriter in urbem inueherentur; & ij commodum in portum inuesti sunt, cum feruebat prælium; in quod adducti veluti de celo missi, hostem repulerunt. Ranconus cum aberrasset à scopo, ad Annebaldum perrexit, soluitque Taurinense obsidium; non auso perstare Sechinguemo; imò alia oppida & munita quidem expugnata,

expugnata, Carinianum, Carnagnola, Moncalerium, & Saluslij propemodum omnes. Mox Annebaldus accerlitus à Rege vt quietem caperet, Buria in præfecturam eius substituto. Atque adeò Deus ex aduersis prospera eliciebat, vt Caroli spem euentu contrario planè contriuerit.

Cum Deo immortalì gratias ob seruatum regnum Franciscus egisset, instituta eam in rem supplicatione, dum Lugdunum redit nouo gaudij sensu afficitur. Ad Symphoriani Fanum, qui pagus est quarto milliari infra Lugdunum, ipsi occurrit Iacobus Scotiae Rex, eo nomine V. optima indole adolescens, qui audito Regis discrimine, suo ipse nutu conscripserat sexdecim hominum milia, uehebátque in Franciam; sed semel atque iterum vi procellæ in Scoticam oram repulsus, ipse nauigio per medias tempestates Dieppam vsque euaserat; qua in vrbe certior factus de profectioe Imperatoris, miserat in Scotiam qui exercitum soluerent; dein cursoriis equis Regem salutaturus aduenerat; vt par erat humanissimè acceptus, Magdalenam Regis filiam in vxorem postulat; & quanquã Virgini honorifica petitio foret: nam & beneficiũ recens, & memoria patris, qui in bello suscepto pro Francia olim occubuerat, & affinitas duo inter regna mutuis officiis ab vltimo æuo sancita, haud repulsam ferebant; tamen amatoris votum dilatum est, donec Henricus Angliæ Rex consuleretur. Ad eum igitur Pommerayus missus, cùm exacerbatum haud mitigaret, re infecta rediit. Nihilominus Iacobi votis Rex annuit, & Parisiis magnifico sumptu celebrauit nuptias; etsi non admodum faustas; nam sexto post mense, Magdalena morbo extincta est; & Iacobus mariam Guisij filiam vxorem duxit. Mox Franciscus vt par pari Imperatori reponeret, inuasurus in Belgium,

FRANCISCVS I.

VIII.

*Regu
affinitas cū
Scotiæ
Rege.*

*Bellum
in Ar-
tesia.*

————— bello præludit forensibus formulis ; quas
 FRAN- aranearum telas meritò dixeris , perruptas à
 CIS- Regibus , dum priuatos implicant. Conuo-
 cys I. catis in Parisiensem curiam Proceribus atque
 Episcopis , Capellus Aduocatus Regius de
 inobedientia Caroli in Regem dominum
 suum conquestus , postulat vt Flandri , Arte-
 sij , Carolesij , regio fisco ob clientis deli-
 ctum adiudicentur. Senatus censuit diem
 æo dicendam ; & missus fecialis qui ad Bel-
 gij limites in vadimonium Imperatorem vo-
 caret. Enimverò ille affirmavit , se quando
 vocaretur , venturum in Franciam , ad litem
 ita comparatum atque instructum , vt Fran-
 ciam coacturus foret , ad implenda quæ iu-
 rauerat fœdera , Madritense & Cameracense.
 Rex interea cum triginta hominum millibus
 obsidebat Hesdinum ; & quidem cuniculis
 muros tentauerat , quos exploratores affir-
 maucrant inexpugnabiles machinis , quo-
 niam terreo aggere nitebantur ; sed cū pa-
 rum admodum promoueretur , iubet Rex
 tormentis rem agi , quæ impetu tanto dis-
 plosa sunt , vt tertio die magna labe murus
 patuerit. Extemplò temerarij iuuenes iniussu
 in muro emicant , multa clade ab obsessis
 repulsi , occiso Sancerræ comite , præclaro
 iuvene , vicesimum annum delibante. Et ea
 temeritatis specimina , multum aliena à vera
 fortitudine , haud paucos rapiunt , sterili in
 patriam & poenitendo facinore ; Ipso attam-
 en die deditionem obsessi pacti sunt. Tum
 ad Pauli Fanum ductus exercitus , quod An-
 nebaldus iam ceperat , & in eo militari in-
 scitiâ peccatum grauiter : nam cū duces
 omnes diruendum oppidum censerent , quod
 intra annum vix muniri posset , audit Rex
 Castellum quendam Italum Architectum ,
 pollicentem se sesquimensē erecturum inex-
 pugnabilia munimenta. Rex id cupiebat
 summoperè , quia Pauli Fanum in Picardiz
 arcibus

Anno
 1537

arcibus atque Artesia, seu Meditullium, amicos defendere, atque hostiles laceffere poterat & defatigare; unde fidem Italo temerè habuit, deditque in præsidium Præfecto Villobono tria hominum millia. Mommorancius interim Lillerium & Sanuenantium ceperat, præruptis forti animo quæ obiecerant ciues munimentis. Rex iis successibus lætus, seu belli tædio, seu quod clandestina consilia haud satis procederent, ratus Fanum Pauli munimentis tutum, exercitum soluit. At Comites Roësius & Burenus, sub signa missis viginti quinque hominum millibus, sua vice bellum extemplo capessunt. Nec cunctati Fanum Pauli, quod nebulo ille Italus nusquam muniuerat, aggressi vi expugnant; cæso toto præsidio, virisque fortissimis, seruato nemine præter Villobonum Præfectum & Martinum Bellaium. Dein Monstrolio in deditionem recepto, Teruanam quam destitutam milite nouerant, festinant aggredi. Saluti vrbi fuit, primum quod Mommorancius Rochepotius Picardiæ Prætor, mortuo Vindocinensi, militem in eum immisit; tum quod Annebaldus nitratum puluerem per quadringentos pedites intulit. Verùm & Annebaldo sua sedulitas & aliena temeritas periculo fuit: nam cum in regressu iuvenes inconsiderati, & præcipientes stulta confidentia, trepidationem in hostium castris immisissent; Burenus intercepto ad pontem itinere, omnes profligauit quadringentos cecidit, cepitque Annebaldum & Piennam, alienæ culpæ damnatos. Ea rerum conuersione, reuocatur exercitus Regius, iamque Delphinus cum Mommorancio ad hostem accedebant propius, cum per inducias arma discussa sunt. Maria Imperatoris soror, Belgij Gubernatrix prudentissima fœmina, cum Arscoto interprete, verba de induciis fecisset, à Re-

FRAN-
CISCVS
I.

Rochepot.

ge auditur ; eæque in tres menses dictæ ,
 FRAN- Franciam inter & Belgium.

CIS- Haud ægrè in eas Franciscus assenserat ,
 CVS I. quod diu trans Alpes & fœdere & necessita-
 IX. te belli vocaretur : fœdere quidem , quod

Res Pe- cum Solimanno Turcarum Sultano contra-
 demõ- xerat , vti Imperatorem communi bello in
 tana. Italia aggredierentur ; Franciscus per Insu-

bres , per Neapolitanum regnum Soliman-
 nus. Et quidem in id fœdus se Franciscus
 induerat , tum indignatione in Venetos ,
 quos auellere à Cæsare nullo conatu value-
 rat ; tum vindictæ in Imperatorem ipsum li-
 bidine. Ac tametsi id fœdus nouerim meri-
 to à plerisque coargui , quod grauiâ damna

Fœdus in Christianam rem , maxime in Venetos
 sive So- importata sunt eo bello ; tamen ab nemine
 limani- minus quàm ab Hispano reprehendendum
 no. est ; cum & ipse Imperator Carolus in Tur-

cam bellum haud suscepit , nisi postquàm
 Venetos eodem implicuit ; quos ea arte ab-
 ducebat à Francis penitus , & obiciebat ob-
 terendos Turcarum viribus , suis prouinciis
 munimenta ; idque disertè Paruta asserit ,
 Venetorum Historicus , tam accuratus quàm
 perspicax. Et præter fœdus euocabat Re-
 gem necessitas. Buria felicitate nimia rem
 profligauerat , Humerius imperitiâ. Cæsar
 post Phocensem expeditionem , Monferra-
 tenses Gonzagæ Mantuano addixerat , ex-
 clusis Sabaudis atque Salussio ; at Monferra-
 tensium , Casalis ad Padum vrbs cum appo-
 sita arce , propugnaculum habebatur ; in
 eam Buria votum intendit , occupatque
 clandestino consilio ; sed cum opportunè se
 in arcem tegere haud potuisset , Guastius in
 eam aduolans urbem recipit , mactat præsi-
 dium , ij Franci mille & ducenti , Buriam ,
 Taesium , & alios Tribunos capit. Et quidem
 Buria vnâ tantum die vrbe potitus ; tanta
 celeritas Guastij fuit , sua diligentia alienam
 segnitiam

segnitiem emendantis. Huius calamitatis causæ præcipuæ, tum Biendrasius Comes, qui pecuniam à Buria acceptam, ut instrumenta ad fodiendum redimeret, in suum usum traduxerat; tum Ranconius, qui prauè æmulus, quod se inconsulto Buria expeditionem eam suscepisset copias quibus præerat ad defendendum eum non admouit. Sic alienâ partim auaritiâ partim inuidiâ, præclari facinoris gloria periit. Buterius Buria capto suffectus est. Mox Gualtius Salussios subigit, at dum, Carmagnolam obsidet, Franciscus Salussius qui à Rege defecerat, glande perimitur; dynastiam fratri Gabrieli natu minimo Rex concessit, cui Annebaldi filia nupserat; at cum paulò post sine liberis mortem obiret, Salussij ut feudum Delphinatus regno adscripti sunt. Dum Buterius viribus minor se urbibus continet; Humerium Delphinatum Prætorem in Subalpinos Rex cum imperio mittit, adiunctis Germanorum decem millibus, Tribuno Vittembergio. Sed cum Humerius imperium titulo potius quàm merito administraret, nihilque susciperet par nouis viribus, adductus statim in contemptum militum, & aliorum ducum æmulationem, qui ægrè obtemperabant ignauè imperanti, atque insciantes; Pinerolium secessit, gubernandi impotens, ibidem obsidione cinctus à Gualtio. Etenim Gualtius dux bello impiger, aucto exercitu ad viginti quinque millia peditum, & tria equitum, pluribus urbibus captis, Pinerolium cinxerat, clauseratque Taurinum, sperabatque in mensem proximum se ultra Alpes Francos depulsurum. Igitur Rex uti & fœderi satisfaceret (nam Solimannus ingenti classe Corcyram obsederat) suâsque res affligas erigeret, cum langueret febris, Delphinum cum Mommorancio profecturum in Italiam copiis præficit; ac paulò post ipse Lugdunum se

FRANCISCUS I.

Botieres.

Humerius

FRAN-
CISCVS
I.

Regis
laus.

Pas de
Suse.

confert. Primò laboratum in alimentis mili-
ti comparandis, quia hostis in Pedemontio
frumentum omne pabulumque rapuerat, tu-
tis locis seruanda : curatùmque abundè in
Lugdunensibus, Aruernis, Burgundis, ma-
gnâ Regis diligentia; tum promotus exer-
citus, in quo Delphinus, Mommorancius,
Franciscus Aumalius Guisij filius, Buria mis-
sus captiuitate, tormentis præfectus, Mon-
teianes, Fregosius, Brissacus, & alij. Nec
eo loci omiserim, quod in Regis commen-
dationem scripsit Hispanus vnus è tot Histo-
ricis, eoque fide dignior, Sandouallius; sci-
licet rerum perditarum in Italia nuntium ad
eum delatum dum venaretur; & extemplò
lectis sicut erat ex equo litteris, postquam
aliquantisper hæsit attonitus, atque altum
ingemuit, vocasse Mommorancium, & defi-
xis admiratione qui aderant, ipso momento
singula quæ ad Bellum Italicum necessaria
erant, sigillatim exposuisse; copias, Tribu-
nos, Centuriones, milites, commeatus, at-
que alimenta; quibus ex prouinciis petenda
singula; vnde habendæ machinæ, vnde pul-
nis, atque huiusmodi cætera, & viarum de-
scripsisse commoda atque incommoda; qua-
si scripta legeret, quæ designabat; tam ad-
mirabili memoria, tam accurata sedulitate,
tanta animi firmitate & altitudine; intra ho-
ram dimidiam differendo; vt dignus sit om-
nibus visus imperio, atque victoria quam
parabat hac strenuitate; & reuerà si Franci-
scus tam constanter desisset, quam incipie-
bat fortiter, omnes retrò Principes amplitu-
dine & admirabilitate rerum superasset: ego
ab hoc diuerticulo, in viam redeo. Quæstius
ad Segusij fauces custodiendas decem mili-
tum millia Cæsari Massio Neapolitano com-
miserat. Ex citra urbem sesquimilliari, per
quas vnus patet ad Segusium aditus, duos
inter montes arcto admodum spatio, non
tam

tam diffunduntur quàm contrahuntur: mons hinc illinc geminus abruptus in præceps, qua vtrimque desinit, in angustum limitem conuenit, viamque admittit arduam plurimum & coarctatam, fauces lata fossa diuiserat Cæsar, geminas arces crexerat in verticibus montium, partitusque militem in gemina munimenta, naturam arte prouectam, venientibus Francis obtendebat. Sed non animaduenerat duos alios montes imminere iugis communitis, vel eos ob altitudinem inuios Francis arbitrabatur, quos ubi obseruat Mommorancius, selecta quatuor millia in eos per abrupta rupium ducit, ostentatque supra capita hostium. Stupor extemplo pavor & fuga trepidantem Cæsarem à faucibus abigit, poteratque deleri, si Mommorancio equites ad persequendum fuissent. Aditu patefacto vniuersus exercitus in subalpinos progreditur, & Gualtio recedente, oppida arcesque occupat, frumento & cibariis confectas affatim. Hinc solutum obsidione Taurinum, Regis ad exercitum aduentus, Gualtij ultra Padum transitio, & conuersio subita Francorum vota in apicem promotura. Attamen Regi Campagnolæ agenti placuit bellum spe pacis compescere, admiisit in tres proximos menses inducias, dum de pace agitur, & hyems impendebat, desinente Nouembri, & Solimannus omisâ Neapoli recedebat in Thraciam. Rex salutantem Gualtium excepit perhumaniter, Monteianem Subalpinis præfecit, Langzum Taurino, urbibusque com meatu manitis, in Franciam redit, stabilitatem paci quasiturus.

Ac de ea Paulus Pontifex contendebat summopere Reipublicæ Christianæ intentus, iunctosque nexu concordie Principes immisurus in Turcam. Ij quidem pacis incensum studium ostentabant, tum desessu bello, tum famæ causa & existimationis, quod in

X.

Principum de
pace
studia

ipſos potiſſimùm ambitione & æmulatione raptos, mala publica & calamitatum ſeries conferrentur. Verùm ita pacem optabant, vt ſuo quiſque modo & commodo hanc conſectam vellet. Rex omninò Mediolanenſem ducatum petebat; nec vllam conditionem fœderis, ſi expungeretur ea, admittebat; contra Cæſar omnes prouincias atque victorias in diſcrimen vocaret, ad Mediolanenſes ſibi aſſerendos; id fundamentum ſimul atque faſtigium palmarum ſuarum; in iis Italiæ imperiũ poſitum; atque vt poſſidebat re ipſa, ſe poſſeſſione deiici adeò fœdere pati non poterat; vt ad eam vindicandam, arma Europæ toti opponeret. Vnum erat inter Principes diſcrimen, in idem tam diuerſis modis conſentientes; vt Franciſcus palam & apertè Mediolanenſes repoſceret, Carolus clanculum & per ambages negaret; ne patefacto retinendi conſilio, Italiæ Principes à ſe auerteret; rursùmque reuolueretur in bellum, quod ſibi inſtaurari non expediebat, ob Solimanni potentiam. Ideò Regem inani ſpe paſcebat, proponebat varia, & promiſſis allectum, differebat in annos plurimos, vt quod retineret mordicus dare videretur. Reſciebat ſe Aurelianenſi daturum principatum, neptem ex Ferdinando fratre ducenti in vxorem, quia virgo impubes quarto anno duntaxat apta nuptiis foret; at rursum in controuerſiam cadebat poſſeſſio, eam Franciſco in nuptiarum ſpem flagitante, Cæſare pernegante, dum impleantur nuptiæ; ac neutro habente verbis alterius fidem, cùm eam Cæſar diceret illuſam à Rege, Rex putaret falli poſſe ab Cæſare, qui deceptum ſe crederet. Nihilominus adurgente Paulo Pontifice, ſinguli ad eum Niciam conueniendum conſentiunt, ſequæ in viam haud multò poſt conferunt. Primus Roma Niciam Pontifex venit, tum Imperator ex Hiſpania claſſe ve-

ctus Monæcum; deinde itinere terrestri Francisco Villanouam ad Varum; postremò vterque Principum Niciam in diuersa hospitia venit. Separatim cum singulis Pontifex egit; nec exorare potuit vt se iuuiserent, non quidem quod mutuo odio conflagrarent tanto-perè, sed industriâ Cæsaris colloquium in opportunitatem suam conferentis. Prolatæ in decem annos induciæ; nec Sabaudò exuli vlla ratione ab Imperatore consultum est: qui vt arctiùs deuinciret Pontificem, Margaritam filiam Medicæi viduam, despondit. Octauio Pontificis nepoti ex filio Perro Ludouico, quanquã impuberi, & duodecim annos nondum implenti. Is præterea per Eleonoram sororem à Rege impetrat, vt se Aquis Mortuis in Occitania simul inuiserent; illic nullis arbitris, nullo consiliorum sequestro, de suis rebus acturos per otium, & bona fide deposituros inimicitias. Et ab vtroque ad Aquas Mortuas ventum est; moxque inter mutuum aspectum omnia beneuolentiæ signa ostensa; Rex Imperatorem in Triremi sua inuisit; postridie eum in vrbe excepit conuiuio, & pernoctantem hospitio; mox in in ipsius triremi prandium cepit; charitatis & amicitia significatione amplissima. Nec aliud eo conuentu perfectum, quàm impositum humano generi; credenti ex animo instauratam amicitiam; cùm vtriusque scopus utilitas foret; ac fructus alterius, nimirum Cæsaris, qui præclara Francisco pollicitus, inanem spem aluit, & penetrauit in arcana consilia, quæ ipsi cum Rege Angliæ & Germanis Protestantibus erant.

XI.

I. pe-
ratoris.
per
Fran-
ciam.
iten
pellare.

Aliquantò post excutiendæ simulationis causa oborta est. Gandauenses rebelles in Cæsarem ad Regem legatos mittunt, qui orarent vt se in clientelam suam & tutelam admitteret; se iniquis vectigalibus à Carolo Flandriensi Comite vexari & spoliari, ap-

FRAN-
CISCVS
1.

Anno
1539

pellare se Regem, qui summus esset Patronus; se Regi & civitatem suam addicere, plures in Flandria urbes idem expetere, & sequitur exemplum; quare miſeros in gremio atque asylo reciperet, nec excluderet calamitatem, indigam opis, & emolumento excipienti futuram, Rex postulatis in deliberationem vocatis, cū auctores plurimi essent ea vt admitteret, nec rationum momentis destituerentur. Franciscus iis neutiquam assentiens, & Gandauensibus negavit quod peterent, & eorum litteras ad Imperatorem misit; affirmans se fidem datam pluris facere quàm totius orbis imperium. Imperatori gratissima ingenuitas fuit, qui qua viâ proficisceretur in Belgium plurimum anxius, cū nauigatio tum Oceani tum Mediterranei maris, & procellis & periculis plurimis vtroque obnoxia foret; statuit per franciam magno vix compendio in Belgium ire; promissorum vno commeatu & securitate tutissima. Ea de re primò Mommorancium appellat, quem antea Rex Comestabilem dixerat, & eo conciliato à Rege facultatem transeundi per Franciam petit, instauratis promissis de Mediolanensibus Aurelianensi tradendis. In consilium itur; & Turnonius Cardinalis censebat, nullam fidem Imperatori habendam, nisi pollicitationes implenti; diu ipsum per promissa fucum & fraudem facere; nunc data occasione ad implenda cogatur, qua toties recepisset; frustra fidem haberi, qua buisset hactenus, & ab alio malè expectari, quod ipse possit per occasionem efficere. Contra Mommorancius habendam omnino fidem affirmabat; ab amicis Principibus amouendam procul suspicionem, vi cogi Imperatorem non posse, ingenuitate & agendi quodam candore impetrari omnia posse facilius. Ad eam sententiam se Franciscus accommodat; siue quòd faceret ad indolem suam plurimum

rimum, apertam & candidam; siue belli
pertusus, nouo officio demereri Carolum cu-
cuperet, confecturus officio quod bellum ex-
cluderet. Ita Baionam Regij liberi cum
Mommorancio ad excipiendum Imperato-
rem mittuntur. Et ille callidè vbi Baiona ex-
ceptus est, petiit ab Legato Francisci, ne quid
à se exigere quod ipse scripto traderet;
ne data fidei violaretur integritas, dicique
posset, quid per vim & metum ab eo qui in
aliena potestate esset promissum. Qua arte
perfecit, vt nulla de re appellatus, securum
iter per Franciam totam perageret. Et pere-
git quidem, Rege occurrente ad Castellum
Heraldi & deducente Parisios vsque, Regiâ
magnificentia, & quæ Franciscum maximè
saperet; nam ea in pompa totòque itinere;
quadrages centena millia argenti impensa;
quæ commodius in proximum bellum ser-
uari poterant. Irridet Mezeræus, (scriptor
Historiæ Francicæ, supra omnes argumento
suo dignissimus,) tum quod à Belga auctore
scribitur, Carolum fuga Parisiis euasisse; tum
quod à Francis scriptoribus, deliberatum
esse ab Rege de eo retinendo, idque per Du-
cissam Stampensem conciliatam Imperatoris
gemma, discussum consilium; nec enim vn-
quam in proposito vacillauit Franciscus, &
ipse Imperatorem Sanquentinum vsque ho-
noris causa perduxit, & Regij liberi Valen-
cenas apud Hannonios iam securus sui Im-
perator, non illicò laruam abiecit, sed dum
Gandauenses in obsequium ageret, spem
etiam fouens, respondet legatis Francicis, se
in eadem voluntate esset; at præstolari Ferdi-
nandum fratrem, qui profectus ab Austria,
conueniret se; statim ab eius assensu rem se
perfecturum, Gandauenses interea, omni
ope & subsidio destituti, iugum admittunt;
rapiuntur in supplicia plurimi, omnes in mul-
tam pecuniariam, & ciuitas ipsa in seruitu-
tem,

FRAN-
CIS-
CVS I.
ANNO
1540

tem; arce intra viscera sua erecta? Tunc votorum compos Imperator, personam deposuit & Selux Vaurenſi Episcopo Regis Legato se nihil promissi dedisse affirmat; ac reuocanti in memoriam quæ dixisset, reponit se haud meminisse, nec eiusmodi quidpiam scripto mandasse. Attamen nouo illicio conatus Regem deludere; proponendum curauit, uti Belgium Aurelianensi dareretur cum Regis titulo, & Carolæ filiæ suæ nuptiis; & ea de re actum haud semel, quæ postea uti & cætera promissa euauit; postquam Imperator obortam procellam excussit, At Rex ludificatione tandem deprehensa, mœrore plenus, indignationem in consilij auctores conuertit, præsertim in Monmoranciam, qui se quodammodo Imperatoris prædem constituerat; eumque iussit ab aula facessere & conspectu suo, nec amplius dum vixit recepit in gratiam; solitus dicere, se graues & necessarias eius rei causas habuisse; quanquam uiris prudentibus non aliæ uisæ sunt, quam arbitrium Regis credulitatem suam Monmorancij pœnâ excusantis. Et antea Chabotum Admiralium dignitatibus exauctorauerat, Poyeti Cancellarij deturbatum artibus prauis, & peculatus damnatum; quanquam postea donatus precibus Ducissæ Stampensis, restitutus est bonis & famæ, Nam in aulis Principum suos ludos inconstantia ludit; nihilque in procella à naufragio tutum est.

XII.

*Billi-
nordi
prala
dia.*

Sic inter animos offensum atque offendentem, pax stare diu non poterat. Primum per occulta consilia grassata discordia, mox in apertum prorupit. Cæsar cum animaduertetet, æmulum Angli amicitia plurimum fidere, atque allicere in arcanum fœdus Protestantes, enititur utrumque fulcrum detractum, alteri, sibi apponere. Anglum primò aggreditur, ac Catharinâ iam-fato functa, & amoro-
concordiæ

concordiæ obice, virum leuitatis notissimæ, quippe quintam vxorem iam duxerat, in Franciscum inflammat. Dein Protestantes Proceres vt deuinciret, tum multa singulis pollicetur, tum vniuersis condonat plurima. Nec parcebat industriæ Franciscus, vt fœderatos captaret, conciliatis Regibus Daniæ atque Sueciæ, & Solimanno rursus apellato; quasi æmuli in odij supplementum vniuersum orbem euocarent. Sed nulla re molestiam magis creauit Rex Cæsari, quàm Cliuensis patrociniò. Ille Martinus Guillelmi Ducis Cliuensis filius, qui ausus de Gelria cum Imperatore contendere, appellauerat Regem; & ab eo susceptus humaniter, data in sponsam Ioanna Nauarræ Regis filia, quamquam impubere, sperabatur in partes Germaniam diuisurus. Æmulorum animis sic affectis, extincta beneuolentia, & prorumpentibus odiis, vnum facinus pudorem, quo premebatur bellum, excussit. Rex ad Solimannum, & ad Venetorum Rempublicam mittebat, Cæsarem Fregosium Genuensem, Ducem veteranum, & Antonium Rinconem Hispanum exulem; & eum quidem ad Solimannum, cuius in aula iam erat versatus. Ij cum Taurino simul Venetias pererent, se lintri committunt Pado vehendos, dehortante plurimum Langæo, qui verebatur hostis infidias; at ii dissimulato habitu quasi è vulgo vectores commiserant se naui. Id cum Guastius explorasset, vt rem gratam Cæsari faceret, haberétque omnia quæ Legatis mandata à Francisco fuerant, positis insidiis infra Casalem, nauigantes intercipit, Legatos perimit; mandatis neutiquam deprehensis, quæ Langæus malum veritus seposuerat, via tutiore mittenda Venetias. Rem Guastius sic occultè patrauerat, vt crederet nullo modo emanaturam: verùm Langæus tam accuratam sedulitatem adhibuit, vt perueniret

FRANCISCUS
1.

*Cliuensis
Dux*

*Legatis
Regis
Cæsaris.*

Anno
1541.

FRAN- uenerit ad fontem criminis , manifestato
CIS- consilio, atque auditis tum nauiculariis tum
CYS I. sceleris consciiis , quos in sua potestate vir
diligentissimus habuit. Franciscus exclamare
continuo , appellare ius gentium, casos Le-
gatos , publicæ pacis violatas sanctissimas le-
ges ; ac nisi iniuriam sarciat Imperator , bel-
lum minari atque intentare. Ad ea Cæsar,
cùm primum facinus inficiaretur , dein ex-
cusaret quod iniussu suo , postremo diceret
iure casos , ex Genua & Hispania exules ,
qui nullam Legatorum speciem præ se fer-
rent ; imò speculatorum instar sese occule-
rent ; ad ultionem Rex inflammatus est. Ni-
hilominus Cæsar bellum Algerianum quod
instituerat persequutus est , ratus id quod
erat, Franciscum , in absentem & religionis
Christianæ causa depugnantem , haud motu-
rum bellum. Et se omninò Franciscus con-
tinuit , dum Imperator fœdissimis procellis
tota expeditione iactatus, post amissum exer-
citus & vniuersam propemodùm classē ,
inglorius vixque ereptus naufragio, regredi-
tur in Hispaniam. Nec ea calamitate alteru-
trius odium deferbuerat ; bellum indieit
Franciscus , Carolus suscipit , & Solimanno
victore vastante Hungariam , iam Austriæ
imminente , quasi ad eos Christiana calami-
tas haud spectaret ; priuatas & internecinas
inimicitias obeunt. Instruxerat tres exerci-
tus , & numerosos quidem Franciscus , in
Subalpinis , in Picardia , & in Occitania.
Erant in Subalpinis viginti duo hominum
millia , quæ otiosa duobus mensibus habet
Annebaldus , dum deliberatur , in quam po-
tissimùm partem irrumperent ; tandem pla-
cuit omiſsa Italia , rem in Belgio geri & Ru-
scinonenſibus. Rex postquam diuinam opem
supplicatione solemni implorat ; bellum ex-
templò in vtramque prouinciā promouet.
Ducatus Luxemburgensis armorum scopus
in

*Bellum
Inceptū
gestum
in Bel-
gio.*

Anno
1342

in Belgio ; ductorque exercitus Aurelianensis alter Regis filius , adiuncto qui regeret adolescentem Claudio Guisio ; magno ut in Francorum primordiis , bellum iniperu geritur ; quatuor Gelriorum millia , ab Cliuensi conscripra , decursâ hostiliter Brabantia , cum accessissent ad Aurelianensem , Luxemburgi vrbes quâ vi quâ terrore iugum admittunt. Danuillerium vi capitur , atque euertitur ; Iuouium & Arlonum patent deditione : Lucemburgum & Mommedium non multum obsistunt ; sic Thionuillâ (ita enim Theonis villam appellabo) vnâ exceptâ tota prouincia Franco submittitur. Aurelianensis eo successu elatus , quasi victorias quæ sibi deforent quæsiturus , exercitu partim soluto , partim in præsidia distributo , cum audiret pugnae spem in Ruscinonensibus fulgere , cursoriis equis Monspehium ad patrem aduolat. Verum Cæsariani post discessum eius Lucemburgum & Mommedium statim recipiunt , instabantque victoriæ , nisi à Guisio instaurante exercitum reuersi in Belgium essent , & rursus Mommedio expulsi. Et Antonius Dux Vindocinensis collectis Picardiæ præsidiis irruperat in Artesiam. Interea bellum in Hispaniæ finibus lentè procedebat.

Paulus Mompesatius Occitaniæ Prorex , XIII. Regi occupandi Perpiniani spem fecerat ; urbem affirmans commeatu omni nudam & inopem , malè in nouas machinas testam & munitam , facile ab exercitu Regio capi posse. Rex prono animo propositum audit ; adurgente gloriæ stimulo , quam haud modicam compararet , si reciperet urbem & prouinciam quam tenuissent maiores , & Hispanus dolo magis quàm iure aut virtute eripuisset , & accedebat talionis aculeus , ut Cæsari Phocensem Prouinciam in Ruscinonensi agro rependeret : quanquam id damnatum

FRAN-
CISCVS
I.

XIII.
*Perpi-
niani
f. usfrâ
et scf-
sum.*

ratum est consilium, creditumque potuisse Insu-
bres obtineri, si in eos totis viribus ma-
ture exercitus irruisset. Perpinianum assigna-
tum Delphino, Aurelianensi fratri Belgium,
locis diuersis eademque laude, fratrum stu-
dia & æmulationem honestam, inflamma-
turis, periculo nullo discordiæ. Igitur euo-
catus ex Pedemontio cum exercitu Anne-
baldus, dumque Alpes transit, & per Occi-
taniam lentè transmittitur, de periculo Per-
piniani hostis præmonitus, urbem suo com-
modo comœatu instruit, & erectis muni-
tionibus cingit. Albani Ducis ea prouincia
fuit, qui confirmatam urbem, instructam &
tectam, Mancinæ & Cerbelloni veteranis
ducibus tradidit, Gerundæ ipse substitit, oc-
cupato montium transitu, vti subsidiis in-
cumberet, & necessaria ad propugnationem
instrueret. Augusto medio ad urbem qua-
draginta peditum millia, equitum quatuor,
Delphinus, sociis Annebaldo, & Mompe-
satio ducit, Rege Monspelij hærente, vt rem
vrgeret, & expéditioni intenderet; imò ad-
uolaret, si fortè coram Imperator accederet.
Primò ducum dissensio rem prolatat; tor-
menta admouenda vno loco Annebaldus
censebat, aliò Mompesatius; obtinuitque
Annebaldus, quanquam ex euentu malè
consuluisse ipsum constitit; tormentis postea
in locum quem Mompesatius dixerat trans-
ferendis. September effluxerat, muto adhuc
integro, & illibatis hostium viribus: grassa-
bantur inter castra morbi, sæuebátque dis-
cordia Vascones inter atque Italos, ducum
æmulatione diuersa militum alente studia;
Autumni imminebant imbres, ea in regio-
ne vberrimi admodum; quas ob causas Rex
obsidionem solui Delphino imperat. Ager-
rimè paruit regius iuuenis, morbumque quâ
dolore animi, quâ ærumnis corporis, pericu-
losum contraxit, quo vix tandem sexto
post

pòst mense est recreatus. Eo in bello Regis, —
& filij Aurelianensis gemino facinore illuxit FRAN-
bonitas, & in hostem clementia. Milites CISCVS
Itali trecentas fœminas è Ruscinonensi agro I.
captiuas duxerant, & nisi à propinquis redi-
merentur, vim pudori intentabant; eas pro-
pinquis cessantibus, Rex à milite redimit,
donatque libertate, pudore integro. Dam-
uillerio expugnato, miles prædæ cupidus
dum in templum irruit, in quod ciuis pre-
tiosa quæque congesserat; Aurelianensis
stricto ense pro foribus sanctitatem asyli
propugnans, suos milites repulit, iussu &
ferro, proruentes dsuiciens, non sine peri-
culo. Mox Annebaldus in Pedemontium
rediit, quod vnus Bellaij Langæi virtus *Langæi*
propugnabat in Guastium. Affligebatur lecto *virtus*
mæmbrorum paralyfi correptus Langæus; & *in mori*
ea vis animi erat in decumbente corpusculo,
vt repulso Guastio, & ipsi arcibus aliquot
creptis, egregiè rem Francicam tueretur.
Imò consilia tam sedulò instruxerat, vt totus
hostilis exercitus in Annebaldi castles incur-
rerit, capiendus facilè, si Annebaldus se
regi ab auctore consilij permisisset. Elapso
Guastio, commeatum redeundi in Franciam,
ad res domesticas componendas Langæus
petiit; atque in reditu ad Lugdunum æger
vitam posuit; vir mente, linguâ, & manu
in paucis præclarus; qui sapienter excogi-
tata, eloquentissimè diceret, ac strenuè vbi
opus foret exequeretur; laudatus ipsâ voce
Imperatoris, affirmantis Langæum linguâ &
calamo plures Regi suo peperisse victorias,
quàm ceteros duces armato milite. Huius
frater Martinus Bellaius, qui Francisci Re-
gis Chronicon scripsit, altérque Bellaius Pa-
risiensis Episcopus; tota familia fide in Re-
gem, & ingenio instructissimo litteris com-
mendanda. Atque vt Langæus magno om-
nium desiderio raptus est; sic paulò antè
summa

FRAN-
CIS-
CVS I.
Poyetus
damna-
tus.

summa Francorum lætitia, deiectus erat ab rerum apice Poyetus Cancellarius. Illi ob Chabotij damnationem stampensis infensa, data opportunitate, quod quædam in diplomate regio immutaret, in eum ceu contumacem, exacerbat Regem; qui hominem detractis sigillis mittit in turrim Bituricensem. Et adhuc viri existimationi Rex parcebat; donec tertio post anno, Poyeto flagitanti iudices dati sunt, à quibus de multis damnatus sceleribus, cancellarij munere spoliatus, & multatus grandi pecunia, in primum carcerem dum multam solueret, ignominiosè detrusus est; litium tricis supramodum addictus, & earum studiosissimus propugnator, quibus tandem meritò inuolutus, sua arte periit.

X I X.
Princi-
pes lit-
teris
pugnāt.

Perstabat inter Principes bellum, mutuis prouinciarum direptionibus, cum ipsi calamis etiam præliantur, & amarissimis scriptis se proscindunt. Ad vtrumque scripserat Pontifex & nuncupatos charissimos filios, adhortatus ad pacem, ad Concilium proximum inuitabat, Ad eas litteras dum rescribit Cæsar, expostulat quod Pontifex Franciæ Regem, qui Concilio semper intercesserat, eodem honoris loco tituloque reponeret, quo se Imperatorem, qui Concilium omnibus vitibus promouisset; Tum addebat multa contumeliosa in Regem, præsertim de fœdere cum Turca inito. Rex cum earum litterarum missum esset exemplar, responsum amplum & luculentum edidit, Petri Castellani viri docti industriâ; quo diluebat obiecta, & in ipsum Cæsarem reiciebat; excusato pluribus fœdere Turcico; & aliorum exemplo Principum, & ipsius Cæsaris qui idem ambiuerit, qui cum hæreticis societatem arctè contraxerit, qui turpissimam hæresim per Germaniam totam conseruerit. Ita Principes famam inuicem & existimationem violabant,

violabant, & erumpebant in ultionis libidinem, dum instauratis viribus rursus confingerent. Cæsar Pontificem in suas partes inducere vehementer optabat; atque ex Hispania in Germaniam profecturus, postquam Genuam appulerat, cum eo in Placentino agro colloqui voluit; insititque summo opere, ut Francum hostem diceret; oblata possessione Parmensis ducatus, quem in filium Pontificis conferret; imò de vendendis Insulribus sermone habito; verum Pontifex quanquam obtinendæ Parmæ immenso desiderio flagraret, ab re tam iniqua alienum se præbuit, & priuatam utilitatem Christianæ postposuit. Eam ob rem Cæsar indignatus, ut Pontifici molestiam faceret, non multo post societatem cum Anglo contraxit, & per Alpes contendit in Germaniam, Cliuensem tota potentiâ oppressurus. At Regis exercitus nihil admodum ingens patrabat, ducebat partem Annebaldus, Admiralius dictus, Chabotio nuper vita functo, partem alteram Vindocinensis, Artesiæ atque Hannoniæ infelli. Uterque copias consociare à Rege iussi sunt, dum Landresium ab hoste relictum, Rex ipse accuratè fossâ atque operibus munit. Perfectis munitionibus Franciscus Rhemos ad otium secedit; & totum mensem inutiliter terit, dum Imperator magnis copiis in cliuensem inuehitur, Durâmque urbem primariam obsidet. Ideò excitatus è veterno Franciscus, ut à Cliuensi Cæsarem auocet, in Ducatum Lucemburgensem inuadit, & capto Antonio, Lucemburgum obuallat. Vix dum tormenta in ruinam muri locauerat, cum præsidarij quanquam numerosi, perspecto urbis situ, inæquali admodum & oppugnationibus obnoxio, paciscuntur deditiorem. Rex ciuitatis compos, quasi regnum nouum obtineret, sibi mirificè ea in re placere, pro Mediolano Lucemburgum subiice-

FRANCISCVS
I.

Anno
1543
*In Hannonia
bellum.*

re, &

FRAN-
CISCVS
7.

re, & eam urbem quæ plurimum Imperatorum natalis fuisset sibi in monumentum victoriæ seponere & constituere. Eam in spem quamuis inopportunitate munitioibus, & à Francia magno viarum spatio disitam, repugnantibus ducibus, muniri accuratè voluit; & eâ Regia pompa exceptus, itabiliendo inani trophæo intendit; dum Carolus Cliuensem ad extrema agit, profligatque. Etenim Durâ non incruenta victoriâ expugnatâ, captisq; Iuliaco, Venlone, & Ruremonda, Cliuensis uti opibus ita & animo destitutus, ad Imperatoris clementiam confugit, & iugo quod imponere liberet admissio, iussus est renunciare Ducatui Gelrio, & Francicæ societati; & aliquantò post Ferdinandi filiam in uxorem duxit. Ut ea res Francisco molestissima accidit; ita Nauarræ Regibus eiusque filiarum acceptissima, quæ desponsa inuitissimo animo, soluta Cliuensis nouo coniugio, postea iucundius Antonio Vindocinensi enupta est. At Imperator Cliuensi perdomito, validum exercitum ultra ducens, simul Landresium & Guisam impugnat. Agebat Lucemburgi Franciscus, festum Ordinis celebrans cum ad id nuntium Lucemburgo mouet, ad pellendum hostem. Adactus tamen copiarum partem Melsitano Principi tradere, ut Lucemburgum commeatu instrueret, ad Guisam accedit, quam premebat Ferdinandus Gonzaga. Ille Regis explorato aduentu, solutis castris Landresium petit, & Bureno impugnantem adiungit copias; quanquam non integras, Carolo Brissaco postremam aciem decerpente; à quo cæsa duò hostium millia, captique plurimi. Hinc belli moles in Landresium vnum obuertitur. Id propugnabant dicti à Rege Præfecti Landa & Dessæus, cum bis mille peditibus & Cataphractis ducentis; præterea sponte in urbem aduolauerant, ad periculi famam, Aumalius Guisij filius, Niuernensis,

*Landre-
sium
serua-
turus.*

*De
Brissac*

*La Lan-
de &
Dessæ.*

uernensis, Rupifocaldij fratres, Dandelotius, Breslius, Crepecorius, Boniuetus, cæterique adolefcentes, nobilitate illustres. Imperatoris exercitum constabant equitum sexdecim millia, peditum duo dequadraginta: in quibus decem Anglorum millia. Etenim Henricus Angliæ Rex, cum Imperatore fœdus contraxerat, in Francisci perniciem, cum eo Franciæ regnum partitus, iratus maximè, quod staret per Franciscum, quin Scotiæ regnum vti cupiebat tunc inuaderet. Nam Iacobo Rege morte raptò, post octauum diem quo ipsi nata filia erat, Mathzum Stuardum Comitem Lenocensem Rex in Scotiam miserat, qui pupillam defenderet, viduamque in Anglorum molitiones protegeret, datis etiam ad vim repellendam subsidiis: quo factò, & iustissimo quidem, mutatus Henricus, subuertente animum cupiditate, ex amicissimo hostis, & ex infensissimo fœderatus euaserat. Extemplò quadraginta & octo machinis Landresij murus impetitur, & recenti opere nondum coalitus, deruitur non multo negotio; ruinâ tantâ vt hebdomadâ tertiâ, totum propè oppidum deiectis munimentis subeunti patuerit. Nec ideo hostis in labem ausus conscendere, tantus erat à propugnantibus terror, fame & ærumnis obstinere urbem intendebat. Quippe iam deficiebat alimentum; imbres assidui, noctium autumnalium frigus; & indefessa in paucitate militum opera, continuæque vigilæ, sic attriuerant præsidium vt animi robur infirmitas corporum profligaturæ breui videretur. Idque Cæsariani, quanquam suis ipsi incommodis obnoxij, constantissimè præstolabantur. Verùm Rex de suorum ærumnis admonitus, ne perirent præclarissimi viri, Farâ mouens, quæ vrbs est ad Oesiam in Veromanduis exercitum ducit versus Landresium. Cæsar pugnam veritus, copias quæ

FRAN-
CIS-
CVS I.

*Fœdus
Impera-
toris
cum
Anglo.*

FRAN-
CISCUS
I.

*La
Sambre*

metatæ erant ultra Sabrim, cis euocat, vt exercitum totum Regi venienti obiiceret. Atque obuersæ in frontem copix, dum mutuas vires velitationibus experiuntur; altera castrorum parte, Admiralius & Martinus Bellaius, nouum in urbem immittunt præsidium, commeatum important, defessos fauciosque milites tutò educunt, & se incolumes ad Regem recipiunt. Re patrata Franciscus, incensis tentoriis, secunda vigilia, se in receptum dat, & tota nocte versus Guisam tendit. Hostis deprehenso receptu, postremum agmen quod Delphinus ducebat insequitur; sed cùm Franci frontem feroces conuerterent; hostis in sua castra, mox desperata vrbe, secessit in Belgium: magna Præfectorum Landæ & Dessæ laude, qui militum animos sua fortitudine atque concordia, in omnia ærumnarum tela munierant. Nec tamen ea expeditio planè inanis Cæsari fuit; qui Cameraci dum regreditur exceptus ciuibz persuasit, periculum vrbi esse à Francia, Régemque eo consilio occupasse Landresium, vt ipsos inopinantes inuaderet; nihil esse tutius quam si arcem ad propugnandum se exædificarent. Persuasi ciues arcem suo sumptu ponunt, imponuntque præsidium cui stipendium pendebant; sed quod Cæsari sacramento deuotum, ipsius arbitrio tum arcem tum ipsam urbem addiceret. Hyeme nihil actum; præter Melfitani & Brissæ expeditionem, qui famâ sui aduentus Fustenbergium Luxemburgo imminentem in fugam egerunt; ipsi ingentis vi frigoris diuexati; cùm vinum scinderetur securibus, & palàm ad pondus non ad mensuram veniret: regressi sunt, profligata hyeme potius quàm hoste.

XV.
*Turci-
ca clas-
sis, &
Nicia
obfessa.*

At dum Imperator perdomabat Cliuensem, & in Franciam odia exerebat, Ferdinandum fratrem Solimanni armis obiecerat.

Ille

Ille in Hungariam exercitum numerosissimum inferens, validas vrbes Strigonium & Albam Regalem vi expugnauerat, maximamque prouinciæ partem; simul Ænobarbum legatum cum classe ad Franciscum miserat: Proximo anno Paulinus Baro Gardiæ, orator à Rege ad Solimannum profectus, vi fœderis impetrauerat classem, ad bellum Imperatori inferendum. Classem constabant triremes centum & decem, biremes quadraginta; quibus accesserunt triremes Franciæ viginti & duæ, onerariæ naues octodecim. Calabriæ ora & Neapolitana direpta, ad Ostiam Ænobarbus soluit, nulloque damno importato, Pontificiam Hetruscam, & Ligusticam oram pertransiens, Massiliam venit. Franciscus Borbonius Enguiennij Dux; spei amplæ iuuenis, vicesimo ætatis anno primum delibato, præfectus classi Francicæ dictus, Barbarum excepit Massiliæ; deuolante ad Regem Paulino, designaturum quem in locum arma conuertenda essent. Ænobarbus interea, inspecta Regis classe, quam commeatus deficiebat, otioque impatiens, indignabatur in Francorum socordiam, qui tempestiuè non instruxerant naues, & ne scirent quidem quò ferendum bellum. Tandem Paulini reditus ad expugnandam Niciam classem immittit; eam urbem Rex veluti appendicem Phocensis prouinciæ concupiscebat, cumque opportunius nihil occurreret, eò destinauerat formidandum hostem. Tunc enimverò quod ab condito regno ne cogitatione quidem vllus effinxerat, spectatæ sunt in mari Francico fœderatæ classes, Franci & Turcæ, turpi euocantis Regis opprobrio; cum arcessitus in fraternas lites hostis publicus; quasi fratres lentiùs in se furerent, nisi Turca in incrementum iræ vocaretur. Ad Alpes Maritimas, quæ terra in Mediterraneum mare porrigitur, Niciam urbem arcem-

FRAN-
CIS.
CVS I.

*De la
Garde.*

FRAN- que præternauigantes inspiciunt. Arx in su-
 CIS- blimi & erecta rupe posita est, quæ fossioni
 CVS I. imperuia, & fulminantibus globis impene-
 trabilis, vha fame aut ignauia militum ex-
 pugnari potest; vrbs ad radicem rupis demit-
 titur, non quidem immunita, sed magnis co-
 piis repellendis impar. Et ea non multo ne-
 gotio victorem deditione accepit: in arcem
 vis, contentio, studia, omnesque classium
 erectæ machinæ. Eam propugnabat, Paulus
 Simon, Eques Melitenis, præfectus à Sabau-
 dia Duce, qui milite & commeatu iustructus
 affatim, illibatus tormentis hostium, defen-
 sionem strennè & fortiter promouebat. Iam-
 que defecerat Fæderatorum industria, cum
 interceptis Guastij litteris, quibus spem fa-
 ciebat propinqui subsidij, terrâ marique ad
 seruandam arcem inferendi; soluta obsidio
 est, frendente Ænobarbo, & incusante
 Francorum socordiam atque molliem,
 quos in opere militati segnes inspexerat,
 adeoque improuidos, vt globos puluetem-
 que sulphureum à se suoque armamentario
 peterent; cum ipsi vini doliis naues refer-
 cissent. Paulino maximè succensebat, à quo
 multa inania sibi promissa assereret, & quo
 auctore, atma Turcica ignominiam illam in-
 currissent, vt nec vnum scopulum expugna-
 uerint. Venit cum classe Antipolin, & cum
 hyems nauigationem atceret, eam Tolonij
 consumpsit; rediitque appetente vere Con-
 stantinopolin, stipato in naues ingenti nu-
 mero captiuorum, quos ex Calabria Lipa-
 ræisque insulis legerat. Isque fuit fœderis
 barbatici fructus; sumptus plerimi, iactura
 famæ & gloriæ, ignominia nominis Christia-
 ni, & calamitosissima vincula innocentium
 plurima. Guastius interea exercitum quem
 Niciam duxerat, in Subalpinos reuexerat,
 sensu victoriæ & prosperitatis afflatu, in spes
 summas elatus, statimque Monteuicum in
 salustis

Salustius obsidet. Drossius Pedemontanus nobilis Heluetio præsidio tuebatur oppidum, quod muris vi bombardarum euerlis apertum, facit deditionem; Drossio per posticum hosti elabente; moxque Heluetiis contra pacta spoliatis ab Hispano victore, & aliquot eorum occisis; quæ iniuriâ non impunè inferentibus erit. Buterius qui pro Rege administrabat prouinciam, cum militum inopiâ premeretur, secesserat Pinerolium, iussitque Aussumum & Vimarcatum tantisper Cariniani subsistere, dum munimenta euerterent, à Langæo incepta nec dum absoluta; cum enim oppidum retinere præ infirmitate non posset, illud cupiebat infructuosum hosti efficere. Sed gnarus eius consilij Guastius magnâ celeritate promotis copiis, recedentes Francos assequutus, postremum agmen disiecit, Aussumum capit strenuè pugnantem; tum Cariniani munimenta per otium renouat perficitque. Ea in vrbe spes Francorum vltima expirabat; nam illa Cispadanum Pedemontium iugo immisso premebat, & vrbi-
bus quæ trans Padum erant, eripiebat spem modumque subsidij. Ea inter Buterio nouem hominum millia Rex submittit, Francorum quatuor, Gruyerorum quinque; ij ad-
moti Heluetiis ad Losannam & Lemanium lacum, corporum potius quàm animorum robore vicinis sunt similes. Et iis fretus Buterius quædam in hostem tentauerat; verum cum à cæteris Ducibus obsequium ægrè impetraret, Rex Enguiennium Principem, adolescentem quem dixi, ad regendos Subalpinos mittit.

Statim Enguiennius animaduertit totam belli molem in Cariniano versari, seque ad eius expugnationem accingit. Enimverò cum munitissimum esset, & quatuor mille selecti milites, bello exercitatissimi; id propugnarent; castellis circum opportunis locis

FRAN-
CISCVS
I.

Gruyers

XVI.
*Pugna
ad Ce-
risolâ.*

erectis ; tentat famem eiúsque incommoda in obuallatam urbem inducere. Quastius per-
specto consilio , militem colligit , reuocat
quatuor Germanorum millia, quos Genuam
nauigaturos in Neapolitanum regnum , di-
miserat , pugnâ ad pellendos Cariniano ho-
stes deliberatâ. Similiter Enguienius ad ne-
cessitatem pugnae adaustus, cum eam sine per-
missu Regis nequiret conferere, Monlucium
peditum Centurionem ad Regem mittit, qui
facultatem pugnandi exoret ; ac pecuniam
ad stipendium militum , quo non persoluto
pugnam detrectarent. Re vocata in consi-
lium , plerique calculi prælium damnabant ;
nihil alea in tanto periculo permittendum ;
Imperatorem & Regem Angliæ vires colli-
gere ad Franciam opprimendam, parcendum
interea viribus, ut repellantur; nec exhau-
riri eas missione sanguinis oportere ; bellum
Enguiennius pro facultate sustineat, hosti mo-
ras atque obices nectat ; sat proximo vere in
ipsa Francia periculorum fore & praliorum.
Ad eam sententiam cum Rex ipse accede-
ret, Monlucius audientiam postulat, & mili-
tari oratione vir confidentis & fortissimi
animi , pugnae necessitatem tam accuratè &
appositè exscribit, ut Rex & ipse militaris
omnino indolis , mutatâ sententiâ praeliandi
fecerit potestatem; & aliquando in consiliis
quidam arcanus indolis impetus præpollet
prudentiæ; animusque rapitur, quò agit ven-
tus, non quò ducit clauus. Extemplo ad fa-
mam praelij, nobiles adolescentes ex aula
deliciis, incitatis equis ad Enguiennium ad-
uolant ; Iacobus Albo Santandreas, Dam-
petrius è Claromontana illustri familia, am-
bo Delphino charissimi ; Iarnacus , Gaspar
Colinius , Franciscus Vindocinensis , Vida-
mus Carnutensis, Boniueti fratres , Asserius
tormentorum præfecti filius ; Hunandayus
Admiralij Annebaldi filius ; Rupefortius,
Lufarcus

S. An-
dré.Dam-
pierre.D' Af-
sier l.Hunã.
daye.

Lusarcus, Bordilio; aliique plures, quibus pugnae copia, pro iucundissimo otio, & exquisita voluptate erat. Nobilium aduentus inflammavit militum animos, imò pecuniâ recreavit; cum enim ad stipendium regia non tam celeriter deferretur, benignè de suo Praetori largiti sunt, quod externis numeraretur. Verùm cum ex arario paucos admodum nummos Bellaius vexisset, industriâ supplendum penuriae fuit; & iam hoste admoto lustratus est sub vexillis miles, ac promissum in crastinum diem stipendium, quo confertum est praelium; & victus hostis pro pecunia fuit. Illucebat Aprilis dies decimus quintus, alter à solemni Paschalis festo, cum Guastius exercitu ad pugnam instructo, decem millibus hominum Francis superior, Cerisolâ ad occupandum collem progreditur. Erat collis medius Cerisolam inter & Carmagnolam, occupanti commodus ad pugnae momentum; eumque ut insideret manè, similiter Carmagnolam prodierat Enguennius tripartito exercitu; primum agmen ducente Buterio, qui ad famam pugnae domo se in castra receperat; alterum ipso Enguennio, tertium Dampetro. Hosti pariter agmen tergeminum erat; primum agebat princeps Salernitanus, secundum Guastius cum Alipando Madrucio, tertium Lanoius Princeps Sulmonensis. Ac cum eam pugnam sua quisque ratione plures descriperint, ego ea seligam in quibus singuli propè conueniunt. Et quidem collem cum Hispani primi occupassent, nec sine damno, tam opportuno loco inuadi possent; Monlucio assignati sunt Sclopetarii octingenti, qui velitationem instituerent; & eam acerrimam quinque horis continuis prodixerunt; donec Guastius numero quo praepollebat confusus, iussit militem in planum agrum exscendere, praeliumque inci-

FRAN-
CIS-
CVS I.

Anno
1544

FRAN- pere. Verùm seposuit Salernitanum cum
 CIS- decem Itatorum millibus, & Florentinos
 EYS I. equites septingentos, vetuitque ne iniussu
 suo pugnam inirent. Immissum illicò His-
 panorum agmen in Vascones: ij Germanis
 missi, totius exercitus robur, à Tunetano
 bello indurati, pro Vasconibus aggressi Gru-
 yerios, gentē timidam atque imbellem, haud
 ardua opera in fugam agunt, cassis qui ob-
 uerterant frontem Centurionibus; tum in
 proximos Italos effusi, haud ægrius eos ster-
 nunt ac profligant. Eam tamen palmam
 absque iactura non confecerant; quippe
 Enguiennius cū Cathaphractis ut Gruyerios
 confirmaret, in Hispanos inuectus, perrupe-
 rat eorum ordines & vexilla deiecerat; &
 simul Dampetrus Sulmonensem aggressus
 Principem, equitatum eius euerterat. Nihil-
 ominus vincebant Hispani pedites, & En-
 guiennius in desperationem actus, cū col-
 lis interpositus alterum agmen occuleret,
 ratus suas passim copias profligatas, semel
 ensē gutturi suo admouerat, sibi ut fune-
 stem vitam eriperet; mōxque saniori consi-
 lio in medios hostes tentabat irrumperē, ut
 aliena manu periret honestius; cū repentē
 sociorum victoriā ad suam palmam euehi-
 tur. Nam in cornu altero decem Germano-
 rum millia à Madrucio in Heluetios Vasco-
 nēsque ducta, pugnant strenuē, victi tan-
 dem, tribus potissimū de causis, quæ ob-
 seruandæ, quoniam in eorum victoria tota
 pugna ratio constitit. Primū Taisius pedi-
 tum summus præfectus, cū Vascones seiun-
 geret ab Heluetiis, eosque in Salernitanum
 agmen induceret, monitus est à Bellaio, siue
 à Monlucio, & ab utroque ut quidem opi-
 nor, ne Heluetios desereret, qui soli aut non
 pugnasent, aut profligati facilius essent;
 præterea Salernitani necessariò in dimica-
 tionem acti essent, à qua iussu Guastij absti-
 nuerunt.

nuerunt. Tum Termaus in equites Florentinos suam turmam impulit, ac tametsi ab iis captus sit, equo suffosso tamen sic agmen totum perfregerat atque contriuerat, ut id Germanos nullo subsidio iuuerit. Postremo Buterius in eosdem Germanos per latera suos equites immisit, dimicansque fortiter perrupit tandem atque procidit. Gualtius eorum cadem cum prospectaret, nesciretque pariter quid in altero cornu euenisset, existimans se ubique victum, & Salernitani immemor prorsus, cum octingentis equitibus se in fugam genu saucius dedit. Nec Salernitanus degustauit praelium, integram aciem illibatus recipiens. Vascones interim latque Heluetij postquam Germanos insequuti erant, conuertebantur ad alterum cornu; cum Hispani victores admoniti de Germanorum fuga, consulebant receptui, & Enguennius cupiditate mortis flagrabat; at in eos infunditur tum equitatus tum peditatus, eripiuntque victoriam: tunc Hispani circumfusus hostibus intercepti, proiectis hastis, se equitibus dedunt; inclamantes misericordiam; & immunes excipiebantur à Francis cum Heluetij furore perciti, memorésque cladis quam ad Mondeuicum popularibus suis Hispani intulerant, in eos ferro irruunt; & Mondeuicum ingeminantes, pleróque obtruncant, è Francorum manibus rapientes, & vindictæ litantes. Eâ pugna cæsa hostium dicuntur quindecim millia, Francorum ducenti pedites, equites octoginta. In iis Asfrierus ex plagis obiit, capti ex hostibus Madrucius, Raimundus Cardona, Mendosa, Carolus Gonzaga; præda ingens argentum factum, omnia impedimenta; commeatus omnis, quem Cariniano destinauerat Gualtius; & reperta manicarum ex ferro quatuor millia, quas Gualtius ad vincendos Francos apparauerat, mittendos in triremes;

FRANCISCVS
I.
Termes

FRAN-
CIS-
CVS I.

accedente ad confidentiam viri crudelitate ; quasi bellū crimē & victoria suppliciū foret. Erat illi animus si vicisset, penetrare in Franciam, & Lugdunum inuadere, simul cū Imperator & Angliæ Rex irrumperent ; & vrbe occupata , quam vni ciues propugnare haud poterant ; Araris Rhodanique beneficio , in proximas prouincias dominari. Enguiehniū haud multò post Carinianum recepit ; Albam, aliásque vrbes in Pedemontio, terrorisque erat Insubribus , cū repetitis à Rege copiis, ceu resectis alis, volatu abstinuit, suoque nidulo se conclusit : & erat Regi militum magna penuria atque necessitas, gemino hoste , formidabili apparatu in prouincias suas perumpente.

XVII.
Impe-
rator in
Luxē-
burgū
irrum-
pit: mox
in Cā-
paniam

Etenim per hyemem cum Imperator habuisset Germanorum comitia , Regem peracerbè accusauerat , quasi caput & fontem omnium calamitatum , quæ Germaniam inuaserant ; ipsum cum Turca fœdus pepigisse ; excitum hostem publicum tum in Hungariam , tum in Prouinciam ; per eundem Regem interturbari Concilium , veterisque ne de religione sanciretur ; quæ inculcando ita Germanos Proceres inflammauit Cæsar, ut ij reiectis Oratoribus quos in comitia Franciscus mittebat , statuerint pecuniam publicam ad promouendum bellum in Regem ; parūque abfuerit quin eum dixerint hostem Imperij. A Germania tutus Imperator, Anglum impulerat , qui amplum exercitum inuecturus in Franciam, in perniciem Regis iurauerat ; & verò Francica res subibat ingens periculum , si hostes eodem animo atque concordia gessissent bellum , quo ceperant. Nam deliberauerant rectà Parisios se conferre , perturbatam ciuitatem capere, atque in ea vniuersum regnum exciscere atque diuidere. Ego singulos persequar, quam vno tempore arma induxerint, ne forte

fortè lectorem nimiâ rerum turbâ impediam. Cæsarei exercitus partem Fustembergus primûm, mox Gonzaga cum cæteris, in Luxemburgios ducit; urbemque primariam Luxemburgum obsidet, quæ ciborum penuriâ deditionem impetrat; dimisso cum impedimentis præsidio; & quadraginta tormentis victori traditis. Sic inane illud Francisci gloriæ monumentum primo impetu captum atque euersum est. Mox capto Commercio, quod ad Mosam Castrum est; Liniacum Barium Cæsariani obuallant. Eam urbem Briennij fratres defendendam acceperant, & quanquam obnoxiam geminis montibus, qui ipsi imminerent, propugnandam tamen promiserant fratres, maiore audacia quàm prudentia nam illicò muris latè apertis, postulant deditionem, quâ nondum confectâ, per oppositam portam hostis irrumpit, capitque oppidum, incruentâ victoriâ, Francis in captiuitatem adductis. Regem perculit improuisa deditio, coactis nondum in exercitum copiis. Attamen quæ promptæ erant Delphino tradit & fratri Aurelianensi, Annebaldo consiliis præfecto, deducendas ad Matronam amnem, & fluuiio testas Cæsari obijciendas. In iis erant decem millia Heluetiorum, quæ fortis illa gens Regi in subsidium miserat, quanquam à Germanis comitiis de abruptendo fœdere appellata; responderâtque *se non tam facile odia aut amicitias ponere.* Tum Rex ut Campaniam tegeret, Ducem Niuernensem Catalaunum cum milite immittit; Comitem Sancerram in oppidum Sandesirium; adiunctis Riuiero & Landa, præclarissimo illo duce qui Landresio Cæsarem depulerat. In castra Cæsar venerat, comitantibus Mauricio Saxone, Alberto Brandeburgio, & Renato Orangio Nassauij filio; rebaturque oppidum cæterorum instar quæ cepisset continuo expugnari.

FRAN-
CIS-
CVS I.

Ligny
en Bar-
rois.

FRAN-
CISCVS
I.

Briffaci
clade.

dum. Sed hætenus in muros & munimenta nondum in viros pugnauerat, toto mense certatum est ad machinas, vrbi admouendas; quibus tandem adinotis, cùm muri ruinâ ingenti paterent, Hispani primi omnium faciunt impressionem succedunt Itali, postremò Germani, cuncti vigilantia & fortitudine Landæ ac Francorum repulsi tam strenuè, vt cæsis suorum millibus, Cæsar ab vi ad obsidium lentum deflexerit. Carcebant interea exercitum Cæsaris, & pabula intercipient, Niuernensis Catalauno erumpens, Stenæo Aumalius & Vitriaco Brissacus. Hic præcipuè cùm permolestus hosti interpellaret quietem, & erat Vitriacum Sandesirium inter & Catalaunum, bis mille peditibus & quingentis equitibus oppidum tenens, graui admodum clade affectus est. Franciscus Estensis Cæsariani equitatus Legatus, adiuncto Fustembergio, ductisque octo Germanorum millibus, Brissacum imparem viribus, vltra Matronam amnem depellit, pedices ad ripam amnis interceptos cædit, captoque Vitriaco inijcit flammam; Brissacus cum equitatu Catalauno exceptus est. Urbem interim premebat penuria tum sulphurei pulueris, tum alimentorum; & Landæ mors animos militum deiiciebat. Vir fortissimus, dum nocturnis defessus vigiliis se in cubiculum recipit, tormenti globo fortè & temerè emisso, peruadente in cubiculum, auulso capite, cæditur; & eodem die fatoque simili, Renatus Orangius, charissimus Cæsari, in castris, pilâ maioris machinæ, occidit. Iam vtrique exhauriebant constantiam, tam qui defenderent quam qui oppugnarent, cùm interceptæ à Guisio litteræ, vtrisque fecit satis, existimatione incolumi. Arcanæ notæ quibus Guisus suas litteras ad Sancerram Præfectum vrbis perscribebat, fortè delatæ ad Cæsarem (quamuis alij à Stampensi Ducissa submissas affirmant)

affirment) & opportunitas confingenda Epi-
stolæ, Cæsarem in consilium nouum impel-
lunt. Scribit ad Præfectum nomine Guisij, vt
deditionem conficeret, Regem ad mitten-
dam opem nondum instructum, ipsi sat fo-
re similes incolumis educatur. Litteris lectis,
Sancerra, cùm ad extremam penuriam ve-
n- tum esset, haudquaquam discussis an veræ
essent; quippe veras credi expediebat, fecit
deditionem amplissimis conditionibus. Tum
Cæsar Anglum appellat, vt iunctis armis,
quod inter se statuerant, simul Lutetiam
versus se conferrent; Anglus excusat, quod
obsessâ Bononiâ nequiret abscedere; Cæsa-
rem iam plura oppida expugnasse, vbi & ipse
aliquot ceperit, tunc reliqua fœderis pacta
impleturum. At Cæsari iam magnam partem
attritus erat exercitus, multi Hispanorum
cassi, Germanorum dilapsi haud pauci; con-
tra Regius augebatur in dies, integer adhuc,
recensque virum. Ergo in pacem pronus,
Anglo assentiente vt de ea priuatim ageret,
clam sermonem de abdicando bello insinuat,
per Gusmanum Hispanum nobilem, è Do-
minicana familia Monachum, qui Lutetiæ
addicebat operam studiis. Et in Regis con-
silio diuersæ proponebantur sententiæ.

Aulam regiam duæ factiones distrahebant
admodum, & à bono publico auertebant;
& ex quideri non à Principibus ortu aut
potestate viris concitata, sed à duobus fœ-
minis æmulatione formæ & ambitione cer-
tantibus. Ducissa Stam ensis Regis dudum
potens, clauum moderabatur, cùm Diana
Pictauiensis exurgit: illa Sanualerio patri,
vni ex Borbonij familiaribus, & consilio-
rum in Regem conscio, commendata digni-
tate formæ, exorauerat veniam; & pro mor-
te certissima impetrauerat vitam; mox nu-
pta Ludouico Brezzo Senescallo Norman-
niæ, in aula versata frequentius, quanquam
iuuentutis

FRAN-
CIS-
CVS I.

XVIII
Iax
Crestia
ensis.

Diana
Picta
ensis.

FRAN-
CIS-
CVS I.

iuuentutis flore emarcido, Delphinum ingenio illecebrisque instructissima mulier ita deuinxerat atque adstrinxerat, ut ad suus nutus Principis animum gratiamque quâ liberet conuerteret. Enata extemplo eam inter & Stampensem æmulatio, discordiam primum, mox odium parit; quippe Stampensis Pictauiensi & ætate suppar, & forma præstantior, & potestatis vltu stabilito, sibi æmulam nasci æquo animo ferre haud poterat. Attamen cum eam Delphino niti animaduerneret, pluresque orientem Solem quam cadentem respicere, sibi etiam nouum paratura fulcrum, & annorum robore duraturum, ad Aurelianensem accesserat; generosissimum iuuenem, & in vulgus nobilitati percarum. Nec eam discordiam nesciebat Cæsar, perspicacissimus Principum, linceisque oculis in æmulorum mentes peruadens, qui eam ut aleret, in pacis conditionibus Aurelianensi filiam in coniugem offerebat, datis in dotem Flandris aut Insucribus, quæ spe Aurelianensem atque ipsam Stampensem sic allexerat & conciliauerat, ut ab ea certior in dies fieret, de iis quæ in Regis consilio statuerentur; nec existimabat fœmina se proditoris noxam contrahere, quæ Regij adolescentis vtilitatibus impensè studeret; eratque Longauallius, prauo quidem ipse & corrupto animo, interpret & conscius omnium quæ Cæsari ambitiosa fœmina nuntiaret. Cæsar nihilominus dum de pace agitur, quoniam magnam alimentorum patiebatur inopiam, ultra progressus ad ripam exteriorem Matronæ, victum potius militi quàm victoriam comparans, penitus in Franciam se abdebat. Ad amnem interiorem incedebat Regis exercitus, vno alueo tantas copias & incensa odia dirimente; at sclopetorum pilis, & militatibus iocis, lacerati inuicem, cum Hispani Francis Perpinianum obliicerent,

obiicerent, illi Hispanis Carinianum repone-
rent: sed Cæsarem propè omnia iam de-
ficiebant, & ad inopiam adductus exercitus,
ad necessitatem cuiuscunque pacis agebatur;
cùm Stampensi clam per Longauallium ex-
ponente, accipit Epernaij magnam alimen-
torum copiam asseruari, immunitum oppi-
dum ponte incustodito posse adiri. Sanè
Delphinus pontem euerti iusserat, commea-
tum Epernaio asportari, ac corrumpi quæ
deferri non possent; sed mandata in diem
tertium Stampensis industriâ prolatata erant,
intra quem Epernaium Imperator capit, &
languentem militem ope commoda suble-
uat. At commeatu longè opulentiore idem
instructus est, postquam eiusdem consilio
foeminæ, Theodorici castrum occupauit, Pa-
risiisq; admotus propiùs, trepidationem in
immensam urbem immisit. Excurrebat ho-
stis Meldas vsque, tantusq; terror Parisien-
ses inuaserat, vt de fuga vna solliciti, cætera
omnia, dignitates, honorem, domesticos
Lares, Regem & patriam, flocci habuerint.
Tota ciuitate ad exportandas sarcinas festi-
nabatur; Sequana lintribus, viæ curribus
sternebantur; feruebat maximè quâ Aure-
liam itur, in subita trepidatione peribant
plura quàm asportabantur; ipsa etiam salus
atque incolumitas vitæ, cui fuga consule-
rent, in discrimen maius vocabatur; grassa-
toribus vias obsidentibus, & diripientibus
quæ domi fuissent tuta & integra; adeò cæ-
cus timor est, & plebeis exceptus animis,
præceps in miseras ruit quas cauebat. Rex
vt eum metum discuteret, Cardinalem Meu-
donium, Ducemque Guisium Parisios mise-
rat; sed iis vera incassum afferentibus, cùm
metui tam aures quam oculi desint; Rex ip-
se intra urbem subiit, iussu Delphino ad
eam exercitum admouere, & malum seueri-
tate compescere tandem oportuit, promul-
gato

FRAN-
CISCVS
I.

*Meu-
don.*

FRAN-
CIS-
CVS 1.*Cressy*Anno
1544

gato edicto, quo absentes nisi se restituerent vrbi, dignitatibus & facultatibus, addicendis in fiscum, spoliabantur. Ea inter in-crebruerant de pace colloquia, discordiâ inter Cæsarianos milites ortâ, ob Hispanæ gentis cum Germana æmulationem; ac tametsi Delphino pax admodum iniucunda esset, siue quod Princeps artem Cæsaris mentemque intimam peripexisset, siue generositate regiæ indolis, pugnam appeteret, Cæsarique inuadenti alienum, rependere talionem vellet, siue testâ in fratrem inuidiâ, quem augeri tanta ditioe expédire regno laud censeret; tamen qui prudentia pollebant, reuocatis in memoriam pugnis, Cre-ciaca & Pictauiensi, abhorrebant à decretorio pralio, quo Carolus amitteret vnum exercitum, Rex totam Franciam in discrimen certum coniiceret: maximè cum Anglus integer, victori etiam formidandus. Itaque cum Imperator per Valesios ad Sue-sionenses tenderet, Gusmano Monacho com-meante, actum de pace serió, & pacta as-sentiente Rege constituta. Crespiaci in Va-lesiiis agebat Cæsar, dum ab ipso Legati Gon-zaga & Nicolaus Granuella Cancellarius; ab Rege Annebaldus, Nullius supplicum libel-lorum Magister, & Baiardus Amanuensis sanctionis Concilij, in eas leges conueniunt, quas sagacissimus Princeps Carolus insinua-bat, ponebátque retia quibus solerter se ex-pediebat, æmulum Regem incautum nimis-que credulum implicabat. Per eas sancitum, vt intra biennium Carolo Aurelianensi Im-perator filiam suam in coniugem daret, cum Belgio, aut neptem ex Ferdinando fratre cum Mediolanensibus; adiunctæ plures con-ditiones alterutro coniugum præmoriante; deinde vrbes post Nicense colloquium cap-tæ, restituerentur; quod iniquum planè Regi erat, restituenti plus viginti oppidis;

&

& ab Imperatore nullum præter Sandefirium accipienti : Tum Rex in Turcam militem suo sumptu scriberet alerétque. Promulgata pace, Bruxellas profectus est Imperator, comitantibus Aurelianensi, Cardinalibus Lotharingo atque Meudonio, & Hunaldayo; iisdémque obsidibus, dum ultro citróque tum in Campania tum in Subalpinis vrbes redderentur, quod & patratum est, Cæsaris magno compendio, & gaudente Francia, quod iactura leui periculum ingens & maiorem metum redemisset.

Verùm excussio Imperatore, supererat adhuc Franciæ quod profligaret. Etenim Henricus Rex Angliæ ex pacto cum Cæsare inito, exercitum duxerat, obsidebátq; Bononiam. Conuenerant Principes vt Parisios rectà contenderent; sed cùm Cæsar Lucemburgum aliáque oppida caperet, & ex communi bello priuatum fructum decerperet; Henricus similiter vrbes aggressus est, Monstrolium & Bononiam, suam ipse rem promoturus fœderati exemplo. Erant quidem auctores ipsi quàm plurimi, vt in Normanniam primùm exscenderet, maiorum patrimonium, inanem viribus arcibúsque prouinciam; abductum Regem ad Campaniæ limites ad repellendum Imperatorem, imitandum Henricum V. qui per occupatam Normanniam, ad vniuersam Franciam gradum posuerat. Et verò nihil regno perniciosius obuenerat. Attamen Picardia & ipsa nuda milite admotáque Caletio hostem exciuit. Igitur postquam Henricus in eam urbem applicuit, cum triginta hominum millibus, excepítque ab Imperatore tria equitum millia, ac decem peditem; quos Comites Roesius ac Burenus adduxerant; Norfolcium ducem ad Monstrolium obsidendum mittit, ipse vallo Bononiam claudit. Biesius Marescallus Picardiæ pro Vindocinensi Legatus, & Præfectus Bononiæ,

FRANCISCVS
1.

XIX.

*Angliæ
capit
Bononiam.*

*De
Bres.*

noniæ , in eam Veruinum generum iam immiserat , ipse Monstrolium , quod infirmius oppidum erat se recipit. Ac trimestri spatio quo Imperator percurrere Franciam , oppugnandis urbibus Anglus intenderat , præsertim Bononiæ , quam patientiâ potius quam armis urgebat. Nec Vindocinensis tranquillè ipsum sinebat agere , castra perpetuis incursionibus vexans , quanquam raro milite , & abductis in exercitum regium copiis. Deinde cum Crepiaci de pace agebant Principes , legauerant ad Henricum Cardinalem Bellaium , uti & ipse in fœdus veniret : ille cunctatione responsum differens , postquam Veruinum timere perspexit , ut metum augeret , aliquot impressiones in murum instituit ; quæ repulsæ haud ægrè , Philippi Corsi Centurionis strenuitate , attamen Veruini animum expugnabant. Quippe ille , Corso dum propugnat murum interempto , prohiberi non potuit , quin de tradenda urbe transigeret. Bononienfès recipiebant se urbem suis corporibus tuituros ; certò nuntiatur , Delphinum cum exercitu in via agere , & intra triduum futurum urbi auxilio ; vis ingens imbrium ita solum diluerat , ut instituere aggressionem hostis non posset ; at eos obices per rumpebat timor , nihilque Veruinum dimouere potuit quin per summam ignominiam urbem dederet. Extemplò Anglus ciues cunctos eiicit , inducitque nouam Anglorum Coloniam. Et verò Delphinus sancta pace cum Cæsare , exercitum in Picardiam ducebat , cuius famâ Norfolcius territus , soluta obsidione Monstrolij , se ad Henricum receperat , qui captâ Bononiâ , & munitâ præsidio , Caletum secedit. At Delphinus properanter inuectus , ne inanis celeritas foret , ex Tribunorum consilio , Bononiam inferiorem aggreditur ; in eam nullo muro cinctam , arcta fossa duntaxat munitam,

tam , Angli tormenta & militarem apparatus omnem coniecerant. Franci in duo agmina distributi in eam peruadunt ; primum ducit Fouquerolius alter Biezij gener, postremum Taisius, primoque impetu Anglos cadunt, ac commeatum diripiunt. Verum Seymerus Sommerseti Dux ex vrbe superiore, inferioris calamitate perspecta ; nec dubius quin victores vna prædæ cupiditas raperet, seligit cohortes aliquot, easque agit in prædantes Francos, qui perculsi improuiso hoste, partim caduntur, partim in fugam mandantur, occiso Fouquerolio, & Taisio faucio, neque amplius redintegrari prælium potuit, cumque Delphino nec machinæ essent, nec cibaria, regrediendum fuit, conatu inani, & Biezio Monstrolij hærente, vt Angli consiliis inuigilaret.

Proxima hyeme de pace aliquoties actum, quæ ad Bononiam ceu ad scopulum impacta; eam enim urbem Anglus retinebat, Francus reposcebat; ad instaurandum bellum decursus est. Franciscus duos exercitus potentissimos terrâ marique instruit. In classe spes maxima certissimæque fiducia, quam Admiralius regeret. Eam constabant centum quinquaginta ampliora nauigia, minora sexaginta; triremes viginti quinque, à Paulino Gardia per fretum Gaditanum in Oceanum vectæ, & duodecim onerariæ Genuenses; nauésque conuenerant in Portum Gratia, ad Sequanæ ostium Rex ad spectandam classem aduenerat, lustrabátque pompam potentia suæ, cum inopinato casu, obit oculis subitam calamitatem. In naui prætorialicis foeminis præbiturus epulum, in eam toto Oceano maximam pulcherrimam & validissimam coquos immiserat; qui dum temerè dant operam in sentina, & tumultu solito epulas instruunt, ignem primum in tabulatum, mox in pulueris armamentarium immittunt;

FRANCISCVS
I.

Fouquerolius.

XX.

Belii
cū Anglio
Francis.

Havre
de Grace.

Nauis
flagrās.

immittunt ; quo in flammis statim acta na-
uis ; dein pilas ciaculantibus tormentis (&
quidem centum eam armabant ,) & in fru-
stra discerpta ; tum ipsa miserè conflagrauit ,
tum proximas naues lacerauit pilis atque
perfregit. Sinistro omine nauigans classis ,
cùm ad Vectim insulam applicasset , nullum
operæ pretium dignum sumptibus fecit.
Nam cùm Anglicam in certamen elicere fru-
stra tentasset , & Angliæ oram diripuisset ,
maiore tumultu quàm damno , reuocata est
in Normanniam , dimissisque in Mediterra-
neum mare triremibus , quasi spiritu & viri-
bus destituta , in anchoris hæsit. Vnà cum
classe terrestres instruxerat copias , ex milli-
bus militum triginta quatuor , quibus Bie-
zium Marscallum præfecerat ; cùmque ius-
serat ad Bononiam castrum erigere , quo ex-
cipi possent quinque hominum millia ; ad
claudendam vrbein ; simulque vt portus
ostium castri tormentis obnoxium opitulan-
tes Anglos non exciperet sine detrimento.
Sed Biezius , vt creditum est , prorogandi
belli cupidior , quo in Principes vsurpabat
imperium , castrum incommodo loco crexe-
rat , quo portus à tormentorum ictibus planè
immunis , tamque arcto spatio castrum desi-
gnauerat , vt quingentos duntaxat homines
caperet. Vnde nouum fossis oppletis instau-
randum fuit. Præterea sparso rumore ventu-
ros Anglos vt Bononiam comineatu instrue-
rent , occursurus ipsis Biezius , Tribunis re-
pugnantibus , exercitum ab vrbe abduxit ;
& in Lamberto monte consedit. Quo in lo-
co cùm crebris velitationibus Francos An-
gli , inuicemque lacefferent , vulnus atrox
illatum est , omnibus Historicorum scriptis
celebratum. Franciscus Aumalius Guisij fi-
lius cùm in hostem rueret , lanceæ Anglicæ
ferro in vultu læsus est ; idque adactum inter
nasum & oculum , cùm oblongum esset nec
admodum

admodum crassum, per ipsum caput in occipitium penetrauit, & posteriore galeæ parte perfossa infringitur, hæretque in capite. Nec ideo saucius, quod incredibile videatur, viribus aut animo deficit, sed strenuè se ab hoste eripiens, in castra regreditur, curatus postea sanatusque, Medicorum in cura desperantium admirabilitate quam maxima. Ilque Franciscus est, qui pro patria deinceps & religione fortissimus, fidem miraculo quo seruatus est faciet. Sic eo & sequenti anno bellum patratum est, gestumque velitationibus plurimis, nulla pugna. Attamen Bononiam Angli retinebant; ac tametsi Theobaldus Roualtus castrum erectum propugnasset eximie, repulsis Anglis qui ex urbe proruperant; Biezius vno alteroque leuiori prælio Anglos fudisset, magnâ strage editâ; & Franci agrum Oium opportunum Anglis peruassissent; imò Bononiense præsidium pestis atrox demeteret; tamen bellum procedebat, & incendebantur certatim animi. Sed eius diuturnitas deinum pacem peperit. Anglum tantæ impensæ tædere ceptum est, iamque exhausto arario, & subditis tributum nouum negantibus, de pace agi-prono animo Henricus assentitur; & Legati conueniunt Annebaldus cum Raimondo præside Rothomagensi ab Francisco; ab Henrico Dudlæus Admiralius, & Pagetus arcanorum Amanuensis. Sancita pacta, ut Henrico dum viueret in pensionem annuam aureorum millia nonaginta quinque soluerentur; octauo post anno ipsi aut hæredi, auri vicies centena millia penderentur; tum ob priora debita nondum persoluta, tum ob præsentis belli impensas; isque Francisco Bononiam, castra noua & vetera tormenta, omnemque commeatum, bona fide traderet. Iurata est pax magnâ vtriusque gentis lætitiâ. Sed retenta Bononia, dum pecunia soluitur.

FRANCISCUS
I.

De
Romanis

Contrée
d'Oye.

Pax
cum
Anglo.

Anno
1546

FRANCISCO I. soluitur. Sic Francisco ab tantis ærumnis conquiescere licuit, indultumque spatium ad fututam vitam cogitandam, ad quam ereptus est anno consequenti.

XXI.

Regis
mors
post a-
liorum
funera.

Sed ipsius fato morte plurimum est prælusum. Primum Carolus Aurelianensis, charissimus filius, indolis & virtutis commendatione illustri, febris extinctus est, simulque spes occidit amplissimi matrimonij. Deia morbo occubuerunt Antonius Dux Lotharingæ, Franciscus Sanpaulius comes, frater Vindocinensis, & Enguiennius acerbissimo casu; nam cum niueis globulis adolescentibus aulici decertarent; vnus domum propugnantibus, expugnantibus aliis, cum propugnantibus deficerent globuli, quidam eorum per fenestram arcem proiecit, qua Enguiennio sauciatum est caput, & erepta postmodum anima. Sed nullius fato tam vehementer Franciscus commotus est, quam Henrici Angliæ Regis; erant ætate prope modum pares, studiis iisdem, rebus, & bellis ab ætate prima instituti, ipsiusque mortem sibi dictum Vadimonium reputans, exclamabat crebrius, *Frater natu maior discessit*. Et antea præclaram & forsitan necessariam occasionem belli dimiserat. Aurelianensi einortuo nutabat fœdus Crespiacum, fulcro euerso, nouumque constitui haud dubie oportebat; eam in rem Oratores, ad Casarem, Annebaldum Admiralium & Franciscum Oliuerium Cancellarium miserat; qui responsi nihil retulerant, præter eas voces; *Casarem nisi prouocetur, cum Rege illibatam pacem habiturum*. Sanè illum ingenti gaudio mors Aurelianensis affecerat, & promissi nexum supra votum exoluerat; nec enim vlla conditione Belgium aut Insubres abalienasset. In præsentia in Protestantes Germanos bellum coquebat atque appa-
bat, eratque patrandi opportunitas maxi-
ma;

ma ; cò longè maior , quod in opem Franciscus imploratus à Protestantibus , eam pernegavit , pace excusata , quam contraxerat nuper. Nam Cardinalis Turnonij sententia in gratiam religionis obunuit. *Pro fama & existimatione Regis contendebat ; fidem omnibus factam , Casarem pietatis causâ bellum inferre , Pontificem fœderatum & in partem sumptus vocatum ; quid Caesar , quid Pontifex , quid Orthodoxi Principes dicerent ; si Francia Rex Christianissimus pacem nuper iurata infringeret , ut rebelles atque hæreticos , aduersus Imperatorem ipsûm.que Catholicum propugnaret , ignominiâ Turcici fœderis nondum abstersâ.* Ad ea accedebat Francisci morbus iam ingrauescens , & prænuntius futuri obitûs. Recrudescebat malignum vlcus , anum inter & velicam enatum , anno antè octauo , quod Medicorum sæuâ indulgentiâ curatum mollius , vltra serpebat , æstu intolerabili concitato , mox febri correptus , lecto decubuit , seque ad mortem proximam Rambulleti Christiano ritu comparauit. Noxis expiatis Sacramento Pœnitentiæ , fidem palam professus , & qui spectabant adhortatus ad eam inconcussè seruandam , prouolutus in genua , magna animi demissione , & delictorum veniam à Deo postulat ; tum victimâ pastus sacrosanctâ , præclaras Delphino admonitiones insinuat ; donec aucta vi morbi , in IESV nomine pronuntiando animam emisit , vitæ anno quinquagesimo tertio. Verè quidquid inuidia obgannierit , Magnus. Conformatio corporis maiestâsque oris depingebant Regem ; mens pulchrior in pulcherrimo corpore hospitabatur ; celeres animi motus , ad scientiarum arcana sua luce peruadens , amplissima omnium rerum memoria quam nihil fugeret ; Latinæ linguæ rudimenta vix delibauerat ; sed vi ingenij , & doctorum consuetudine,

FRAN-
CISCVS
I.

Anno
1547
Fran-
cisci
dotes.

dine, artes omnes & doctrinâs exhausterat. Præclarus eloquentiâ naturali, Philosophiâ, Astronomiâ, Cosmographiâ, atque Poëticâ; doctarum Artium mentem ut ita dicam, intimumque animum penetrauerat; Musicæ, Architectonicæ, Picturæ, & Statuariæ supra artifices ipsos peritus. Nec virtutes Regias in priuatis desideraueris: nam erant in eo robur animi excelssimum, inexpugnabilis fortitudo, aperta ingenuitas, inuiolabilis fides, inexhausta liberalitas, magnificentia Regia, clementia facilis, humanitas summa, sincerus pietatis & religionis cultus; quæque propria eius virtus, in aduersis constantia, quæ prosperorum vitia nauosque expungeret. Namque ut fatear præclarissimum Regem suis nauis contactum, quos in decursu rerum ex historiæ fide adscripti; attamen uti egregiè obseruat Mezeræus, à nemine minus quàm à litterato, suæ noxæ Francisco obiciendæ sunt: qui litteras tanto studio adamauit & coluit, ut meritissimo iure, litterarum pater atque instaurator, tum viuis dictus sit, tum omni apud posteros æuo, nuncupandus. Nec indigni sunt qui adscribantur Francisci trophæis, doctissimi viri, Bellaij fratres tergemini, Georgius Cardinalis Armaniacus, Monlucius Episcopus Valentinus, Castelanus Matisconensis, Danellus Lauaurensis, Pelicerius Monspeliensis; Budæus, Baius, Espencæus, Michaël Hospitalius, Sangelasius, Vatablus, Tusanus, Adrianus Turnebus, alique plurimi, quorum laudatio sempiterna, sui auctoris atque fautoris in vltima tempora propagabit memoriam. At magnificentiam ne quis in effusionem existimet discessisse; non erit superuacaneum obseruare, post eius obitum quadringenta aureorum millia in ærario reperta, debitamque à subditis quartam vectigalium partem, nondum delibatam: quanquam nullus

nullus Principum pecuniæ minus parcebat; in ædificiis, quæ plerique in locis Regio sumptu extruxit; tum Parisiis, tum in agris; in pretiosa supellectile, gemmis, peristromatibus, tabulis pictis, statuis, sculptis imaginibus, libris, immenso pretio comparandis; ut bella, lusus, dona, & conuiuia taceam; ut videatur expensæ habita ratio; nec effusum temerè, quod in res tam multiplices inexhausta liberalitate perductum est.

Intus & foris res pacatæ erant, cum Franciscus obiit; iamque ante Henricus, eo nomine II. adhibitus regimini, atque adolescentiæ flore iam maturo, quippe annum agebat vicesimum nonum, videbatur æquali textu & serie confecturus exorsa. Attamen postquam funus patri fratribusque posuit, & Rhemis oleo sacro inunctus est; magnam in Aula commutationem effecit. Moriens pater imperaturo mandauerat, ne Annebaldum amoueret rebus, nam erat vir probus, alieni abstinens, & sincera mente tractabat rem publicam; ne Guisiam domum nimis attolleret; ac præ cæteris ne Mommorancium Comestabilem reuocaret; si regno cautum eiusque commodis vellet. Regibus post mortem obtinere imperium rarò permissum est; filius viuo patri obsequentissimus, veluti soluto cum vita imperio, statim Annebaldum & Cardinalem Turnonium amouet, litterisque Mommorancium clauo apponendum accessit. Henrici in eum beneuolentiæ causa multiplex traditur. Prima quòd Delphinum Mommorancius à Phocensi expeditione studiosè coluerat; altera quòd de eo magnam Delphinus conceperat opinionem, quasi ductu suo atque prudentiâ Franciæ regnum eripuisset ruinæ; sed maxima & efficacissima fuerat Diana Pictauiensis, quæ ortâ in Stampensem æmulatione, sibi ad gratiam atque potentiam asserendam, posuerat fulcrum, &

FRANCISCVS I.

XXII.
HENRICVS II.

Mom-
moranc-
cius re-
uocatur.

firmissimum stabilimen. Quippe haud igna-
ra odij quod Stampensem inter & Mommo-
rancium intercesserat, cuius odij instinctu,
Chabotum Mommorancij æmulum damna-
tum, Stampensis restituerat dignitatibus, ac
Regi reconciliauerat; ipsum Mommoran-
cium aulâ expulerat, & Francisci in eum
alienationem aluerat; gnara inquam eorum,
Henrici amicitiam in Mommorancium pro-
mouebat clanculum, collaudabat viri fidem
atque industriam, ac demùm in aulam ho-
nорificentissimum reditum comparauit. Nec
in vnum Mommorancium Rex beneuolen-
tiam contulit; penitus in eam Guisij fratres
admissi, Franciscus Dux Aumalius, & Ca-
rolus Rhemensis Antistes, postea Cardina-
lis Lotharingus dictus; adiunctus etiam Ia-
cobus Albo Santandreas, qui singuli at-
tâ necessitudine Regi coniuncti sunt; di-
uerso tamen amicitiae gradu & sensu, vt
Mommorancius coleretur pro patre, dilige-
retur instar fratris Guisius, Santandreas
Percharus impulsu indolis haberetur. Verùm
quantùm amoris flammæ, amicitiae igniculis
præualent, tantùm Diana cæteris omnibus
præpollebat: mulier iam ætate prouectior,
& solâ formæ memoriâ commendanda, arte
ingenij admirabilique solertiâ, mater dua-
rum filiarum quas ex Bresæo marito susce-
perat, Henricum illigatum coniugio, ita
mancipauerat sibi, & quodam amoris fasci-
no dementauerat, vt regni Regisque planè
compos & domina, ad arbitrium omnia con-
stitueret atque peruerteret. Igitur eius im-
pulsu dignitates aulæ & munera eripiuntur
meritis, iisque traduntur quos sibi obno-
xios faceret. Taisius rei tormentariae Præfe-
ctus, quod de ea & Brissaco amatorium quid
narrasset, aula & dignitate deiicitur; & in
eius locum suffectus Brissacus, virili pulchri-
tudine supra cæteros omnes spectabilis, qui
gratiam

gratiam forinâ oris partam , mox virtute summa asseruit. Eadem de causa Bayardus vir integer , Scriba sanctioris Concilij, coniectus in carcerem , vitam in eo ex dolore posuit , & Villaregius muneris confors deturbatus pariter ; Vallius ærarij Quæstor deiectus est ; Stampensis iussa abscedere , iamque Aulæ ludibrium, in priuatas ædes se condidit , nouam impietatem amplexa , ne vitæ exitus discreparet curriculo ; Longauallius ipsi charissimus , redemit periculum , pulcherrimis ædibus Carolo Guisio datis : ex duodecim Cardinalibus Francis , septem Romam missi , specie Comitiorum , si iam grandæus Pontifex mortem obiret ; ipsa re vt ab rerum regimine abessent longius. Mox Santandroanus dictus est Marescallus , Annebaldi loco , qui iussus deponere alterutram dignitatem , Admiralij aut Marescalli, Admiralatum retinuerat ; dein quarto loco creatus est Marescallus , Robertus Marchanus Sedanensis , qui alteram Dianæ filiam uxorem duxerat. Ad eandem perturbationem rerum , reuocanda Biezij Marescalli & Veruini generi damnatio est ; ob Bononiam Anglis traditam , qua damnatione Veruinus capite plexus est , & Biezius palam nobilitate deiectus , quod eam urbem custodi tam indiligenti dedisset ; isque paulò post in suburbio sancti Victoris dolore contabuit. Fuerat Henrico acceptissimus , & ab eo iuvene electus præ cæteris , à quo in militiam equestrem adscriberetur ; quod ante in Franciscum Baiardus contulerat : crediturque Henricus in eam seueritatem à Mommorancio pulsus , ob veterem æmulationem ; sanè bonum Principem acerbitatis tantæ poenituit ; & Veruini filius sub Henrico III. retractato iudicio , patris auique memoriam dignitati & integritati restituit. Postea in malum omen Casteneraij fatum acceptum est. Ille

HEM-
RICVS
II.

du Val

*De la
Mark
Sedan.*

*Chast-
gnerays*

HEN-
RICVS
II.

prouocato in singulare certamen Chabotie larnaco, viribus fretus, audacia, & Regis beneuolentia, cum spectante Aula in sancto Germano, pedibus, ense, & breuiore sica depugnasset, accepto à larnaco vulnere, pro victo est habitus; moxque impatientia ignominia, abruptis plagæ ligamentis, tantum emisit sanguinis, ut vitam simul desperanter emiserit. Interea Imperator perdomabat Germaniam, illustrique victoria de Saxone reportata, vrbes Smalcaldici fœderis subigebat; statim vicinis formidandus futurus, maximè Franciæ. Henricus eam ob rem limites inspecturus, pacato itinere per Campaniam & Burgundiam circumducit Regnam; imò in Sabaudiam & Pedemontium pergit, lustrans oppida, militem, & munimenta, exceptus Lugduni celeberrima pompa, & Molinis gemino Matrimonio publicum gaudium augens; vno Antonius Borbonius Dux Vindocinensis Ioannæ Albretiæ iunctus, data in dotem spe regni Nauarrici; altero Franciscus Aumalius, Annam Herculis Ferrariensis & Renatæ filiam vxorem habuit. Et ea minuta maiorum rerum præludia, decurrebantur tranquillè, cum Aquitanica seditio, instar procellæ grauissimæ, serenitatem Aulæ conturbat.

XXIII
Seditio
Aqui-
tanica.

Franciscus vestigal salarium in vniuersam Franciam imposuerat; id cum plerisque durum videretur, Aquitanis maximè durissimum erat, qui ad salinas admoti propius, & naturæ beneficio retrò vsi ab omni atate, ægerrimè redimebant, quod aquæ instar & lucis publicum omnibus suo in solo pateret. Accedebat Publicanorum redimentium sallem acerbitas, & Magistratum, qui eam in rem vnâ creati, auarè & crudeliter plebem exactionis & iustitiæ nomine diripiebant. Franciscus quamdiu imperauerat, siue quod bellis grauibz assidue vexaretur; siue quod

quod veneratio, mali sensum extingueret; siue quod spes proximæ pacis spem simul faceret vestigialis tollendi, quicuerat populus, nec facinore villo patientiam læserat. In præsentia, veneratione Francisci extinctâ, pace parta bellisque oppressis, nulla spe leuamenti, tandem in furorem patientia desit. Apud Inculismenses prima incendiij scintilla illuxit: quidam rustici cùm Publicanos qui agebant Coniaci expulissent suo pago, pulsata Templi campana ad plebem concitandam, è proximis pagis conuenitur, duxque eligitur Galafrus nomine. Continuo inuadente proxima quæque incendio, & quodam nobili Puymoræo seditiosos ducente; Inculismenses, Pictones, Santones, Insulæ, Marchia vtraque, Meduli, & cæteri Aquitani Oceano admoti, momento dirâ peste corripiuntur. Henricus Nauarræ Rex Aquitanix Prætor, Cataphractos trecentos in perduelles immiserat; sed eum in apertam necem incurrerent, eos reuocauit. Quare nullo fræno, nullo metus aut reuerentiæ obice, effusa plebis impotentis insania, per omne nefas furorem explebat. Non modò Publicani tota Prouincia necati crudeliter, direptæ & incensæ illorum ædes, tum vrbane tum rusticæ, vxores & liberi, quanquam innoxij, raptati ad necem; verum etiam plures, ad quos res salaria minimè pertinebat, aut vindictæ sibi, aut diuitiarum cupiditate, impasto odio nomine Publicani, mactabantur inhumaniter; nullo in amentiam furentem asylo. Mox Burdegalam urbem primariam, quod rei caput erat, atrocissima illa lucis inuadit; plebs salarios Magistratus expellit, aduolat in ædes publicas, arma ex armamentario deripit, & campanâ per horas octo continuas arma nuntiante, iamque Senatu quâ metu quâ infirmitate nusquam obnitante, sæuit passim in Publicanos misc-

HEN-
RICVS
II.

*Puymo-
rean.*

HEN-
RICVS
II.

De
Mon-
neins.

la Ver-
gne.

Anno
1548

Langon

ros rabies. Maximè in vnum coactorem tri-
buti effusa immanitas, quem lentius exqui-
sitis suppliciis cruciatum, morti demùm ad-
dicunt, mórque Sacerdotem, qui noxas
confitentem audierat, cásque aperire flagi-
tantibus perægaret, per summum nefas
obtruncant. Interim Trifstanus Monnenius
vrbi Præfectus neglectis mali primordiis,
quæ forsan curationem admitterent, post-
quam immedicabile malum est, adhibet re-
media, egressusque arce Trompeta, in pu-
blicas ædes prodit, seditiosos reuocaturus à
scelere. Verùm furor obstructis auribus pro-
uectus in ipsum medicum, cohortantem
Monnenium aggreditur, ipso loco mactat,
discerpit membratim, artúsque sale asper-
fos, palam ceu venalem carnem proponit.
Eo die & nocte proxima, multi Senatorum
occisi, multæ ciuium opulentorum domus
direptæ, necatíque plures innoxij. Tandem
capessente auctoritatem Senatu, compesci-
tur tumultus, seditiosi aliquot rapiuntur in
pœnam; qui campanam pulsauerant, luunt
scelus capite, eorúmque capita campanæ
affixa; ex cæteris quinque necati suspendio,
& Vernius dux seditionis quadrupedum in
diuersa trahentium vi discerptus. Henricus
tumultu audito, cùm prætereà accepisset
Cæsarem Burenium Comitem legasse in An-
gliam, vt Anglo cupiditatem Aquitaniæ fa-
ceret; diploma mittit ad Burdegalenses,
quo ab armis discederent imperat, pollici-
tus se de salinariis Magistratibus inquisitu-
rum, & eorum scelera vocaturum in pœnam.
Eo diplomate compressa seditio, & iustæ
vindiçtæ opportunitas data. Etenim post-
quam conqueiuit tumultus, vt maiestas Re-
giæ sanciretur, dati Mommorancio atque
Aumalio exercitus gemini, quos inferrent
in Aquitaniam; & Aumalius per Pictones,
& Santones, Langonem venit; Mommoran-
cius

cuius Tolosa ad Garumnæ ripam Burdegalam; receptoque cum copiis Aumalio, decem hominum millia vehens, ab ipso aduentu vindictam, & truculentum animum præferens, per urbis portam ingredi noluit. Quippe Monnenij affinis sui necem ulturus, & magno facinore è proxima solitudine in lucem amplam educturus auctoritatem, oppressam ante atque emortuam, specie vindicandæ Regiæ maiestatis, priuatos affectus in ultionem suam exercuit. Murum latè dirui imperat, per eius labem instructo agmine, præuiis machinis, veluti in victam urbem ingreditur; nec admissus, se gerit aliter, quam si urbem vi ex hostibus recepisset. Armis ciues singulos exuit; ex iis centum & quinquaginta morte afficit; Salxij fratres & Estornacus nobiles capite cæsi; Galafrus & Talemagnus seditiosorum Tribuni, super rotam mactati, & candente ferro coronati. Iussi præterea ciues cadauer Monnenij tumulo vnguibus solis educere, sepulchrum in æde maiori ponere, veste lugubri ad Mommorancij hospitium accedere, & inclamare misericordiam, urbis immunitates suis ipsos dextris incendere, solo campanas demittere, atque in stipendium militum ducenta librarum millia soluere, interdicto Senatu: in reliquam Aquitaniam ingens pecunia indicta. Ita pœnæ de tumultu sumptæ; iustè quidem, sed ultra benignitatis limites porrectæ; Rege instar patris amplectente subditos, cui plerumque pœna citra culpam placet. Et verò Henricus, asperitate tanta improbata, Senatum & immunitates urbi restituit; quanquam haud integras; sublato etiam ipso vestigali.

Ille hanc remoram amolitus, Parisiis ingenti plausu cum Regina excipitur; gemimante lætitiâ Ludouici ortu; quam dum epulis, choreis, præliisque ludicris celebrat,

HEN-
RICVS
II.

*De
Saux.*

XXIV
*Bononia
reddita &
Angli-
capax.*

feriò de recipienda ab Anglo Bononia cogitat. Ab Francisci obitu appellatus de fœdere confirmando, responderat se tam iniquis conditionibus stare non posse; & simul copias in Scotiam miserat, ad consilia Angli retundenda. Quippè Angli vehementer optabant, Mariam pupillam Eduardo Regi suo Henrici filio, in coniugium tradere, vt Scotiâ adiunctâ Angliæ, tota in vnum caput Britannia conflueret; & amplam victoriam de Scotis retulerant. Verùm cùm ea res tam ad Francum quàm ad Anglum spectaret, Henricus cum milite primum Bironem in Scotiam miserat, tum Dessæum & Andelotium cum sex millibus militum, ac Leonem Strossium cum viginti quinque triremibus. Illorum ope pulsus Anglis Scoti superiores euadunt, coactisque comitiis enitente plurimum Regina matre, Regina infans adhuc sexennis Francis traditur, atque in Franciam vti in asylum tutum adducitur. Terminus paulò post in Scotiam missus Anglum haud semel vicerat; atque ipsum Anglum intestina calamitas ob religionem vexabat. Eo rerum articulo Bononiæ recipiendæ incumbit Henricus, & Parisiis coacto clam milite, exeunte Augusto, versus Bononiam exercitum ducit; primòque impetu plurimas arces prætensas vrbi expugnat, quæ singulæ longa obsidione, si viri eas propugnarent, intentatam vim repulissent. Vna supererat turris Ordinata; quam Octobri medio imbres copiosi cùm defendissent, Rex bello in proximum annum dimisso, præclusis vrbis turrisque aditibus, reuertit Lutetiam. Anglos intereà agitabant domestici motus; plebs fremebat in nobiles ob religionem mutatam & cupidissima veteris nouam eliminabat; Eduardus Seymerus Sommerseti comes & Regni protector Thomam fratrem affectati Regni accusatum, capite minuerat; & ipse à Ioanne Varuicensi Comite appre-

*Paul
de Ter-
mes.*

*Tenr
d'Or-
dre.*

hensus, coniectus in carcerem erat. Tandem Proceres vtrique malo facturi remedium, Varuicensi Seymerum eductum è carcere conciliant, contracta vtrumque inter affinitate, & cum Franco pacem iis conditionibus feriunt. Vt Bononia redderetur, acceptis quadringentis millibus aureorum; Reginae Scotiae pax similiter foret, eique duae urbes captae restituerentur; addita plura de commercij ratione; & Henricus Bononiae insigni pompâ exceptus, votum anathema Deiparae obtulit, eius imaginem in Argentea nauis, adiunctis quatuor lampadibus affabre in Argento sculptis. Mox faneribus aliquot Francia luxit. Claudius Guisus, Burgundiae praetor plurimis in regnum clarissimus meritis, morbo extinguitur. Ille Antonij Lotharingiae ducis frater, Renato patre, & Ferryo auo prognatus, qui Comes Guisae & Vademontij, Iolantam filiam Renati Andegauensis duxerat, & Lotharingiam in dotem habuerat; ille inquam Guisae & Vademontij Comes, quae minorum natu haereditas erat, in Franciam secesserat, & Francisco egregie nauarat operam, à quo riuum duxit Guisiana familia, magni in Francia nominis, & amplissimarum virtutum. Et confluxerant in eam Harcuria & Aumalia Satrapiae, Maria Ioannis Harcurij filia, Antonio Claudij Abauo enubente; cesserantque in patrimonium Claudij, praeter Guisiam, Harcuria atque Aumalia. At Claudio morienti sex nati erant superstites; Franciscus Aumaliae Dux quem deinceps Guisium nuncupabo, Carolus Rhemensis Episcopus, qui Ioanni patruo, dicto Lotharingiae Cardinali, in dignitatibus & appellatione successit; Ludouicus Metensis Episcopus, qui Cardinalis Guisus dictus est; Franciscus Claudius Aumaliae Dux magnus Franciae Prior, & Renatus Marchio Elbouensis; accedebat Maria Regina

HEN-
RICVS
II.

Anno
1550

*Guisto-
num
domus.
Ferry.*

*D'El-
bauf.*

HEN-
RICVS
II.

*Margari-
ta Nauar-
ra mors*

*Melfi-
tani
mors.*

Scotiæ Iacobi vidua. Et hæc necessaria ad illustrandam prosopiam erant, quæ proximis regnis utramque paginam inplebit Historiæ. Margaritam postmodum Reginam Nauarræ Aula mortuam luxit; dignam cui elogium totus Orbis diceret; tantus in ea Litteratorum amor & pauperum; ingenij præclarissimi femina, & amantissimæ humanitatis, quas ob dotes decima Musa & quarta Gratia dicebatur. Lutheranorum Sectæ adhæserat aliquantùm, sed illico veritate perspecta, fraudem abiecerat, pietate eximia vitam extremam commendans. Ioannes Caracciolus Princeps Melfitanus, Marecallus, ex Prætura Pedemontij, in Franciam reuocatus, in ea obiit; vir inconcussæ fidelitatis, cuius gratia, patria & facultatibus iam diu extorris, pro patria Franciam, atque officium pro facultatibus habuit. Carolus Brissacus huic successor dictus est, tam Pedemontij prætor, quàm Marecallus, & causa vtriusque muneris amor assignatur. Quippe cùm Diana Pictauiensis pulchritudine viri inflammata, conceptum amorem haud occuleret satis, Rex zelo actus virum honoris specie ablegat in Pedemontium; mox Dianæ precibus Marecallum dicit, absenti donans, quæ præsentem negaret. Nec ea in re Mommorancium Henricus audierat, qui Pedemontio præficere Castilionium ex sorore nepotem concupiscebat; quique in posterum Brissaco semper infensor fuit, quod id muneris inuito se admisisset: tã iniqua est aulica gratia, cui viri meritum & Regis beneficium pro iniuria est.

XXV.

*Merin-
doli
pana &
vltio.*

Ea inter Princeps admodum pius contra hæreticos pœnas instaurabat. Constitutum in eos ignis supplicium & assignati iudices, qui nullâ veniâ flagitium plecterent raptusque in supplicium ex ipsa Regis familia furor; quem flagrantem cùm è fenestra proxima Rex spectasset, mansuetudine indolis
sic

fic permotus est, vt diebus plufculis, dirum
fpectaculum apprehenderet oculis. Attamen
Rex, fibi vno facto quidpiam ea detrahi de
laude patitur: quanquam haud fponde fua,
fed eorum impulfu, quibus dederat potesta-
tem fui. Duo pagi in Phoccenfibus ad
Druentiam erant medio amne obiekti, alter
Merindolium in Phocenfî prouincia, alter
Cabreria, in comitatu Veniffimo, qui Ponti-
ficiæ erat ditionis. Vtriusque incolæ magnâ
inter fe amicitia agebant, fecreti à reliquis
popularibus, ftupidi admodum fimplicifque,
in antris plerumque ædium loco verfantes,
à Valdenfibus vt putabatur vulgò oriundi,
Et quidem eorum hærefim ab tanto xuo ceu
paternam hereditatem animis contumaciffi-
mis amplexi, diffimulabant flagitium; donec
audito nouam religionem tum in Germania
tum Geneuæ, palam promulgari, quæ con-
formis fuæ admodum efferet, Geneuâ Mini-
ftellos arceffunt; quorum fuafu deturbant
altaria, imagines effringunt, & veteres Sa-
cerdotes expellunt. Ea cum innotuiffent
Aquenfî fenatui, fertur fententia in Merin-
dolum admodum atrox, quâ iubebatur pa-
gus dirui à fundamentis, ciues flammis
exuri, eorum bona, liberi & coniuges fifco
addici. Attamen Caffaneus Senatus præfes
primarius, à Rege impetrauerat differri pœ-
nam, fi forte noxijs fe ad meliorem frugem
conuerterent. Mox Ioanne Maynerio Oppeda
primario præfide rem urgente, qui Ludoui-
ci Grignani prætoris abfentis vices gerebat,
adnitente Cardinale Turnonio, iubetur
Aquenfis Senatus diplomate Regio, primam
fententiam exequi. Id munus vni præfidi,
duobus Senatoribus, & Guerino aduocato
regio, in eam rem incitatiffimo demandatur;
fimulque Oppeda milites conferibit, qui au-
toritatem iudicum promouerent. Continuo
Merindolium captum atque incenfum; du-

HEN-
RICVS
II.

ctus ultra Druentiam miles, legato Pontificio annuente, Cabrerias similiter vastat atque incendit; septingenti è rusticis cæsi, plures feminæ quæ in villam confugerant, iniectis flammis, miserè arserunt; cæteri qui ferro & igni se proripuerant, in triremes missi. Sanè immanitate pœnæ speciem & iustitiæ formam expungente. Et ea Francisco regnante Oppeda patrauerat. Modò sexto post anno id facinus retractatur, Mommorancio & Guisio instigantibus. Nam Mommorancio gratum erat Turnonio Cardinali iniuriam facere, qui pœnæ illius habebatur auctor & Guisius Grigniano Comiti facecebat periculum, vt Grignianum opulentam dynastiam in salutis præmium obtineret; quippe Grignianus quanquam absens, postulabatur vt prætor assensum patrato scelere præbuisse. Et plerique Procerum clam imbuti hæresi Merindolenses exostulantes fulciebant gratiâ, imò Germaniæ Protestantes acerbè apud Regem conquesti, miserorū vindictam poscebāt. Causa primùm in maiori Concilio, mox in senatu Parisiensi acta sexaginta diebus continuis, ingenti Aduocatorū partiūmq; ambitu; tandem tota pœno in vnū recidit, Guerinū Aduocatū Regium, qui capite cæsus est; solutis metu & pœnâ cæteris. Quanquā ipse Oppeda pauore adedò consternatus est metu iacerti iudicii, vt interno æstu cōcepto, mox remediis frustra adhibitis, magnis in doloribus animam egerit. Sanè in pœna Merindolij, specie pietatis vt creditum est litauerat priuatæ iniuriæ; & pleròsque innoxios supplicium dirum inuoluerat. Obseruatur, quod à plerisque inspectum est, die quo Guerinus capite est plexus, eiusdem caput auulsum & cruentum in vxoris palma visum esse appictum, tristi spectaculo diebus plusculis perseuerante.

XXVI.
Bellum
Parmæ.
sc.

Ista dum Henricus vel religioni vel humanitati

manitati condonat, noua opportunitas commouendi belli exoritur. Paulus III. obierat diem iam grandæuus eiusque in locum post multam altercationem suffecerant Cardinales Ioannem Montanum Aretinum, qui se Iulium III. nuncupauit, nomine infenso Franciæ, Iulij II. repetenti memoriam, eamque ob causam forsan captato. Erat Iulius in id fastigium euectus calculis Cardinalium tum Farnesiæ tum Franciæ factionis, & aduersus Farnesios gratus, ditionem Parmensem Octauio confirmauerat. At deinceps in diuersa raptus, ditionem eandem ut feudum Ecclesiæ ab Octauio repetit. In eam mentem impellebat Pontificem nomine Imperatoris Ferdinandus Gonzaga Mediolanensis Prætor, qui iam occupatâ Placentiâ, ut Parmam reciperet, quam auulsam dicebat à Ducatu Mediolanensi, ditionem longè ampliorem in Neapolitano regno offerebat Pontifici, tradendam nepotibus, si Octauio Parmam eriperet; & ipsi nepotes, alter ex fratre Ioannes Montanus, alter ex sorore Ascanius Cornu, dynastiæ cupiditate, id consilium multum promouebant. Igitur Iulius beneficij immemor, Parmam ab Octauio primum verbis reposcit, mox adiungit minas, dein exercitum instruit, quem in Parmensem agrum immitteret. Nec Imperator minus asper in Octauium erat, quanquam ductâ Margaritâ generum, pluribusque in se officiis comprobatum; sed Parmæ cupiditate incensus, ne in Mediolanensibus scopulus ille hæteret, postquam frustra verbis eam ab Octauio efflagitat, vim parat, & Gonzagæ vehementissimo homini capiendæ Parmæ prouinciâ mandat. Octauius in eas coniectus Angustias, ad Henricum perfugit, ope implorata, idque bellum Henricus cupide suscipit. Non erat dubium quin Pontificem simul atque Imperatorem eo facto prouoca-

HEN-
RICVS
II.

*De
Monte.*

*De lac
Corne.*

HEN-
RICVS
II.

ret, & ignem irarum malè confopitum incenderet. Sed ardentissimus Princeps Imperatorem nihil morabatur, à quo variis affectus iniuriis, & quadam verborum contumeliâ laceffitus, ultione flagrabat, nec immensam potentiam verebatur; Iulium haud magno habebat in pretio, aduersus se ac Farnesios vt dicebat ingratum. Accedebat Mirandulæ defendendæ periculum, quam urbem similiter reposcebat Pontifex, tenebátque Henricus suo præsidio. Quippe de ea Litigantibus Ludouico Pico & Galeoto nepote, Pontifex Paulus eandem Francisco Regi ceu sequestro commiserat, Franciscus Ludouico Patruo dederat; nuper Galeotus Ludouicum Patrum trucidauerat, metûque supplicij ad Henricum profugus, Francos vrbe exceperat, atque vt credebatur, cum aliis agris commutauerat. Itaque societas cum farnesiis vltro contrahitur, atque vt arctiùs neçteretur, Horatius Dux Castrienfis frater Octauij Dianam Henrici spuriam in uxorem ducit. Nondum Gonzaga in vim apertam proruperat, & Parmam interclusam arcebat cibariis, stabántque hæcenus Cæsarem inter atque Regem induciæ; quas ne violaret, Henrici iussu, Brissacus Legionem Italicam exauctorat, mandátque militibus, vt solo ense accincti, per Insubres Mirandulam Parmamque viatorum instar sese recipiant. At Gonzaga explorato consilio, plebsque intercipit; partim crudeliter necat, partim ad remos adigit, ægrè quingentis per Genuensium montes euadentibus Parmam. Nec illicò bellum cum Pontifice actum est; sed prælusum quibusdam verborum velitationibus, per quas altera pars conabatur in alteram odium belli conicere. Nam Paulus Termens Regis apud Pontificem legatus, excusabat Henricum, contestatus ad Ecclesiæ dignitatem susceptum Octauij patrocini-
cúmque

De
Termis

cúmque minas intentaret Pontifex Româ abscellerat : & ipse Pontifex nepotem Ascanium in Franciam legatum eam ob rem miserat ; qui exceptus honorificè , dum propugnandæ Parmæ intenditur , dimittitur tandem re infecta. Sic bello ab hostibus pronuntiato Parmam Cæsarianis copiis Gonzaga obsidet , Mirandulam Pontificiis Cardinalis Montanus ; Rex simul vetat , ne pecunia Romanam deferatur ; eodémque tempore seuerum in hæreticos edictum promulgat , datum in Castello Brientio , quod est apud Britones oppidum ; palam vt faceret religionem haudquaquam in Pontifice peti , sustinere Iulium geminam personam , & sacrâ illibatâ , cum profana rem agi. Porro id bellum nullo facinore magno inclaruit ; cùm enim Franci penuriâ militum se arcibus continerent , tentata hinc inde plurima ; pauca patrata ; vnus maioris momenti huius belli partus , quod tandem Henricus Cæsar bellum indixit ; cum Pontifice postmodum reconciliatus.

Diu mutæ vtrumque Principem lacecebant iniuriæ ; Cæsar præter Parmam sibi Henrici operâ modò ereptam , eum inculcabat , quod Tridentinum Concilium interturbaret , quod amicitiam cum Turca aleret ; quod Protestantes vrbesque Germaniæ in suum fœdus alliceret ; quod Triremes Francicæ Præfecto Petro Strossio , bis Andreæ Doriæ intetato periculo in fugam egissent. Reponebat Henricus ; Andelotium missum in Angliam , persequentibus Flandrorum nauibus ægrè euasisse ; eundem modo cum Cypetra captum Mediolani teneri ; Flandros ipsos Mariæ Scotiæ Reginæ , ducendæ in Franciam insidias posuisse ; mercatores Francos à Belgis direptos & spoliatos , tum inter nauigandum , tum in ipso portuum asylo , & tutissimo per publicam fidem receptu ; quid , quod Maria Belgij Gubernatrix lega-

HEN-
RICVS
II.
Anno
1551

Cha-
teaux
B. iant.

X X-
VII-
Beuum
Calari
indi-
ctum.

tum

HEN-
RICVS
II.

tum Francicum expostulantem iniuriam in desertam arcem coniecerat, conuicturum Anguibus atque bubonibus? quid Mirandulam Cæsariani obsideant? quid ipse Cæsar crebrò in Germaniæ comitiis diceret profligandam Franciam, & subiiciendam Imperio? & ea quidem vltro citroque proposita; non quidem tanti momenti, quin mederi malo Principes possent; nisi alia insanabilis ægritudo animos corripuisset. Henricum innutritum bellis Hispanicis, & propemodum à cunis imbutum odio aduersus Cæsarem, incendebant repetitæ in Franciam ab ipso Cæsare expeditiones, Italiæ recuperandæ cupiditas, æstus vltionis, ac belli ardor iuuenilis, quod iam suo ductu non alieno impulsu gereret. Cæsarem nihilo minùs prima cupiditas diuexabat; nisi subigendæ Franciæ, saltem obterendæ, ne officere posset consiliis, erâtque Mirandula molestissimus scopulus, in quem pax & tranquillitas omnis impingeret, cogitanti eam Franci esse, & admitti gentem in Italiam intimam, quam vel porta excludere, omni periculo cuperet. Præterea Germania iam in iugum acta, & latè propagato per Europam imperio, Regem iuuenem haud ægrè vinci & domari posse existimabat. Igitur iis animis in bellum ruitur. Ac primùm Henricus larvâ se exuit, & Oratoribus reuocatis, Prætoribus mandat ut bellum inferant, quodam operæ prætio atque facinore, quod Francum saperet. Id spectabat ad Campaniæ, Picardiæ, & Pedemontij Prætores; qui admoti ad Regni limites, improuisum hostem occuparent; & Campaniam administrabat Franciscus Cliuensis, Dux Niuernensis; Picardiam Antonius Dux Vinlocinensis, Pedemontium Brissacus Marscallus; nec illi anno in Autumnum proucto, præter incursiones in Flandriam atque Hannoniam, quidpiam patrarunt: Brissacus

duo

duo oppida munita Cherium & Sandamia-
num in Monferratenfibus primo belli motu, HEN-
victor prius quàm visus inuadit. Sandamia- RICVS
num Vaffai operâ ceperat, Cherium suo du- II.
ctu & ope Monlucij Tribuni, ad subitas illas *Quiers*
expeditiones, diligentia, fortitudine & feli- & *sc.*
citate supra ceteros omnes aptissimi. Ad *Damia.*
eum motum Gonzaga Parmam omittit,
Aftamque aduolat, vti hostem retunderet,
pugnam ostentans, cuius tamen copiam nus-
quam fecit. Mari res non infelicius gesta.
Paulinus Baro Gardia Præfectus Triremium
stratagemate, plures naues capit. Ea viginti
quatuor, opulentæ mercibus nullo metu in
Hispaniam nauigabant; cùm accedens Pau-
linus, misso Myoparone, Classis Præfectis
nuntiat, Mariam Hungariæ Reginam in tri-
remibus agere, esse officij vt eam explosis
machinis salutarent. Ii fraudis ignari; testa-
turi gaudium & reuerentiam, postquam tor-
mentarios globos vno impetu effuderunt, à
Francis illicò expugnati, rapiuntur in præ-
dâ, captis quindecim onerariis, cæteris fuga
elapsis; prædâ quadringentis aureorum mil-
libus æstimatâ. Generosius quod à Comite
Carcio Paulini Legato gestum est ad Villa-
francam. Quatuordecim naues Cæsarianas in
eius oppidi portu aggressus, vicit cepitque,
spectante Doria cum triremibus, nec auso
opitulari obsessis; spolia, multi equi Hispa-
nici, suppellex pretiosa, tirones octingenti,
qui remis addicti sunt; vt illorum tempo-
rum ferebat immanitas, & sauo exempto
præluxerant Guastius & Gonzaga. Belli facta
exordia cumulauit nati Regij ortus, qui pri-
mò dictus Eduardus Alexander, mox de pa-
tris nomine Henrici nomen habuit; tum in-
stauratum cum Heluetiis fœdus; quanquam
Pontifex & Imperator omni ope contra ob-
niterentur; & ille religionem, hic Germani-
cam societatem obtenderet; gente fortif-
sima

HEN-
RICVS
II.

XX-
VIII.

*Fœdus
cum
Germanis Pro-
ceribus.*

*Dn
Fresne,*

Anno
1552

suma intrepidè & constanter excolente ami-
citas.

In eo rerum cursu, magna lux Regi belli
conficiendi & perdomandi hostis affulsit,
cum Proceribus Germaniæ fœdus sociale. Id
quod Francisco optatissimum perdiu fuerat,
quod tentauerat atque affecerat tantis cona-
tibus, quòd Cæsarem in angustias arctas com-
pingeret, id demùm Henrico proponebatur
vltro, & obsecrabatur incensis precibus. Post-
quam Cæsar, capto Federico Duce Saxonie,
Smalcaldicum fœdus discusserat, & Langra-
uium Hassiæ in custodiam mancipauerat, ac
retinebat contra Procerum spem; Mauricius
in quem Saxoniam Imperator contulerat,
Langrauij gener; ipsius Langrauij filij;
Ioannes Brandeburgicus Marchio, pluresque
Principes & ciuitates Imperij, cum viri liber-
tatem exorare non possent à Cæsare, clam
fœdus incunt, adscito Henrico, cuius ope &
pecuniâ fulcirentur. Fœderis erant leges; vt
vere proximo Henricus exercitum in Germa-
niam duceret, in belli impensas Cameracum
occuparet, aut in Lotharingiæ finibus Me-
tim, Tullum & Viridunum, vrbes Imperij:
dati vtrinque obsides; missa ab Rege pecu-
nia, & qui Legatum ad Mauricium ageret,
Ioannes Fresnius, Episcopus Baiionensis,
Germanorum linguam & mores eruditè cal-
lens. Postquam Mauricius belli causas scri-
pto libello proposuit, nempe vindicias liber-
tatis Germanicæ, quam Imperator in vincula
durissimamque seruitutem mitteret, & bel-
lum ipsi Cæsari intulit; Henricus præcla-
ram occasionem captans, validissimo instru-
cto exercitu, sub Martij finem versus Ger-
maniam tendit; regni administratione Re-
ginæ traditâ, adiuncto ad consilium Anne-
baldo. Festinanti morbus Reginæ moram
breuem intulit, cui Iuinuillæ in oppido de-
cumbenti dum adest, Mommorancius co-
piarum

piarum ductor, vrbes in securitatem datas obtinebat. Ille suspecta Germanica fide, Regi auctor fuerat, vt prima expeditione permissas Imperij vrbes occuparet; id ex fœderis legibus sancitum, id necessarium; penetranti in Germaniam parandum locum quò se reciperet, & viro prudenti tam rerum exitus perpendendos quàm fontem atque ipsa exordia. Primum itaque Tullum solerter obtinet; tum Metim populosissimam vrbein atque amplissimam, sed longo pacis otio immunitam & debilitatam aggreditur, sub iugum Franciæ mittere. Laborabat vrbs intestino dissidio, optimatum & plebeiorum. Accusabant Plebei optimatum auaritiam & crudelitatem, penes eos totam auctoritatem, magistratus omnes, potentiam summam, iudicia & Tribunalia esse; rara & longinqua ad Spirenses Iudices prouocatione; se ab hircudinibus exfugi penitus atque absumi; eamque ob rem itatum Reipublicæ mutari vehementer optabant. Ergo admotus ad vrbein Comestabilis, petit ab ciuibus, vt Regiis copiis alimenta transitumque permitterent. Optimates explorato quò ea petitio tenderet, anxij animis, cum hinc profligandam auctoritatem inspicerent, inde bellum paratum cui impares admodum erant; & Robertus Lenoncurtius Cardinalis, Metensis Episcopus, egregiam pro Francis nauaret operam, anuuunt tandem, vt Comestabilis cum Proceribus aliquot, & duabus peditum cohortibus, vrbe excipiat. Ille in turmas selectis fortissimis vrbe admissus, occupat portas, & paucis ciuium qui obstiterant pulsus, potitur ciuitate, nullo sanguine, nullo præter industriam labore aut periculo. Simul Rex in Lotharingiam penetrat, & profectus Nancæum vrbein primariam, prouinciam totam in suas partes traducit. Dux Carolus Francisci filius infans admodum erat, sub tutela

HEN-
RICVS
II.

Anno
1552

*Metim
occupata*

matris Christinae, quæ Cæsaris ex sorore nep-
tis, haud dubiè procliuis in auunculum
eiusdem commodà promotura erat; quam-
obrem iubetur in Flandriam facessere, Dux
Carolus in Franciam ducitur cum Delphino
instituendus, & futurus Regis gener; ad-
ministratione prouinciæ patruo data, Vade-
montij Comiti. Iis constitutis Rex lustrato
exercitu, quem constabant peditum triginta
sex millia, equitum sena, Metim solemnî
pompa ingreditur, & sancitis iureiurando
urbis immunitatibus, Præfectum constituit
Arturum Cossæum Gonorium, Brissaci fra-
trem, tum cum exercitu per Lotharingiam in
Alsaciam venit. Mox ad Argentinam acce-
dit, ciuēsque tentat de transitu permittendo.
Illi Metensium exemplo edocti quanto pe-
riculo eiusmodi hospites admitterentur, tran-
situm pernegant, & reiectis quos Comesta-
bilis inferebat, tum minis, tum pollicitatio-
nibus libertatem suam propugnant. Eamob-
rem Franci ad lzuam conuersi, primùm Ha-
ganoam in Alsatia obiecto machinarum ter-
rore capiunt, tum Viceburgum oppidulum,
ad montes quibus Germania superior ab
inferiore dirimitur. Eo in oppido Rex di-
uersa admodum nuntia accipit. Ab Italia
Pontifex pacem appetebat. Cardinale Tur-
nonio annitente assentiebat bellum omitte-
re, Parmam & Mirandulam quietas relin-
quere, & Castrienses Horacio Farnesio resti-
tuere; modo pecunia Francica Romam de-
ferretur. Sic pactæ in geminos annos indu-
ciæ, quibus ipse Imperator adscripsit. Verum
in Germania, cuius se defenforem Henricus
dicebat, foederatorum felicitas Regi erat in-
fensa. Illorum exercitus Cæsarem OEni-
ponte tantum non ceperat, & à captiuitate
propè abfuerat, qui nuper imminebat Euro-
pæ toti terribilis. Quare sibi cum subitâ fugâ
consuluisset, Ferdinando fratri pacem pro-
ponenti;

ponenti ; aure commodas præbet , & cum libertas Langrauij cardo belli esset , ipsum fœdere Pallauij inito , liberum emittit ; simulque Mauricius cum reliquis Protestantibus arma ponit. Porro dum eam rem Germani agitant ; Mauricius Episcopo Baio- menti apud se legato verba dabat , præclaris- que promissis alebat spem credulam ; donec Henricus incertus in quam partem se verteret , Sangelasium Lansacum ad Mauricium mittit , ingeniorum perspicacissimum virum , qui Protestantium animos penetraret , appellarétque de promissis Mauricium. Lansacus incerta admodum & friuola refert ; excusabat Mauricius Turcam in Hungariam inuasisse , & datam Ferdinando fidem , communem hostem armis communibus repellendi ; sic aduertit Lansacus Proceribus Regem maiori formidini esse quàm Cæsarem. Adsunt præterea ab Imperij Principibus Oratores , ab Palatino , ab Præsulibus Moguntino & Treuirensi , ab Ducibus Cliuensi & Vitembergico ; qui Regem post plurimas gratias rogent , ne pergat ulterius , susceptam expeditionem libertatis Germanicæ causâ , eam ipso iuuante propemodum comparatam ; nec ipsi iniucundum fore , si icto fœdere à Cæsare impetrent , quod multis periculis armorum ope vix conficeretur. Henricus tametsi hac oratione attonitus , tamen sensu animi dissimulato egregiè , respondit , sibi nihil acceptius fore , quàm Principum libertatem firmam & securam ; gaudere se quòd incepto labore finem extemplo assequutus esset , quod labori via & belli parceret ; paratum se quoties ipsi exigerent operam suam atque pecuniam in Germania salutem impendere ; caterùm memenisent sic prudenter pacem conficere , ut nouo bello non in posterum egcant ; nè ve veteribus frangendis compedibus nouas cadant ; idèò solidiores , & conatù multò per-
rumpendas.

HEN-
RICVS
II.

Saint
Gelais
Lansac

— *rumpendas*, Tum reuertit ex itinere; com-
 HEN- perto Flandros in Lotharingiam & Campa-
 RICVS niam irrupisse, ac Stenæo capto, vastare agros
 II. atque diripere. Sic euauit præclara illa spes
 Regisq; felicitas victo Cæsari profuit; adeò
 in fœderibus, tam à socio quàm ab hoste pe-
 riculum est.

XXIX. Rex exercitum ob alimentorum penu-
Luxē- riam, tripartito diuidit; partem vnā Vindo-
burgē- cinensis per Alsatiam & Lotharingiam re-
ses sub- ducit; Rex ipse alteram per arduos & præ-
acti. ruptos montes, magna cibariorum inopia,
 ipsi Proceribus desiderantibus panem;
 Guisus cum parte tertia per montes simili-
 ter supra Spiram flectens, Bipontem cum
 exercitu reliquo tenuit, quanquam ob
 arumnas duobus hominum millibus im-
 minuto, Bipontino Duci trecentos ægros Rex
 commendat, qui tamen omnes vno excepto
 occubuerunt; tum quoniam per Lucembur-
 genses iter petebatur, eos subigere de via
 voluit. Etenim Flandri Regem magnis iti-
 neribus regredi, & Annebaldum cum copiis
 festinare ad Mosam, audientes ne castra in-
 ter gemina deprehensi, perirent necessariò,
 deportatâ prædâ recesserant; vnus Ernestus
 Mantfeldiæ Comes, generosus & fortis, cum
 tribus Gelriorum millibus, se intra Iuouium
 receperat, repagulum decurrenti Regi obie-
 cturus. Rex de industria Thionuillam omi-
 fit, urbem munitissimam; nec censuit defa-
 tigatum iam militem obruendum inuenso
 labore; quem vt præda facili instauraret,
 ducit ad Rupem Martiam, castrum ad Mo-
 sam, Treuiros inter & Thionuillam, in quam
 matronæ nobiles amplo comœatu confu-
 gerant, deceptæ opinione publica Thionuil-
 lam impugnatum iri. Tormentis illicò mu-
 rus diruitur, & obsidentibus de dediti-
 one agentibus, miles irrupit, castrumque diri-
 pit, agrè Colinio tuente feminas. Ea præda
 miles

*Dux
ponte.*

*Roc de
Mars.*

miles recreatus Damuillerium ducitur; urbem quam antè Carolus Regis frater expugnata euerterat, Cæsar mox erectis munitimentis instaurauerat; ponendò in limitibus propugnaculo, situ ob paludes vliginosas percommodo; tuendámque dederat duobus peditum millibus, equitibus quadringentis. Ad eam urbem Annebaldus Regi se adiungit; & impugnatione non magno negotio institutâ, quoniam paludes cœli æstu exaruerant, post ruinam muri, se ciuitas tradit, gregario milite sine armis & sarcinis missò, retentis in custodia Centurionibus. Excurrerat Vir dunum Henricus, vnâ ex urbibus quas securitatis loco Germani dederant, eâque exceptus iurat integras immunitates, & ad castra reuertitur; Cardinalis Lotharingius; Guisij frater, idemque Vir dunensium Antistes, illorum animos conciliauerat Regi. Iam à Francis oppugnabatur Iuoiium, rebaturque Mansfeldius sibi gloriæ segetem eo in campo nasci amplissimam, forti præsidio, pluribusque nobilibus munitam urbem ipso duce tuentibus. Verum postquam murus in labem patuit, & Francus impressionem instrueret, prædiarius miles, recusat ad murum accedere, atque hostem repellere, minaturque Mansfeldio, se pugnâtis terga pressurum hastilibus, dum in frontem hostis inuaderet. Et ea ignauia ad deductionem adductus Mansfeldius, immenso dolore, quod aliorum socordia fraudi sibi esset ac ignominia. At dum Iuoiium impetebatur, Robertus Marchius Marefcallus, copiis à Rege impetratis, Bullionis castrum oppugnabat; & id quidem validissimum situ, munitumque præsidio, extra metum atque periculum erat. Quâ mons in planitiem desinit, exurgit excelsa & abrupta rupe, à monte spatio diuisa modico, interiectâ fossâ admodum latâ, in ipsa rupe vi malleorum abscisa

HEN-
RICVS
II.

*De la-
mark
Bouil-
lon.*

abscissâ ; & ad ipsam arcem excipiendam, rupes ferro victa & domita intus amplis tor-
nicibus, alto & perenni puteo, commodisque
ædificiis patet; excluso aditu præterquam
viâ vnâ admodum arctâ, nec vllis tormento-
rum minis obnoxia. Id castrum ducatus Bul-
lonij caput, cum proxima regione Cæsar à
30. annis obtinebat, detractum Marchiis, &
annuente Leodiensi episcopo, qui sibi in eo
quidpiam iuris vindicabat. Marchius ad
metum inducendum, quando vim haud in-
ferre poterat, quædam tormenta leuioris
molis in proximum montem conatu multo
euecta, funibusque appensa in arcem explo-
dit; cùntu tam irritò, vt vix murus per-
stringeretur; attamen telo tam futile in Præ-
fecti animum penetrante, metumque infe-
rente, arx Marchio deditur; qui statim re-
ceptâ totâ prouinciâ, Dux Bullonius dein-
ceps nuncupatus est. Arcis Præfectus pœnas
ignauix dedit, à Maria Gubernatrice capite
plexus. Quæ cùm referretur in Picardiam ir-
rupisse, Comestabilis ad eam pellendam ex-
ercitum ducit, multaque castella ipso in iti-
nere famosa latrociniis cepit ac dixit; at
cùm Maria rursus se in Flandriam abderet;
Henricus imminutum magna parte exerci-
tum, sub Iulij exitum in præsidia dimisit;
quieturus ipse ab ærumnosa expeditione.
Sed longè grauior imminebat ærumnarum
moles.

XXX.

*Appa-
ratus
ad Me-
tensem
obsidio-
nem.*

Etenim Imperator postquam fœdere Pas-
sauensi cum Protestantibus conuenit, ad
Metim recipiendam omnes animi vires in-
tendebat. Supra omnem molestiam acerbis-
simum erat ab hoste, viribus, experientia,
solertiâque, vt rebatur ipse tam impare,
Imperij limites, gloriam & maiestatem, se
Imperatore, infractas esse, detritas, atque
imminutas, nec quietem vllam capere pote-
rat, donec iacturam sarciret, atque ignomi-
niam

niam tantam extingueret ; palamque erat
 contestatus in cœtu Procerum, se vel ad mu-
 ros Metis sepeliendum , vel in ipsis captis
 triumphaturum ; & in eam expeditionem
 copias omnes ab Italia, Belgio, atque Hispa-
 nia arcessebat. Et vero Germani in fœderis
 conditionibus omnino prætermiserant Re-
 gem ; adiunxerantque duntaxat ad ludi-
 brium ; cùm ad eum res Imperij non spe-
 ctarent , si quid ipsi esset controuersia cum
 Imperatore, id communicaret Mauricio, qui
 referret ad Imperatorem: Præterea postu-
 lanti Cæsari, pecuniam militemque ad id
 bellum luculenter concesserant ; repente ex
 amicis hostes, quasi beneficium noua iniuria
 solueretur. Ad eum apparatus excitatus
 Henticus, Franciscum Ducem Guisium me-
 dio Augusto Metim miserat, dederatque
 prouinciam propugnandæ vrbis, longè ar-
 duam & difficillimam, sed tantæ gloriæ quanti
 periculi prægnantem. Dati in præsidium e-
 quites mille, quâ grauis armaturæ quâ leuis,
 peditum decem millia ; & vltro aduolauit
 præclara nobilitas ; tres Regij sanguinis
 Principes, Enguennius & Condæus, fratres
 Antonij Vindocinensis, Carolus Rupius ad
 Icaunam Princeps ; Prior Franciæ atque El-
 bouius, Guisij fratres ; Franciscus Vindoci-
 nensis Vidamus Carnotensis ; duo Comesta-
 bilis filij, Horacius Farnesius Dux Castriën-
 sis ; & plerique magno numero alij, quorum
 virtus dignum amplitudine sua hostem am-
 biebat. Prima Guisij cura ad muniendam
 urbem impensa est. Erat Metis ad Mosel-
 lam & Sellam fluuios, qui cùm hinc inde
 muros alluerint, conueniunt in vnum alucum ;
 ambitus patebat in nouem passuum millia ;
 amplis suburbiis, quæ murus adiuncta vrbi
 vnus incingebat ; in pomœrio rara propu-
 gnacula, nulli post murum aggeres, imò ædi-
 ficia sacra & profana ; turres veteres, nulla

HEN-
 RICVS
 II.

*Meti
 situs*

——— arte erectæ, nec se mutuò respectantes; fossa
 HEN- multis in locis oppleta, vrbs ipsa proximis
 RICVS montibus & telorum fulminantium iactibus
 11. aperta atque obnoxia; quippe retrò annis
 plurimis beneficio pacis tuta & defensa, se-
 cura belli, munimenta omiserat. Et ad ea
 Guisij primùm se accingit Guisius; ac pia crudeli-
 de vrbe rate, quæ membra refecat, vt corpori parcat
 jolita- diruit Suburria, ædificia plura, tum pro-
 tudo. fana tum sacra, muris adhærentia euertit,
 veneranda Tempia in suburbiis posita ma-
 gno animi dolore destruit, magnam partem
 vrbis auellit à corpore; & in humo effo-
 dienda, operas, milites, & se ipsùm addicit.
 Horis in singulos dies designatis, cuncta no-
 bilitas, ipso præeunte, immista fossoribus,
 ferro humum egestam, deportabat corbibus,
 ad aggeres erigendos, & manu pugnatura,
 subiiciebat humeros oueri. Tum quia muni-
 tiones tam breui spatio nequibant perfici,
 eas vt suppleret, artem & diligentiam in sub-
 sidium vocat. Parari iubet loricas vimineas
 Gabioni mille, crassiores trabes ducentas, palos &
 asseres immenso numero, saccos vel humo
 vel lana repletos quater mille, dolia sabulo
 oppleta bis mille; faces mille ducentas,
 quibus si opus foret noctem illuminaret;
 ignes factitios ingenti copia; ea demùm
 emnia quæ ad retundendam & opprimen-
 dam vim hostis facerent. Præterea arma-
 mentarium cùm inuiseret, tormenta ænea
 inperitè fusa, fundi de integro iubet, reco-
 qui tormentarium puluerem, globos nouam
 formam induere; nobilibus singulis cohor-
 tem suam in qua depugnarent; cohorti lo-
 cum ad portas, muros inque vrbe attribuit;
 peditem ad muros locat, equitem in medi-
 tullio; turbam inutilem vrbe emittit; artifi-
 cibus qui necessarij aut commodi, certo num-
 mero seruatis, & septuaginta sacerdotibus;
 horrea inspicit, frumentum seponit; cibario-
 rum

sum genus omne importari curat, diripi agros ab equite; pistrina foris destruit, intus ponit; viginti plaustra ad faciem urbis sordisque exportandas disponit; nullam demum curam pratermittit, quæ urbi cōsuleret, & incluso militi spem victoriæ atque animos faceret. Verum antequam hostis palam accederet, ab hoste tecto cauere oportuit. Ille Albertus Marchio Brandenburgensis, qui Passauino fœdere sponte inclusus se Regis fœderatū professus, diripiebat Germaniam, exercitu aucto ad viginti millia peditum & duo equitum. Mox in Lotharingiam penetrans, cum amicos iuxta atque hostes prædaretur, merito Regi suspectus, ad urbem accedit cum copiis; tuum insidias Guisio nectit, ad urbem occupandam; modò petitis ab urbe cibariis, modò congressum cum Guisio ipso efflagitans, modò milite in urbem inducto, modò nocte concubia tormenta aliquot pulueremque in urbem ipsam immittens. Sed cum Guisius instructus egregiè, artem & dolum omniæm refelleret, quæ vigilando, quæ recusando ea concedere quæ defensori urbis forent necessaria; iamque exercitus Regius haud multum distaret, Albertus extimuit, ne medius deprehenderetur; & impetratâ discedendi veniam retrò cessit. Tum palam ad Imperatorem se admouet, pactis quibus libuit conditionibus; sed cum legio Germanorum ab eo deficeret, pluresque alia trans fugere ad Francum cuperent; Aumalius Guisij frater, imprudenti audacia conturbauit rem, seque ipsum in exitium præcipitauit. Assignati erant forti adolescenti equites septingenti, quibus instructus exploraret Albertum, cumque longius sequeretur; verum raptus pugna cupiditate, cum existimaret desertum à copiis Brandenburgicum, temerè in eum inuectus, fusus & captus est, missusque in Germaniam, diu pœnas luit temerariæ fortitudi-

HEN-
RICVS
II.

*Albertus
Marchio
Brandenburgensis.*

*Aumalius
Guisij frater
imprudens*

— nis. Albertus suis victoriâ confirmatis, ad
HEN- Imperatorem accessit, suâque stationem
RICVS in castris habuit

II. Rex in hostem proximum instruebat gna-

XXXI. uiter copias; erantque in exercitu triginta
Rex de peditum millia, equitum septem; quem Co-
Picar- mestabilis frequentia magna procerum Mi-
dia sol- chielium duxerat, quod Lotharingiæ oppi-
licitus dulum est; Rex substitit Rhemis, ut in om-
Saint nes prouincias inuigilaret atque intenderet.
Mibel.

Acceperat captum Aumalium, cum molesto percellitur nuntio, Mariam Belgij gubernatricem Roessio ductore immisisse in Picardiam viginti peditum millia, equitum bina; eosque incendiis direptionibus, stragibusque gassari impune. Et verò cum Roessius in Picardiam penetrasset, tempore eodem quo trans mittebat Rhenum Imperator; primum ad Faram accesserat, sed munimentis urbis deterritus, quæ Annebaldus vir famâ clarus defenderet, copias trifariam diuisas, facibus potius quàm armis instructas, in agros immittit, foedatque omnia direptionibus atque incendiis. Septingenti pagi flammis arserunt, factis ædibus haud quaquam parcitum, subiectæ ignibus miseræ urbes, Nesla, Roya, Nouiodunum, & Folembærum, speciosa ad delicias villa, quam Franciscus tanto sumptu tantæque cuta extruxerat. Imò quod inhumanius, & ab Barbata immanitate profectum, rusticorum turbæ, senum mulierum atque infantium, nullâ aliâ culpâ quàm quod geniti in Francia forent, vnâ cum ædificiis sacris in quæ confugerant, victimarum instat combutebantur. Et obsetuatur luctuosissimus casus, cui principium fecit misratio, natura protgestum, incredibilis crudelitas finem. Quippe dum ad Royam templum iniectis flammis conflagrabat, pluresque inclusi in modum miserum eiularent; miles adolescens indidem natus, & qui hosti sacra-

mentum

Folen-
bray.

Casus
miseræ.
bius.

mentum dixerat, miseratione impulsus; cùm Centurione inuito templi fores adiuuantibus sociis effregisset; triste spectaculum illicò delibat oculis; prima omnium mater, igne tosta propemodùm, prorumpit ex templo; & contuita militem, nescit in filium; continuò in eius amplexum veniens, exclamat, *ah fili*; nec ille natura prauia matrem ignorauit, sed amplexus mutuò, cùm ea corruit, miserum affectuum pugna profligante, cùm dolor & gaudium, spes ac metus, amor & misratio, simul mentem perfoderent. Inopinata res afficiebat omnium animos, cùm Centurio immanitate ipsa crudelior, nusquã eo spectaculo deterritus, vtrumque iubet in flammam conijci; arseruntque in amplexu mutuo miserandi sibi quisque præfica, funus, & sepulchrum. At Roelius post atrociam illam incendia, collectis copiis Hædinum obsidet; & infirma vrbe statim admissus, arcem inexplorabilem creditam tormentis verberat labe muro factâ, collapsus est Præfecti animus; is Sansimonius qui arcem turpiter hosti tradit. Ea res Henricum non mediocriter perculit; accessitque in cumulum Annebaldi mors, qui Faræ febre correptus occubuit. Vir haud dubiè probatissimæ fidei, quæ vna nixus inter procellas aulicas immotus steterat, & Mommorancij appetitus æmulatione, in tantam potestatem virtutem vnâ obtenderat; attamen voluntas in eo quàm facultas agendi melior, atque ingenium infra fidem esse credebatur. Admirali dignitas collata in Gasparem Collinium, nepotem Mommorancij, qui iam erat summus pedum Tribunus; nec gratia supra meritum erat. Iis in angustiis cùm Rex ambigetet, quam in partem exercitum verteret, Metim an Hædinum, sit à Guisio certior, Metim posse obsidionem ferre in mensem decimum; suas ipse copias nullo metu quo li-

HEN-
RICVS
II.

Hædi-
num
captum

Saint
Simon.

beret adduceret. Igitur exercitum Michielio reuocatum arcessit in Picardiam, iubetque vim Hesdino inferre. Rocius ad exercitus famam, penitus retrò in Belgium cesserat; filio Hesdini cum præsidio relicto, cumque abdicandum à se iurauerat, nisi impressionem tergemina ferret. Verum ille Sansimonis instar quasi muri illi metum atque ignauiam defensoribus inderent, labe primum illata, deditioem paciscitur. Et hæc Meti paulisper omissa in vnum congeffi, vt modò in vnam ipsam me conferrem, nullòque diuerticulo rem tam insignem vno filo pertexerem, quanquam non est animus præclara quæque sigillatim perscribere, quæ annalibus priuatis digna sunt; excludentibus tam multa festinantis styli angustiiis.





HISTORIÆ

FRANCICÆ,

LIBER DECIMVS-
octauus.

g.



AROLVS Imperator, Metensi expeditione suscepta, & deliberata quam voluebat diu abdicacione Imperij, volebat id bellum, quasi victoriarum fastigium, & gloriæ colophonem rebus à se gestis imponere: quando laus maximè ab exitu petitur; vtque illustrior abdicatio foret, quæ prosperas res non aduersas abiiceret. In eam rem coëgerat centum millia peditum, equitum viginti; aderant Proceres, Dux Albanus, quem Legatum suum in exercitum vniuersum dixerat; Philibertus Emanuel, Caroli filius Sabaudia Ducis, Ioannes Brandeburgicus, Adolphus Dux Holstenij, Dania Regis frater; Ludouicus Aui-la Hispanorum Præfectus, Mediquinus Marchio Marinianus, Ioannes Mauriques tormentorum Præfectus, septem fossorum millia; centum & viginti maioris molis tor-

HEN-
RICVS
II.

I.
*Impe-
rator
Metins
obsidet.*

HEN-
RICVS
II.

Barbā-
son,
Egmēt.
de Nas-
sau.
Anno
1552

Muri
verbe-
rati.

menta. Eo apparatu, exeunte Septembri, Rhenum transmiserat, castrisque ad Haganoam & Lindadium positis, opportunos dies octodecim cunctando consumpsit; præstolans commeatum nondum satis instructum; & copias quas è Belgio adducebant, Barbanso, Amoralius Egmontius, & Nassavius Comes. Quibus tandem auctus, sub Octobris fidem, castra ad Metim figit, Albano obtinente imperium, dum ipse vexatus podagrâ, Thionuillæ subsistit. At Franci frequentissimis irruptionibus tantoperè hostem fatigabant, ut agrè Nouembri medio collocata sint machinæ, ad quatiendum murum. Iis tandem fixis, & Alberto Brandeburgico Cæsarianis adiuncto, cui ad Sancti Martini portam attributa est statio, ceptus est murus diuersis locis acerrimè verberari. Haud multò post Cæsar Thionuillâ in castra lecticâ vehitur, & candido equo ad ea inspicienda inscenso, lustrat singulas stationes, præsentiam animos militi facit, iubetque tormenta maiori impetu in murum explodi. Erat consilium Cæsari murum ampla labe diruere, atque aggressionem instituire, ut hostem ad deditionem impelleret; ac Mauriques tormentorum Præfectus egregiè munere suoungebatur. Directæ machinæ in muri partem, quæ à Mariæ propugnaculo ad campanam portam porrigitur; quo in spatio tres surgebant turres, Ligueria, Valsica, & Michelia: primo die fulminatum trecentis ictibus, posttridie mille quadringentis quadraginta octo; tertio die & quarto eadem frequentiam saxa verberata; & quidem fragore tanto & strepitu, ut quarto ultra Argentoratam ipsum milliari, hoc est leucâ quadragessimâ, exauditus sit machinarum tonantium sonitus. Intra quartū diē amplâ ruinâ murus prostratus est, & duæ turres deiectæ; mox iisdem machinis geminæ turres depressæ similiter;

liter ; vna Inferorum dicta, Fabrorum altera :
 ideò in spem impressionis erectus Carolus
 totum exercitum instrui , ad eam primo ma-
 ne faciendam iubet. Guisus ad ruinam mu-
 ri & turrium aggeres statuerat , disposuerat
 tormenta ad latera ; nobilitatis florem & co-
 piarum , ipse hastile prætentans , ad propu-
 gnandam labem adduxerat ; simul infrà co-
 pias porrigebat Cæsar , optabátque alteru-
 trum , vel terrorem hosti exercitu proposito
 oculis facere , vél suis animos , & ad aggres-
 sionem quadam laudis æmulatione impelle-
 re. At neutrum consequutus , contrarium
 planè euentum habuit. Quippe Franci ma-
 gna alacritate comparabant se , atque ho-
 stium spectaculo inflammabantur : Cæsariani
 periculo inspecto deterriti , & armorum ful-
 gentium luce præstrikti , excusantes labem
 nimis arduam atque imperuiam , hærentes
 se mutuò respectabant , refrigercente pugna
 æstu & gloriæ. Inter medios ordines equita-
 bat Cæsar , & ex vultu suorum tristi atque
 attonito , animos quod constringeret gelu
 coniiciens , ingemuit ; atque indignatus in
 tanto exercitu neminem militem in apertum
 murum insilire ; retrò in hospitium vertit ;
 crebrò ingeminans , *Nunc me desertum à
 meis video ; iam mihi in terrarum orbe
 nulli sunt homines.* Deiectus ea spe , ad fos-
 sionem & cuniculos se conuertit ; eosque
 Albanus dies septem continuos magno ar-
 dore sub murum deducit ; verum eos partim
 reiectos ab hoste , partim exclusos obiectis
 rupibus atque immenso frigore , perducere
 ad destinatum locum non potuit ; vt eo
 etiam omissio consilio , nihil Cæsari præter
 indignationem & dolorem superesset. Gra-
 uissima & acerbissima hyems erat ; modò
 imbribus frigidis , modò niue densissima ,
 modò gelu arctissimo , calum solúmque in-
 horrescebant : iamque vel frequentibus ix-

HEN-
 RICVS
 II.

*Impres-
 sione
 gata.*

*Cuni-
 culi
 tentati.*

ruptionibus, vel iniuriâ temporis, vel morborum calamitate vulgata, detrita prorsus Cæsaris copiarum nouam formam induerant; rarus in excubiis miles, spissus desertor; duces tam abiecti animis quàm corporibus, militaria munia molestè obire, deficere commeatus, & oppugnans obsessio similior, premi penuriâ, omniumque rerum inopiâ.

*Cæsaris
perti-
nacia.*

Attamen Cæsar impetrare recessum à pertinacia sua non poterat; hærebat in cubiculo ligneo, lectulo affixus, ægritudine quâ corporis quâ animi sæuiente; quasi vna mentis obstinatione procellosam hyemem, suorum incommoda, & vires hostium profligaret. Inuisebant sæpius lacentem Auila, Mauriques, aliique Hispani nobiles, eosque percontabatur assidue, quale cælum esset, serenum an niuosum; cùm illi ex vero dicerent, modò ningere, modò pluere, mox flare ventum perfrigidum, animaduertebant id permolestum audienti esse, & incrementum morbo afferre; qua de causa abstinuerunt inuisere. Quod obseruans Cæsar, eos appellat, atque interrogat, cur ab inuisendi officio deliissent: tum Mauriques inquit, ipsum esse in causa Cæsarem, cui percontanti de tempestate & statu cæli, respondere ipsi falsum nollent, verum haud possent absque eius molestia & ægritudine. Eo dicto tandem Cæsari fracta est obstinatio: *optimè, inquit, dicis, nec æquum est, ut serenum cælum dicis, quando pluuium est; ita nihil mihi sperandum superest, aut tentandum, præter recessum.* Isque eo momento solvendam obsidionem constituit.

II.
*Actu
obsidio
soluita.*

Igitur Calendis Ianuariis Cæsar Thionuillam læsticâ vehitur; nocte proxima Albanus & Barbanus sua quisque castra quanto potest silentio soluit, potius fugientium specie quàm recedentium: relicta tabernacula, arma, sarcinæ, tormentarius puluis, & ipsa

tormenta terræ infossa ; immensus ægrotantium numerus hosti obiectus , & commissus nocti trepidantium terror. Brandenburgicus tamen quintum adhuc diem stationem tenuit. Niuernensis continuò hæere fugientium tergo , & mactare extremos victoria facili : ille ad calamitatem Cæsaris multum contulerat , equitaru arua percurfando , commeatum interceptiendo , & qui excurrerent castris opprimendo. At post cæsos aliquot recedentium , confestim miseratio subiit in iracundiæ locum ; hostes adeò vim non repellabant , vt sibi mortem esse optatissimam significarent ; agrè in vestigio stantes , ad singulos gradus vacillabant , arma præ infirmitate abiecerant , constricta gelu membra , atque in plurimis imminuta frigore aut congelata , corpori reliquo dolori erant ac labori , vulturum potius præda quàm hostium. Luce prima Guisus in fugientes præterea immiserat equitem. Agmen vnum ducebat Rocasurio Princeps , qui in Hispanicam turmam cum inueheretur , frontem obuertens , qui eam ducebat , interrogat Principem ; quidnam inquireret , illo respondente , flagitare se dimicationem ; *Ecquid* , ait Hispanus , *dimicare in mortuos vultis ? num satis vobis est , nos victos esse ? sanè fugeremus , si vel ad fugam vires suppetere.* Quo dicto Principis ardor oppressus est , & data hosti facultas recessus. Sed in ipsiis castris miserrimum calamitatis spectaculum Guisum tenuit : plurima morientium millia in cœnosa niue peruoluta , ferrum hostium misericordiæ loco implorabant , multa cadauera inhumata , funus atque extremum pietatis officium efflagitabant ipso factore , aggesti circum humo recenti tumuli , spissi nullo propè medio spatio , demonstrabant morborum vim , & libitinæ atrocitatem ; ipsæ etiam sarcinæ proiectæ vulgò atque derelictæ quasi peste graf-

HEN-
RICVS
II.

Anno
1553

*Calamitas
recedens.*

*Roche
sur
Ton.*

HEN-
RICVS
II.
*Guifij
humana-
ritas.*

sante stupori erant potius quàm cupiditati. Guisius humanæ fortis ea inter egregiè memor, hoste in amicum hospitem immutato, nullum officij genus prætermittit in miseros; primum cadauera religiosè humo infodi curat; ægros omnes defecti in nosocomia, recreari multa sollicitudine & opportunis remediis; mox persanatis pecuniam in commeatum largitur; & recedendi Albanæ tectæ nauigia misit qui offerret, ad deuchendos Thionuiliam milites, quos affligerent morbi. Ita non minor Guisio laus in subleuando hoste quam in repellendo; qui se prorsus victorem sed Christianum exhibuit: cui hostis victus pro ciue iam foret; & qui crederet victoriam consummari clementiâ, tamque hominem esse qui vinceret ac qui vinceretur. Deinde solemnî supplicatione Deum auctorem beneficij fassus. Libros omnes qui hæresim saperent diligenter conquisitos, quorum magna copia in urbem irrepserat, palam in foro dextra carnificis concremari iussit; ciues reuocauit damna illata quantum ipsi licuit facta tecta fecit; monetam quam cuderat probâ rependit ciui & militi; & stabilitis omnibus se ad Regem confert. Cæsar exercitum quadraginta hominum millibus imminutum, (nam Sandouallius id disertè affirmat) partim soluit, partim in Belgium ducit, quò se recipiebat: urbésque Imperatoris, metis, Viridunum & Tullum corpori Francico coaluerunt, à quo multis ante seculis abstractæ fuerant atque diuulsæ. Eoque recidit expeditio illa cui ortum vindicta, progressum spes certa, finem temporis acerbitas fecit.

III.
*Teruana
va cap-
ta &
perisa.*

Enimuerò Cæsar retrusus in Belgium, vt erat axaggerato supra omnem fortunam animo, censuit dimicandum in calamitatem, & tentandam sortem, an diuersis locis diuersa obtingerent. Erat Teruana, Morinorum caput,

put, Atrebatum inter atque Andomarum, Francis percommoda, quod in Anglos Calento prodeuntes propugnaculum firmum erigeret, at Flandris molestissima, quod omnes circum agros pluraque oppida, qua diriperet atque prædaretur, qua ingenti pecunia redimere salutem & vbertatem agrorum cogeret. Ideo Cæsari haud dubium erat, quin Flandri propensissimis animis, & effusa liberalitate, ad eam urbem diruendam accurrerent, quæ ipsorum inhærens visceribus, bona, alimenta, & viscera ipsa depasceret. Accedebat Henrici securitas, qui veluti hoste iacturâ proximâ profligato, & ignominia prorsus abiecto, vno sensu victoriæ captus, Dianæ filix cum Horacio Farnesio nuptias celebrabat, voluptatibus pacis in medium bellum interiectis. Igitur Cæsar collectis in Belgio copiis Roesium præficit; cui mox vita functo substituit Lalanium Beugnicuriam; eique provinciam Teruanæ cupiendæ mandat. Immensâ Belgarum lætitiâ cepta obsidio: miles omnium rerum circumfluere copia; ciues passim & rustici, pecuniam, opem, operamque impendere, ad molestissimum telum excutiendum visceribus: viri agricolæ fossorum munus sponte implere, feminæ cibaria afferre, atque in castra suam omnem penum effundere. Contra in urbe magna erat militum ac cæterarum rerum penuria: præfecturâ nuper Tuttauilla Villebo cesserat iam grandævus, successerat Lossius, & accusabat Villebonis indiligentiam, quod urbem com meatibus nullis instruxisset. Eam ob rem Henricus experrecta sollicitudine, immissurus militem, accersit Dessæum, nobilem Petracorium Landresij propugnatione, & scotico bello clarissimum; cui se nobiles adolescentes adiungunt, Franciscus Momorencij filius natu maximus, Martiguius, Dampetra, Piena, Baudinæus, Bourdelius, alique, simul-

HEN-
RICVS
II.

Teruane.

*Lalain
Beugni-
cur.*

*Villebo
de Loss
ses.
Dessæ.
Martigues.
Dampetra.
Piena.
Baudina.
Bourdelius.
alique.*

HEN-
RICVS
II.

que per obiectos hostes in urbem inuadunt. se morbo Dessæus cùm euocatus est recreabat, dixitque gaudere se plurimum, quod ex lecto inglorio in alterum vocaretur, in quo non ignobiliter decumberet, sed occumberet magna cum gloria. Et verò præfaga mens coniciebat futurum. Decem dies continuos verberatus murus, plerisque locis prostratus est, & instituit aggressionem Lalanius, quæ vehementissima eo bello fuit, per horas decem nullo interspirandi spatio continuata, semper recentibus in cæsorum locum substitutis: hostes tamen pulsi, defensorum virtute, & incredibili Dessæi gloria, qui postremum vitæ actum claudens, dum fortiter pugnat occiditur. Mommorancius illicò usurpat imperium, & trecenti pedites, Brullio & Sanromano ductoribus in urbem penetrant. At Lalanius effossis sub murum cuniculis, ut ruinam patefaceret; postquam ij in apertum proruperant, tam amplam intulerant labem, ut deiecti Francorum animi deditionem admiserint. Quam inconsultò dum peragunt, nec sibi ullis induciis aut intētiore vigilantia consulunt; Germani & Bèlgæ per apertum murum irrumpentes, urbem miseram capiunt diripiuntque inmaniter: nullo sexus discrimine, ciues, milites nobiles, gregarios, viros, feminas, senes & pueros passim obtruncant; nec ulli perpercisset furor, nisi Hispani Guisiani memores humanitatis, Francos gladiis Bèlgarum ereptos seruassent, atque in secreta loca recepissent: ita euasit cum paucis Mommorencius. Urbem illicò Cæsar, qui agebat Bruxellis podagrâ æger, iussit dirui a fundamentis: nec vnquam promptioribus animis obtemperatum est. E pagis proximis ipsisque oppidis, certatim omnes ad abolendam inimicam urbem aduolare; singuli suas in domos, saxa, ligna, camenta, & ferramenta, quasi spoliū aut trophæum ferre; ut brevissimo tempore opulenta & ampla ciuitas

non modò euerfa sit, fed præter locum inanem, nullum reliquerit fuis veftigium; perftititque adhuc ruinæ calamitas, vt hodie poft feculum euolutum laborefcibentium fides urbem fuiſſe; tantæ molis ne ſepulchro quidem extante. Epifcopatum Cæſar aliò tranſtulit, expunctâ etiam urbis memoriâ, & à natura rerum iuſſâ faceſſere. Poſt id facinus, Philibertus Sabaudix Princeps, cum ægrè duces parerent Lalanio, cum imperio in exercitum mittitur, qui extemplò vt ignominiam Francicam conſummareret, Heſdini arcem vrbe capta oppugnat. Deliberatum erat in concilio Regis, præſtaret Heſdinum deſerere an tueri, valuerâtque ſententia peior eſſe defendendum; Dianæ Piſtauieſis auctoritate; quæ vt Marchiano Bullonio geneto ſuo compararet bellicam laudem, eam prouinciâ ipſi confecerat, multis Nobilibus ſimul in propugnationem immiſſis. Porro Marchius, patri & auo militari laude clariffimis, admodum diſpar, ad verſanda potula quàm arma aptior, arcem haud munitam ſatis non diu tenuit. Hoſtis primùm cum frequentibus tormentorum pilis magnam muri partem diruiſſet, adiecit & cuniculos, quibus adhuc integris deſperantem Marchium ad deditiõnem adegit: ſed eodem facto quo Teruana, iniuriâ paciſcentium arx capitur atque diripitur: nempe cum vnus hominis negligentia in arcis puluere flamma exarſiſſet; ea ſtatim in hoſtiles cuniculos ſerpens, eos cum ingenti fragore & damno Francorum qui inſidebant muro aperuit; vnde Cæſariani proditam fidem accuſantes, in arcem proruunt, obuioſ maſtant, ducẽſque capiunt, Marchium ipſum, Martignium, qui biduò poſt interiit, Rionem, Matiguo- nium, & alios. Horacius Farnẽſius, præſtantiffimus iuuenis, è ſponſæ thalamo raptus in bellum, antea tormenti globo occiderat, in-

HEN-
RICVS.
II.

*Heſdi-
num
captum
Boniliõ
la
Mark.*

gens

gens Regi dolor, & desiderium Aulicis, quibus plurimum gratus ob virtutem erat & humanitatem. Arcem similiter Sabaudus diruit, quam Cæsar paulò post loco commodiore instaurari curauit. Interea Regi instruebatur exercitus, & Mommorancius præmissus Ambianum, collocatis aptè insidiis, septingentos hostes ceciderat, infregeratque rerum prosperarum cursum; cū Henricus coactum tandem exercitum ex sexaginta peditum millibus, equitum duodecim, Sabaudò in Belgium recedente, in hosticum infert. Accusatur ea in re cunctatio, Mommorancij, qui naturâ lentior, maximè in militaribus rebus, ad quas se haud satis aptum agnosceret, in cogendis copiis negligentior fuerat. Et verò, nihil dignum tanto exercitu actum est. Primam aciem agebat Mommorancius, (id enim munus Comestabilis est) cum Principibus Vindocinense, & Enguiennio fratre, Mompenserio, & Niuernense; alteram ipse Rex, quam ipsius nomine Guisus administrabat, simulque aderant Ferrariensis, Roquasurio, Santandreaus, Gouferius, Crequiùs Canaplius, & multi Præceres. Vario & incerto consilio progressus exercitus; primum Bapalmam admotus est, ac statim aquarum penuriâ traductus aliò, Cameracenses inuisit; nec vlla repatrata perrexit ulterius, hostilem exercitum disiecturus illato prælio. Ille se ad Valenceas citra Scaldim amnem munierat, præstolans dum desuaret primus ille Francorum impetus. Attamen tū Regi nuntiatum esset, spem pugnae fieri, properauit ad Scaldim. Et primum acerrima velitatione videbantur hostes pugnae prælusisse, cū postridie se castris continent, & assidua tormentorum explosione Francos repellunt. Plurimi ducum censebant eos cogi posse ad prælium, atque profligari; sed Comestabilis morbus deturbauit

bauit omne consilium : nam cum eo vno Regis mens atque prudentia niteretur , nec ceterorum haberetur ratio vlla , retrò actus est exercitus , & Autumno ingrauescente solutus postmodum , misso in praesidia equite. Idque accessit aegrotanti Carolo leuamen- tum ; cum idem annus posteriore successu priorem ignominiam emendasset. At iuuat , ij vires ad proximum bellum dum reparant , quid ante Senis , & in Corsica , modo contigerit , quasi spectaculum pomeridianum , omiſſis paulisper gladiatoribus , in arenam inducere.

Dum Henricus ex Germanica expeditione se recipiebat , eum Ferdinandus Sanſeuerinus Salernitanus Princeps conuenerat Danuillerij ; antea Imperatori Carolo addictissimus , mox ab eo plurimum alienus , nocendi modum atque vlciscendi excogitabat. Odium ex amore effecerat Petrus Toletanus Neapolis Prorex , qui Salernitanum assiduis iniuriis laceſſitum , ex inuidia ob collectam apud populum gratiam , calumniis praeterea apud Imperatorem vexabat , atque haud semel insidiis positis in discrimen vocauerat. Igitur Salernitanus concepto odio spem Regi fecerat Neapolis occultis consiliis obtinendae , atque auctus mutuis pollicitationibus Regis , primum Venetias tendit , dein Cardinale Turnonio frustra Senatum ad nouam societatem hortante , Constantinopolim nauigat. Ibi Aramundo Oratore Francisco contendente , Turcicam à Solimanno impetrat classem : & ea statim Draguto commissa , ad Siciliam vecta , Liparais Insulis & Calabrico littore peruastatis , trecentas naues ad Neapolim applicat. Erat Dragutus Barbarossae iam mortui successor , tam erudito magistro , artem piraticam , praedandi modum & ſæuiendi edoctus , & Solimanno à magistro traditus , sibi gratiam atque auctoritatem

HEN-
RICVS
II.

IV.
*Salerni-
tani
deſe-
ctio.*

*Ara-
mond.*

*Dragu-
tus Pi-
rata.*

HEN-
RICVS
II.

*Senen-
ses Frã-
cos ad-
mittūt.*

*De Pe-
triane.
De
Sainte
flaur.*

ritatem conciliauerat. Ad Neapolin octiduum præstolatus, si quid parerent Salernitani consilia, cum tranquilla vrbs ageret, aduentanti Doriæ occursum, anchoras tollit; eumque in fugam versum captis triremibus aliquot insequutus, cum nec Salernitanus, nec triremes Francicæ promissæ ex foedere comparerent, versus Græciam soluit; frustra Salernitano sequente, & promissis nouis regressum obsecrante. Ea expeditio ad terrorem potius, quàm ad vllum commodum fuit, attamen Senas urbem ad Regem traduxit. Senenses in Etruria positi, hæcenus suo ipsi regimine administrati, sub tutela Imperatorum; nunc Cosmi Ducis Florentini suspectâ potentiâ, præsidium militare ad se tutandos ab Carolo flagitauerant; dederatque Imperator Iacobo Mendosa. Verum miseri se inconsultos lupo commiserant: Nam Mendosa forsitan conscius Imperatoris mentis, aucto præsidio ciuem austerius atque acerbius habet, pro iugo arcem in capita ipsorum erigit; cumque ciuitas in factiones duas scinderetur; Patriciorum & Plebeiorum, ut Plebeiis rem gratam faceret, exutos armis Patricios omnimodo vexat. At illi onere seruitutis pressi, ad Francum, quod solatium vnum & spes extrema, respiciunt, aguntque clanculum cum Turnonio Cardinale & Paulo Tormeo, ut à Rege suppetias ipsis conficerent. Turnonius versabatur Venetiis, & quanquam à gubernaculo rerum deiectus post Francisci mortem, per inuidiam Mommorencij, non cessabat intendere patriæ commodis, nec priuatas iniurias ad vltionem publicam deriuabat. Ille Henrico comprobante consilium, spem Senensibus facit, qui subtegmine pertexto egregiè, adsciscunt in partes, Italos duces, Nicolaum Ursinum Comitem Petiliani, Marium Comitem Sanctorum, & Hieronymum Pisanum:

num : & mox cū Dragutus oram Italiae legeret , à Mendosa impetrant , vt sibi ad portus suos propugnandos , facultas scribendi militis foret. Sic comparati noctu in urbem Petilianum admittunt , cum quatuor peditum millibus , in arcem Mendosam & Hispanos pellunt , ac Sanfloro deinde cum duobus peditum millibus adueniente , arcem ipsam expugnant : Mendosa cum Hispanis Orbitellam secedit , oppidum ad mare in paludibus situm. Arcem continuo Senenses diruunt , Francosque euocant , simulque introducti Cardinalis Ferrariensis , & Paulus Termeus , quorum alter Regis nomine urbem administraret , alter arma & praesidium moderaretur. Inter haec Metensi ignominia Imperator affectus , rebus Senensibus cū nequiret incumbere , mox recreatus , iusserat Petrum Toletanum , Neapolitanum Proregem , ire in Tusciam , & Senensibus bellum inferre ; quippe hominem turbulentum & Neapolitanis Proceribus odiosum , specioso nomine auocabat Neapoli. At illum mors Florentiae opprimit , idque bellum Garfiae ipsius filio commissum , haud infeliciter procedebat , captis aliquot Senensium castris , cū iterum ex Senensi bello nouum exoritur. Dragutus deducente Salernitano , & Francis triremibus adiunctis , ingenti classe imminebat Calabriae , & ipsa Neapolis in periculo erat ; ad quam defendendam illico Garfias omissa spe Senensis victoriae , exercitum Neapolim ducit. Ita Senae liberatae , & datum Termeo spatium noui consilij agitandi Id erat inuasio Corsicae ; quae nauigantes in Tusciam Francos statione tuta exciperet , & Senensium veluti propugnaculum esset atque munimentum Diu Regem in eam expeditionem Sampetra , ipse in Corsica ex illustri familia natus , magnae apud populares auctoritatis , tum suo merito , tum ducta in uxorem :

HEN-
RICVS
II.

*De
Termes*

*Corsica
occupa-
ta.*

Sampetra.

HEN-
RICVS
II.
d'Ori-
mano.

Saint
Bonif-
acio.
Caluy.

vxorē Ornania ſynica locupletiffimā familiā herede filia; nec iuris ſpecies deſiderabatur : nam ad Genuenſes ſpectabat Corſica, in quos iam ab Carolo ſexto Franciæ Reges ſibi imperium vindicabant. Igitur ducta Draguti claffis in Corſicam, ac Termeus cū ab Gardia nihil periculi foret, iuſſus cum pedite in eandem tranſmittere, fauſta omnia ſub initium habuit. Plurimi è Corſis Sampetram excipiunt; Genuenſes perterriti Baſtiæ portum fugā hoſti tradunt; Termeus Florantium & Laiāſſam vrbes expugnat; Dragutus fanum Bonifacij capit, poſt labem muro factam, & plures inſtitutas impreſſiones. Ita tota Inſula, præter Caluium urbem, quam Baro Gardiæ obſidebat, proſtigata erat ac ſubacta. Verū ſtatim Francis retrō acta felicitas: ij quippe primordiis rarò finem at- texunt, Dragutus diſceſſit capto Bonifacio, pecuniā Genuenſium abductus vt creditur; & ipſi opitulante Imperatore exercitum inſtruunt, quem Doria in Inſulam ducit, recipitque oppida præter fanum Bonifacij ſingula. Deinceps bellum euentu vario protractum, donec tandem Franci expulſi ſunt, & Genuenſes in veterem poſſeſſionem recepti. Briſſacus interim Pedemontium tuebatur egregiè, & Gonzagæ nouas in dies obiciebat ærumnas atque incommoda.

V.
Henri-
cus bel-
lum in
Han-
noniā
inſertt.

Sed Carolum atque Henricum oborta noua ſtudia à bello aliquantiſper abduxerant. Eduardus Angliæ Rex vitam obierat; & Maria ſoror, oppreſſis Nortombellani parti- bus, & deiectā ſolio Ioannā Suffolciā, quæ Henrici VIII. ex ſorore proneptis, Gilfor- cio Nortombellani filio nupſerat, ſtabilito imperio de nuptiis cogitabat. Ad eas ani- mum & cupiditatem applicuerat Philippus Caroli filius, dictus Rex Neapolis, ac de- mū obtinuerat; Maria coniugem ambien-

te,

te, cuius potentia Proceres Anglos sub iugum mitteret. Id coniugium quanquam Henricus haud acceptum habuerat, tamen ad coniuges gratulationis causa Legatum miserat, per amicè exceptum & honorificè; atque Eduardus Polus Cardinalis, gente Anglus, spem pacis fecerat. Ille Roma in Angliam dimissus, ad instaurandam Orthodoxam religionem, de via conciliare Regem cum Imperatore statuerat; nec primùm ipsi Principes abnuebant, suspensis armis & militari-
bus expeditionibus, ad menseni Iunium. Iamque spei proximæ gaudium comes, complebat populos, tam diuturni & calamitosi belli finem præoptantes; eamque in rem Bruxellas è Francia Cardinalis profectus miro gentium planctu, viam floribus instratam calcauerat; è propinquis pagis confluentibus rusticis, & faustissimum exitum apprecantibus. Sed vitream spem scopulus ambitionis statim infregit: cùm ad rem ipsam propiùs ventum est, singuli Principes quæque amplissima sibi exposcebant; adeo de iure suo remittebant nihil. Optabat quidem inducias Imperator, vt Germania interim ab illatis plagis sanaretur, faucia quidem graui illa pugna Saxonem inter & Brandenburgicum; simul ac Philippus filius potentiam in nouo regno constabiliret; iisdemque de causis repudiabat Henricus. Quapropter is confirmato in bellum animo coactum exercitum partitur trifariam; suo cuique parti ducè assignato: nam Præfectus primæ Princeps Rocasurio, qui in Artesiam irrupit; secundæ Comestabilis; tertiæ Niuernensis, & tunc penitus in Arduennam siluam se abdidit. Etenim plerique omnes ex pagis & oppidis, metu ex diuisione copiarum correpti, atque incetti in quam partem ruerent, quidquid in pretio erat cum armentis

HEN-
RICVS
II.

de Pool

Ann.
1554

*Niue-
rensis
Ar-
duennā
subigit.*

&

HEX-
RICVS
II.

*Orchi-
mont.*

& gregibus in penitissimam siluam intule-
rant; tuti vt rebantur locorum asperitate;
in quæ hactenus memoria hominum nullus
exercitus penetrauerat; tam multis salebris
intricata siluæ, abruptæ rupibus, saxis ob-
ductæ, & viarum inficitia inexplorata sunt.
Primùm Niuernensis Orcimontem arcem
aggreditur, duodecimo milliari Meferiis di-
stantem, ac de deditioe præfectum com-
pellat. Ille se surdum esse respondet, nec
vllas nisi tormentorum voces obaudire; ea
porrò conuehi tam salebrosâ viâ non pote-
rant, surgentibus passim obicibus lapidum;
adeò vt viatori expedito irrependum propè
foret, & præbendum in singulos passus ad-
miniculum, quò vltra pergeret. At labori
improbo & gloriæ militari nihil arduum est.
Niuernensis per eas siluarum salebras, &
rupium abrupta, tormenta leuioris molis,
humeris militum imposita, ærumnis qui-
dem plurimis, sed euentu prospero, ad Or-
cimontem deportari curat. Ea visa, quasi de
cœlo fulmen impenderet, terrorem præsi-
diariis faciunt; Præfectus per posticum, pær-
que nota rupium compendia præceps euadit,
milites cæteri, Niuernensis arbitrio se per-
mittunt. Aliæ arces Linchatum, Iardinium,
Belrinum, vno machinarum metu expugna-
tæ; quippe postquam auditum est, eas cir-
cumferri, quasi Niuernensis castellorum
clauēs secum afferret, procul Præfecti & mi-
lites arces deserebant; nec vlla machina per
tam difficilem viam explosa est: adeò plera-
que constant opinione, & plura metu pa-
trantur quàm gladio. Ita pluribus castellis
partim euersis, partim incensis, & prædo-
num illis cubilibus tota silua dirutis; tandem
Niuernensis ex caligine illa cymmeria in lu-
cem prodiens, ad Mosæ amnis ripam exscen-
dit, quæ Giuetij portus fluuio imminet. Ii
medio

*Portus
de Gi-
uetij.*

medio amne oppositi, loci commoditate & commeantium frequentia celebres, opportuni obtinentibus erant ad reliquum bellum; atque in eorum altero Niuernensis commeatum & noua Regis iussa operirur. Mommo-
rencius interim, cum Auenas oppugnaturum se fingeret, ad Marienburgum impro-
uisus vertit, & destitutam praesidio circum-
sudet. Erat Marienburgum antea pagus, ob
venationem duntaxat celebris, ad quam
conueniebant proximi Nobiles; at Maria
Regina Hungariae, Belgij pro Carolo fratre
administratrix, & ipsa venatus amantissima,
capta loci situ, eo in pago urbem posuerat,
quam suo nomine Marienburgum appella-
uerat, instruxerat munimentis ad vim re-
pellendam, & assatim omni commeatu im-
pleuerat. Rinsartus Praefectus ad primos
tormentorum ictus debilitatus est, urbem
tradidit, proditque miles cum sarcinis; re-
licta arma, & retenti aliquot Centuriones.
Rex mirifice latus, in urbem aduolat, cu-
stodiendam tradit Cosixo Gonorio, iubet
munitiones affectas perfici, & eam deinceps
Henricoburgum vocari. Quippe ipsum inter
& Mariam Reginam, non amulatio tantum
sed odium erat; cuius causa cum Historicos
lateat, eam ex effectibus multis colligimus;
Maria per dira incendia grassante in Francia,
& vicissim Henrico ignes rependente. Po-
stea Rocroium in Arduenna filiae faucibus
pagum, quia medius erat Marienburgum
inter & Malberfontanum, Rex muniri ac-
curate mandat; ut per eum facilius com-
meatus e Francia Marienburgum importa-
retur. Deinde ad Mosam, qua Giuetos in-
terfluit, ducit exercitum.

HEN-
RICVS
II.

Mariē-
burgū.
capitur

Rocroy.

VI.

Dinā-
tium
captum

Rex altero portu occupato, cum Niuer-
nensis teneret alterum, medio amne copias
iunxit; eoque traiecto Niuernensem inuisit,
ob operam praestitam collaudatum mirifice:

mox

HEN-
RICVS
II.

mox diebus aliquot consumptis, dum vehitur commeatus, tardiùsque Salsedus cibarium curator suo munere fungitur; die tandem septimo postquam is aduenit, iuncti exercitus viam ad Dinantium capiunt. Incedebat cis Mosam exercitus regius, ultra Niuernensis; móxque ad Dinantium hic, ille ad Bouinas, amne semper interiecto conueniunt. Rex Bouinas pagum tormentis acriter verberatum, propugnantibus solis oppidanis, expugnat per militum impressionem, pluresque ciuium suspensi ad arbores, quod audaciâ temerariâ ausi essent in exercitum regium præliari; at simul clementiæ vti & iustitiæ Rex litauit, sepositis pueris, matronis & virginibus, deductisque in securum locum ab exercitu procul. Id enim fuit Henrico vsitatissimum, vt saluti innocentium & pudori virginum, supra omnem curam intenderet atque consuleret. Captis Bouinis ad Dinanti obsidionem vterque exercitus se accingit. Dinantenses freti arce munita admodum, & inani præiudicio gloriæ, quod se iactarent à pluribus tum Regibus tum Imperatoribus oppugnatos decies septies, nunquam captos, se ad vim dispellendam comparant. Continuo tormenta in muros obuersa, & loco quidem gemino, cis amnem à regiis, & ultra fluuium, qua in parte vrbs iacet, à Niuernensibus. Et quidem post vnâ impressionem, quanquam arduo muro, & aliquot inuadentium cæsis, vrbs dedita est; atque arx postmodum, machinarum globis tantum non euerfa sed vrbs à direptione seruati non potuit: in eam immissi erant ad custodiam Franci; quos Germani rati ad prædâ inductos, nocte irrupunt ad diripiendam miseram ciuitatem, motumque est eos inter & Francos certamen acre, donec Henricus Præfectos misit, qui dirimerent prælium. Tum ipse assuetâ clementiâ

clementiâ & bonitate, omnes captiuos libertati restituit, aluitque præterea sumptibus suis, & commeatu quem destinauerat militi, quanquam haud multum afflueret. Arx euerfa est, situ plurimum valida; Rêxque admissio Niuernense, & Sabi anne transito, in Hannoniam penetrat. In ea cum nullus hostis occurreret, excitata incendia, ipsique Mariemontium arsit, Mariæ Reginae amœnissima & pulcherrima domus, arcis instar exstructa, ornata columnis marmoreis, & imaginibus tum pictis tum fictis, ex Europa tota conquisitis; præter hortos odoratissimos, & viridaria omni frugiferarum arborum specie accuratissimè consita. Idque in vltionem Folembrai patratum; quam Henrici domum Maria ipsa ardere iusserat, inuitis ipsis qui flammam subiicerent, tanta erat in ædificio admirabilitas artis. At exercitum tandem Cæsar conflauerat, dederatque ducendum Philiberto Duci Sabaudia, nuper emortuo Carolo patre, isque imminabat Henrico Hannoniis urbibus circumcincto. At ille nihil veritus, cum in Cameracensem agrum nihilominus stragem atque incendia intulisset, auctus copiis Rocafurionis, in Artesiam mouens, Rentiacum castellum toto exercitu cingit. Erat Rentiacum munita admodum arx, in Artesia & Picardia finibus, loco paludoso, & riuo aluente, quo fossa impletur. Cum proximis castris Cæsariani Regios insequerentur, Cæsarque ipse suas copias duceret, Henricus statuit spectante Cæsare castrum obsidere, atque cum ipsius ignominia capere; aut si eam Cæsar minus pateretur, ad pugnam elicere; quod ipsi Henrico summum erat votum. Circumfusi castello Franci erant, in proximis collibus Cæsariani; utrisque castris intercedebat saltus, per imminem collem porrectus, qui alterutri occupanti erat commo-

HEN-
RICVS
II.

Mariemont.

Folembrai.

Rent.

*Pugna
ad Rē-
t iacum*

HEN-
RICVS
II.

diffimus; eiúsque obtinendi datum Guisio munus, quod egregiè præstitit, iniectis trecentis sclopetariis, & equitum turmis. Interim Henricus bombardarum ingenti strepitu arcem verberabat; quo perculsus Cæsar, deliberata re cum Tribunis, iuerat in Ferdinandi Gonzagæ sententiam, quem nuper Mediolano exciuerat; nempe ut obsessis ferrentur suppetiæ, eámque in rem saltus imminens Francis occuparetur. Gonzaga summo mane, & nimbo die, cum exercitu toto progreditur, saltúmque inuadit cum quatuor peditum millibus; Franci sclopetarij strenuè præliantes, iubente Guisio cum retrocederent: nam numero obruebantur; mox disiecto nimbo, animaduertit Guisius pugnare hostem toto exercitu. Qua de re admonitus Mommorancius, riuo celeriter transinisso, peditem ad pugnam comparat, aduenítque Guisio in extremo saltu adhuc dimicante: mox vniuersæ Francorum copiæ aciem instruunt; Réxque ipse adequitabat ordines, adhortans singulos, & flagitantibus de more Heluetiis, ut destinarer equitem quo tenerentur, pollicetur se ipsis ut amicissimis præstò futurum, eorúmque alacritatem magnoperè auxit. Hostes rati primo illo impetu Francos profligatos, cùm tenerent saltum, incurrunt in pedites, quos Gaspar Colinius & pedes ipse fortissimo animo in dimicationem ducebat; eaque admodum atrox instituitur; & Franco anceps erat, Hispano pedite obliquè in latera iaculante, cùm Guisus equitatu toto inuehitur. In eo Alphonsus Ferrariensis, Guisij fororius, Franciscus frater Franciæ Prior, Dux Nemursius, Franciscus Rupifocaldius, Carolus Randanus frater, Aluinius Pienna, Chabanius Curtonius; & Tauanius, qui eo prælio laudem amplissimam comparauit. Eo statim agmine Hispanorum equitum turma disiecitur,

de Col-
igny.

de Ta-
uannes.

difficilitur, tum pedites repelluntur; cūque ad saltum emergere & restituere ordines, niterentur, ab Aumalij sclopetariis prohibiti sunt atque dissecti. Guisus prouectus ulterius, Germanos equites, cū dislosione facta couerterent se, in arctum coactos in Nassouianam legionem fundit, quæ turbata & confusa ruit in proximam, eaque perturbatione dissipantur omnes ac pelluntur. Niuernius interim Hispano equiti superuenit, instauranti ordines ad oram siluæ, cūque fundit. Nullo deinde loco pugnatum est; Ipse Gonzaga in fugam actus, & in suis castris pro mortuo habitus, cū tota nocte viarum ignarus per siluæ latebras deerrasset, simul cum luce suis se restituit. Mommorancius persequentes inhibuit, noxque imminebat, & creditus est Mommorancius Guisij gloriæ inuidisse, & intercepisse eo iussu victoriam, cuius maxima laus ad Guisium ut auctorem prælij pertinebat. Sanè tunc primū Guisium inter & Colinium orta est contentio; & Colinius ut faceret gratum auunculo, Guisio obiecit, quod recessisset à prælio; quanquam abscesserat, ut equitatum induceret, quo adducto comparauit victoriam. Cæsi ex Francis ducenti quinquaginta, ex hostibus mille quingenti; capta Cæsaris tormenta campestria, quæ is minora sclopetæ vocabat, quod quadrigis imposita, facilè in quancumque partem verterentur. Henricus qui in secundo agmine cum Heluetiis erat non pugnavit, ut nec ipsi Heluetij; adeò tamē cupiditate pugnæ incēsi, ut Regi rem gratissimam fecerint, & ab eo donati sint præmiis. Idem cū Tauanio calenti à prælio occurrisset, virum stricto & sanguineo ense terribilem sicut erat amplexus, sibi detractum torquem equestrem collo inseruit. Eā pugna Cæsarianorum oppressa vanitas, qui iactabant Francos in necessi-

HEN-
RICVS
II.

Saint
André
Ven-
dôme.

tatein fugæ adactos. Postea cum se castris contineret Cæsar, iamque annona Francis deficeret, castra Henricus soluit; Cæsare prius admonito, se dicta die præm profecturum, & prætolatum quatuor horas in agro proximo; si fortè ipse veniret in prælium. Idque præstitit, comparente nemine, recessitque in Picardiam, primum agmen ducens, Santandeano postremum. Nihilque dignum memoriâ factum, cum insequens Cæsar tardioribus castris, penetrare in Picardiam prohibitus sit à Vindocinense; nouo Hefdino dum rediret exstructo. Iamque in Italiam versa erant vtriusque studia atque contentio.

VII.
Senense
bellum
à Strossio
promotum

Strossi.

Quippe Imperator cum Francos pedem in Italia ligere animaduertisset, rem à consiliis suis alienissimam, in eos Cosmum Florentinum Ducein incenderat; euentu tam commodo, ut cum in id bellum nullam pecuniam rarosque milites præberet, Cosmus sua vna utilitate adductus, impenſas atque pericula sustentaret. Ipsi sponte properanti nouum ab Rege calcar adiectum est; qui Petrum Strossium, Florentinum nobilem, commendante Regina, & ipsa affine, Senensibus præfecit, Francisque copiis. Ea res, quanquam Strossius militaris vir, vel ampliori munere dignus foret, Francis tamen non mediocriter obfuit. Etenim Ferrariensis Cardinalis, qui magno studio Senis administrabat rem publicam, successorem sibi datum questus, vrbe abcessit; Cosmus præterea, qui adhuc lentius atque consultius bellum sustinebat, postquam vidit capitalem hostem obiectum, (nam Strossij patrem Medicij necauerant) mox toto nisu in id bellum incubuit; atque ipse Strossius in vindictæ potestate euectus, plura dabat vliscendi libidini, quàm rationibus bellicis; & inimicum in Cosmo non hostem attendens, sæpius priuatas iniurias utilitati

utilitati publicæ anteuertebat. Ducem copiis Florentinus dixerat Marchionem Marinianum; ille, ut dixi, ortu Mediolanensis, nomine Mediquinus, & redemptoris vectigalium filius, ad Medicium nomen suo alludens, appellationem Mediciam atque insignia usurpauerat, Cosmo pollicitus insignem operam, qua dignè in optatam familiam infereretur. At cum copiarum amplarum non admodum forent, occultis insidiis vim promouere instituit. Profecturus in Corsicam Termeus Senensibus mandauerat, ut inceptas munitiones perficerent; at illi per negligentiam mandato haud satisfecerant, seque indiligenter custodiebant. Hinc Marinianus noctu Senas occupaturus, primum arcem proximam, quam dicebant Camoliam, scalis applicitis capit; & ipsam urbem eodem vectigio inuadebat, cum vnius ciuis Laurentij Castilionis vigilantia, reiectus, & vocatis ad arma ciuibus pulsus est. Postea vario euentu cum Strossio bellum ducebat potius quam gerebat; donec ad Marcianum Strossius victus & profligatus strage ingenti; quod contra ducum sententiam non concubia nocte, sed luce palam, se & totum exercitum recepisset, Senensium res in angustias magnas perduxit. Nam Marinianus recenti victoria obsidet Senas, & castra munit adeo operose, ut à prorumpente ciue securior; ipsi famem necessario inferret. Monlucius præclarus bello dux, Præfectus ciuitati atque præsidio, egregiè se ad defensionem parauerat, præfagus cladis quæ pertinaciam Strossij obruit; & recreatus ex grauissimo morbo, quo laborabat dum instituta est obsidio, eiecto superfluo milite, curam omnem impendit in annonæ parsimoniam; haud ignarus belli momentum ad cibaria actum, & laudem patientiæ non prælij fore. Sperabat moram temporis futuram commodò suis rebus; Strossio

HEN-
RICVS
II.
*de Mar-
riguan.*

*Monlu-
cius
Senas
propu-
gnat.*

HEN-
RICVS
II.

suppetias ex Pedemontio & ex Francia subministrandas ; Florentinum Ducem tantæ impensæ radio copias reuocaturum ; ipsas acerbitate hyemis obterendas demùm, atque magnis incommodis dilapsuras. Et vero Monlucius consulebat egregiè , nisi aulica æmulatio præclara consilia disturbasset. Quippe Cosmus , cùm tantos sumptus sibi permolestos assideret , Marinianum rogauerat , ut vim vrbi inferret ; iamque ad eam instruebat se Marchio , cùm de Monlucij proposito certior factus , impressione abstinuit. Etenim Monlucius admirabili vigilantia , occupabat tormentorum ictus , & quacumque machinas ad verberandum hostis obuenteret ; erecti antè aggeres , fossa post murum ducta , & obiecta claustra , muri ruinam cum incremento plurimo sarciebant. Imò deliberatum habebat Monlucius , si hostis faceret impressionem , eum intra urbem admittere , atque admissum vniuersis viribus profligare : eamque in mentem exardescere ciuitas tota ; senibus etiam matronis ac pueris ad repellendam vim comparatis. Et eas ob causas Marinianus , regressus ad propositum , statuebat urbem obsidione & fame vltima capere. Senenses interea ad Regem legatos miserant , qui fidem suam , calamitatem , & extrema omnia , ad impetrandam opem proponerent ; & vrgebant Guisij , ut ad eos seruandos Rex eniteretur. *Agi de gloria Francia & utilitate ; admissam oppressa ciuitatis tutelam Senenses ob unam Franciam miseros incurrisse in odium Imperatoris & Florentini ; haudquaquam libidini hostium permittendos , nihil Regis consiliis opportunius , quàm pedem in Italia figere ; porro in Tuscia multò commodius , quæ mari adiecta classem exciperet , & media inter Neapolitanos & Insubres , terrori utrique genti foret , atque utramque dirimeret , mutua ope cen-*
obiecto

obieto clauſtro abſciſſa. Hæc Guiſius, & Briffacus recipiebat, ſi decem hominum milia ſibi traderentur, iturum Senas, eadem viâ quam inſtituiſſet Rex Carolus poſt pugnam Fornonenſem, & diſiecturum obſidionem. Sed Comeſtabilis rapiente in Guiſium æmulatione, ad quem Senenſes perſu- gerant, & inſenſus Monlucio, quia ipſum Præfectum non dixerat, pervertebat ſanum conſilium, neceſſitate opis eluſa. Dicebat, metu classiſ Turcicæ abiceſſurum hoſtem, & Stroſſium ſolo tympani pulſu quantum ho- minum vellet conſcripturum: qua inani ſpe abduxit Regem à præſtandis ſuppetiis, miſerôſque ipſi vltimam calamitatem adegit: nam Stroſſio ad ſcribendum militem nulla pecunia data eſt, & classiſ Turcica ſtatim in- eunte Autumno diſceſſerat. Ita Senenſes conſtantiâ ad Aprilem ductâ, iâmque herbis deficientibus, quibus diu iumentorum in- ſtar ſe pauerant, plerique inter ambuland- um merâ inedia expirantibus, quarto die poſt quem nihil ſumpſerant alimenti, pacti ſunt cum Mariniano dediti- onem, aſſentiente Monlucio. Verùm & in ipſa dediti- one egregia Monlucij illuxit charitas & fortitu- do. Nam in conditionibus, cùm Imperator ciuib- us parceret, exceptis exulibus Floren- tinis; Monlucius vti & illis incolumitatem conficeret; plures enim erant, & de publica re optimè meriti; Senenſes alloquitur, do- cêtque per exceptionem eiufmodi inſidias cunctis ciuib- us poni: quamobrem cunctis ad arma ruentibus, Marinianus noui diſcri- minis metu, libertatem exulum à Coſmo impetrat. Tum Monlucius pacta cum hoſte inire Senenſibus permiſit; nihil de ſe ſuo- que milite pactus eſt, affirmans nomen ſuum in iſtiusmodi inſtrumentis nunquam adſcri- ptum; ſibi viam ferre per hoſtes futuram, eam ſi clauderent; nouôque prorsus exen-

HEN-^{ry}
RICVS
II.

Anno
1555
Mon-
luci,
lani.

— plo, inuictus ex vrbe capta egressus est, cum
 HEN- milite, pulsantibus tympanis, armis instru-
 RICY5 ctus, expansis vexillis, nullo pacto prauio, vna
 II. fortitudinis securitate. Ipsum præter exules
 sequuti sunt octingenti ciues; quibus li-
 bertas erat charior patriâ & facultatibus;
 atque Alcini montem siue Montalcinum
 contenderunt, in vmbra Reipublicæ liberatis
 ysum asserturi. Postea Hercules portus Fran-
 cis ereptus est, reuocatus in Franciam Strof-
 sius, & diu Antibæ iussus subsistere, misso in
 Soubise eius locum Subisio, qui prætermis-
 sagendi occasione, res Francorum in Tuscia
 cæteras afflixit. At Monlucius, fremente in-
 uidia, ab Rege exceptus est amicissimè,
 præmiisque donatus, torque ordinis, annua
 pensione, & cataphractorum equitum præfe-
 ctura, primam infelicitatem ingenti fama &
 laude extinxit; quas tametsi amplas tamen
 infra meritum est adeptus, tanta viri virtus
 in propugnanda vrbe effulserat. Nunc vesti-
 gium paulò prouectius ad Brissaci gesta re-
 uocandum.

VIII. Ille quanquam pecunia rebusque ad bel-
 Brissa- lum necessariis, peritante Comestabilis odio,
 ci in egeret plurimum; tamè existimatione ex vir-
 tute parta supplente pecuniâ, atque industriâ
 pro necessariis rebus satagente, bellum su-
 stentabat. Valsenerias obsidebat, cum Strof-
 sium ad Marcianum victum audiuit, recesser-
 atque, dum facinore aliquo deiectos suo-
 rum instaurat animos. Nec diu desiderata
 est opportunitas; quippe Suares Figueroa
 Gonzagæ loco Mediolanensis Prætor, nobi-
 litate quàm peritiâ clarior, obiectus scientis-
 simo duci, breui pluribus oppidis spoliatur.
 Nam Brissacus Eporediam capit, urbem in
 faucibus Alpium Pœninarum, & opportunam
 transmittendis Heluetiis; mox Biella capta
 accedit, vnde ampli reditus Sabaudo obue-
 niebant. Dein vt propius inuinceret Insu-
 bribus

*Pede
mortio
gesta.*

Inreé.

bribus, Iacobi fanum, quod Santia dicitur, muniendum suscipit, vt circumpositos hostes fatigaret. Atque ex eo occasio data occupandæ Casalîs; cuius rei gloria ad Iacobum Saluosonium spectat. Is Tholosæ natus, à iurisprudentiæ studiis ad martem traductus, & aperto gladiatorio ludo, lanistam professus cum forte nullâ noxâ comitem se patrantibus cædem præbuisset, in Pedemontium profugus, è gregario milite per militiæ gradus, vna virtutis commendatione Verruca præfecturam obtinuerat, & gerebat præclarissimè. Speculatores alebat quamplurimos, eorum oculis penetrabat in hostium mentem; quid in ipsis validum, quid inualidum foret explorabat; atque vt erat tam acri ad excogitandas militares fraudes ingenio, quàm ad exequendum strenuitate mirifica, nouum semper aliquid comminiscebatur & conficiebat. In præsentia noscens Casalenses pompam gaudij agere, ob cuiusdam primarij ciuis coniugium; vocatum ad epulas Figueroam Prætorem; & nullo belli metu ciuem ac militem genio indulgere; primùm quosdam milites clam in urbem immittit; tum nocte quæ exceperat nuptias, nouus Hymenæus, sopitis magnam partem vigilibus, occupatâ portâ in urbem irrumpit, capitque vino immerfam; Figueroa Tribunisque cæteris è lecto in arcem nudo corpore fugientibus. Arx aduolante Brissaco verberata tormentis, proximo die pariter capta est. Præterea Saluosonius multis facinoribus celebratus est, donec veneficus admissus in domesticis, virum egregium in flore ætatis veneno sustulit. Et id aliquantò post: nunc Brissacus collecto exercitu Valentiam expugnat, & alia in Insubribus castra, ac Vulpiano aditus intercludere incipit. At Imperator Figueroæ nimium impari Ferdinandum Albanum successerat, ei que summum impetium

HEN-
RICVS
II.

*Casalîs
capta.
Saluosoni-
sen.*

HEN-
RICVS
II.

in Italos omnes permiserat ; adueniēsq̃ue
Mediolanum Albanus , conscribit triginta
hominum millia ; vtque præclaras naturæ
dotes quas à natura habebat, tam arrogantiam
maculabat quàm crudelitate , virtutes ac vi-
tia ad pellendum Brissacum illicò adhibet.
Postquam iactauit se anno vertente exactu-
rum Francos è Pedemontio , & Brissacum in
præsidia urbium egit ; Fraxinetum vi capit,
modicum ad Padum Castellum , milliari ter-
tio infra Casalim , ac terrorem seueritate
facturus , crudelem , quod viro solemne ad-
modum erat, & inhumanum se exhibet. Nam
Præfectum necat suspendio , Francos remo-
addicit , Italos omnes ferro interimit. Tum
commeatu Vulpianum illato , Iacobi fanum
aggreditur, vtpote munimentis nondum per-
fectis infirmius. Verùm pro munimentis
duces erant & milites. Propugnabant urbem
Boniuetus, Ludouicus Biraga, & Theodorus
Bedanius ; Franci bis mille, Itali mille, Ger-
mani totidem , & centum equites Albani.
Crebra tormentorum verberatione murus
discussus in labem ruerat ; nec ideò Alba-
nus aggressionem ausus inferre, cum subsidia
è Francia missa accederent, mille quingentis
suorum desideratis, atque infractâ plurimum
arrogantiâ, soluta obsidione regreditur. Ete-
nim Henricus ad Albani famam decem ho-
minum millia ductore Aumalio miserat in
Italiam; & Principes Condzus, Enguicennius,
& Nemursius , cum magna Nobilium turma,
vna gloriæ cupiditate , simul profecti cum
milite, otium bello , imperiûmque obsequio
postposuerant. Brissaco Taurini ægrotante,
Aumalius copiarum ductor , Vulpianum il-
licò obsidet , atque actis sub propugnaculo
amplo cuniculis, incensissq̃ue feliciter , facit
perapertam labem impressionem; nec potuit
prohibere quin Principes in primis ordini-
bus stricto ense murum conscenderent:
pulsi

*Biraga
Bedanius
ne.*

*Auma-
lius in
Pede-
montio.*

pulsi Hispani sunt, capta vrbs, ac cæsi pluri-
mi; in quibus Cæsar Toletanus Albani ne-
pos, & Garcilassus Vega magnæ spei iuuenis;
postridie arx vincentibus tradita; tamque
ipsa quàm admotum oppidum, munimentis
nudata sunt, fossæque oppleta; cùm Francis
superuacua essent, inter alia plura munita
oppida. Ea deiectus vrbe Albanus Pontem
Sturiam munire incipit, vt Casalim Taurino
diuelleret; nam vtrique Pons interiectus
est; verùm Aumalius Moncaluum intercipit,
Albani consiliis prorsus euersis. Nec aliud
dignum memoria gestum est, præter certam-
en ex prouocatione, & gentium æmulatione,
quatuor inter Francos totitèmq; Hispanos:
in Francis Dux Nemursius, Classiuas-
fæus, Gaspar Bollerius, & Monchasius; in
Hispanis Marchio Pescaria, Malespina, Ala-
bus & Franciscus Caraffa: Nemursius cum
Pescaria pari Marte certauit, Monchasius Ca-
raffan transuerberatum hasta prostrauit; Vas-
fæus & Bolerius cæsi ab hoste sunt. Mox
Thermeum Rex in Brissaci locum substituit,
iterumque restituit dignitati Brissacum; cùm
viri Principes Proceresque viro nulla digni-
tate conspicuo obsequerentur grauati. Nunc
quædam prætermissa, racemationis instar, te-
nuocanda.

Lentius bellum progrediebatur in Belgio
per hyemem Hispanus arcanas conspirationes
texuerat: Abbauilla in periculum acta est
proditione subpræfetti; Metis grauius im-
plicabatur dolo Franciscanorum, qui Hispani-
s vestem, hospitium, & opportunitatem ca-
piendæ vrbs faciebant, dum in eam ipsi ad
comitia ordinis cogerentur; vtrouque con-
silia patefacta euauuerunt; non sine proden-
tium pœna. Tum commeatus Mariembur-
gum illatum bis, semel opera Santandreani,
iterum industria & fortitudine Niuernensis;
qui per hostes medios illibatus rem difficil-

HEN-
RICVS
II.

*Pont
d'Estre-
re.*

*Classi-
uasé
Bolliers
Machin.*

IX.
*Quid
in Bel-
gio
actum.*

limam præstitit. Belgæ interea geminas arces, exadificabant, quibus suos fines in proximum hostem, tuerentur; alteram Carolomontium, in portu Giueto ad Mosam; à qua perficienda prohibiti, grassante pestilentia; alteram Philippopolim, in Namutcensium finibus, ponente Orangio, & Namutcensibus incenso studio sumptum præbentibus. Franci etiam clade ignominiosa affecti sunt. Nobiles Andegauenses, quos iure regni Rex convocauerat, lalla ductore (ij erant mille & ducenti equites, pedites quadringenti) cum in Artesiam irrupissent, & præda opulenti perturbatis ordinibus regrederentur, Ossimontius Bapalmæ Præfectus, loco commodo ad abruptum pontem interceptos, ignauè præliantes fudit, occidit ac cepit; paucissimis in proximam siluam fuga lapsis. Fortius à Normannis in Oceano dimicatum. Ij vnde viginti naues instruxerant; quibus Belgij oras cum infestarent, incurrunt in onerarias Hispanas viginti quatuor, refertas aromatis, & eiusmodi mercibus pretiosis; quas naues tormentis munitissimas Belgæ vrcas vocant. Continuo pretium atrocissimum feritur; Belgæ ex amplis nauibus quasi ex muris aut propugnaculis in subiectos Francos tonantibus; contra Normannis, veluti impressionem in murum facerent, minora nauigia applicantibus, atque annitentibus ad maiora euadere. Ita dum prælium multo sanguine ultra horam sextam producit; fortè ignis in vnus Belgicæ naus puluerem inuolat; ac repentè ea naus ac quinque proximæ, tum Belgicæ tum hostiles corripuntur incendio. Quo factum vt ceteræ pugnam omiserint, Dieppam quinque naues è Belgicis ductæ; & longè plures occubuerant è Belgis, nisi mors Spineuillæ, præfecti classis, Normannicæ, & peritissimi rei maritimæ, cladem adæquasset. Dum hæc in Oceano, Mediter

HEN-
RICVS
II.

Charle-
mont.

Philip-
peus II.

Arrie-
reban.
la lail-
le.

Pugna
mar-
itima.

Espre.
nille.

Mediterraneum suâ etiam insignitur victoriâ. Baro Gardiæ quatuordecim tîremibus vectus, in viginti quinque Hispanicas naues inciderat, quibus imposita quinque Hispanorum tironum millia vehebantur in Italian. Ex tum securæ in Corsico littore agitabant, quas de improviso aggressus Gardia, fundit ac disiecit; duæ submersæ sunt, aliquot captæ; atque è tironibus, mille partim cæsi, partim remo dati. Maiorem belli molem præter mutuam defatigationem, pax sperata in dies arcebat. Etenim Polus Cardinalis rursus in eam studia operamque addixerat, atque Imperator, iam secessu prorsus deliberato, optabat vehementer, extremum actum regiminis pace concludere, & bellum quod in Europa tamdiu propagasset, saltem cum desineret ipse, extinguere. Ideo Polo gnauiter allaborante, cum de pace integra nondum conueniret, assensu Principum in quinquennium pactæ sunt induciæ; quarum lex præcipua, vt quisque in quinquennium possideret, quæ tunc obtinebat; libera essent vtrobiq; commercia, ac fœderati quos inuicem dicerent, beneficio pacis fruerentur. Eas inducias Colinius Bruxellis coram Imperatore iurando sanciuît, spectante Rege Blesis Lalinus. Adscriptum erat vt captiui mutuò restituerentur; tribus duntaxat exceptis, Marescallo Markio, Francisco Momorancij filio, & Philippo Croio Duce Arscotio; & is quidem è Vicennarum saltu arte euasit; duo alij redempti. Sed Markius in vxoris redimentis gremio expirauit, vir incorruptæ in Francos Fidei. Eius obitu Strossius Marescalli munus obtinuit, quod antea per absentiam Markij exercebat. Post inducias Februario mense contractas, sequente Octobri Carolus Imperator acerbissimis cruciatibus podagrz diuexatus, & concepto in genti humanarum rerum vel tædio

HEN-
RICVS
II.

*Indu-
cia in-
ter
Prin-
cipes.*

Anno
1556

La'ain

*Impe-
ratoris
sponta-
nea ab-
dicatio*

vel

vel contemptu ; cùm plerumque felicitatem suam incusaret, quæ secum vnâ consenuisset; fortunamque mulierem appellaret, quæ ad ad riualem adolescentem conuersa, canos senis contemneret ; statuit abdicare se Imperio, & regnis per tot arumnas curasque assiduas comparatis. Eam rem, quandoquidem fusè & pro dignitate à pluribus scripta, teritur omnium manibus, nec mei est instituti, enarrare eo loco omitto ; ac orbi terrarum existimandum relinquo, quando contrariæ perstant sententiæ, quo potissimum animo Princeps prudentissimus, præcepto ante obitum funere, viuum se viuentium albo expunxerit, ac potestatem quam tam vehementer ambiuerat, sponte deposuerit atque abiecerit. Sanè ad faciñoris laudem inclinatur animus. Quæ enim præpostera illa ambitio, ea quæ concupiscas abijcere ; cui in omnes imperium sit, placere obsequium ; & versantem in amplissima luce, amplecti tenebras atque caliginem ? Persuasum sit potiùs, quod humanitati nostræ sit maximæ laudi, Christianum Principem, prosperis aduersisque elatum & afflictum, clarum virtutibus nrisque contactum, in fallaciam humanæ amplitudinis introspectisse, ac magistro se didicisse, mundi fastigium ac votorum apicem, onus esse grauissimum, quod abdicatio-
ne sola deponitur.

X. Bellum quod Carolum inter & Franci-
scum tam violenter exarserat, eorum morte
videbatur extinctum (nam statim Carolus
postquam abdicauit se pro mortuo habitus)
paxque illuxisse concupita tot gentibus, cala-
mitatum serie attritis & propemodum per-
ditis. At repente procella vnde minimè
oportebat excita, iterum Europam acerbissi-
mis malis implicuit ; luemque belli longè
fœdissimam in mortales ambitionis flatus
immisit. Anno antè proximo Iulius Ponti-
fex

fex suo fato obierat, successerátque Marcellus Ceruinus, qui vigesimo altero die, folium vacuum successori dimiserat. Is Francorum Cardinalium calculis Ioannes Petrus Caraffa, ex nobilissima Neapolitana familia, iam grandæuus, nam annum agebat septuagesimum nonum, excultus scientiis, & humanarum peritissimus rerum, Pontifex dictus est, & Paulus eo nomine quartus nuncupatus. Illum multæ iniuriæ tum in se, tum in affines ab Hispanis collatæ, in Francorum partes addixerant; metuebántque viri prudentes non temerè, ne iniuriæ sensus magnum aliquod malum procrearet. Attamen Paulus sub primordia, vt se æquum amantemque patrem exhiberet, legatos ad Principes pro constituenda pace instruxerat. Nec ab optimo sene malum obortum est, ab eius nepotibus arcessendus fons calamitatis. Il ex fratre tres admodum erant Alphonfus Montorij Comes; Carolus eques Melitensis, & statim à patruo dictus Cardinalis; atque Antonius Montisbelli Marchio, qui illicò administrationē rerum capeffentes, vt vehementi ingenio erant, dignitatum & opum cupidi, eò ardentius, quòd præ senio pronus in sepulchrum Pontifex, moram breuem ambitioni permetteret, ceperunt omnia perturbare atque confundere. In Columnas maximè prouectus impetus, quorum amplissimæ ditiones Ecclesiastico fisco addictæ; mox cum Marcus Antonius Columna Hispanorum opem imploraret, in Hispanos ipsos conuersa consilia, & impulsus à Nepotibus Pontifex in cupiditatem Neapolitani regni obtinendi. At cùm cupiditas sine Francorum auxilio frustra foret, Nepotes vti eos in desiderij partem atque emolumentum vocarent, rem Henrico proponunt, ad Cardinalem Lotharingum scribunt, eumque suam in mentem obiecta spe luculenta pertrahunt

HEN-
RICVS
II.

Paulus
IV Pontifex.

De
Mont-
toire.
De
Mont-
bell.

trahunt. Nondum erat conuentum de induciis, cùm res tanti momenti in consilio Regis agitur; sententias oppositasuebantur Cardinalis & Mommorancius. Hic abiiciendam spem nouam & erumpens bellum affirmabat. *Nunc de pace inter Principes agi; si conueniretur de ea, quomodo bellum contra fidem iuratam Neapolitanis nouum inferretur? Sin bellum perstaret; an non hostium affatim superesset; cùm Hispanis & Belgis Angli accederent? quos singulos Francia tot laboribus suâque magna perniciæ agrè repulisset.* Contra Cardinalis, præter inane gloriæ studium, quo immoderate flagrabat, & nomina illa speciosa, *Defensoris Ecclesiæ, & Patroni Pontificum*, quibus Nepotes mentis aciem perstringebant, clàm etiam vtilitatem priuatam vocabat in consilium. Quippe spem thiaræ conceperat; nec dotes ad eum apicem desiderabantur; ad quem euectus, Guisio fratri regnum Neapolitanum comparare posset; si quando ex Andegauensi ortus familia, ius autem vellet è patrum cineribus suscitare. Ille igitur Regi bellum iustissimum atque facillimum proponebat: *quid enim iustius, quàm tueri Summum Pontificem, vindicare iniuriâ, & Ecclesiæ patrimonium per nefas raptum restituere Domino? Nec arduum, rem inceptam perficere, fauente Pontifice, & Carassarum gente promouente in regno studia, & excitante Andegauensium partes, Hispanorum ferro nondum excisas.* Atque in eam sententiam raptus est Henricus; iussèque Cardinales Lotharingus atque Turnonius Romam proficisci, & rem pacisci cum Pontifice. Quamquam Turnonius, prudentissimus ille vir, inuitissimo animo suscepit prouinciam, veluti prælagus quam calamitatem irer apparatus; nec profectus est, nisi post iussa geminata, affirmansque lacrymantibus oculis, se haud sponte

iponte ire miseras Franciæ arcessitum. Ii itaque fœdus pangunt cum Paulo; vt Rex Sedem sanctissimam, Paulum, & Nepotes, in patrocinium & defensionem acciperet; Pontifex vni è Regis liberis excepto Delphino Neapolitanum Regnum conferret, ad quod obtinendum, Rex in singulos annos trecenta quinquaginta nummorum millia suppeditaret, atque exercitum ex duodecim pedum millibus, duobus equitum. Adscitus in societatem Hercules Dux Ferrariensis, Guisij focer, eique imperium in omnes fœderatorum copias datum. Haud multò post admittæ sunt, & iuratæ induciæ, imprudenter quidem, & forsan iniquè; cum ea pacta firmarentur iureiurando, quæ statim ex potiore pacto violanda erant. Quippe Caraffis & Columnis per mutuas iniurias exacerbatis; eò libentiùs, quod singuli haberent Reges, suarum iniuriarum sponsores quodammodo & fideiussores; Columnæ primi arma corripunt, inflammante Duce Albano, qui Neapolitanum regnum administrabat; nec cōscribere militē cūctatur Pontifex, vocato Strossio Marescallo, qui Martia indole, & Hispanis infensus, belli æstum atque incendium afflauit vehementius. Sic Pontifex in necessitatem belli intrusus, Cardinalem Caraffam Legatum ad Regem mittit, in speciem vt ad pacem cum Philippo adhortaretur, ipsa re vt abruptis induciis bellum indiceret. Legatus Fonbellaquæ exceptus, Regi veluti Defensori Ecclesiæ, & vindici sanctissimæ Sedis, senatorium Pileum & Gladium offert, gemmarum luce capulo vaginæque splendentibus; orátque vt iuxta Regum maiorum Religionem, & Christianissimi nomen, sanctissimi Patris tutelam causamque suscipiat. Re vocata iterum in consilium; Mommotancius præter superiora, adiungebat; *Iuratas modo inducias, nec integrum esse à re sanctissima resilire; obrutos esse calamitatibus populos,*

HEN-
RICVS
II.

nisi respirandi spatium detur, deficiendum esse sub onere. At si bellum placet, cur tam longinquum, incertum, & anceps? in extremam Italiam vires totas Francia ablegandas; at quo fulcro? depontano sene, qui spes cum vita statim extinguet; inexpertis & ambitiosis nepotibus, qui sui unius comodi studio, tam id ab Hispano quàm à Franco petent; & ubi res malè successerit, ad hostem accedent, emolumentum ex Francorum detrimento capturi. Nihilominus Guisiorum factio, speciosissimo Ecclesiæ colore, eiusque defensionis, ad Caraffarum mentem Regem perducebat; Inducias primùm à Casare violatas, qui Patrem communem per Columnam clientem & per Albanum vexari sineret; vim repelli, quod natura ius permisisset infirmissimis animalium; nec ulla religione pacis aut sacramento vetari, quin tegendo capiti manum aut brachium quis opponat. Hæc & similia Guisij: & accedebat Regina assensus, quæ ab Strossio affine in eam sententiam impellabatur; at maximum pondus, quo inclinatus est animus Regis, Diana Pictauiensis adiunxit. Ea Guisiis palam addicta; siue quod Aumalius alteram ipsius filiam haberet coniugem; siue allecâ Cardinalis Caroli Blandimentis, qui mulierem omni officio, humili etiam atque abiecto demerebatur; siue pro feminarum indole amaret. Guisio mutare Mommorancium; eas ob causas Regem in bellum impulit, persuasum nihil gloriosius, quàm Ecclesiæ Christi quæ sedi patrocinari. Nec Mommorancius fuit in sententia pertinax; siue rem iam constitutam perspiceret; siue ut Guisios amandaret procul bello implicitos, cuius præsagiebat infelicem exitum; ita fore ut absentium gratia primò marcesceret, mox infortunio corrumpereetur penitus & deperiret; & ipse Pontificis operâ indigebat, ad soluendum

matrimo

matrimonij nexum, quod Franciscus filius cum Pienna contraxerat. Ita singulis ad ruinam Franciæ conspirantibus in miseriarum voraginem vltro prouoluitur.

Stabilito belli proposito, eius gerendi occasio statim accedit. Albanus ducto exercitu in gratiam Commnatū, in Flaminiam penetrat, & Romæ coniuratio in Pontificis caput in lucem eruitur: Ideò iussus Mola è Corsica in Italiam duo Vasconum millia ducere, & Monlucius quem Senenses studio maximo reposcebant, se conferre Romam, ac suam operam Pontifici præstare, dum Guisio exercitus apparatur. Ipse Guisius, postquam Imperator Carolus coronam deposuerat, acerbissima hyeme, per Alpes ducebat duodecim peditum millia, armaturæ grauioris equites quadringentos, leuioris octingentos, magnâ Nobilium frequentia præter Aumalium atque Elbonium ipsius fratres, & Nemursium Ducem; iamque fama aduentus Paulum liberauerat, Albano se recipiente in regnum, ad defensionem parandam. Extemplò Guisius, vt Italiæ innotesceret, Valentiam in Mediolanensibus obsidet, capitque post dierum quatuor verberationem; cum ex præsidariis Rhæti ad expugnantes deficerent, Italici fuga se per muros proriperent. Sic iniecta passim formidine, auctor erat Brissacus vt Guisius Cremonam contenderet, urbem perterritam captum iri; nullas Hispanorum in Insubribus copias Ducatū vniuersum nullo dispendio occupari faciliè & subigi posse. Et in id consilium, quod prudentissimum erat, inclinabat Guisius; verum ab eo Cardinalis fratris & Caraffarum tum minis tum precibus, inconsultè abductus, & certum emolumentum spe incerta perdidit atque abiecit. Itaque per agrum Parmensem ad Herculem Ferrariensem socerum suum contendit; eumque ad Rhegium occurren-

HEN-
RICVS
II.

X I.

*Guisius
in Ita-
liam
missus.*

Anno
1557

HEN-
RICVS
II.

tem salutatum honorificè, vti prætorem totius exercitus, consulit de vniuersa belli ratione. Cùm variaz sententiæ dicerentur; affirmat Guisius sibi a Rege mandatū, vt Romam iret; vnde abscissa deliberatione Brislacus in Pedemontium redit, de eo bello malè auguratus; at Ferrariensis copias tradere Guisio abnuit, ne ditionem suam hosti exponat, tormenta duntaxat ac sulphureum puluerem vt promiserat præbet; ac Guisius Caraffarum spe fretus, versùs Bononiam tendit. Mox placuit in Neapolitanum regnum inuadere; ac breuiori via quæ ad mare patet incedere; per Firmum, Asculum, & Ciuitatulam, còque præiuerant cohortes aliquot Pontificiæ. Et verò Albanus de aduentu eius sollicitus, limites regni inuadenti iam deferebat, se in munitas vrbes recepturus, iamque Strossius atque Monlucius Ostiam, Velitras, & Marinum eripuerant Hispanis; vt momentum belli id vnum fuerit; quod omittens Guisius, ambitione vel aliena vel sua, qui scandebat in apicem, illicò præceps in imum corruerit. Quippe cursoriis equis aduolans Romam, vt cum Pontifice ageret, totum mensem trinit superuacuâ morâ & perniciofa, siue Caraffarum officiis retentus, siue sua sponte, vt officiosis salutationibus Cardinales plurimos conciliaret. Nam eam intra moram Albanus animo instaurato, regni limites communiuerat, firmumque præsidium in Ciuitatulam coniecerat. Id exiguum oppidum postquam per tres Hebdomadas Guisium repulit, accedente Albano cum copiis, liberatum est obsidione. Iamque passim cuncta erant Guisio infensa. Nam Octavius Farnesius cum Hispanis conuenerat, recepta Placentia, & Cosmus Florenti. Dux Senis tandem a Philippo donatus, ad impensas Senensis belli sarcindas, arma & opes ipsi adiunxerat, & orto Guisium

Ciuitatula.

fium inter & Marchionem Mombellum iur-
 gio, Mombellus Romam secesserat, Carastās HEN-
 fratres abducens a Guisio. Præterea euanue- RICVS
 rat spes Turcicæ classis; nam offensus super- I I.
 ba oratoris Francici voce Solimanus, cen-
 tum triremes Constantinopoli continuerat,
 quas a Draguto ducendas promiserat Regi;
 iisque desideratis Baro Gardiæ Inihil aggredi
 ausus est. Quapropter Guisius cum a Rege
 instantè supplementum exposceret medita-
 batur regressum; tandem Pontificis arden-
 tissimis precibus, sibi meritò ab Albano ti-
 mentis, retentus in Italia. Dúmque propè
 naufragus in scopulo hæret, ambiguus quid
 consilij capiat, ignominiosa clade ad San-
 quintinum accepta, reuocatur a Rege, vnica
 post naufragium Franciæ tabula, iussus exer-
 citum simul deportare. Ea res Pontifici nun-
 tiata, iniucunda haud fuit; cui graues ipsi
 amici iuxta hostes erant; & procliu ad pa-
 cem Albano, Franci quasi superuacanei iam
 oneri erant atque incommodo. Nec difficul-
 ter de pace conuentum est; oppida mutuò
 restituta sunt; peteret veniam Albanus at-
 que acciperet, condonarentur vtrò citròque
 iniuriæ Pallianum arx in sequestrum iret; sed
 tota iræ moles in Marcum Antonium Colom-
 nam & Ascanium Cornium corruit, qui de-
 ferente Hispano diris damnati sunt, Pontifi-
 ce ab eorum venia contumacissimè abhor-
 rente. Postea Albanus Romæ iis honoribus
 exceptus qui modò Guisio præbiti erant;
 quòdque obseruatur, equo eodem inuestus
 est; verè factò ad mentem domini, qui ses-
 fores tam diuersos admitteret; & luculento
 exemplo quantum Francis societati Italicæ
 innitendum. Quamquam is vnus societa-
 tum est nexus, vt quem adstrinxerit vna uti-
 litas, damni metus soluat vel abrumpat. Gui-
 sius ad Ostiam cum duobus millibus Sclope-
 tatorum triremes conscendit, reliquas co-
 pias

HEN-
RICVS
II.

pias per Aemiliam, Ferrariam, Rhatos, atque Heluetios Aumalius duxit; Monlucius haud multò post reuocatur in Franciam; & Ferrariensis, Regis assensu, non incommodam pacem cum Hispano fecit. Sic Martis furor in vnam Franciam effundebatur. Verùm illa styllum calamitate tristissima vocat, in argumentum lugendum, funestissimùmque spectaculum.

XII.

*Bellum
in Flā-
driam
inuentum*

Dum Alpes Guisus transgrediebatur, simul Henricus in Artesiam arma inferebat: nec per faciale bellum significat, sed Colinium Admiraliū iubet in hosticum irumpere, & cæco fulgetro fulmen euibrare. Ille igitur nocte quæ festum Epiphaniæ diem consequitur, cū homines ob solemnes epulas, vino & sopore sepulti sunt, Duacum occupaturus accedit, & quodam Eremita duce murum inscendebat, cū aniculæ clamoribus excitati vigiles discusserunt consilium; tunc Colinius ad Lentium oppidum conuersus, iam bello non dissimulato, vi irumpens captum diripit, atque incendit, vastatque limitibus in Picardiam redit, quam administrabat. Exclamant Hispani violatum ius gentium, summā perfidiā fractas inducias, prædonum instar Francos irruere, bellūque non indictum inferre innoxiiis, & fide iurisiurandi securis. Ad ea Regis nomine, scripto respondit Carolus Marillacus Archiepiscopus Viennensis; primū ab Hispanis fractas inducias, & religionem pacis violatam; illos summo Pontifici bellum intulisse, imò per insidias obtulisse mortem, Artesiæ prædicia impunè grassari, atque excurrere in Picardiam, ad occupandas vrbes plurimas, Metim, Burdegalam, Alcinimontem clandestina consilia instruxisse, admisisse veneficum qui Mariemburgi puteos veneno inficeret Marchium Marefcallum præbito toxico peremisse, misisse speculatorem qui munimenta

nimenta arcium delinearet. Ea Franci repon-
nebant expostulantibus, vera quædam & alia
colorata; quando inter infensos querelarum
causæ nunquam desunt. Postea Henricus
equite in Hiberna missò totum se ad ludos
addicit, & negotiosum gaudij otium. Nem-
pè Mommorancius retinendæ potentix cupi-
dissimus, ut Dianæ auctoritati potestatem pa-
rem opponeret, summo studio parauerat nu-
ptias alterius Dianæ, Regis spurix, Francisco
maiori filio; ea Horacij Farnesij vidua, patri
charissima, videbatur contra Guisiorum gra-
tiam & Pictaviensis, erectura Mommoran-
ciis validum propugnaculum. Dum igitur
choreis epulis & hastiludiis securi hostium
Franci capiuntur, Philippus Hispaniæ Rex,
vindicturus iniuriam, exercitum instrue-
bat sedulò sed dissimulanter; quanquam pa-
terno ære gravissimè oppressus, & exhausto
arario, pecuniâ valdè indigeret, tamen ven-
dito patrimonio Regio, & certior famam &
existimationem à primordiis peti; laborabat
ne quid peccaret in carceribus, atque in sta-
dium dignus plausu orbis ingrederetur. Igi-
tur postquam exercitus apparatus est, ducto-
rem dicit Philibertum Sabaudix Ducem, iu-
bètque extemplò in Franciam penetrare. Nec
ille rectà in scopum collineat; sed tentatâ
Campaniâ, & Rocroio frustra impetito, mox
in Picardiam flectens, Guisæ minatur, tan-
dem improvisus obsidet Sanquintinum. Hen-
ricus serò tandem ludis exercectus, in
Campaniam venerat, Niuernense viro for-
tissimo, Rocroij curam suscipiente; ac dum
Rhemi agit, facialem accipit à Maria Re-
gina Angliæ, qui bellum indicit. Quippe
Philippus ab vxore inuita eam societatem
belli extorserat, comminatus absentiam at-
que dissidium, nisi mariti sortem subiret.
Nec in hostes inunita admodùm Francia erat
arces comœatu destitutæ & milite, pauci sub
signis

HEN-
RICVS
II.

*San-
quinti-
num
obsessum.*

signis externi milites, in quibus tunc militum
 robur, plerique omnes inopinata hostium
 incursione perculsi: Ideò missi qui Heluetios
 Germanosque conscriberent. At in Hispano
 exercitu erant triginta quinque peditum mil-
 lia, duodecim equitum; inter ductores præ-
 stabant Dux Arscotius, Comites Mansfel-
 dius, Egmontius, Barleimontius, & Megius; &
 accesserunt haud multò post nouem Anglo-
 rum millia, equites mille & quingenti du-
 ctoribus Pembrocio, Clintone, & Græo.
 Henrici exercitus longè impar recensebat se-
 ptemdecim peditum millia, equitum sena.
 Porro Sanquintinum oppidum est ad Somo-
 næ fontem, caput olim Veromanduorum,
 medium inter arces Faram Hamum & Pero-
 nam, situ paludes inter vliginose admodum;
 atque adeò posita in finibus propugnaculum;
 enimverò tunc temporis inualidum, qua
 præsidio, quàm cætero commeatù. Breuius
 Præfectus, recens præfecturam adierat, erat
 turma cataphractorum præsidij loco, quam
 Telinius ducebat, & ducenti pedites, nec
 multum spei in ciuibus, qui alieni ab de-
 fensione, perinde habebant vinci ac vince-
 re. Mommorancius constituta obsidione,
 perstrictus iustis querelis exostulantium,
 quod Admiralijs negligentia immunitæ vr-
 bes Picardiæ forent; eum iubet in obsessam
 urbem penetrare, ac vitam in conatu pone-
 re. Et ille fortiter uti erat iussus per hostium
 vallum pernadens, quingentos milites in
 urbem inducit; statimque multis ad propu-
 gnationem prudenter mandatis, propugna-
 culo quod ad Insulæ suburbium erat hostem
 expellit; sed magna iacturâ. Quippe præter
 militem, cui in summa inopia parcere de-
 buit, Telinius vir præstantissimus casus est;
 & quarto post die, tum propugnaculum, tum
 admotum suburbium tradere hosti oportuit.
 Laborabat penuriâ rerum propè omnium Ad-
 miralius

miralium : nam deficiebant tormenta, puluis, instrumenta fossoria, miles sclopetarius maximè, quòdque in paucis perniciabile, erat odio ciuibus, ob nouam hæresim quam palam & propè in oculis omnium profitebatur. Ille cum aduerteret urbem qua adiacet Palus, ab hoste lentius premi, Valpergo in turrim campanariam ducto commonstrat, quæ regredienti via tenenda sit, mittitque ad Comestabilem ad ducendas suppetias. Comestabilis duo millia sclopetariorum Andelotio tradit, qui Valpergo duce, vel aberrans à via, vel hoste à captiuo Anglo præmonito, repulsus fortiter, ægrè quingentos in urbem immisit; cæteris quàm cæde quàm fuga disiectis. Admiralius, cum in dies militum inopia premeret, aduertit per paludem commodè opem posse immitti; si quædam voragines opplerentur, & pauca nauigiola ad traiectionem in locis aliquot præberentur. Ea de re Comestabilem certiore facit, comparet nauigia, se humo iniecta cumulaturo voragines. Ad monitum Comestabiliis, ad Esfinium progreditur, mittit qui significatum iter, hostium castra, & locorum situm explorarent; tum Faram regressus, aduocato concilio, rem deliberandam proponit: se statuisse ducto toto exercitu, per ostensam paludem subsidia in urbem iniicere, sibi exploratam locorum distantiam, perpensam difficultatem, nec occurrere viam seruandæ urbis commodiorem. Eo die Faram ex aula venerat Santandreanus, ac pro rerum militarium peritia qua multum pollebat, dehortabatur ab eo consilio; nec tormenta ducenda, nec peditem, nisi quem in urbem immittere opus esset; equitatum sufficere, qui vigilibus præcurrentibus, peditem sub ortum lucis, ad paludis oram deduceret; seque ipse postmodum periculo nullo reciperet. Aliter fieri non posse, quin admoti exercitus in

—
HEN-
RICVS
II.

HEV-
RICVS
II.

prælium irent; sicque omnia nulla necessitate in grauiſſimum periculum agi. Cæteri duces prudenti consilio aſſentiuntur; ſolus Comestabilis in ſententia pertinax fuit, ſeu æmulatione in Santandreamum, ſeu noxa magnis viris perpetua, quos mutare ſententiam pudet; quaſi mutando fateantur inſciti-
tiam; cùmque Santandreamus nouis rationibus mentem ſuam fulciret, reſpondet Comestabilis, indignantis voce & facie; ſibi exploratas gerendarum rerum occaſiones, id ab experientia longa didiciſſe; quare ſe ſuo munere fungi paterentur. Mareſcallus obmutuit, ſeque omnes in futuram perniciem cæco obſequio compararunt.

XIII.

*Pugna
adSan-
quinti-
num,
& cla-
de.*

Anno
1557

Illucebat dies Auguſti decimus, qui diuo Laurentio ſacer, in poſterum cultus eſt magna Hiſpanorum gratulatione; cùm Mommorancius præmiſſo peditatu, & maioris molis tormentis quatuordecim, aduolans cum Proceribus & vniuerſo equitatu, peditem aſſequitur, diſpoſitiſque ordinibus, circa horam decimam, Sanquintinum ad ſuburbium Inſulæ aduenit. Hoſtium caſtra ultra Somonæ amnē porrigebantur; cis amnem obtinebant ſuburbium quatuordecim Hiſpanorum ſigna; erantque præterea in piſtrino proximo duæ ſclopetariorum cohortes, tuentium aggerem, quo in vltiorem amnem patebat tranſitus. Ij extemplo à Francis diſieſti ſunt, aggerque occupatus, tum Comestabilis iubet tormenta in hoſtium caſtra obuerti, explodique continuò. Diſcerpta illieò & euerſa tabernacula fragore ingenti, perturbant hoſtem ac terrefaciunt; Sabaudo inermi vix ad prodeundum ſpatium fuit, euadenti ad Egmontium metantem longius; miles reliquis diſieſtis tentoriis, loco abſcedit, & perito circuitu ad Egmontij copias ſe adiungit. Sed non ideo ſubſidia inſimittebantur commodius. Conceptam inconfulto conſilium, im-

matu

maturum atque acerbum in lucem prodibat. Receperat Comestabilis prima luce affuturum se ad paludis oram ; Admirabilius nemine comparente , tolli asseres iusserat , quos superposuerat locis incommodis , ac paxillos ligneos detrahi , quos ad commonstrandum iter infixerat , ne ab hoste deprehenderentur , qui tota die per paludem linitibus vehebatur. Et pauciora ad transitum nauigia Comestabilis tulerat ; ita magno tumultu irruebant in ea milites , quæ aggrauata numero vehentium , vel hærebant vliginose cœno implicita , vel appellere ad oram non poterant ; vel qui ducerent deficientibus , in abditas voragines mergebantur ; tum hostis tormenta in paludis oram explodebat ; ita eorum qui ad suppetias designati erant ; plures palude immerſi sunt , multi ab hostibus cæsi , centum duntaxat Duce Andelotio introducti in urbem sunt. Comestabilis ratus vniuersos exceptos , de receptu cogitat. Enimverò hostes trepidatione excussa , recipientem se aggredi statuunt , eamque in rem omnem transmittunt vado , quod gemino milliari patebat infra suburbium Insulæ. Admonitus quidem Comestabilis erat , custodiendum intentius vadum , isque centum apposuerat equites , qui primo impetu hostium pulsi sunt. Postea Niuernensis eo turmam suam equestrem agit , comperitque Egmontium , transmissum cum duobus equitum millibus , censebátque impetendum agmen hostile ; sed ab aliis damnato temeritatis consilio , continuit se , & ad Condæum se recipit ; quanquam ea temeritas seruabat exercitum , atque hoste inhibito receptum tegebat ; vsque adeò in humanis virtutes incertæ sunt , & peccare in artem maximæ artis est. Condæus cum leuiori equitatu postremum agmen ducebat , incedebátque len-

HEN-
RICVS
II.

*Viconte
de Tu-
renne
Roche-
chouart*

tius, ceu pugnae cupidus; cum vniuersus Hispanicus equitatus vado pertransito, in octo agmina distributus, assequitur recedentem. Primum hostis subleuit, breui mora ad deliberandum, tum effusis habenis in Condaxum irrumpit. Alteram alam ducebat Egmontius, alteram Hornius Comes, mediam aciem Monsfeldius impellebat. Primo congressu Franci disiecti sunt, siue tumultu cepto ob raptas sarcinas, siue Niuernensis infortunio, qui laevo cornu ducto, fortè in ima valle cum incepit dimicatio incedebat, atque ad pugnam cum vellet frontem conuertere, subita fuga commilitonum, & hostium proximo impetu oppressus, aciem instruere haud quaquam potuit; & vir fortissimus nullo edito praelio victus est, stragi agerrimè suum caput proripiens. Equite profligato, in peditem exploduntur tormenta, tum nutantibus ordinibus, in eum victor irruit, & magnam stragem tam pugnantium quàm fugientium edit, caesa Francorum quinque millia scribunt qui imminuunt cladem, decem millia qui augent; cum ad siluam magnus fugientium numerus cæsus sit, nec omnes passim sine dimicatione fuga abstulerat, in ipso praelio occubuerunt Franciscus Turenus Vicecomes Comestabilis gener, Rocamenij filius, Claudius Rocachouartius, Guro, Gulenius, Sangelasius, interieruntque in castris hostium sclopeti glande Ioannes Enguennius Condæi frater, tam generositate quàm natalibus Princeps, despectus & desideratus ab ipsis hostibus. Capti sunt Comestabilis, coxam ictus sclopeto, Dux Mompenserijs, Dux Longauilla, Santandreanus Marecallus, Ludouicus Mantuanus frater, Ringrauius Germanorum Tribunus, Vassæus, Curto, Rocamenius, Rupifocaldius, Mombrunus Comestabilis filius, Ioannes Gontaldus Biro, Fumellus, Capella Biro; aliisque

aliique quamplurimi, nobilitate aut dignitate conspicui. Paucissimi ex hostibus desiderati sunt; ut eam cladem nihil dixeris minus quam pugnam. Illius culpa ad Comestabilem maximè deriuatur, qui præterquam quod totum exercitum in apertum discrimen coniecit solâ mentis pertinaciâ; multa præterea peccasse dicitur, quod impedimenta in subitam expeditionem conuexerit, ad promissam horam quod non affuerit, luce palam quod se receperit; postremò sclopetarios quod equitibus non immiscuerit, ad frænandum hostium impetum. Quæ ut vera sint, sua etiam cæteros culpa inuoluit: nani attoniti duces & stupore quodam perculsi, quasi mente & fortitudine momento deiecti; nulla de tota re cura suscepta, cæsi vel capti sunt; ut possit affirmari eo in exercitu plures fuisse milites, neminem ducem, qui nusquam splendidius quam in tenebris infortunij lucret.

HEN-
RICVS
II.

Franciæ post tantam cladem vna relicta spes erat Niuernensis, qui dotibus imperatoris clarus optimè affectus ad patriam erat. Ille ubi Faram tenuit, & simul Condæus Princeps, Franciscus Mommorancius, Sancerra, Bourdilio, & pauci alij, misso ad Regem Compendii agentem nuntio; Laudunum venit, ad reliquias exercitus colligendas. Quanquam nec impensæ is parcebat nec operæ, agrè coacti equites mille sexcenti, pedites quinque mille; quorum magnam partem sua pecunia armis & equis instruxit, saucios per Chirurgos suos curauit, aluit cibus suis, prurumque quos in mensam suam coqui apparassent vulneratis largiens. Rex in calamitate haud se abiiciens, nobiles cunctos Laudunum conuocat, Reginam cum Bertrando sigillorum custode, Parisios mittit, ad confirmandos ciuium animos, Paulum Termeum è Fedemontio arcessit, & Parisiis præficit; pe-

XIV.
San-
guinti-
num
captum

—
HEN-
RICVS
II.

tit ab Heluetiis inuiolata fide sociis consec-
bi sexdecim hominum millia, Reicrocum in
Germaniam ad delectum mittit; dein Gui-
sium ex Italia deportare exercitum iubet.
Franci procères, Regi & patriæ in ea cala-
mitate non deerant; Parisienses sponte tre-
centa librarum millia conferunt, singuli Pro-
cères, recipiunt se defensuros arcem assi-
gnatam, munituros sumptibus suis, quam
victori hosti opponerent, Brissacus non ope-
ram modò; sed opes Regi addicit liberaliter,
precatus vt facultatum suarum redditus in
vsum belli impenderet, sibi relictis duabus
duntaxat librarum millibus quibus se vxo-
rem & familiam aleret: attamen frustra so-
licitudinem tantam impendissent Franci, nisi
ipse victor vota infra fortunam suam mode-
rans, nimia mora spatium victis spem & so-
latium impertiisset. Quarto post pugnam die
Philippus in castra venerat, & delibato læ-
tissimis oculis victoriæ tantæ spectaculo, spo-
lia, tormenta, signa, captiuos, curiosè; at-
que haud semel inspectans, frui victoria
quam vti maluit. Nam haud dubiè si vltra
victrices copias intulisset, quæ erat Franciæ
consternatio atque infirmitas, cepisset Pari-
sos, regnùmque vniuersum in exitium pro-
ximum impulisset: isque fuit Caroli patris
sensus, vt scribitur, qui accepto de victoria
nuntio, quæsivit an filius Parisiis ageret;
quasi innueret peritissimus senex, eo succes-
su parum admodùm actum, nisi victor exci-
peretur Parisiis. Quanquam alij tradunt, ad
nuntium egisse gratias Deo immortalis, quod
imperium filij tam felici exordio cohone-
stasset, simulque diuinam reueritum iusti-
tiam, quæ violatores pacis poena afficeret;
ceterùm de consilio quod peteret filius, se
iam à mundo exulem atque extorrem nihil
posse consulere, nisi vt filius viros prudentes
audiat, quos consiliarios pater reliquisset:

vt

Vt ut sit de Carolo; Deus eam mentem ab hoste amouit, pepercitque Franciæ, calamitati modum constituens. Igitur Philippus ad Sanquintinum expugnandum intendit, & murorum verberationi adiungens cuniculos, iam septem locis amplas labe intulerat; octingentos milites opponebat Admiralius, numerum longè imparem, amplæ vrbi malè communitæ, in victorem hostem propugnandæ: nam ciues & rustici cogi ad opus, nullis minis, nullo metu, aut pœna poterant, tanto flagrabant in Admiraliū odio; quare duces ceteri auctores erant, vt de dedenda vrbe ageretur; *nihil propugnanti urbem ignominiosius, quàm si eā per vim hostilem deicitur, cum nullo fructu detrimenta plura incurrat: nam vrbs amittitur, ciuis spoliatur, miles perimitur, prada hostis oppletur & sanguine, nihilque Principi præter dolorem & iacturam militis comparatur; imò nec ipse Præfectus; qui arcessit mortem, laude animi commendari potest, ob facinus quod iuxta ab ignorantia ac fortitudine proficiscitur.* Et ea peruidebat Admiralius, sed sperabat si vel vnā impressionem repelleret, producendam diu obsidionem, moramque temporis quæ foret Regi pretiosissima obtinendam. At desiderium euentus fefellit. Philippus urbem simul per ruinas omnes aggreditur, die Augusti vicesimo septimo, & per vnā irrumpens miles urbē capit, funestatque eadē miserima. Ciui paritum, in armatos sæuitum maximè; Duces cæsi aut capti; Admiralius captus, & Andelotius, qui se mox victori subripuit, per paludem proximam, magnis functus periculis. Vno cursu victoriæ Casteletum à Solinaco Hispanis traditur, Hamum expugnatur, vrbs quidem indefensa; in arce plus laboris impensum: inexpugnabilis vulgò habebatur, & situ quidem commodissimo erat, sed mutis agge-

HEN-
RICVS
II.

Soli.
gnac.

datamque occasionem ex colloquio Francos inter & Anglos de pace habito, Francis Caletum commeantibus, imò accuratè delineantibus situm atque munimenta; tamen hinc Guisio nulla laudis portio deperit, qui rem difficillimam, acerba hyeme, inter hostes medius, aggressus ingenti animo, ea celeritate & fortitudine perfecit, cui exemplum à multis retrò seculis nullum est, & quam in posteris imitatio rara expresserit. Ille igitur comparatis clam quæ ad subitam expeditionem necessaria erant, sub Decembris finem, exercitum Heluetiis, & Germanis auctum, diuisum bifariam, partim ipse versus Durlanium, ducit; partim Niuernensis in Campaniæ fines, quasi in Lucemburgios inuasurus. At repentè utrobique miles regressus in vestigia, Guisio duce, ad Caleti expugnationem se accingit. Est Caletum vrbs ad extremam Picardiæ oram, mari apposita, angusto freto trium leucarum dirempta ab Anglia; in plano iacet, nullis montibus collibusque obnoxia, inaccessa propemodum quâ Hamo amne circumcincta in Insulæ modum, quâ paludoso agro negante vestigia, quâ Oceano ad occasum in commodissimum portum excepto. Geminus ad eam patebat aditus, terra & mari, vterque sua arce defensus & munitus egregiè; terrâ per paludes eminebat agger, opponebátque in fronte Nieulæum propugnaculum; in portum similiter, Risbanum propugnaculum alterum imminebat; urbem præterea valida & seiuncta arx propugnabat. Porro vt ea caperentur; celeritate opus quam maximè erat: nam si mora Anglis ad ferendam opem permitteretur, euanescebat consilium. Primo anni die Guisus opus aggressus, vtrumque propugnaculum simul, Nieulæum & Risbanum, tormentis vehementissimè verberat; capítque die quarto Nieulæum ab Anglis

HEN-
RICVS
II.

Durlas

Hame.

*Fort de
Nieul-
lay.*

*Le Ri-
ban.*

Anno
1558

desertum, & Risbanum deditioe spontanea. Erant in eius exercitu Rochasurio Princeps, Anmalius & Elbouius fratres; Strossius Marefcallus, Franciscus Mommorancius, Termeus, Tauannnius, Estreus tormentorum præfectus, Senarpo; Alegrius, plurisque nobiles; atque tormenta mira celeritate ab Estreo administrabantur. Captis propugnaculis, ut viam auxilio intercluderet, sena hominum millia ad aggerem locat; & Termeum cum validis copiis ad Dunas occupandas mittit (ij terrei aggeres ad refringendas vndas Oceani) quâ Guinis Caletum est iter. Tum maiora sex tormenta, minora tria, ante portam Aquariam locat, quasi vim totam in eam partem versurus, & nonnullas turres euertit; mox repente quindecim maioribus machinis, quæ hostem latuerant, arcem mari adiectam fulminat. Arcem tegebatur murus infirmior, nulla humo suffultus, sed vallabat fossa ampla & profunda, saxis constrata, & redundans aquis, quas è mari proximo excipit. Tanto impetu & fragore tormenta explosa sunt, ut sonitus ad Antuerpiam tricessimo tertio germanico milliari delatus sit; & sub vesperam murus satis ampla labe corruerat. In eum Guisus impressionem instituit, admirabili ordine atque prudentia. Primum Andelotio mandat mille & quingentos Sclopetarios ad mare Dunas inter atque urbem locare, aggerem ducere, qui ad fossam arcis pertingeret, unde eius aqua exhauriri atque ad portum posset affluere; crates illitæ pice militi datæ, quibus per paludem firmo vestigio ingrederetur; dati & plutei in scutorum modum oblongi, texti ex vimine, papyro facta superinducti, atque aperti ad eiaculandum, iisque præferratis confixi sudibus & humo infixi, sclopetorum hostilium pilas infringebant. Tum iussi Grandimontius cum trecentis Sclopetariis,

petariis, ac cum hastatis totidem Strossius ad inspectandam ruinam progredi; dein cæterorum Dux Guisus in fossam præcipitat, dum desidit oceanus ætus, & aquæ immersus umbilico tenus, magna frigoris asperitate in ruinam euadit, irrumpitque ad eò ferociter, ut arce occupata, Anglos propugnantes in urbem depulerit; mox quoniam incresebat Oceanus, in castra regreditur, paraturus subsidia; relictis Aumalio & Elbouio fratribus qui arcem defenderent. At nocte proxima, Angli de perniciæ sua haud dubij nisi arcem reciperent; eam totis viribus, semel atque iterum oppugnant; qua semper repulsi, suorumque trecentis qui erant fortissimi casis, postridie deditionem instituunt. Dunfortius præfectus in hæc pacta assensus est; ipse cum ducibus quinquaginta quos Guisus vellent, captiui hærent; cæteris, tum ciui tum militi, vitæ & libertatis copia esset; comæatum omnem, pecuniam, arma, tormenta, puluerem, globos, in potestatem victoris traderent, nec victi clauum aut saxum suo loco mouerent. Idque postremum specieatim cautum, quod Angli reddendam Bononiam deformauerant, pauimento, & ornamentis omnibus erutis. Iuxta pactum Guisus vrbe exceptus, ac die septimo quo impugnauerat. Nihil moræ permissum victoriæ, quæ eodem gradu Guinas deducta est, nam placuit eam urbem quæ spectaret ad Franciam potius, quàm Grauelingam impetere; eique instat tam indefessa opera Guisus, uti urbem mox arcem vno die obtinuerit, Græo Præfecto cum designatis ducibus captiuo. Oppidum quamquam munitissimum, quod superuacuum censeretur, euersum penitus atque dirutum est. Vnum erat super Hamesium, castellum in paludibus abditum, habitumque inexpugnabile; verum Angli præsidarij, accedente Guisio, correpti metu, arce derelicta in naues

Hamel.

—
HEN-
RICVS
II.
*Terre
d'Oye.*

confugiant: sic totum agrum Oyum, voce Gallica ab Anseribus dictum, miræ præ angusto spatio fertilitatis, Franci cum Caleto recipiunt, ducentis & viginti annis, postquam Eduardus patrata pugnâ Cressiacâ eam urbem ceperat. Nec Philippus Caleto subsidia immisit; siue Anglis infensus, qui à se discesserant, siue Guisij fortitudinem metuens. Angli audito machinarum fragore, diligenter quidem opem parauerant; sed appulsi serius vrbe iam capta, renauigarunt in Angliam. Ea res laudem immensam Guisio peperit, conciliauitque mirum in modum beneuolentiam populi; qua fultus in posterum spes immoderatas in fastigium insanum eriget. Ac Niuernensis Herbemontium arcem in Arduennis validissimam expugnauerat, longe minore plausu quàm Guisius, quamquam fortitudine & prudentia nusquam inferior.

XVI.

*Regni
comitia*

Parisijs interim Comitia Regni habebantur, Rege pecuniam ab belli subsidium flagitante. Et in iis vnicè institutum, vt in quatuor ordines delegati distribuerentur, qui antea in tres duntaxat, Cleri, Nobilitatis, atque vt vocant tertij Status, partiti cogebantur. Ita tertius ordo in duos diuisus; nam Magistratus qui administrabant iustitiam vnum constituerunt, alterum populus. Orauit pro Clero Cardinalis Lotharingius, pro Nobilitate Dux Niuernensis, isque stantes; at nixi genibus, pro Magistratibus, Santandreas, in Parisiensi Curia primarius Præses; pro populo Andreas Morterius: Regi assignata tricesies centena aureorum millia; decies centenis à Clero soluendis, à plebe cæteris. Mox cum Delphino Rex Caletum lustrat, dictoque in Præfectum Termeo, Parisiis matrimonium Delphini celebrat. Huic in coniugem data, Maria Scotiæ Regina, & regni corona sponso à Proceribus Scotis.

Scotis oblata , vt deinceps Rex Delphinus dictus sit : in ea pompa Guisus Magistri Palatij obiit munus , absente Momorancio ; singulis viri gratiam in apicem promouentibus ; cùm ad eius merita accederet noua auctoritas , nepte ex sorore in thronum euecta. Enimverò id Momoranciis molestissimum erat , qui depressi per Guisij elationem , iam à clauo & regimine pulsi , æmulatione exarescebant. Auxit molestiam Andelotij casus. Sub Matrimonij quod recensui pompam, Christierna à Rege impetrauerat, vt Carolum filium Lotharingæ Ducem inuiseret : is eam in rem Peronam ductus est, cum Vademontio patruo venítque cum Christierna Granuellanus Atrebatensis Episcopus, ac quoniam de pace spem insinuabat, ad eum missus Lotharingæ Cardinalis. Varios inter sermones, Granuellanus dicit misereri se Franciæ, quæ non tantùm bellis externis obnoxia, grauem præterea luem visceribus aleret, hæresin Caluinianam , quæ iam peruasisset plurimos. Procerum ; & is speciatim Andelotium nominat, cuius ex litteris ad captium Admiraliū scriptis id se perspexisse affirmat ; præter libellum contra Missam scriptum, quem gestabat idem Andelotius, cùm Sanguitini captus est. Soluta colloquio , Cardinalis Regi significat quæ acceperat de Andelotio, quem ipse Rex habebat charissimum tum ob fortitudinem militarem , tum quod vnà secum educatus à teneris esset. Attamen Princeps religiosissimus beneuolentiam fidei posthabens , dum Monæzi prandet , arcessit Andelotium, virumque interrogat , quid de Missa sentiret. Ille vt erat elato animo & superbo , quanquam antea monitus vt responsō humili & demisso Regem mitigaret, tamen arroganter asserit, Missam abominabilem esse, conatúrque blasphemiam fulcire rationibus.

HEN-
RICVS
II.

Rex
Delphi-
nus.

Ande-
lotius
in car-
cerem
missus.

—
HEN-
RICVS
II.

De Senigani.

rationibus. Rex summopere indignatus, & religionis zelo iram inflammante, lance à mensa rapta, quam solo affligeret, Delphinum sedentem proximè imprudenter lædit, & mensa consurgens Andelosium iubet duci in carcerem; mox dignitatem, nam Tribunus erat totius Francici peditatus, Monlucio tradit, quanquam repugnant, ne Mommorenciis molestiam nouam facefferet. Et Cardinalis florente gratia in amulorum deiectionem vsurus, Seniganiam impellit, feminam primariam, quæ Munerio criminalium causarum Parisiis Iudici litem intenderet: ille acceptus Mommorancio, eo flagitante eandem feminam ob Ducis Arscotij fugam acerbè vexauerat; modo vertente gratia & auctoritate, repetundarum iudicio damnatus, in exilium agitur. Comestabilem eæ res conturbabant plurimùm, cogitantem quantam perniciem auctoritas sua ob vnam absentiam pateretur: quare impetrato à Philippo Rege cōmeatu, vt Henricum de pace acturus conueniat; primùm ab eo exceptus est frigidè; mox captatâ mirè beneuolentiâ, ac primis amoris ignibus excitatis, immisit se in illius animum penitus. Præterea ne obliuio rursus absenti officeret, Dianam Pistauiensis vicariam sibi substituit. Mulier consortis impotens tametsi primùm se addixerat Guisii, tamen cùm eos in fastigiū euehi cerneret eosque esse qui suo nutu res non alieno moderarentur, maluit reuerti ad Comestabilem, pridem sibi notum, moderatori indole, quæ potentix sociam non excluderet. Et erat alio nomine quod timeret à Guisii: nam omni conatu Stuartæ cum Delphino nuptiis intercesserat, ingenium fortemque indolem adolescentulæ verita; eamque ob rem Lotharingæ Cardinalis ad Reginam versus, ipsi animum in Dianam crexerat, & Regina grauioribus verbis increpauerat fœminam

minam. Iis igitur de causis facile ipsi cum Mommorancio conuenit, desponsa nepte ex Marefcallo Markio nata, quæ Henrico Comestabilis filio nuberet: Hinc Mommorancius tranquilliori mente se hosti restituit. Sic per ea Aulæ commercia artésque arcanas, nascebatur factio, quæ discerneret Franciam, quæ Anglica bella atque Hispanica repræsentaret miseriarum magno incremento.

Inter hæc belli ardor inualescebat, Thionuilla in Martis aream designatâ: ea vrbs ad Mosellam sexto infra Metim milliari, tum ipsi Meti tum Lotharingiæ vniuersæ, graui incommodo & periculo erat. Præfecti copiis æquali imperio Niuernensis & Guisus; hic vltra amnem, ille citra metatur. Ac primum tormenta in murum à Guisio directâ; quoniam Niuernensis in palustri & vliginoso agro non credebatur posse aggerem ducere; satis magnam labem intulerant: verum amnis medius, quanquam vadosus, prohibuit, ita censente Strossio Marefcallo, ne eo loci institueretur impressio. Quare ad alteram Niuernensis partem perducta verberatio, & per paludem ager est ceptus; etsi ingens & improbus labor, fossam & vallum inter medias vndas ponentibus, occurreret statim; tamen Strossio egregiam præ cæteris nauante operam, fossa coaluit, & ad ipsum murum deducta est. Excauabant humum, aquâ per riuulos in alias partes derivatâ, tum fossæ latera compingebant primum herbosâ terrâ atque argillosâ, mox tabulis atque asseribus fulciebant; milite per crates piccas paludem totam sine periculo percurstante. Sic propius verberata turris quæ fossam tegebat. Ac dum ad eam magno vtrunque animo concertatur, prospicitque operam Guisus Strossio colloquens, eius humero dextro innixus; ecce sclopeti glans Strossij sinistrum latus transfuerberat; quo ictu statim occumbit, vir fortissimus, & pe-

HEN-
RICVS
II.

XVII.
*Thion-
uilla
capta.*

*Strossij.
mors.
Anno
1558*

HEN-
RICVS
II.

ritissimus bellicarum rerum, infelix tamen cum suo ductu has gereret. Mox sub turrim illam acti cuniculi, ad quos exoritur dimicatio grauis; hoste ex humilibus propugnaculis ad fossam erectis Francum repellente. Aderant Duces Niuernensis & Guisus, pugnantium animos suo periculo incendentes, nutabátque victoria; cùm Monlucius Volmarium Centurionem cum militibus aliquot iubet se in illa hostium propugnacula saltu immittere; aliúmque ad ruinam turris sursum arripere: hic occisus illicò, Volmarius meliori sorte, accedente Monlucij filio, aliisque Nobilibus, post atrocem pugnam, hostem pellit, tenétque propugnaculum; quod extemplò Guisij iussu euersum est. Obsessi postdic deditionem flagitant; sùntque admissi iis conditionibus, vt duci & militi facta esset libertas, armis & sarcinis derelictis, ciui cum facultatibus exeundi facultas, vrbs immunis à direptione. Et obseruata Niuernensis Guisique humanitas, in cura ægrotorum, & pudore virginum ab omni iniuria vindicando. Arlonem postea ductus exercitus; & quanquam initio præsidarij milites superbè compellanti Guisio respondissent, tamen aduentantibus copiis ad expugnationem immissis; ij metu pulsi ab vrbe per oppositam portam elabuntur, igne etiam in eam iniecto: quod flammis superfuit, militi datum in prædam; sed per ea plurimi dies consumpti sùnt, cùm Guisus in Belgio omninò desiderabatur. Nec potuit festinare, incendio magnam castrorum partem inuadente, quo ipsius equi, supellex argentea, & impedimenta omnia conflagrarent. Nam interim Termeus luctuosa clade afficitur. Plerique Guisium inuidiæ postulant, quod spontè deseruerit Termeum, clademque amauerit, quæ victoriam suam collustraret: excusant alij, affirmántque missum

Ter-
meus
ad Gra-
uelingā
victus.

in

in Flandriam Termæum, duntaxat vti Hispanum arceret à mittendis Thionuillani suppetiis: Ego vt crediderim non optasse Guihum Termei cladem, sic eius periculo latum inficiari haud ausim: quid enim celeritatem tanta mora corrumperet, laudemque maximam inutili otio macularet? præterquam quod ea mora magnum discrimen copiis attulit dissensione Francos inter & Germanos orta, ruebântque in ciuilem pugnam, nisi Niuernensis cura & diligentia admisissent concordia. Porro causa celeritatis desideratæ hæc erat. Termeus loco Strossij Marefcallus dictus, cum sex millibus militum, partim Vasconum, partim Germanorum, atque equitibus mille & quingentis, iussus erat in Flandriam, quâ ad mare spectat penetrare; simulque proruperant Villebonus, Annebaldus Admiraliij filius, Senarpo, & Cauneus Comes. Statim disiectis quæ occurrerant rusticorum turmis, Termeus Mardicum, pagum vi capit, tum quarto die Dunchercham expugnat, & deinceps Bergam, easque diripendas permittit militi. At postmodum cum podagrâ laboraret, Duncherchæ hærens copias Villebono tradit, viro militari, sed prædatori famoso, & assueto grassari cædi atque incendiis. Ille Neoportum vsque excurrrens, factâ militi flagitiorum licentiâ, eos agros & pagos foedè crudelitate libidine & deflagratione deturpat. Ad miseros ciulantium questus, excitatus Philippus Egmontio mandat vlciscendi prouinciam: & ille vir impiger coactis duodecim millibus hominum, præter immensam rusticorum turbam, qui vnâ cum liberis atque vxoribus ad vindictam decerpendam accurrerant, ad Grauelingam se redeuntibus obijcit. Termeus adhuc æger copiis ductis ad flumen Agnium, quo Grauelinga alluitur, statuit cum transmittere die proxima dum subsidit æstus Oceani, sicque incauto

HEN-
RICVS
II.

De
Channe

Aa.

incauto hosti elabi. Verum Egmontius eo consilio vel explorato, vel prudenter præciso, primo mane occupat amnem transire, tormentis etiam non traiectis: quamobrem Termeus post amnem transitum, aduertit hostem oppositum & distributum in aciem. Nec ideo vir fortis despondet animum, sed pugnae necessitatem in necessitatem victoriæ vertens, & ex loci situ commodum capiens, dextram oceano, terga amne tegit, ad læuam septem plaustris obtendit, tormenta aliquot leuiores in frontem obijcit, tum irrumpentem hostem intrepidè excipit. Egmontius impetitus tormentis equitem per eorum globos in Termeum agit; toto impetu in Vascones verso: nam equitatus Villebono ductore metu atque ignauia confictum vitabat; Germani hastas erexerant & à pugna incolumitatem impetraturi abstinebant, ita soli Vascones vniuersum equitum peditumque impetum loco immoti atque imperturbati, ingenti animo sustinent. At ecce duodecim Anglorum naues fortè eam oram præternauigantes, inspecto prælio, tormenta nauium in Francos obuertunt discerpuntque obnoxios, nullo effugio, cùm hinc amnis, inde impedimenta fugam obstruerent. Sic dimicantes egregie victi & cæsi sunt; plures mari & fluuio hausti; capti omnes ab Egmontio duces, Termeus, Villebonus, Annebaldus, Senarpo, & Cauneus: è captis militibus ducenti in Angliam ducti; totidem rusticis ad explendum furorem traditi, qui rapti in proximos pagos, rapinarum pœnas dederunt sæuissimas, necati suppliciis à mulierculis, vel discerpti membratim securibus, vel laniati furentium dentibus vnguibusque, cruore ad explendam vindictam ebibito. Ea clades Henrici res antè erectas prostrauit iterum; & plures Guisiorum æmuli, tarditatem Ducis incusabant, eò vero similis quòd

ab eo vitio indoles viri abhorrebat quam plurimum, nec ea re vna Guisij fides & in patriam amor desideratus est; in Pedemontio res afflicta, in prauam æmulationem, ceu in primam originem reuocabantur.

Etenim post miseram cladem Sanquitianam Rege vndecumque militem conuocante, & cordis instar sanguinem subito in metu à membris cæteris corrogante, Brissacus miserat duas legiones, & abcefferant Nobiles, qui certatim è Francia tyrocinium sub magistro tanto posituri conuolabant in Insubres. Sic Brissacus necessitate continebat se, operiens dum afflarent secundæ res. At postquam aduentu Guisij & Caleti expugnatione respirauit fortuna Franciæ, militem atque stipendium à Rege flagitat: id enim verò Guisius prohibet, cuius auctoritate Regis stabat arbitrium; summam rerum agi in Belgio, eò vires omnes & conatus vertendos; Pedemontium appendicem esse, quæ ex bello Flandrico pendeat; in eo Italiam aperiri atque profligari. Ista in speciem Guisius, cum animum à Brissaco auersum haberet; siue quod is affinis Comeftabili esset, siue quod Francorum vnus rebus gestis clarissimus, sibi comparandus atque adæquandus famam suam & gloriam prouocaret, & in aulam posset aliquando adscitus, auctoritati suæ æmulum ponere. Ideò milite atque pecuniâ detractis, Brissaco, res in deterius ibant, Gallaium & Gattinaram diruerat, cum prædarius miles deficeret; dum hostes Monteclarum & Castiliolum expugnant, vrbibusque cæteris imminet. In eas actus angustias, Gonorium fratrem ad Regem mittit flagitatum suppetias; illi verba dantur, & chæta vmbra pecuniæ contingitur; sed in fumum statim singula effluunt. Ipse Brissacus, exoratâ ægerrimè veniâ, Parisios venit; ac subitò subornatur illi accusator

HEN-
RICVS
II.

XVIII
*Brissaci
res in
Pede-
montio
in senfa*

*De
Gonor.*

—
HEN-
RISCVS
II.

*Vidame
de
Char-
tres.*

fator Vidamus Carnutensis, inimicus priuatum, qui administrationem in flagitium vocat, annitente Lotharingio Cardinale: ac tametsi discussa est accusatio, tamen illi pecunia in trapezitas Lugdunenses assignatur, attributione fallaci; facta ingenti spe Turcicae classis, quæ hostem auerteret atque detineret. Et quidem eam ex centum & viginti triremibus conflata Solimanni Legatus ad Ligusticam oram adduxerat; eo consilio ut captis oppidis quæ circumstant Genuam, ipsam rerum penuriâ ad deditionem impelleret, verum ea spes Franco inutilis, & Brissaco ipsi perniciofa omninò fuerat. Nam Turca post acceptam pecuniam à Genuensibus, clam indemnes ab sua classe præstiterat; & ij à metu tanto securi, nummos Prætori Mediolanensi ad cogendum exercitum suppeditarunt; quibus ille viginti peditum millia conscribit, equitum quatuor; isque erat Sessæ Dux Ferdinandi Consalui ex filio nepos; qui pluribus captis in Pedemontio municipiis, Moncaluum nuper expugnauerat, Pequinij Præfecti negligentia; nam hostes muri parte quam propugnabat, nullo ad repellendum conatu admiserat. Ad hæc dolorem Brissaci interna augebant; cum miles iam detrectaret obsequium, gnarus suum ducem contemptui esse; Heluctij stipendio cessante discesserant, & pleræque urbes deficiebant ad hostem. Ita res in Pedemontio collabebantur, virtutem profligante inuidia, & aulica fraude militarem lauream disturbante. At Philippus præter ea commoda, spem ingentem de Anglica classe conceperat. Ea nauibus centum & viginti, partim ex Anglia petitis, partim ex Belgio, ductore Clintono Anglo, postquam oram Normanniæ perterrefecerat, repente in minorem Britanniam versa, ad Conquestum portum ubi sancti Mathæi cœnobium est, exponit militem.

*Classis
Angli-
ca re-
pulsæ.*

militem. Ille, rusticis aliquot qui obsistebant in fugam actis, cum victor ultra pergeret, à HEN-
RICVS
II. Kerlesmontio Britone Nobili, deiectus, & in suas naues non sine damno compulsus est. Nec quid amplius hostes aggredi ausi sunt, quanquam triginta nauibus nuperrimè aucti: nam Brolius Dux Stampensis, prouincia Prætor, armabat militem, & vno conflictu de re tota fusi præiudicauerant. Postmodum classis in suos Angliæ & Batauiæ portus se recepit. At perculsi Reges mutua illa quâ clade, quâ ignominia, videbantur extrema omnia tentaturi, cum improviso affulget spes pacis. De pace pri-
mum
agitur. Henricus numerosissimum exercitum apparauerat; nec numerus militum distinctè scribitur, nisi ex verbis Monlucij quantus demùm fuerit colligatur. Scribit enim ampliorem exercitum hominum memoriâ nullum visum; distributum in ordines cum semisse leucam occupasse, & singula agmina circumequantanti à dextro in sinistrum cornu, effluxisse trium horarum spatium. Rex eo lustrato, & excepto honorifice Guillelmo Ducis Saxonie filio, qui bis mille equites in societatem belli adduxerat; ab Campaniæ finibus in Picardiam tendit, immensasque copias ad Ambianum locat. Nec distabant procul Philippi copiae, numero Francieis haud inferiores: qui exercitus si confligerent semel, magna rerum conuersio tum victori tum victo imminere haud dubiè. Quo periculo acti, de pace agi Reges patiuntur. Eam Christierna Lotharingi mater omni industria promouebat, accedebantque ad eius studia, Sabaudia Dux Philibertus, Comestabilis, & Santandreas; quanquam mente diuersa singuli. Nam Sabaudus ditionem suam ab utroque Regum occupatam, vno pacis beneficio recuperare poterat; Comestabilem vrebatur Guisij potentia, diuturno bello firmata; & Santandream captiuitatis

ptiuitatis longæ tædebat ; rémque totam
 HEN- Diana vrgebat efficaciter, rata bello extincto,
 RICVS Guisios facile redactum iri in ordinem. Iis
 II. Reges animis affecti viros ad pacem legant ;
 Henricus Cardinalem Lotharingum , Co-
 mestabilem Santandreanum, Ioannem Mor-
 uilerium Episcopum Aurelianensem , Alba-
 spinam scribam Sanctioris Consilij ; Phi-
 lippus Ferdinandum Albanum , Rodericum
 Gomeſium , Guillelmum Orangium , An-
 tonium Granuellanum Atrebatensem Epi-
 scopum , & Vlricum Viglium Iurisconsultum
 doctissimum : iisque conueniunt Castro-Ca-
 meracesij, quod in Cameracensibus oppidu-
 lum est. Suos etiam Legatos Regina Angliæ,
 & Sabandiæ Dux, priuatim miserant. Et verò
 Comestabilis libertatem sibi & Damuillæ
 nato confecerat, centum septuaginta sex au-
 reorum millibus in pretium datis ; quamuis
 scribant aliqui pretij gratiam à Philippo fa-
 ctam. Primum placuit , vt gemini exercitus
 & admoti propius soluerentur , ne militari-
 bus animis orta fortè occasione pugnandi,
 pacis studia disturbarentur : & dimissi vtrin-
 que milites , quibus alimentum & pabulum
 feracissimæ prouinciæ vix suppeditabant.
 Heluetij tranquillè & placidè discesserunt,
 Germani tumultuantes multo labore à Ni-
 uernensi deducti sunt. Exarmati Reges in
 leges pacis assentiebantur , cum Angli eam
 postulatis conturbant, repositos Caletum ;
 quod nullo pretio Francus à se auelli sine-
 ret. Ita cùm Philippus Mariæ coniugi eam
 molestiam nollet obijcere , vt ipsâ inuitâ
 conciliaretur pax ; res in Ianuarium proxi-
 mum à legatis reijcitur ; si fortè beneficio
 temporis huic nodo Gordio proferretur ali-
 quis gladius.

XIX.

*Conten-
 tio in-
 ter Le-*

Dum hic expectatur, legatos inter Regum
 oritur contentio , quæ pacem ipsam afflixit
 propemodum ; nisi Philippi certa & indubi-
 tata

tata utilitas eam instaurasset. Postquam Carolus quintus Imperio se & regnis abdicat, Franciscum Vargam ad Senatum Venetum, suo & Philippi filij nomine miserat, cum ipsum quem antè Imperatorio titulo habebat Venetiis. At Episcopus Lodeuensis pro Henrico legatus, percipiens quò hæc legatio tenderet, erat contestatus se de iure suo nunquam decessurum; attamen Senatus rogatu vterque Legatus à consensibus celebrioribus se abstinuerat. In præsentia Ferdinandus Imperator dictus Legatum proprium, miserat, vrgebatque Vargas, vt post eum proximas in sedendo partes occuparet. Proponebat sibi eæ vti traderentur; *non habendam priorum temporum rationem; olim regnum Hispania angustis terminis circumscriptum; modo diuino beneficio, ultra mundi & soli limites prorogatum; quantum accesserit finium, tantum accessisse maiestatis & reuerentia non comparandam Franciam cum multiplicibus immensisque Provinciis, qua sceptro Hispanico regerentur; nec de dignitate oportere Reges contendere, cum eo qui prouinciarum numero & amplitudine ceteros superet.* Eiusmodi plura Vargas, fortunam in patrocinium aduocans, cum ius & æquitatem nequiret. Contra Nouallius, Tarbensis Episcopus, Henrici orator, instat magnoperè, vt ius Regis suo debitum, ac priores partes asserantur. *Regum maiestatem a fortuna beneficiis haudquaquam arcessi; tam mercatorum quàm Regum opulentiam esse; diuinum quid ad venerationem Regum affulgere; & ab regnis conditis neminem Principum cum Christianissimo contendisse; stare se iure suo, nec passurum vt præter Imperatorium ullus orator prior consideret.* Senatus quando inire iam mediam non erat integram, pro iure stetit, ac Francisco primam sedem attribuit. Et ea controuersia postea

HEN-
RICVS
II.
gatos
Regum
Venetiis

De Nouaille.

Tridenti

Tridenti in Concilio instituta, agitata per
 HEN- grauissimas altercationes, Pio I V. Pontifice,
 RICVS Franco similiter adiudicata est. Ac quidem
 II. de Concilio Tridentino, plura essent dicen-
 Conci- da, quod incepit anno antequàm Franciscus
 lium Primus desineret; & tandem conclusum est
 Triden. Carolo I X. tertium annum regnante sed
 sinum. omnia sunt luculentissimè ac verissimè scri-
 pta in historia propria, quam edidit nuper
 Pallauicinus Eminentissimus Cardinalis, tan-
 ta luce veritatis, quanta laude ingenij, &
 scriptori hæretico tam detraxit laruam, quàm
 patefecit mendacia. Nunc in orbitam pacis
 redeamus, cui dum enarratus obex assurge-
 bat; alium Deus & molestissimum sustulit.
 Pax Maria Angliæ Regina, hydrope Londini mo-
 Came- ritur; cùm prægnantem se ex desiderio cre-
 acnsis deret, nascenti morbo remediorum contem-
 ptu progressum dederat, pestemque aluerat,
 qua mox extincta est. Continuo Angliam
 noua rerum facies occupat; Elisabeta Mariæ
 soror ex Anna Bolenia nata solio imponitur;
 ac tametsi sub initia Philippus fingeret sibi
 Angliæ commoda cordi esse, tamen postmo-
 dum in suam vnus utilitatem intendit. Igi-
 tur Ianuario ineunte Legati Castro-Came-
 raceijs conueniunt; nec diu de conditioni-
 bus disceptatum est. Duæ quæ grauiores,
 Anno partim erant sublata, partim mitigata, de Ca-
 1559 leto & Meti. Elisabeta iam cum Henrico pe-
 pigerat; vt ipsi Rex intra octo annos Cale-
 tum restitueret cum Oyo Comitatu; sin mi-
 nus, quingenta nummorum millia penderet.
 Metim & duas alias vrbes Imperij, Tullum
 & Virdunum, assentiebatur Philippus vt Hen-
 ricus redimeret, & de iis placidè cum Ger-
 manis Proceribus actum. Missi erant Orato-
 res à Rege, Marillacus Archiepiscopus Vien-
 nensis, ac Bourdilionius, ad Germaniæ Co-
 mitia Augustæ habita; & impetratus tum à
 Ferdinando Imperatore, tum à Germanis
 Princi

Principibus haud ægrè assensus, vt ex vrbes Francorum essent. Deinde sub Martij finem delatæ sunt ad Regem conditiones eiusmodi; vt pacta antea inita forent rata; vt mutuis clientibus parceretur, exceptis exulibus, Siculis, Neapolitanis, & Mediolanensibus, Henricus Philippo restitueret Theonuillam, Marienburgum, Iuoium, Damuillerium; Mommedium, Valentiam in Insuubris, omnes arces vrbisque quas cis vel vltra Alpes possidebat: Philippus vicissim Sanquintinum, Hamum, & Castelletum; Henricus præterea redderet Philippo Carolesium Comitatum atque Hesdini ditionem, Bouinas, & Bullionem Leodiensi Pontifici; Mantuano Duci Monferratensem, Genuensibus Corsicam; in Subalpinis Taurinum, Pinarolium, Chetium, Ciuasium, & Villanouam Astensem pignoris loco retineret, dum de auitæ successionis iure ab selectis arbitris pronuntiatur: Henricus prior impleat fœdus, posterior Philippus datis obsidibus, Philippo Isabella Henrici filia tredecennis in coniugem detur, Philiberto Sabauda Margarita soror; illi quadringenta nummorum millia, huic trecenta in dotem dicantur. Nemo Procerum præter Mommorantios his conditionibus adscriptum volebat, Guisus in consilio præclaram habuit ad dehortandum Orationem; Brissacus eam in rem generosè multa proponebat; sibi in militiæ præmium reposcebat exilium, se & socios commilitones iuberet Rex exulare è Francia, pollicebatur se fremente toto Hispanorum imperio obtenturum tot arces atque vrbes, quas nullo fructu modo abdicaret. Tum illam pacem miserabilem dicebat, exclamabat indignissimam, quâ trecentæ propemodum arces ob pauculas quasdam recipiendas reddebantur Hispano. Canebantur surdo hæc omnia: Henricus omnino pacem expetebat, siue bellum diuturni pertæsus; siue Mommorantijs

HEN-
RICVS
II.

— & multò magis Dianæ voluntate impulsus ,
 HEN- quibus deliberatum erat quamcumque pa-
 RICVS cem admittere priusquam alendo bello Gui-
 II. fiorum gratiam & potentiam alere. Ita con-
 ditiones receptæ & apparatus ad celebrandas
 nuptias pompa magnifica.

XX. Ac ea dum instruitur, Rex addicit curas
Senato- ad plectendos Hæreticos, ij dudum propa-
res Pa- gabantur in Francia; & Senatorum Parisien-
siens- tium plures ferebantur vulgò hac pice illiti.
jes hæ- Sanè cùm prima Senatorum classis, quæ ma-
retici. gna Camera vocatur, ex edicto Castelbrian-
 tio igne Hæreticos plecteret, proxima classis,
 quæ turriculæ dicitur, eos dimittebat, vel
 leuioti pœna mulctabat. Qua de re multis
 apud Regem querentibus, & impulsore vt
 creditur Cardinale Lotharingio, qui nouam
 potentiam inquirendæ hærelis ambiebat, res
 ad Mercuriale consilium vocatur. Id porrò
La = eiufmodi erat, vt die Mercurij, vnde no-
Mer- men sumptum, Senatores lecti, in maiorem
curiale Curiam cogerentur, inquireretur de singu-
 lorum moribus tum de vniuersis Senatus-
 consultis; si quid peccatum leuius, verbis
 plectebatur; si quid grauius, amouebatur
 reus à Senatu: id consilium primò bis in
 mense, postea semel trimestribus singulis
 habebatur. Conueniunt autem Præsides Dia-
 demati, duo ex singulis classibus Senatores,
 Regij Aduocati & Procurator; vbi res est
 grauior omnes adsunt. Tunc apud vocatos
 expostulat Ægidius Bordinus Regis Procu-
 rator, de iudiciorum varietate in plectendis
 Hæreticis, mox cùm Senatores sententiam
 dicerent & eorum aliquot in Hæreticorum
 gratiam tenuissent; nempe Arnoldus Ferre-
 rius Iurisconsultus scriptis celeberrimus;
 Anthonius Fatorus, Paulus Fuxiensis, Va-
 leus, Porta, Viola, & omnium pettinacissi-
 mus Anna Burgas; pronuntiandum iudicium
 in alium diem dilatum est. Quo die delibe-
 rantibus

rantibus Rex cum Proceribus interuenit ; & Senatutum auditâ sententiâ postquam grauem orationem habuerat , excandescens in Faurum , & Burgum , qui in Orthodoxam religionem blasphemias voces emisserant , iubet eos à Mungomerio comprehendî , & abduci in Bastillam arcem ; in quam ducti similiter Fuxius , Fumæus , & Porta ; nam Ferrerius , Valæus & Viola fugâ euaserant. Tum Annæ Burgo Iudices dati , qui sacris initiatus Ordinibus contumacissimè omnium sententiam impiam tuebatur : verùm is altercando , & datos Iudices reiiciendo dum damnatur lentius ; atrox calamitas miseram Franciam percellit in capite. Perstrepebat gaudio ciuitas Parisiotum ad apparatus nuptialis pompæ ; aderant Sabaudix Dux , Albanus qui Isabellam pro Philippo duceret , Orangius , atque Egmontius ; Rêxque hastiludium indixerat , in quo ipse decurteret , ostentaturus dotes egregias , vires robustissimas , atque admirabilem equitandi artem. Iam duos dies magna laude decurrerat , cùm sub tertij finem quo desinebat ludus , aperta galea vt captaret aërem , Mongommerium Comitem , quem fortè hastâ erectâ cessantem inspexit , ad cursum prouocat ; sed raptus eurrendi studio , buculam galeæ festinanter demissam haudquaquam occludit. Mongommerius in pectorale hastâ perfractâ , cùm cohibete nequireret impetum , trunco quem dextrâ gerebat inuectus in Regem , buculam aperit , Regisq̃ue oculum dissiliente fragmento atque totum caput transuerberat. Rex prostratus vulnere defertur in proximas Turricularum ædes ; nec vllam deinceps edidit vocem ; quamuis illi multæ assignantur : atque adhibitis frustra remediis , vndecimo die à vulnere , qui Iulij erat nomen , emitit animam ; natâ in cerebro vomica quæ vitam abstulit. Magno humana-

HEN-
RICVS
II.

*Du
Faur.
et de
Bourg.*

*Regis
mors*

Anno
1559

HEN-
RICVS
II.

rum rerum ludibrio; cùm Rex validissimus, in ludo cuius peritissimus erat, suos inter Proceres, periculorum in tot bellis immunis; nullo hoste, nullo inimico, in festiua pompa & nuptiali lætitia, ludens innocentē culpa occiditur. Delibabat annum à quadragesimo primum, robusta valetudine, quæ longæuum senium operiretur. Pridie obitus Sabaudus Margaritam duxit, ne Rege mortuo nouus obex pacem conturbaret. Et narrantur plura tam improuisi fati præsagia; in quibus memorabile, quod infans sexennis à patre ad spectaculum deductus, vbi primum inspexit stadium, exclamauit; Heu pater, Regem volunt occidere; nec clamores aut fletus compesci vlla re potuerunt, donec domum à funesto loco relatus est. Porro Henrico erant corporis dotēs eximix, amplæ vires, multa agilitas, membrorumque ad palæstram omnem mollities: animus facilis, ab sœuitia omni alienus, clemens, benignus, & militaris gloriæ cupidus; at qui se regendum Aulicis traderet, addictus Mommorancio supra omnem modum, quodque deterius Dianæ mulierculæ, tam cæco & obstinato obsequio, vt vulgò creditus sit ab impura fœmina fasciatus.

FRAN-
CIS-
CVS II
REX.
XXI.
*Quisij
ad re-
gimen
admoti*

Henrici luctum consequentium temporum calamitas auxit; quæ quadraginta continuos annos miseram Franciam discerpfit ac dilaniavit; eò funestius, quod Francia ipsa suo malo potens & ferax, viperæ instar, tot alebat hostes, quot fœtus pareret; & geminis diuisa factionibus, impietatis & ambitionis, ruebāt in perniciem necessariam, tam victrix quàm victa. Ea & sequentia, quoniam ætatem nostram contingunt propius, & amplè ab Historicis pluribus variis linguis perscripta sunt, ne rem omnino actam agere videar, percurram paucioribus, quantum ad propositum meum sat fiteri. Franciscus eo nomine

nomine Secundus annum delibabat decimum sextum, cum raptus est pater; adolescens infirma valetudine, & animo tam imbecilli ad tantam regni molem quam corpore, quam sine fulcro & adminiculo ferre non posset. Id in tanta Principum copia deesse non poterat; sed ex ea copia primum malum ortum est, cum inæqualitatem originis suppleret auctoritas, & regium sanguinem repræsentaret ambitio. Nam Guisij extemplò rerum clauum arripiunt: cum Guisios nomino, duos natu maiores loquor, Franciscum & Carolum: nam fratres alij ad eorum nutus accedebant. Quorum Franciscus rebus militia gestis clarissimus, Meti seruata & Caletto capto, famam omnium gentium consequutus, videbatur quolibet dignus fastigio; actuosus in paucis, vigilantissimus, qui manu qua metebat victorias conscribebat epistolas, prudens, moderatus, liberalis, & beneficiorum haud immemor; humanitate admirabili quæ animos omnium caperet. Carolus Cardinalis, ceu ignem loco animæ aleret, perpetuo in motu, cum non posset militarium, aulicarum rerum & consiliorum satagebat; ubi conciliandus potentior, dissimulator egregius; litteris imbutus, & eloquentia ad flectendos animos singulari. Ij Mariæ Stuartæ, quæ nupserat Regi, auunculi, ceu affines propinquiore, Regem à Turricularum palatio, in quo Henricus iacebat, Luparam abducunt; iussu Comestabile hæere ad cadauer, dum iusta peragerentur, quod Præfectorum Palatii munus est. Regina mater Catharina Médicia se ad Guisios admouet; siue cursu rapta, quem inhibere haud posset; siue maluit Guisiis quam Comestabili adhærere, viro prudenti & considerato, quem admissum semel amoueret haud facile; cum Guisij turbulentiores viam ruinæ amplam patefac-

FRAN-
CISCVS
II.

rent; siue nondum confirmatis artibus, quas deinceps ad regimen vsurpandum tam peritè callidèque adhibuit. At Guisij Regis potiti, illicò edictum in Senatum deferri curant, quo Rex belli administrationem Duci Guisio mandabat, & rarij Cardinali, & Reginz matri supremum in omne regnum imperium. Idemque Rex dixerat viris à Senatu legatis, Guisios de singulis rebus consulendos. Imò cùm Comestabilis semel iterumque Regem conuenisset, experturus si qua dignitatis atq; ætatis ratio haberetur: nam agebat annum à septuagesimo alterum; cùm oclusas Regis aures comperisset, Guisiosque in intimam mentem penetrasse, petita & accepta abeundi venia, secesserat Chantilliacum, quæ Parisios prope villa est magnifica natura & arte ad honestum otium instructissima. Continuò institutz, quod solemne est, mutationes Oliuerius Cancellarius, vir moribus probatissimis, sigillis præficitur, Bertrando custode Romam amandato, vt galcerum Cardinalitium caperet, homine ad Dianæ obsequium mancipato. Diana ipsa aulâ eiecta est, pœna pro flagitiis leuiori, iussa tradere regij cubiculi clauēs, & Regum suppellestilem gemmeam, quæ per immoderatam potentiam penes se habebat; Chenonsæum amœnissimam in Tuconibus domum, Charo amni impositam, Catharinæ dedit, facultatibus cæteris spoliandæ, nisi Aumalius gener deprecator, concepta spe totius hæreditatis, exorasset fœminæ veniam. Mox Ioannes Auanso summa præfectura rarij amouetur; Cardinalis Turnonius inculpatæ fidei, & Mommorancio odiosus, in aulam arcessitur, Catharinæ maximè voluntate, virum aduocantis quem priuatim sibi demereretur. Santandreanus Marefcallus, cùm hætenus beneuolentia Regis & sua amplitudine fultus, alienum columen respuisset, modò se

ad Guisios applicat, ære alieno supra modum grauis, & accusationibus multis obnoxius, ob peculatum & rapinas plurimas; vnica filia vni ex Guisij filiis desponsa: plerique regis domus ministri, Præfecti arcium vrbiũque, & in supremis Curiis Magistratus, eodem modo deiectioni; cauentibus Guisiis vt dignos substituerent, quique passim vulgò commendati essent & accepti.

Constitutis ad clauum Guisiis, vna supererat euertenda machina familiæ Regiæ Principes, qui ab condito regno venerabiles Francis, & pupillis Regibus in administratione vocati, non videbantur alienum regimen æquis animis subituri. Ij quinque è Borbonia prosapia erant; tres in Vindocinensi familia fratres, quæ ad Regem spectabat propius; Antonius, Ludouicus, & Carolus. Antonius postremo bello Henricum inter & Philippum exorto, Henrico Nauarræ Rege socero mortuo, in Bearniam venerat, regni que titulum sumpserat; hic virili ætate, militarium peritissimus rerum, tam prudens ductor, quam fortis in præliis, præterea per ærarium soceri locuples, vt primus è stirpe regia, videbatur administrationi rerum aptissimus; nisi virtutes sua etiam vitia prægrauarent: nulla in consiliis aulicis intelligentia, in susceptis nulla constantia, imò ingens mollities, fluctuans animus, & in singulis hæsitans, qui se nulli rei seriò traderet; quæ vitia non tam ab indole hauserat, quam ab assiduis muliercularum amœnibus, aciem mentis roburque corporis affligentibus & enervantibus. Ludouicus Condæus, fratri longè dissimilis, pusillo corpore, infirmis viribus, nondum collectâ per ætatem peritiâ; nam annum vigesimum quintum implebat, arcessebat ab animo quod defecerat corpori; generosi animi, altique spiritus, liberalis, fortis, in gerendis rebus indefes-

FRANCISCVS II.

XXII.
Principes regis sanguis.

FRAN-
CISCVS
II.

sus, perspicaci ingenio solidoque, cupidissimus gloriæ: sed ex laudes contraxerant natos; etenim in consiliis præceptus, in agendo nimius, in aduersis impatiens, noua hæresi imbutus, ad factionem potius regnique perniciem quàm ad regimen natus putabatur. Et ille ad Comestabilis partes accesserat, contracta cum eo affinitate ob coniugem; quippe focrus Eleonoræ Royæ coniugis mater, nata erat ex Ludouica sorore Comestabilis, quæ primis nuptiis Magdalenam matrem ipsam Eleonoræ pepererat; secundis Castilionios fratres Admiralium & Andelotium; ita in fratrum consuetudinem Condæus implicitus, ab iis veneni lumen illam contraxerat: præterea opes illi tenues erant, dignitas nulla, nulla provinciarum prætura; atque hinc prima causa dissidij, quod Picardiam à patre & Antonio fratre administratam ipse reposceret, quam inuaseraut Guisij. Carolus in album Cardinalium adscriptus, & Rothomagensis Archiepiscopus, Antonio similior, negligentia, & credulitate, rebus magnis ineptus, & alienæ fraudi obnoxius erat. Duo præterea fratres ex stirpe Rocasurionis obtinebant proximum gradum; Ludouicus Dux Mompenserius, miti indole, & à tumultibus aliena, Orthodoxæ fidei studiosissimus; iisdemque moribus Carolus frater Princeps Rocasurio, probitatis laude & prudentiæ clarus; amorem & estimationem vulgi collegerant. Ergo ad eos Franci conuertuntur, ij quibus Guisij odiosi forent, & maximè ad Nauarræ Regem, qui ortu proximus, & belli gloriâ, & regia dignitate eminebat supra cæteros. Et quidem Comestabilis, postquam Hentici deplorata est salus, Matam ad eum miserat, adhortatus ut quamprimùm Lutetiam se conferret, suscepturus regimen, quod in ipsum natura virtutisque suæ contulerant. At cum ille vel

*Roches
sur
yon.*

indolis cunctatione haud se commoueret; vel quod Mommorancio non satis fideret, qui in proximo fœdere Camereasensu nullam sui in Nauarram iuris rationem habuerat; mox appellatus Procerum vocibus, Condæi, Rocasurionis, Admiralij, & Andelotij, de re tota deliberauit maturius. Erant illi à consiliis Ioannes Angutus Episcopus Mimatenfis, Prati Cancellarij filius nothus, Burcardus Nauarræ Cancellarius, Chabotus Iarnacus, & Franciscus Escarsius; cùmque postremum sibi clam Catarina conciliauerat. Ij auctores sunt vt proficiscatur; verùm Escarsio moram innectente sagaciter, lentè progrediebatur; admissis per singulas vrbes hæreticorum precibus, supplicantium vt fidei suæ defensionem susciperet. Vindocini plerisque Procerum obuios habuit, Condzum, Rocasurionem, Andelotium, Vidamm Carnutensem, Antonium Portiani Principem, & Carolum Rupifocaldium; & eorum consilio constitutum, nihil vt moueret, donec Reginæ matris Regisque ipsius mente perspecta, tentasset si quid placidè & tumultu amoto obtineri posset; isque ea mente ire in Aulam pergit. At Guisij vt primum illum impetum frangerent, persuadent Regi Nauarrum sectâ hæreticum, eius farinæ hominibus ducem se præbere, eorùmque ope regnum affectare; qua opinione concepta, haud ægrè Rex ad Nauarrum excludendum inducitur. In Castello Sangermani Laij agebat; nullum in eo paratum Nauarro hospitium; isque ad diuersorium publicum mittebatur, nisi Santandreas officiosè suo decessisset. Cùm Rex vt ipsi occurreret, quod frequens est, prodiisset venatum, à Guisio in regionem viæ aduersam deducitur. Nec Nauarrus accipitur à Rege signo vlllo humanitatis; nusquam ad concilium euocatur; si de regno agit, mittitur ad Guisios, Rege affirmante

FRANCISCVS II.

Allo-
nus
Rex
Nab
uarræ.
d' An-
gut.
d' E-
scars.

—
AN-
ciscvs
II.

penè auunculos totam esse administrationem & regimen ; sibi gratum facturos , qui ipsis obtemperarent. Ausus aliquoties, Proceribus instigantibus, Regem de publicis rebus compellare , tam austeris & acerbis verbis dimissus est , vt planè abiecta spe obtinendi regiminis , ad primam indolem reuolutus , consilia antè suscepta omiserit. Ita Guisij in eum obicem confirmati., Regem Rhemos ad inaugurationem nullo metu ducunt : affuerunt Rex Nauarræ & Comestabilis , pars spectabilis pompæ ; amoti extemplo , & Comestabilis quidam summam Palatii præfecturam dimisit , quam inuasit Guisius , Francisco Comestabilis filio Marescallo dicto ; & Nauarrus in speciem deducendæ in Hispaniam Elisabetæ , amandatur in Benearnium. Imò Guisij alas festinanti adiungunt : nam eo præsentè à Philippo Rege Hispaniæ litteras perlegunt ; quibus exposculabat quosdam factiosos in regno Franciæ clam tumultuari , qui regni Comitia euocanda dicerent ; quasi Francisco ætas aut industria ad regendum dēforent ; eam ob rem significabat , se Regis sororij totiūque regni tutelam capere , paratōsque armatos quadregies mille , qui factiosos in obsequium cogerent. Sic litteris Nauarrus cū se designari animaduerneret , metuēnsque ne Hispanus quod in Nauarra reliquum erat inuaderet , dum Elisabetæ ornatus instruitur , festinat in Benearnium properanter ; mōxque Elisabeta Cardinali Borbonio & Rocasutioni perducenda in Hispaniam traditur ; eamque Comite Albano Duce in Aquitania Nauarrus excipit , quam ad Ronceuallem Duci Infantadio committit.

IXIII
Caluini
in Frā-
cia ha-
resis.

Ainoliti Nauarram Guisij , ad premendos tollendōsque hæreticos aggrediantur ; tum ob cultum Orthodoxæ fidei , tum quod eam factionem sibi aduersissimam comperiebant.

Porro

Porro res postulat, quando ab ea tanta calamitatum procella exorta est, vt à prima origine tota mali causa arcessatur. Nec ea alia quàm Ioannes Caluinus. Hic Nouioduni, quæ Picardiæ vrbs est, anno huius seculi nono, ex Gerardo Chauuino Notario natus, studiisque primis eruditus, ab quodam affine sacerdotia duo impetrauit, Parochiam Pontis Episcopalis, & in Ecclesiâ Nouiodunensi Capellaniâ, vt vocant: & Ioannî erat Carolus frater, qui cùm moriens sacrosanctâ Eucharistiâ pasci recusasset, sub patibulo instar iumentî sepultus est. At Ioannes decursis primis studiorum stadiis, Aureliam ad discendam Iurisprudentiam venerat, inde profectus Bituriges, vt Alciatum audiret doctrina celeberrimum; inciditque in quendam Melchiorem Volmarium natione Germanum, à quo impulsus est in studium Theologiæ, simulque prima hæresis luc infectus. At ea cùm in dies fermenti instar totam hominis mentem peruaderet atque corrumpere; iam ingens quidpiam meditans, regressus in patriam, duo sacerdotia pecuniâ vendit; qua auctus venit Parisios, & in Collegio Cardinalis Monachi clam virus spargit; donec ob praua dogmata ad poenam quæsitus, periculo per fenestram missus sese eripuit Parisiis Enculismam profugit, nomine dissimulato; mox se in Germaniam confert, & sermonem communicat cum hæreticorum Antesignanis; dein reuersus in Franciam Pictauium venit, incipitque plures contagiosa labe inficere. In iis tres celebres, quos per Franciam ad seminandum toxicum legat, & librum Almini nomine de Christiana institutione, matricem hæreseos scribit, quem Regi Francisco I. impudentissimus nebulo dedicat. Mox seuerè Francisco in hæreticos homines insurgente, idem metu suppli ei; Geneuam profugit,

— & mulrò magis Dianæ voluntate impulsus ,
 HEN- quibus deliberatum erat quamcumque pa-
 RICVS cem admittere priusquam alendo bello Gui-
 II. siorum gratiam & potentiam alere. Ita con-
 ditiones receptæ & apparata ad celebrandas
 nuptias pompa magnifica.

XX. Ac ea dum instruitur , Rex addicit curas
Senato- ad plectendos Hæreticos , ij dudum propa-
res Pa- gabantur in Francia ; & Senatorum Parisien-
siensi- tium plures ferebantur vulgò hac pice illiti.
jes hæ- Sanè cum prima Senatorum classis , quæ ma-
retici. gna Camera vocatur , ex edicto Castelbrian-
 tio igne Hæreticos plecteret , proxima classis ,
 quæ turriculæ dicitur , eos dimittebat , vel
 leuiori pœna mulctabat. Qua de re multis
 apud Regem querentibus , & impulsore vt
 creditur Cardinale Lotharingio , qui nouam
 potentiam inquirendæ hærelis ambiebat , res
 ad Mercuriale consilium vocatur. Id porrò
 eiusmodi erat , vt die Mercurij , vnde no-
 men sumptum , Senatores lecti , in maiorem
 Curiam cogerentur , inquireretur de singu-
 lorum moribus tum de vniuersis Senatus-
 consultis ; si quid peccatum leuius , verbis
 plectebatur ; si quid grauius , amouebatur
 reus à Senatu : id consilium primò bis in
 mense , postea semel trimestribus singulis
 habebatur. Conueniunt autem Præsides Dia-
 demati , duo ex singulis classibus Senatores ,
 Regij Aduocatî & Procurator ; vbi res est
 grauior omnes adsunt. Tunc apud vocatos
 expostulat Ægidius Bordinus Regis Procu-
 ratôr , de iudiciorum varietate in plectendis
 Hæreticis , mox cum Senatores sententiam
 dicerent & eorum aliquot in Hæreticorum
 gratiam tenuissent , nempe Arnoldus Ferre-
 rius Iurisconsultus scriptis celeberrimus ;
 Anthonius Fatorus , Paulus Fuxiensis , Va-
 leus , Porta , Viola , & omnium pettinacissi-
 mus Anna Burgas , pronuntiandum iudicium
 in alium diem dilatum est. Quo die delibe-
 rantibus

rantibus Rex cum Proceribus interuenit; & Senatorum auditâ sententiâ postquam grauem orationem habuerat, excandescens in Faurum, & Burgum, qui in Orthodoxam religionem blasphemias voces emisserant, iubet eos à Mungomerio comprehendì, & abducì in Bastillam arcem; in quam ducti similiter Fuxius, Fumæus, & Porta; nam Ferrerius, Valæus & Viola fugâ euaserant. Tum Annæ Burgo Iudices dati, qui sacris initiatus Ordinibus contumaciissimè omnium sententiam impiam tuebatur: verum is altercando, & datos Iudices reiiciendo dum damnatur lentius; atrox calamitas miseram Franciam percellit in capite. Perstrepebat gaudio ciuitas Parisiorum ad apparatus nuptialis pompæ; aderant Sabaudix Dux, Albanus qui Isabellam pro Philippo duceret, Orangius, atque Egmontius; Rêxque hastiludium indixerat, in quo ipse decurreret, ostentaturus dotes egregias, vires robustissimas, atque admirabilem equitandi artem. Iam duos dies magna laude decurrerat, cum sub tertij finem quo desinebat ludus, aperta galea ut captaret aërem, Mongommerium Comitem, quem fortè hastâ erectâ cessantem inspexit, ad cursum prouocat; sed raptus currendi studio, buculam galeæ festinanter demissam haudquaquam occludit. Mongommerius in pectorale hastâ perfractâ, cum cohibere nequiret impetum, trunco quem dextrâ gerebat inuectus in Regem, buculam aperit, Regisq; oculum dissiliente fragmento atque totum caput transuerberat. Rex prostratus vulnere defertur in proximas Turricularum ædes; nec vllam deinceps edidit vocem; quamuis illi multæ assignantur: atque adhibitis frustra remediis, vndecimo die à vulnere, qui Iulij erat novus, emittit animam; natâ in cerebro vomica quæ vitam abstulit. Magno humana-

HEN-
RICVS
II.

*Du
Faur.
et de
Bourg.*

*Regis
mors*

Anno
1559

rum rerum ludibrio; cùm Rex validissimus, in ludo cuius peritissimus erat, suos inter Procures, periculorum in tot bellis immunis; nullo hoste, nullo inimico, in festiua pompa & nuptiali lætitiâ, ludens innocente culpa occiditur. Delibabat annum à quadragesimo primum, robusta valetudine, quæ longæuum senium operiretur. Pridie obitus Sabaudus Margaritam duxit, ne Rege mortuo nouus obex pacem conturbaret. Et narrantur plura tam improuisi fati præfagia; in quibus memorabile, quod infans sexennis à patre ad spectaculum deductus, ubi primum inspexit stadium, exclamauit; Heu pater, Regem volunt occidere; nec clamores aut fletus compesci vlla re potuerunt, donec domum à funesto loco relatus est. Porro Henrico etant corporis dotēs eximix, amplæ vires, multa agilitas, membrorumque ad palæstram omnem mollities: animus facilis, ab sœuitiâ omni alienus, clemens, benignus, & militatis gloriæ cupidus; at qui se regendum Aulicis traderet, addictus Mommerancio supra omnem modum, quodque deterius Dianæ mulierculæ, tam cæco & obstinato obsequio, ut vulgò creditus sit ab impura fœmina fasciatus.

Henrici luctum consequentium temporum calamitas auxit; quæ quadraginta continuo annos miseram Franciam discerpfit ac dilaniavit; eò funestius, quod Francia ipsa summo malo potens & ferax, viperæ instar, tot alebantes hostes, quot fœtus pareret; & geminis uisa factionibus, impietatis & ambitionis rucebat in perniciem necessariam, tam arrix quam victa. Ea & sequentia, quoniam ætatem nostram contingunt propius, & amplè ab Historicis pluribus variis linguis scripta sunt, ne tem omnino actam agere videar, percurram paucioribus, quantum propositum meum sat fidei. Francicū
nom

nomine Secundus annum delibabat decimum sextum, cum raptus est pater; adolescens infirma valetudine, & animo tam imbecilli ad tantam regni molem quam corpore, quam sine fulcro & adminiculo ferre non posset. Id in tanta Principum copia deesse non poterat; sed ex ea copia primum malum ortum est, cum inæqualitatem originis suppleret auctoritas, & regium sanguinem repræsentaret ambitio. Nam Guisij ex templo rerum clauum arripiunt: cum Guisios nomino, duos natu maiores loquor, Franciscum & Carolum: nam fratres alij ad eorum nutus accedebant. Quorum Franciscus rebus militia gestis clarissimus, Meti seruata & Caletto capto, famam omnium gentium consequutus, videbatur quolibet dignus fastigio; actuosus in paucis, vigilantissimus, qui manu qua metebat victorias conscribebat epistolas, prudens, moderatus, liberalis, & beneficiorum haud immemor; humanitate admirabili quæ animos omnium caperet. Carolus Cardinalis, ceu ignem loco animæ aleret, perpetuo in motu, cum non posset militarium, aulicarum rerum & consiliorum satagebat; ubi conciliandus potentior, dissimulator egregius; litteris imbutus, & eloquentia ad flectendos animos singulari. Ij Mariæ Stuartæ, quæ nupserat Regi, auunculi, ceu affines propinquiore, Regem à Turricularum palatio, in quo Henricus iacebat, Luparam abducunt; iussu Comestabile hære ad cadauer, dum iusta peragerentur, quod Præfectorum Palatii munus est. Regina mater Catharina Medicia se ad Guisios admouet; siue cursu rapta, quem inhibere haud posset; siue maluit Guisiis quam Comestabili adhærere, viro prudenti & considerato, quem admissum semel amoueret haud facîle; cum Guisij turbulentiores viam ruinæ amplam pateface-

rent; siue nondum confirmatis artibus, quas deinceps ad regimen vsurpandum tam peritè callidèque adhibuit. At Guisij Regis potiti, illicò edictum in Senatum deferri curant, quo Rex belli administrationem Duci Guisio mandabat, ærarij Cardinali, & Reginz matri supremum in omne regnum imperium. Idemque Rex dixerat viris à Senatu legatis, Guisios de singulis rebus consulendos. Imò cùm Comestabilis semel iterumque Regem conuenisset, experturus si qua dignitatis atq; ætatis ratio haberetur: nam agebat annum à septuagesimo alterum; cùm oclusas Regis aures comperisset, Guisiosque in intimam mentem penetrasse, petita & accepta abeundi venia, secesserat Chantillacum, quæ Parisios prope villa est magnifica natura & arte ad honestum otium instructissima. Continuò institutæ, quod solemne est, mutationes Oliuerius Cancellarius, vir moribus probatissimis, sigillis præficitur, Bertrando custode Romain amandato, vt galerum Cardinalitium caperet, homine ad Dianæ obsequium mancipato. Diana ipsa aulâ eiecta est, poena pro flagitiis leuiori, iussa tradere regij cubiculi clauces, & Regum suppellestilem gemmeam, quæ per immoderatam potentiam penes se habebat; Chenonsæum amœnissimam in Tucionibus domum, Charoamni impositam, Catharinæ dedit, facultatibus cæteris spoliandæ, nisi Aumalius gener deprecator, conceptâ spe totius hæreditatis, exorasset fœminæ veniam. Mox Ioannes Auanso summa præfectura ærarij amouetur; Cardinalis Turnonius inculpatæ fidei, & Mommorancio odiosus, in aulam arcessitur, Catharinæ maximè voluntate, virum aduocantis quem priuatim sibi demereretur. Santandreanus Marefcallus, cùm hætenus beneuolentia Regis & sua amplitudine fultus, alienum columen respuisset, modò se ad

ad Guisios applicat, ære alieno supra modum grauis, & accusationibus multis obnoxius, ob peculatum & rapinas plurimas; vnica filia vni ex Guisij filiis desponsa: plerique regię domus ministri, Præfecti arcium vrbiũque, & in supremis Curiis Magistratus, eo modo deiectioni; cauentibus Guisiis vt dignos substituerent, quique passim vulgò commendati essent & accepti.

Constitutis ad clauum Guisiis, vna supererat euertenda machina familię Regię Principes, qui ab condito regno venerabiles Francis, & pupillis Regibus in administrationem vocati, non videbantur alienum regimen æquis animis subituri. Ij quinque è Borbonia prosapia erant; tres in Vindocinensi familia fratres, quę ad Regem spectabat propius; Antonius, Ludouicus, & Carolus. Antonius postremo bello Henricum inter & Philippum exorto, Henrico Nauarrę Rege socero mortuo, in Benearniam venerat, regni que titulum sumpserat; hic virili ætate, militarium peritissimus rerum, tam prudens ductor, quam fortis in præliis, præterea per ærarium soceri locuples, vt primus è stirpe regia, videbatur administrationi rerum aptissimus; nisi virtutes sua etiam vitia prægrauarent: nulla in consiliis aulicis intelligentia, in susceptis nulla constantia, imò ingens mollities, fluctuans animus, & in singulis hæsitans, qui se nulli rei serio traderet; quę vitia non tam ab indole hauserat, quam ab assiduis muliercularum amoribus, aciem mentis roburque corporis affligentibus & eneruantibus. Ludouicus Condæus, fratri longè dissimilis, pusillo corpore, infirmis viribus, nondum collectâ per ætatem peritiâ; nam annum vigesimum quintum implebat, arcessebat ab animo quod defecerat corpori; generosi animi, altique spiritus, liberalis, fortis, in gerendis rebus indefes-

FRAN-
CISCVS
II.

XXII.
*Principes re-
gij sanguis.*

FRAN-
CISCVS
II.

lius, perspicaci ingenio sólidoque, cupidissimus gloriæ: sed ex laudes contraxerant nauos; etenim in consiliis præceptus, in agendo nimius, in aduersis impatiens, noua heresi imbutus, ad factionem potius regni que perniciem quàm ad regimen natus putabatur. Et ille ad Comestabilis partes accesserat, contracta cum eo affinitate ob coniugem; quippe socrus Eleonoræ Royæ coniugis mater, nata erat ex Ludouica sorore Comestabilis, quæ primis nuptiis Magdalenam matrem ipsam Eleonoræ pepererat; secundis Castilionios fratres Admiralium & Andelotium; ita in fratrum consuetudinem Condæus implicitus, ab iis veneni lucem illam contraxerat: præterea opes illi tenues erant, dignitas nulla, nulla prouinciæ prætura; atque hinc prima causa dissidij, quod Picardiam à patre & Antonio fratre administratam ipse reposceret, quam inuaserant Guisij. Carolus in album Cardinalium adscriptus, & Rothomagensis Archiepiscopus, Antonio similiior, negligentia, & credulitate, rebus magnis ineptus, & alienæ fraudi obnoxius erat. Duo præterea fratres ex stirpe Rocasurionis obtinebant proximum gradum; Ludouicus Dux Mompenserius, miti indole, & à tumultibus aliena, Orthodoxæ fidei studiosissimus; isdemque moribus Carolus frater Princeps Rocasurio, probitatis laude & prudentiæ clarus; amorem & estimationem vulgi collegerant. Ergo ad eos Franci conuertuntur, ij quibus Guisij odiosi forent, & maximè ad Nauarræ Regem, qui ortu proximus, & belli gloriâ, & regia dignitate eminebat supra ceteros. Et quidem Comestabilis, postquam Hentici deplorata est salus, Matam ad eum miserat, adhortatus ut quamprimùm Lutetiam se conferret, suscepturus regimen, quod in ipsum natura virtutisque suæ contulerant. At cum ille vel

*Roches
sur
yon.*

indolis cunctatione haud se commoueret; vel quod Mommorancio non satis fideret, qui in proximo fœdere Cameraensî nullam sui in Nauarram iuris rationem habuerat; mox appellatus Procerum vocibus, Condzi, Rocasurionis, Admiraliij, & Andelotij, de re tota deliberauit maturius. Erant illi à consiliis Ioannes Angutus Episcopus Mimatenfis, Prati Cancellarij filius nothus, Burcardus Nauarræ Cancellarius, Chabotus Iarnacus, & Franciscus Escarsius; cùmque postremum sibi clam Catarina conciliauerat. Ij auctores sunt vt proficiscatur; verùm Escarsio moram innectente sagaciter, lentè progrediebatur; admissis per singulas vrbes hæreticorum precibus, supplicantium vt fidei suæ defensionem susciperet. Vindocini plerisque Procerum obuios habuit, Condzum, Rocasurionem, Andelotium, Vidamum Carnutensem, Antonium Portiani Principem, & Carolum Rupifocaldium; & eorum consilio constitutum, nihil vt moueret, donec Reginae matris Regisque ipsius mente perspecta, tentasset si quid placidè & tumultu amoto obtineri posset; isque ea mente ire in Aulam pergit. At Guisij vt primum illum impetum frangerent, persuadent Regi Nauarrum sectâ hæreticum, eius farinae hominibus ducem se præbere, eorumque ope regnum affectare; qua opinione concepta, haud ægrè Rex ad Nauarrum excludendum inducitur. In Castello Sangermani Laij agebat; nullum in eo paratum Nauarro hospitium; isque ad diuersoriam publicum mittebatur, nisi Santandreanus officiosè suo decessisset. Cùm Rex vt ipsi occurreret, quod frequens est, prodiisset venatum, à Guisio in regionem viæ aduersam deducitur. Nec Nauarrus accipitur à Rege signo vllò humanitatis; nusquam ad concilium euocatur; si de regno agit, mittitur ad Guisios, Rege affirmante

FRANCISCVS II.
Anno -
nis
Rex
Nauarræ.
d'Angut.
d'Escarsio.

FRAN-
CISCVS
II.

penè auunculos totam esse administratio-
nem & regimen ; sibi gratum facturos , quod
ipsis obtemperarent. Ausus aliquoties, Pro-
ceribus instigantibus, Regem de publicis re-
bus compellare , tam austeris & acerbis ve-
bis dimissus est , vt planè abiecta spe ob-
tendi regiminis , ad primam indolem reu-
lutus , consilia antè suscepta omiserit. I-
Guisij in eum obicem confirmati, Rege
Rhemos ad inaugurationem nullo metu d-
cunt : affuerunt Rex Nauarræ & Comestab-
lis , pars spectabilis pompæ ; amoti exter-
plò , & Comestabilis quidem summam Pal-
tij præfecturam dimisit , quam inuasit Gu-
sius , Francisco Comestabilis filio Marsca-
lo dicto ; & Nauarrus in speciem deducen-
in Hispaniam Elisabetæ , amandatur in Be-
nearnium. Imò Guisij alas festinanti adiu-
gunt : nam eo præsentè à Philippo Re-
Hispaniæ litteras perlegunt ; quibus expos-
labat quosdam factiosos in regno Fran-
clam tumultuari , qui regni Comitia ex-
canda dicerent ; quasi Francisco ætas aut
dustria ad regendum deforent ; eam ob r-
significabat , se Regis sororij totiùsque
gni tutelam capere , paratòsque armatos qu-
dragesies mille , qui factiosos in obsequi-
cogerent. Sic litteris Nauarrus cùm se d-
gnari animaduerneret , metuensque ne B-
panus quod in Nauarra reliquum erat in-
deret ; dum Elisabetæ ornatus instruitur ,
finat in Benearnium properanter ; inóx
Elisabeta Cardinali Borbonio & Rocasu-
ni perducenda in Hispaniam traditur ; e-
que Comite Albano Duce in Aquitania
uarrus excipit , quam ad Ronceuallem
ci Infantadio committit.

IXIII
Calixti
in Frã-
cia ha-
resit.

Ainoliti Nauarram Guisij , ad premen-
tollendòsque hæreticos aggrediantur ;
ob cultum Orthodoxæ fidei , tum quod
factionem sibi aduersissimam comperieb-

PO

Porro res postulat, quando ab ea tanta calamitatum procella exorta est, ut à prima origine tota mali causa arcessatur. Nec ea alia quam Ioannes Calvinus. Hic Nouioduni, quæ Picardiæ vrbs est, anno huius seculi nono, ex Gerardo Chauuino Notario natus, studiisque primis eruditus, ab quodam affine sacerdotia duo impetrauit, Parochiam Pontis Episcopalis, & in Ecclesiâ Nouiodunensi Capellaniam, ut vocant: & Ioannî erat Carolus frater, qui cùm moriens sacrosanctâ Eucharistiâ pasci recusasset, sub patibulo instar iumenti sepultus est. At Ioannes decursis primis studiorum stadiis, Aureliam ad discendam Iurisprudentiam venerat, inde profectus Bituriges, ut Alciatum audiret doctrina celeberrimum; inciditque in quendam Melchiorem Volmarium natione Germanum, à quo impulsus est in studium Theologiæ, simulque prima hæresis lue infectus. At ea cùm in dies fermenti instar totam hominis mentem peruaderet atque corrumperet; iam ingens quidpiam meditans, regressus in patriam, duo sacerdotia pecuniâ vendit; qua auctus venit Parisios, & in Collegio Cardinalis Monachi clam virus spargit; donec ob praua dogmata ad poenam quæsitus, periculo per fenestram missus sese eripuit Parisiis Enculismam profugit, nomine dissimulato; mox se in Germaniam confert, & sermonem communicat cum hæreticorum Antesignanis; dein reuersus in Franciam Pictauium venit, incipitque plures contagiosa labe inficere. In iis tres celebres, quos per Franciam ad seminandum toxicum legat, & librum Almini nomine de Christiana institutione, matricem hæreseos scribit, quem Regi Francisco I. impudentissimus nebulo dedicat. Mox seuerè Francisco in hæreticos homines insurgente, idem metu supplicij Geneuam profugit,

FRANCISCUS II.

Chauuino.

FRAN-
CISCVS
II.

nouæque festæ conditor, ibidem hæsit, emis-
sariis in Franciam sparsis, securus ipse ab
metu procul atque incommodo, nisi quod
morbi graues ex intemperie corporis impor-
tarent. Quippe naturâ melancholicus, & ni-
gra bile suffusus, macilento & tenui corpo-
re, infirmo ventriculo, hemicraniâ diu la-
borauit; ac post decursum quadragesimum
annum, grauissimis & acutissimis morbis ve-
xatus est, in quorum cruciatibus tandem
emisit animam. Et ille vafri callidique in-
genij, quanquam ab Luthero voluntatem
& occasionem hæresis hauserat; tamen di-
uersâ viâ ingrediens, Christianorum morum
reformatorem se venditans, specie pietatis
insinuabat impietatem teterrimam; lusus,
choreas, luxum vestium, pompâque ædium
à suis ablegans, & vnos Davidis Psalmos in
preces concinens; qua decepti fraude Fran-
corum haud pauci, quibus Sacerdotum mo-
res offensionem erant, praua simplicitate im-
plicabantur obiectis retibus. Et verò iis tem-
poribus Antistitum atque Sacerdotum, tam
vita scandalo, quàm ignorantia contemptui
erat; vt luce extincta & sale insipido, cate-
ros caligo inuolueret, ac putredo corrup-
peret. Porro sub Francisco pestis progenita,
sub Henrico in magnam molem excreuerat;
siue frequenti cum Protestantibus Germanis
commercio, siue belli effreni licentia pieta-
tem & sanctitatem morum extinguente; siue
insigni Aulæ corruptela, libidine, luxu, &
auaritia, Procerum animos obtinentibus. Et
eiusmodi hæretici per vniuersam Franciam
fusi, primò Reformatores specioso titulo ap-
pellati, proximo anno Hugonoti dicti sunt,
quo deinceps nomine eos nuncupabo: causa
appellationis multum incerta, vt plerumque
fit in huiusmodi vocibus, quæ mera volun-
tate plebis casu potius, quam ratione certa
excogitantur; arbitrantur plurimi petitum à
Tyronen

Hugo-
noti.

Turonensibus nomen, quod in ea vrbe hæretici plures cùm agerent, sapiùsque ad portam quæ Hugonis dicitur, nocturnos suos cœtus concelebrarent, Hugonoti à populis dicti sunt, voce in vniuersam Franciam emanante Ita Franci in factiones ibant ob Religionem, cùm ad incendium noua & inflammatisissima fax accessit ambitio. Quippe Principes Proceresque, quibus intolerabilius Guisiorum imperio nihil erat, conuersi ad ingentem hominum multitudinem, qui oppressi pœnis ad rebellandum duces percuferent, illorum sectam primò indulgentiâ quadam amplexi sunt, tum consuetudine adamarunt, mox constantia retinuerunt, tandem pertinacia, quæ hæreticorum est, ad extremum spiritum propugnarunt. Igitur factionem Guisij perdendam atque abolendam suscipiunt. Et primùm Parisiis Regis nomine seuerissima Edicta proponunt, indictasque pœnas nulla veniâ infligunt. Eam curam sibi depoposcerat Cardinalis Lotharingius, aderant impulsores Præsides Senatus Santandreas & Minardus, Bordinus Procurator Regius, & Antonius Mouchius, Doctor Sorbonicus, qui Demochares dici voluerat, à Cardinale Inquisitor fidei designatus. Abducebantur in carcerem plures familiæ, multi cruciati suppliciis ad confessionem sceleris extorquendam; Multi palam subiecti atrocibus flammis; at pauci qui resipiscerent, & conceptam impietatem deponerent. Vnus Anna Burgus, Senator ille quem in Bastillam Henricus compegerat, grauitate pœnæ Catholicæ fidei plurimùm obfuit. Etenim Cardinalis ratus viri supplicio, qui natalibus dignitate & fama esset clarissimus, contumaciam Hæreticorum absterrendam atque infringendam, contendebat tantoperè, vt post plurimas altercationes, multas à diuersis ludicibus latus sententias,

FRAN-
CISCVS
II.

*De
Moe-
chy.*

FRAN- tentias, oppellis tandem effugiis & appella-
CISCVS tionibus, Burgus hæresis reus igne damna-
II. retur. Deductus est per vrbis compita, ad
pœnam ostentandam, & iniiciendum terro-
rem, passim rogis ardentibus; verùm ipse
periculo mortis infanior, adhortationes ad
plebem habuit, simulatâ constantiâ, & pro-
bitate morum affectatâ, tam efficaces, vt
emollitis miseratione animis & innocentiz
opinione præsumpta, vulgò creditus sit, de
Deo sentire optimè, qui mortem atrocissi-
mam tantâ patientiâ & æquitate mentis ad-
mitteret. Cæteri Senatores anno proximo
exortis tumultibus, custodia impunè missi
sunt, at Burgus laqueo ante necatus, flam-
mis iniectus est. Incenderat Guisios Minar-
di Præsidis fatum violentum, qui cum è Cæ-
ria in ædes suas mulâ vectus regreditur, luce
palam perimitur sclopeti glande; & is infen-
sissimus omnium Burgum vrgebat; nec pa-
trator cædis vllâ diligentiam venire in noti-
tiam potuit.

XXIV. Ea inter supplicia cùm Hugonotis vna
Hugo spes salutis affulgeret, si vim aut repellerent
noti ad armis aut inferrent; postquam libellis pluri-
Condæ mis Guisiorum vt vocabant tyrannidem in-
confu- cufarunt, seriò ad rebellandum animos ap-
giant applicant, & rebellionis ducem Condæum ap-
pellant. Ille Guisiis ob negatam Picardiz
Præturam infensus summoperè erat; cùm
enim eam ab Admiratio extorsisset Guisius,
postulanti Condæo, quam maiores & frater
Vindocinensis summa fidè administrauerant,
omniò pernegauerat. Accessit edictum, quo
plerique Nobiles ab Aula pulsi sunt, tam ini-
què, vt vindiçtæ cupiditate cuncti exarfe-
rint. Quippe iussi omnes sunt, qui à Rege
quidpiam flagitarent, intra proximum diem
laquei pœnâ propositâ aulâ exire; & in eam
Fontai rem in area Fonsbellaquæ erectum est pati-
nebleau bulum. Ingens erat numerus ex proximis
bellis

bellis mercedem aut præmium postulantium, quos ut Guisij semel vno verbo amolirentur, edictum eiusmodi acerbissimum sanè erant commentii: verùm dum importunos abigunt, sibi hostes procreant, quos in provincias dimittunt, veluti faces instructas ad incendium. Cuncti igitur, siue Hugonoti, seu Malecontenti, instantissimis litteris Condæum urgent, ut publicam causam Dei Franciæque suscipiat; nec diutius sinat Tyrannos extraneos in amplissimo & liberrimo orbis Imperio immanitatem suam exerere. Nec Condæus multùm cunctatus est; socru & vxore inflammantibus ob religionem, stimulante iniuria quam intulerant Guisij, & fulgore gloriæ prudentiam præstingente, quam pararet nouo regno atque imperio; ciuitates, viros, facultates, ad nutum suum atque arbitrium conuersurus. Ea mente Firmitate ad Ioarram, quod oppidulum in Campaniæ finibus obtinebat, cogit Hugonotorum Legatos, qui ab cunctis Franciæ regionibus deinceps conueniunt, & constitutam remillicò aggrediuntur. Primùm Condæus sententias proponit, à Theologis ut affirmabat subscriptas, quanquam ij omnes superrimam hæresim profiterentur; quibus cauebatur licere in Guisios vertere arma, Principibus regij sanguinis ducibus, qui iis in articulis sunt legitimi magistratus. Tum Condæus profert instrumenta à viris plurimis confecta; quibus constabat Guisios peculatus mulierariam reos, eosque occupandi regni consilia iniuisse, atque extinguendæ familiæ regiæ. Iis perpensis, vno consensu legati statuunt; quandoquidem Rex, ob ætatis infirmitatem, seque obtinentium accuratissimam sollicitudinem, periculum ingens, in quo tum ipse tum vniuersum regnum versabatur, intelligere multò minus cauere haud posset; Ducem Guisium & Cardina-

FRAN-
CISCVS
II.

Mal-
contenti.

La-
Feité
sous
Ioarra.

lem

lem ipsius fratrem comprehendi oportere, vt Comitibus regni Iudicibus eorum crimina plesterentur. Ad deliberationem perficiendam, promisit operam quidam nobilis Petrocosius, Gotofredus Renaudius, seque reitam arduam ductorem professus est. Ille existimatione & opibus iam decoctis, per diuturnam litem quam cum Tilleto Senatus Parisiensis Scriba primario instituerat, ac falsi compertus, Bernam secesserat, multisque negotiis Bernensium causâ implicitus atque euolutus, tractandorum ingeniorum artem comparauerat, pluribusque euersus periculis, ingentem fidentiam atque audaciam confirmauerat; Forestæ nomine ad tegendam ignominiam usurpato. Huic igitur rei præficitur, sub Condzi auspiciis & regimine, qui se ducem mutum nuncupauit; vt nomine Principis tacito, cæteros in conspirationem induceret, faciente spem Principe, venturum se in locum vbi rem confici deberet; interea versaturum in Aula, & domestica consilia promoturum. Missi postea per ciuitates, qui sollicitarent participes, indicerentque noua Comitia Nannetis in Britannia; in quam urbem conuenerant tum Senatus provincie, tum multi Nobiles ad celebrandum vnius Procerum solemne conubium. Nec vocati loco defunt vel tempori; Calendis Februarij clam inter se conueniunt, ac Renaudius de arcani fide sacramento exacto ac præstito, aperuit quis esset Princeps, à quo mandatum acceperat; tum de re præsentis amplam & incensam habuit orationem; de Franciæ calamitatibus, ruina religionis, Guisiorum tyrannide, Regis periculo, plura disseruit; lato & ad seditionem apto argumento: mox propositâ malo medicinâ, affirmat vnam esse, si Guisij comprehendantur; orâtque vt eam in rem sibi opem præstent. In verba eius vno omnium assensu

FRAN-
CISCVS
II.

de la
Renaudie.

la Fo-
rest.

Anno
1560

assenſu itum eſt , decretumque ad imple-
dum conſilium , ducendos eſſe quingentos
Nobiles , ac mille pedites ; qui variis itine-
ribus Blæſiam coëant ; die dicta , quæ deci-
ma Martij proximi : delecti deinde è ſingulis
prouinciis Nobiles , à quibus pedites duce-
rentur , curam vniuerſam ſuſcipiente Renau-
dio. lis ſancitis , atque inſtaurato iureiu-
rando , ad rem maturandam in ſuam quiſ-
que prouinciam reuertit , ſpe ingenti pa-
trandi facinoris.

Et verò nihil abfuit propius quàm vt pa-
traretur : nam conſciis fides & taciturnitas
ante ipſum facinus admirabilis fuit ; ac pa-
tefacto conſilio audacia atque temeritas ſu-
pra mortis metum atque periculum. Nihil
Guiſſis certi innotefcebat , latebátque vnos
tam accuratos indagatores , tot inſtructos
ſpeculatoribus & emiſſariis , conſilium, quod
per plura capita totâ Franciâ ſparſum , con-
tra naturam humanarum rerum , famam ex-
tinxerat , occultum in cunctis quaſi in ſingu-
lis , nec participatione euaneſcens : raro ,
quod admirabilius , belli vindictam arman-
tis & taciturnitatis commercio. Verùm ad
Guiſſios ex Italia atque Germania emanaue-
rat rumor , aliquod ingens in ipſorum caput
conſilium coqui , eamque ob rem Regem
Ambosiam Blæſis traduxerant , oppidum ar-
ctius , & munitum arce , in quo rariores ex-
traneis ædes , & maior ad propugnationem
commoditas. Multum ſollicitis , & planè
inſciis vnde perniciēs immineret, lux repen-
tè aſſulget , quæ arcanum tandem in aper-
tum protulit. Ipſe Renaudius ſibi inconſul-
to laqueum inſtruit , cùm veniſſet Pariſios ,
Auenello hoſpiti ſuo cauſarum patrono , ſe-
cum eiſdem hæreticæ perſuaſionis , rem to-
tam aperit ; qui ſtimulo conſcientiæ vel ne-
gotij momento percuſus , Vouſæo libello-
rum ſupplicum Magiſtro clandestina conſilia
retegir;

FRAN-
CISCVS
II.

XXV.
Conſue-
ratio
Ambro-
ſiana.

FRAN-
CISCVS
II.

reteggit; misſusque diſpoſitis equis ad Guſſium, quendam Nobilem Niuernenſis domeſticum designat, qui ſtatim captus, vniuerſam rem ſigillatim exponit quærentibus per tormenta: Guſſij apertis ad præcipitiij crepidinem oculis, primùm ingenti metu trepidare, reſeſſum agitare ac fugæ aſylum; mox recepto à metu animo, confirmare ſe in periculum, Regis diſcrimine ſuum propulſare, ac quando nullum aſylum fugientibus ſatis tutum eſſet, tutari ſe fortitudine & confidentia. Armagemina extemplò admotæ: Ediſta regia quibus in conſcios pœnæ intentatæ, ſimulque oſtentata clementia, iis qui deficerent indultâ veniâ: mox miſſi in vrbes varias Proceres, & delectus Nobilium feſtinanter habitus: eamque ob rem à Catarina euocati Caſtilionij fratres, qui Guſſiis prædum inſtar forent & fideiuſſorum: nec ij cunctati ad Regem veniunt, Admiratio apud Catarinam acerbè expoſtulante, de pœnis in nouam religionem illatis. Et Condæus ipſe aduenerat, coniuratorum conſilia authoritate promoturus iuxta pollicitum. At Renaudius poſtquam animaduertit patefactum conſilium, nec amplius Regem Blæſiæ agere, haudquaquam ſpem animùmve abiiciens, conſciis mira celeritate admonitis, nam diem dicit Martis decimum ſextum, & ſolertiâ accuratiſſimâ ad facinus ſingula componit: turmarum cohortiùmque itinera, duces, hoſpitia, rationem ac modum rei perpetrandæ, tam certum, vt euentus haud dubiè contigiſſet, niſi noua delatio Guſſios in periculum nouum adornaeſſet. Lignerius nobilis Boius, peditum ductor, in via tentatus ab vno è conſciis, remque totam edoſtus, Catarinæ eandem aperit; ipſa Guſſiis; à quibus illicò in viarum compendia turmæ immittuntur, quæ aduentantes interciperent, ducendos in vincula, vel necandos.

Lignieris.

candos. Nemursius ad Noisæum castellum, Castelnauium, Maserium, & Rannaum improuisò opprimit, ducitque Ambosiam; ex cæteris deprehensi multi, partim interfecti, partim capti; & Renaudius ipse dum ad colligendum militem hac illac discurret, à Pardillani famulo sclopeto perimitur; fortissimo animo, si fortitudini cum flagitio conuenit, in Pardillanum pugnans, quem gemino ictu confoderat. Cadauer primò appensum patibulo, mox in partes dissectum, variis locis affixum est. Attamen auulso capite, quod viperarum est, motus & furor perstat in corpore: quanquam edicto proposito reis parcitum esset, si in suas domos reciperent se, nihilominus desperatione furorem armante, cum crederent se in regressu obtruncatum iri, ducibus Coqueuilla, Campio, & Chandio, coniurati cæteri Ambosiam circumcingunt; sexque horas continuas oppugnatus Rex à perduellibus fuit. Tandem turmis aduolantibus plurimis, furentes disiecti, sparsi in siluam proximam necati & capti, & sumptæ per plures dies de singulis pœnæ. Quippe Dux Guisus edicto regio vniuersam in regnum & nullis præscriptam terminis assequutus auctoritatem, eam paulò crudelius quàm poscebat Francorum indoles & humanitas ipsa exhibuit. Toto mense appensi patibulis miseri & murorum pinnis, nec ipsa nocte à pœnis cessante; plures annexi trabibus, & in amnem merfi; truncata capita pluribus, præsertim ductoribus, Ramnæo, Maserio, & Castelnauio; viro forti, frustra Proceribus veniam deprecantibus. Imò ipsi Iudici paratum in ea pœna exitium. Etenim Oliuierius Cancellarius, prouectior senio, cum ad instruendas captiuorum lites vltra ætatis vires desudaret, febrim contraxit, phrenesi oppressus, qua die tertio obiit; mentis impos sub exitum, quam toto vitæ cursu tam prudentem & sapientem ha-

FRAN-
CISCVS
II.

*Castel-
nau,
Mase-
res,
Rannay*

*Oliue-
rij mors*

FRAN-
CISCVS
II.

De
l'Ho-
spital.

XXVI.

Reli-
quia
coniu-
rationis

de Ma-
ligny.

buerat, Ita Guisus auctoritatem sanciebat suppliciis, simulque odiis conquassabat, abhorrentibus Francis à sanguine, & clementiâ furorem sceleris superantibus. Michaël Hospitalius Cancellarius dictus, delectu & optione Catarinæ, vt tanto in magistratu collocaret virum, qui beneficium suum foret.

Oppressa tantæ molis coniuratione, & liberata præsentis exitio religione, Guisiorum industriâ & vigilantia, non ideò pax restituitur animis, nec tranquillitas regno, nec religioni ipsi securitas: abscisso trunco radices supererant, iterum nisi penitus exscinderentur germinaturæ in nouos frutices, & amarissimos fructus. Ex Condæus, Admiratus, Hugonoti cæteri, & conceptum passim in Guisiorum potentiam odium. Condæi animum magnæ agitabant angustia; suorum supplicia haurire oculis cogebatur, dolorem intimum dissimulare; & metuere in momenta singula, ne acerbitas cruciatuum ab reo quolibet nomen suum tandem extorqueret. Nec tam sedulò dissimulabat, quin ad inimicos indicia plura emanarent. Etenim cum ad spectandum vnus supplicium vocaretur, ingemuit, verbâque protulit, quæ suspicionem plurimam facerent; & vnus è domesticis Malinio iuniori equum ad fugam commodauerat ex equili suo; & Catarina adhortata est ipsum atque orauit, vt consuleret dignitati, nec se ducem rebellibus præberet. Imò ipse Rex audiuisse se dixerat, illum conspirationis esse participem, atque adeò ducem, comminatus præsentis ac iustissimas pœnas, si reus foret. Nec Condæus arbitratus dissimulandum vltius, ne patientia aleret suspicionem, suspicio fidem; Rege, Proceribus, & vniuersa Aula spectantibus, innocentiam contestatus, accusanti se mendacium impingit, & singulare certamen indicit; tuncque adstans Guisus eius integritati adstipulatus est

est laudatoriis verbis, & se Principi prouocanti socium in pugnam obtulit. Nihilominus inhærebat vtrique suspicio, & hinc Condæum vrgebat conscientia, hinc Guisium timor, ne quid ille noui moliretur; quem nec dimitteret nec retineret sine discrimine. Tandem cùm Turones Rex venisset, Condæo facultatem abeundi facit; & cunctantem impellunt Guisij, metu facto, & quæsitis suspicionum causis; ob quas ipse missione accepta, cùm se Firmitatem suam in domum abire fingeret, ad Nauarrum fratrem incitatis equis in Benearniam properat. Simul cum Condæo aulâ abscesserant Admiralius & Andelotius; & ille contendit in Normanniam, multæ ea in prouincia auctoritatis. Abeunti mandauerat Catarina, vt proximi tumultus causam inquireret, certiorum se faceret, pollicita clam omnibus fore quod ipse scriberet, remque totam ipsius arbitrio persanandam. Neque dubitauit Admiralius scribere, inquirendo se diligentius in tumultus fontem peruenisse, nec alium eum esse quàm odium conceptum in Guisios, qui si pergerent religionem persequi tam acerbè, in furorem patientiam populi agerent. Id Catarina cum Guisiis significasset, pœnæ in Hugonotos paulisper remissæ, & ipsa Catarina iis præbebat aures attentius, ac videbatur calamitosam sortem miserari. Attamen in prouinciis incendiis scintillæ oriebantur identidem: in Normanniæ plerisque vrbibus, palam conscio Admiratio proponebantur impia dogmata: in Phocensi Prouincia Panlonus Mouuanius armatis hominibus conatus urbem primariam occupare, repulsus Tendani Comitæ diligentia, secesserat Geneuam, malo reiecto potius quàm oppresso: in Delphinatu Mombrunus Cardinali Turnonio affinis, nam fratris filiam uxorem duxerat, Valentia, Monte Ademari,

FRAN-
CISCVS
II.

*Mou-
uani.
De
Tende,
Mont-
brun.*

&

— & Romantio, Ministros concionantes indu-
 FRAN- xerat, & ægrè depulsi sollicitudine Guisij,
 CISCVS in Comitatum Venaisinum arma intulerat.
 II. Præterea tempestas impendere à Bearnio
 visa; & erat Condæus formidini, ne suum
 illum violentum ignem cum Nauarri fratris
 frigore temperans, terribile fulmen procu-
 deret. Idcirco Guisius Cardinalis priuim
 contentione omni tentauerat, tribunal in-
 quisi- tionis inducere; in id impellentibus Pon-
 tifice & Hispaniæ Rege; & propemodum
 institutum confecerat, reclamantibus frustra
 Franciæ ordinibus, quibus placet libera pie-
 tas, nullo necessitatis iugo adstricta; cum
 ab eo Catarinæ solertiâ & Hospitalij indu-
 striâ tandem demotus est: quippe Catarinæ
 factionem perdere non placebat; nec Can-
 cellarius id iugum imponi patriæ æquo ani-
 mo patiebatur. Guisij ea deiectione spe, vt re-
 liquias coniurationis extinguere, id com-
 miniscuntur; vt de ea indicent atq; pronun-
 tiant solemnia regni Comitja: sed præroga-
 tium quoddam concilium prius cogunt,
 in quo statuatur de iis rebus quas agitari in
 Comitjls oporteret; atque ad eum cœtum
 conuocati Principes omnes, & Franciæ Pro-
 ceres; maximè Rex Nauarræ Condæus, Co-
 mestabilis, eius filij, & nepotes Castilionij;
 dies dicta Augusti decima quinta, locus
 Fonsbellaquæ. Porro Guisij eo concilio in-
 tendebant, omnes vno reti pisces concludere,
 atque in capitibus truncare hæresim,
 vtque ipsi nuncupabant rebellionem. Verum
 Nauarrus & Condæus, breuiori tempore ex-
 cusato, abnuunt adesse, vocanti Comestabili
 fide non habita, qui cum mille equitibus &
 tribus Nepotibus ad diem adfuit. Nec du-
 bium erat, quin si Principes eo comitari qui
 dignitatem decebat in aulam venissent, ad-
 iunctis Comestabile sociisque, Guisios amu-
 los vocassent in periculum, & gubernacu-
 lum

lum rerum rapuissent. Sed Nauarro non erat ea indoles, quæ res celeritate conficeret, placebat diuersum consilium, cunctationi suæ accommodatum; urbes inuadere, miscere bello prouincias, tum ponte per metum substrato, viam sibi in Aulam facere.

Interea Fousbellaquæ conuentus Procerum celebratur; in quo postquam Rex paucis & Regina mater perorarunt, Cancellarius pro regni morbis habet orationem, & ad remedia adhibenda adhortatur qui audiant. Ab eo Dux Guisus de belli rebus rationem reddit, instrumentis quibus rationes suæ fulcirentur palam exhibitis, & similiter Cardinalis de regio arario, docens vicena quinque centena millia singulis annis supra acceptum expendi. Eo die soluta est concio; proximo antequam sententiæ dicerentur, exurgit Admiralius, & Regi libellos supplices duos offert; qui lecti ab Albasina Commentariensi cætum vniuersum admodum perculerunt. Scripti erant nomine Christianorum fidelium, qui per totam Franciam sparsi erant, (ita se Hugonoti designabant,) & petebatur tum conueniendi licentia, tum flagitabantur Tempia ad cultum suo more Deo exhibendum. Ad eos Ioannes Monlucius episcopus Valentinus, qui in Consiliariis postremus sedebat, iussus sententiam dicere, habuit orationem aduersus Antistitem & sacerdotum vitia, & mollius in Hæreticos censuit, quàm ab orthodoxo Antistite sperabatur. Marillacus Archiepiscopus Viennensis, eodem propè sensu comitia regni cogi postulabat. Admiralius priorum inhærens vestigiis, de templis impetrandis multa adiunxit, asseruitque ad faciendum terrorem, in vna Normannia quinquaginta esse millia hominum, qui huic petitioni subscriberent; præterea conquestus est acriter, de nouis stipulatoribus qui Regem cingebant; quasi mu-

FRANCISCVS II.

XXVII
Солнѣ-
сны Бел-
л. 9. а.
ны.

nime n

FRAN-
CISCVS
II.

Princi-
pum
consilia

nimen Regum vllum tutius foret quàm ob-
sequentium amor, aut secura pace apparatus
belli arcessendus. Guisius oratione vehem-
enti necessitatem custodum docuit; nec
salutem sanctissimam Regum, armis furen-
tium rebelliamque insaniæ obijciendam.
Tum Cardinalis luculenter & eloquentissimè
dixit, de religione; & templorum petitione;
quæ omnino neganda docuit. In eius verba
ab vniuerso cœtu constituitur; vti Regni
Comitia Meldis Decembri proximo habeantur;
annò proximo Episcopi conuenirent,
legarent ad generale concilium, vel priuatim
Gallicum celebrarent; interim nulla iudi-
cia in Hugonotos instituerentur, nisi qui ar-
mati rebellarent in Regem. Id postremum
adiunctum ob noua Principum patefacta
consilia. Ante conuentum Rex Nauarræ Sa-
gam Nobilem Vasconem ad Comestabilem
ceterosque suarum partium Proceres mise-
rat, qui eos doceret quid ipse cum fratre
agitaret consilij, & fautores in suam mentem
perduceret: dum ab iis Saga regreditur acce-
ptis litteris, Stampis retinetur à Bonneuallio,
cui temerè arcana effutierat, & ad Regem
perducitur. Lectæ Comestabilis & aliorum
litteræ, omnis suspitionis expertes; vnus Vi-
damus Carnutensis scribebat liberius, si quid
suspiceret Nauarrus dignum indole sua &
amplitudine, paratum se in quemlibet exce-
pto Rege cuiusque fratribus arma inducere,
continuo Vidamus in Bastillam raptus, & tor-
menta Sagar obiecta, quorum metu factus est,
Nauarrum & Condæum scribere milites,
Danuillam Comestabilis filium Pictauij oc-
cursurum venientibus, adductis cataphractis
oclingentis, quorum ope Pictauium, Turones,
Bituriges, atque Aureliam occuparent; ac-
cessuras ad partes cum Senasponne Picar-
diam, Britanniam cum Brossio Stampense,
cum Comite Tendano Phocensem Prouin-
ciam

ciam, Insulam Franciæ cum Memorantio
Marescallo, qui omnes iunctis viribus ap-
prehenderent Guisios, & lite instructa dam-
narent. Ea metus extorserat: post mensem
cùm nihil amplius quæreretur, vtrò apperuit
in cartha quæ Comestabilis litteras inuolue-
bat, scriptum omne consilium; si ea paulisper
aquæ immergeretur, fore vt characteres pa-
terent legentibus. Dicta confirmata sunt pe-
riculo, quo Lugdunum agrè solutum est.
Malinius iunior Nauarri affeccla, clandestinis
cum Hugonotis consiliis, eam urbem occu-
paturus, milites multos submiserat, & Mon-
brunus aderat cum copiis, expeditus in pro-
ximo, Malinius sub agendi tempus, vetatur à
Nauarro vltra rem persequi, iamque singu-
los milites vrbe educebat, cùm Achonius
Abbas Sauiniacus Sanctandreani Prætoris
legatus, explorato Malinij consilio, prima
nocte aliquot ipsius milites vna in domo
aggreditur; aduolat Malinius, Achonum
pellit, ac pontem Araris obtinet, vrbisque
partem quæ Rhodano alluitur; mox pate-
factis Achoni iussu portis euadit incolu-
mis, ciuibz consciis in pœnam vocatis. Eo
facto Guisij in tutelam suam experrecti, sibi
fidos Proceres in singulas prouincias mit-
tunt, copias assignant, iubentque dari inter-
necioni, qui armis contenderent; legiones
ex Scotiâ reuocatas Pedemontanis adiun-
gunt, delectum in Germania habent pedi-
tum equitumque, & contra vim muniti egre-
giè, Nauarrum & fratrem ad Comitata arces-
sunt: primò acerbioribus litteris, dein mol-
lioribus, spe facta incolumitatis; & missus
ad faciendam fidem Cardinalis Borbonius
eorum frater, vir admodum simplex, qui in
fraudem actus, eos pariter in fraudem age-
ret, dicebátque *Nihil Principibus in oculis
Ordinum formidandum, tantum numerum
virorum, qui probitate & amore in patriam*

Lugdunum liberat.

d' Aché

praditi essent, non permissurum ut quidpiam mali in Principes Regios statueretur; ni ipsi adessent, locum occuparent, & tuerentur auctoritatem, populis inposterum futuros contemptui, & eligendos à nemine qui se ipsi abicerent. Iis persuasi se dant in viam Principes, & Condæus quidem multum inuitus; admonente Comestabile ut se fratres diuiderent, adesset Nauarrus, hæreret Condæus: & ab euentu, prudentissimum esse consilium statim innotuit. Lemouicum venerant, cum multi Nobiles magno numero Nauarrum sollicitant, admonent, si pergat vltcrius, de salute actum; operam suam atque affinium pollicentur, si ducem se præstet; expedita in Vasconia sex millia hominum, tria in Phocensibus, totidem in Normannia; aduolaturas vndique copias, signum dum erigat. Ea quidem Nobiles: contra Descarsius herum suum prodens, & multo efficacius ipsa Regis indolens, multa proponebat quæ deterterent. Conuocata Comitia, Francorum gratiam rebellionē statim excidendam, quæ præsentī flagrantissima foret; Regem Hispaniæ colorem iamdiu quærere, inuolaturum in Nauarram, & reliquias regni inuasurum; copias adedò dissitas, vno loco iungere, tot inter hostes quis posset? exercitum Regium circumfundi; cataphractos mille & ducentos ad custodiam Regis vigilare; eos carceres quo pacto infringeret tam exiguis viribus? Ergo Nobilibus dimissis actisque gratiis viam persequitur. Nec Condæus litteris coniugis permouetur, scribentis actum de salute ni fugâ consulat; si vir foret, moreretur armatus; sin minus, instar fœminæ fugeret; neque aduenientis lachrimis precibusve mollitus est, sed obductis in perniciem oculis, vltra contendit. Postquam in Pictones penettant Termeus circumfusus copiis illos inuoluit & abscissa fugæ faculta

cultate, viâ necessitatem imponit.

Comitia Meldis traducta erant Aureliam, ut urbem suspectam Rex armis premeret, statimque ad portas, compita, arcemque ciuitatis, manipuli armatorum positi; ciui, arma detracta. Et statuta in secretiori Regis consilio Condzi comprehensio, ab Rege scripta, Mompenserio, & Rocasurcone; excusantibus Guisii, qui occulti saxum proiecerent. Mox subeuntibus urbem Principibus triste præsagium singula offerunt: præter Cardinalem fratrem & Rocasuryonem nemo Procerum occurrit; ab porta ad Palatium Regis circumstant armati, per vicos directi; in spectantium oculis miserationem aut contemptum animaduertunt; in Palatium per valuulam pedibus ingrediuntur; à Rege excepti frigidè, & ex fletibus Catarinæ saluantis augurati perniciem; percelluntur extemplo fulmine. Rex Condæum grauib. verbis increpitum, quod in se & aduersus regnum consilia iniuisset, iubet comprehendi; isque à Brezæo & Chauinio, Prætorianorum Tribunis, in proximam domum abducitur; erecto ante fores lateritio castello, præsidioque imposito cum leuioribus machinis, quæ adeuntes dispellerent procul. Nauarrus in hospitium dimittitur, laxiori custodia, facta potestate Regis adeundi, sed nemine præter domesticos colloquente. Nullâ morâ ad instruendam litem festinatum: & vocati è senatu Parisiensi Christophorus Thuanus Præses, Faius, & Viola Senatores, Bourdinus Regius Procurator, & Tilletus scriba, qui Cancellario præside reum iudicarent. Condæus postquam repetitis altercationibus reiecit Iudices, tandem exclusis reiectionibus, ad obiecta respondere adactus, damnatur capite uti reus læsæ maiestatis; pœnâ dilatâ ad Comitiorum conuentum proximum; erigendo in conspectu ordinum pegmate, &

FRANCISCVS II.
XX-
VIII.
Condæus Aurelia comprehensus.

Brezæo & Chauinio.

d. Theor.

patrando palàm ad terrorem supplicio. Sententia subscripserunt Principes omnes ac Proceres, & Togati optimates, qui singuli in cubiculù Regis vocabantur: attamen à subscriptione excusauit se Cancellarius; & Comes Sancerre flens Regi affirmavit, se paratum capite minui, antè tam duro mandato quàm obtemperaret. Sanè obdurauerat animù Regis, firma opinio, inducta à Guisii, coniurasse Principem in salutem suam, & crudelem futuram indulgentiam, quæ parceret Regis peremptori, profligatori regni & religionis. Sic omninò fatum luctuosum miserrimo principi imminabat. Nauarro incumbibat calamitas sua: deerant quidem probationes quæ ad inferendam mortem sufficerent; & maiestas Regis videbatur supra eiusmodi formulas constituta: attamen fratris vindicem liberum mittere, præbere obstinatissimæ factioni ducem, stulta imprudentia foret, & odium nullo fructu ex Condæi morte incensum: nec perpetuus carcer caueret periculo, è quo educi vi aut dolo posset, vinûsque rebellium spem & studia aleret. Vnde haud erat dubium, quin quouis pacto Guisij eum metum extinguerent, nec elabi paterentur è manibus noui belli fomitem, priorisq; ultorem. Admirabilius consumptas artes, & se laqueo captum perspiciebat; laudabátque Andelotij fratris audaciam, qui Principes aduentantes considerans, excusatis negotiis aulâ abscesserat, & se periculo proripuerat. Comestabilis incedebat lentissimo gradu, & cunctator tam indole quàm ætate, metu præterea tardante vestigia, vocatâ in opem podagrâ qua laborabat, consistebat, regrediebatur, mutatisque hospitiiis afflatum Aulæ operiebatur; quanquam irritâ morâ; reus maiestatis pronuntjatus, nisi festis natalitiis celebritati Ordinis Regij interesset. Catarina ipsa aduertit progressam se longius quàm conduceret sibi:

sibi: Principibus amotis & factione extincta, nihil amplius Guisii opponi posse, auctoritatem suam precariam, habendarum instar reducendam quantum Guisij vellent; iamque persenserat præcogitati mali exordia, cum Rex adolescens ab ipsa alienior, auunculorum gratiam maternæ charitati crebro anteponeret. Augebat metum Mompensiæ vxor, Iacoba Longuicia, prudens & virtutum virilium femina, quæ marito longè perspicacior, & Catarinæ in paucis accepta, periculi faciem proponebat ob oculos, quando ambitioni vehenti in apicem obex nullus foret, nullus metus. In tanta spe ac formidine omnium, dum se alij moderari fortunæ existimant, alij se deiectos in calamitatum voraginem putant, subita & improvisa conuersio, sus deque miscet, primum affectus, dein ipsas res. Franciscus Rex dum attendit vespertinis precibus, deliquio repentino collabitur, ac reuocatus dolorem immensum ad dextram aurem conqueritur. Accedit febris, affirmantque Medici vomitum in cerebro procreatum, & vocari vitam in discrimen. Tunc vicissim spes metusque animos capiunt agitantque; sperare Principes, formidare Guisij; ac ij morbo inualecente Regi persuadent, vt Nauarrum arcessat, affirmetque sua voluntate, ipsis dissentientibus, captum Condæm; deinde ad Reginam Catarinam versi, preces abiectissimas adhibent, prorsusque subiiciunt auctoritatem illam immensam. Eos inter æstus Rex morte rapitur, diè quarta Decembris, vitæ anno decimo septimo, regni mensibus tot impletis, quot vitæ annos impleuerat. Aliena ab quouis vitio indole, vt testabantur moderatores ipsius, Brossius & Sansacus; quem nuncupabant Regem sine vitio: At valetudine prorsus infirma, cui cerebrum humidius refertum pituita, vna aure se purgabat, ob-

FRANCISCUS
II.

de Longuicia.

Francisci mors.

Anno
1560

La Brosse.

structis oris nariumque meatibus. Diligebat subditos, optabatque se diligi; aliena ambitione in necessitatem discordiæ raptus. Ceterum expediebat, Guisios vel cœpisse nusquam, vel tardius desuisse; quippe opprimenda factione aduersa, & extremum agente spiritum, tranquillitas Franciæ illucebat, cum Regis morte soluta est discordia, furori capto dereptæ compedes, & ultioni insaniendi facultas permissa. Sanè noua impietas interibat, apparatus ad eam penitus eradicandam consiliis.

F I N I S.



SYNO



SYNOPSIS,

Libri Decimitertij.

- Q**uestores pœna affecti. 1.
Iacobus Cor Bituricensis. 1. 2.
Armaniacus pulsus. 2.
Delphinus ad Burgundum fugit. 3.
Alenfonius proditiōis damnatur. 4.
Caroli Regis morbus & mors. 5. b.
Maria Regina encomium. 7.
Et Arturi Comestabilis. 7.
Ludouicus XI Rex 8.
Philippi Burgundi ad Ludonicum ora-
tio. 8.
Ludonicus omnia immutat. 9.
Perpinianum emit. 10.
Rex arbiter Regum Hispania. 11.
Regis cum Castella Rege colloquium. 11.
Picardia vrbes restituta Regi. 12.
Discordia Regem inter & Carolesium. 14.
Moruillerij ad Philippum legatio. 15.
Legatio ad Britannia Ducem. 16.
coniuratio Procerum in Regem. 17. b.
Ducis Aurelianensis mors. 18.
Bellum pro Bono publico. 19.
Pugna ad montem Erycum. 20. & 21.
Fœderati Parisios obsident. 23.
Pax inter Regem & fœderatos. 25.
Rex inter fœderatos discordiam serit. 26.
Regis artes ad stabiliendam potentiam. 27.

Synopsis, Lib. XIII.

Rex fratrem carolum à Normannia pel-
lit. 28.

Carolesius Dinantium capit. 28.c.

Philippi Burgundi mors. 29.

Parisi instaurati ciuibus. 29.c.

Pragmatica sanctio conseruata. 30.

Bellum à Britanno. 30.

Rex Perona periclitatur. 31.

Regis anxietas. 34.

Rex ducitur in Leodienses. 35.b.

Leodium capitur. 36.

Rex Aquitaniam fratri donat. 36.c. & 38.

Ordo S. Michaelis instituitur. 37.c.

Balua Cardinalis à Rege plectitur. 39.

Rex bellum infert Burgundo. 41.

Burgundus se periculo eripit. 42.b.

Arcana Regis in Procereꝝ consilia. 43.

caroli Ducis mors. 44.

Rex Aquitaniâ receptâ, mouet in Britan-
num. 45.

Burgundus Picardiam vexat. 46.

Bellouacum seruatum per foeminas. 46.

Comminatus ad Regem transit. 47.b.

Alenſonij pœna. 47.

Et Armaniaci. 48.

Bellum pro Ruſcinone. 49.

Andegani occupati. 50.

Rex de Comeſtabile deliberat. 51. & 53.

Varia Burgundi consilia. 51. 54.

Rex occurrit Burgundi consiliis. 56.

Comeſtabilis fraudes. 57.

Eduardus in Franciam venit. 57.c.

Eduardus pacem admittit. 59.c.

Comeſtabilis pœna & mors. 61.

Burgundus ab Heluerijs vincitur. 63.

Prouincia Phocensis Regi data. 63. 78.

Nemursus pœna affectus. 65.c.


Burgundi ſecunda clades. 64.

Burgundi ad Nanceium cades. 64.c.

Alphonſus Portugallie Rex in Francia. 65.
Regis

Synopsis, Lib. XIII.

- Regis consilia post Burgundi mortem. 67.
 Rex inuadit ditiones Burgundi. 69.
 Gandauenses Maria vim inferunt. 71.
 Maria nubit Maximiliano. 72.
 Eduardus à bello prohibitus. 73.
 Cursores veredarii instituti. 74.
 Bellum cum Maximiliano. 74.
 Pugna ad Guenegastram. 75.
 Regis prima agritudo. 75.c.
 Principum mortes varia. 77.
 Gastonis Phœbi mors. 78.c.
 Pestis atrox. 79.
 Regis morbus extremus. 79.
 Regismors & dotes. 81.
 Carolus VIII. Rex.
 Coniuratio pro regimine. 83.
 Domestici Ludouici vocati in pœnam.
 84.
 Bellum in Britannia. 86.
 Rieuusius res Britannicas subleuat. 88.
 Pugna ad fanum Albini. 90.



Synopsis, Lib. XIV.

- P**ax cum Britannis. 92.
 Rex Annam Britannam coniugem
 ducit. 94.
 Bellum cum Maximiliano & Anglo. 95.
 Pax cum utroque. 97.
 Ruscinonenses Ferdinando dati. 97.
 Origo belli Neapolitani. 99.
 Deliberatio de bello Neapolitano. 100.
 Rex inuadit in Italiam. 105.
 Rex Florentinos domat. 107.
 Medicus Florentia pulsus. 108.
 Pisanis libertas data. 109.
 Rex Romam venit. 110.
 Rex post leuem pugnam coronatur Neapoli.

Synopsis, Lib. XIV.

Rex Neapoli imprudenter se gerit. 116.

Lues Venerea. 117.

Fœdus in Regē Principum Italorum. 118.

Rex in Franciam redit. 119.

Sauanarola Regem conuenit. 121.

Heluetiorum geminum facinus. 123.

Pugna ad forum Nouum. 124.

Rex subsistit in Pedemontio. 128.

Ferdinandus Neapolitanum Regnū recipit.

131.

Regis conatus pro regno recuperando. 134.

Regis mutati mores. 138. & *mors.* 139.

Ludouicus XII. 141.

Annam ducit repudiata Ioanna. 142.

Apparatus ad bellum Mediolanense. 143.

Mediolanum primò subactum. 146.

Sfortia Ducatum recuperat. 147.

Sfortia à Rege capitur. 149.

Georgius Ambosius Cardinalis. 151.

Rex de Neapoli cogitat. 152.

Neapolitanum Regnum diuidit cum Ferdinando. 154.

Mompenserij in patrem pietas. 155.

Bellum pro regno Neapolitano. 155.

Singularia certamina, Palissa, & Baiardi.

158, 159.

Consalui patientia. 161.

Rex ad Franciam redit. 161.

Philippus Archidux Castellæ Rex. 163.

Hispani inualescunt in Calabria. 164.

Palissa fortitudo. 165.

Albinus captus. 166.

Pugna ad Ciriniolam. 167.c.

Rex quatuor exercitus scribit. 170.

Salsula frustra obsessa. 171.

Alexandri Pontificis mors. 172.

Exercitus in Italia. 172.


Franci ex regno pulsi. 172.

Baiardi virtus. 174.

Sandrieurius se Regi sistit. 175.

Synopsis,

Synopsis, Lib. XV.



Synopsis, Lib. XV.

Regis morbus. 178.
Isabella mors Regina Castella. 179.
Fœdus nouum cum Ferdinando.
199.

Philippi mors. 180.
Rex Genuam subigit. 181.
Genua situs. 183.
Maximilianus in Italiam vocatus. 185.
188.

Colloquium Regis cum Ferdinando. 186.
Bellum susceptum in Venetos. 189.
Fœdus Cameracense. 191.
Pugna ad Adduam. 192.
Pugnam consecuta. 195.
Venetorum primò timor, mox Constantia.
196.

Belli causa contra Pontificem. 198.
Ambrosij Cardinalis mors. 200.
Hispani & Heluetij in Regem. 201.
Bellum illatum à Pontifice. 201.
Pontifex pacem repudiat. 204.
Rex Episcopos conuocat. 205.
Mirandula à Pontifice capta. 206.
Ferraria seruata. 207.
Concilium Pisanum. 211.
Ferdinandi cum Pontifice fœdus. 213.
Gasto Dux exercitus. 214.
Gasto Bononiam seruat. 215.
Gasto Brixiam recipit. 217.
Pugna ad Rauennam. 220.
Gasto perimitur. 223.
Franci Mediolano pulsî. 225.
Ferdinandus Nauarram occupat. 228.
Fœdus Regis cum Venetis. 230.
Julij Pontificis mors. 231.


Rex

Synopsis, Lib. XV.

- Rex Mediolanum recuperat.* 232.
Pugna ad Nouariam. 233.
Angli irrumpunt in Franciam. 237.
Nauale prælium. 238.
Teruana capta. 239.
Pugna Calcaria. 240.
Baiardi facinus. 241.
Heluetij in Burgundiam. 242.
Varia de Rege. 243.
Pax cum Anglo. 244.
Regis mors, & dotes. 245.
Anna Regina laudes. 246.
Franciscus I. Rex 247.
Franciscus in Italiam tendit. 248.
Alpium transitus. 249.
Prosper Columna capitur. 250.
Pugna ad Marinianum. 252.
Continuatio pugna. 253.
Guissus seruatur. 255.
Rex Mediolanensis dux. 256.
Pontificis foedus cum Rege. 257. *Concorda-*
tum. 259.
Ferdinandi mors. 260.
Maximilianus Mediolanum aggreditur.
260.
Regis varia foedera. 262.
Triuulsij mors. 263.
Mors Maximiliani. 264.
Consilia in Turcam. 264.
Francisci & Caroli pro Imperio studia.
265.
Carolus Imperator. 267.

Synopsis,

Synopsis, Lib. XVI.



Synopsis, Lib. XVI.

- C** Arolum inter & Franciscum discordia. 269.
Regis cum Anglo colloquium. 270.
Primum Carolum inter & Franciscum bellum. 271. c.
Bellum in Nauarra. 272.
Ignatius de Loyola. 273.
Bellum in Belgio. 274.
Baiaardus Campaniam seruat. 276.
Rex in Belgium penetrat. 277.
Fontarabia capta à Boniueto. 280.
Bellum in Italia. 282.
Mediolanum amissum. 284.
Leonis Pontificis mors. 287.
Conflictus ad Bicoquam. 291.
Laus Pompeia capta. 294.
Genua amissa. 295.
Fontarabia seruata. 297.
Angli in Picardia. 298.
Apparatus ad bellum Italicum. 300.
Borbonij coniuratio in Regem. 301.
Aperta coniuratio. 303.
Exercitus in Franciam inducti. 305.
Fontarabia perdita, & Baiona seruata. 306.
Boniuetus ab Italia pulsus. 308.
Clemens VII. Pontifex. 309.
Borbonius Massiliam obsidet. 312.
Claudia Regina mors. 313.
Rex in Italiam transit. 314.
Rex Ticinum obsidet. 316.
Rex Neapolim copias mittit. 317.
Hispani se ad pugnam instruunt. 318.
Pugna ad Ticinum. 322.
Sensus varij ob captiuum Regem. 325.
Rex in Hispaniam ductus. 328.

Synopsis, Lib. XVII.

- Apparatus Regis in Francia.* 376.
*Delphini mors, & Regis Constan-
tia.* 380.
Imperator Aquissextius. 381.
Massilia obsessa. 382.
Perona servata. 386.
Rex in Pedemontio. 388.
Regis affinitas cum Scoto. 389.
Bellum in Artesia. 389.
Res Pedemontana. 392.
Fœdus cum Solimanno. 392.
Regis laus. 394.
Studium pro pace. 395.
Imperatoris per Franciam iter. 397.
Belli novi præludia. 400.
Legati Regis caesi. 401.
Bellum in Belgio. 402.
Perpinianum obsessum. 403.
Langai virtutes & mors. 405.
Poyetus damnatus. 406.
Principes litteris pugnant. 406.
Bellum in Hannouia. 407.
Landresium servatum. 408.
Fœdus Imperatoris cum Anglo. 409.
Turca Niciam obsidet. 410.c.
Pugna ad Cerisolam. 413.
Imperator irrumpit in Campaniam. 418.
Pax Crespiacensis. 421.
Anglus Bononiam capit. 425.
Belli cum Anglo series. 427.
Pax cum Anglo. 429.
Francisci mors, post aliorum funera. 430.
Henricus I.I. Rex. 433.
Mommorancius renocatur. 433.
Diana Pictaviensis. 434.
Seditio Aquitanica. 436.
Bononia ab Anglo reddita. 439.
Guiflorum domus. 441.
Brissacus Pedemontij prætor. 442.
Merindolij pœna & ultio. 442.
Bellum Parmense. 444.

Bellum

Synopsis, Lib. XVII.

Bellum Cæsari indictum. 447.

Fœdus cum Germanis Proceribus. 450.

Metis occupata. 451.

Luxemburgenses subacti. 454.

Apparatus ad Metensem obsidionem. 456.


Guifij pro urbe apparatus. 458.

Brandeburgensis se ad Imperatorem applicat. 459.

Rex de Picardia sollicitus. 460.

Casus memorabilis. 460.

Hesdinum captum. 461.



Synopsis, Lib. XVIII.

G Arolus Metim obsidet. 463.

Metis soluta obsidio. 466.

Teruana capta & euersa. 468.

Hesdinum captum à Carolo. 471.

Rex cum exercitu. 472.

Salernitani defectio. 473.

Senenses Francos admittunt. 474.

Corfica occupata. 475.

Bellum in Hannonia. 476.

Niuernensis in Arduenna. 477.

Marienburgum capitur ; & Dinantium.
479.

Pugna ad Rentiacum. 481.

Senense bellum. 484.

Monlucius senas propugnat. 485.

Brissaci in Pedemontio gesta. 488.

Saluasoniij laus. 489.

Certamen inter Francos & Hispanos.
491.

Quid in Belgio actum. 491.

Pugna naualis. 492.

Inducia cum Carolo. 493.

Carolus se Imperio abdicat. 493.

Belli causa cum Philippo Rege. 494.

Guifj

Synopsis, Lib. XVIII.

- Guiscus in Italiam missus.* 499.
Bellum in Flandria. 502.
Sanquintinum obsessum. 503.
Pugna ad Sanquintinum. 506.
Sanquintinum captum. 509.
Guiscus Caletum capit. 512.
Regni Comitia. 516.
Thionuilla à Guiscio capta. 519.
Strossij mors. 519.
Termes ad Gravelingam victus. 520.
Brissacus in Pademonio. 521.
Classis Anglica repulsa. 524.
De pace primum agitur. 525.
Contentio pro loco principe. 526.
Concilium Tridentinum. 528.
Pax Cameracensis. 528.
Senatores haeretici. 530.
Regis mors. 531.
Franciscus II. Rex. 532.
Guiscij ad regimen admoti. 533.
Principes à regimine exclusi. 535.
Caluini in Francia haeresis. 538.
Hugonotti unde. 540.
condemns Hugonottos fouet. 542.
Coniuratio Ambosiana. 545.
Coniurationis reliquia. 548.
conuentus Beltaqueanus. 551.
Aurelia Comitia. 555.
condai periculum. ibid.
Regis mors. 557.

Errata in Libro 13. 14. 15.
16. 17. 18.

Pag. 9. lin. 6. *lege tradit.* p. 10. lin. 10. *leg.*
detexenda. p. 12. lin. 38. *l. mutuas.* p. 23.
lin. 2. *l. Rex ea nocte.* p. 27. lin. 21. *l. soli-*
citudini. p. 33. lin. 8. *l. perficere.* lin. 24. *l. re-*
pugnante. p. 38. lin. 2. *l. Michaëlis.* p. 43. lin.
19. *l. cum.* p. 51. lin. 15. *l. filiam.* p. 90. lin. 16.
l. primum. p. 105. lin. 23. *l. Marescalli* ; ij. p.
120. lin. 32. *l. Fabricio.* p. 126. lin. 12. *l. Stra-*
riora. p. 142. lin. 7. *l. Ioannam.* p. 147. lin.
23. *l. infimisque* p. 165. lin. 18. *l. hastili.* lin.
37. *l. vtcunque.* p. 173. lin. 12. *l. Francico.* p.
209. li. 27. *dele quem dixerat.* p. 232. lin. 8.
l. ea lege. p. 234. lin. 25. *l. Sic soluta.* p. 240.
lin. 35. *l. nitrati.* lin. 37. *l. parte.* p. 248. *in fin.*
l. inuitis. p. 275. lin. 6. *l. Tornacum.* p. 286.
lin. 31. *dele ne.* p. 287. lin. 9. *l. Ticinum.* p.
292. lin. 9. *l. prælum.* p. 308. lin. 25. *l. Tici-*
num. p. 310. lin. 16. *l. Sonfitem.* lin. 38. *l. sub-*
ducit. p. 316. lin. 15. *l. Francicus.* p. 334. lin.
19. *l. Dux Vrbinas.* p. 342. lin. 39. *l. Dorix.*
p. 352. lin. 16. *l. Mariam.* p. 357. lin. 34. *l.*
viribus. p. 378. lin. 14. *l. angustijs.* p. 391. lin.
1. *l. atque.* p. 407. lin. 34. *l. Arlonio.* p. 439.
lin. 11. *l. exeruit.* p. 464. lin. 9. *l. finem.* p.
475. lin. 38. *l. Regem incitabat.* p. 492. lin.
25. *l. prælum.* p. 521. lin. 27. *l. exdibus.* p.
538. lin. 1. *l. penes.* lin. 28. *l. iis litteris.* p.
539. lin. 36. *l. Alcuini.* p. 544. lin. 13. *l.*
emersus. p. 552. lin. 29. *l. susciperet.*









